



INSTITUTIONUM

seu Elementorum

D. JUSTINIANI

Sacratissimi Principis

LIBER TERTIUS.

DE HEREDITATIBUS.

Quæ ab intestato deferuntur.

TITULUS I.

38. ff. 16. 6. Cod. 54. Nov. 118. Cujus 2. Inst. 3. Ulp. 26. Fragm. Paul. 4. Sent. 8.



Nestatus decedit, qui aut omnino testamentum non fecit, aut non jure fecit; aut id, quod fecerat, ruptum, irritumve factum est: aut nemo ex eo heres exiit.

1. Intestatorum autem hereditates ex lege duodecim tabularum primum ad suos heredes pertinent.

2. Sui autem heredes existimantur (ut & supra (a) diximus) qui in potestate morientis fuerint: veluti filius, filiave, nepos, neptisve ex filio, pronepos, proneptisve ex nepote, ex filio nato prognatus, prognatave (b). Nec interit, utrum

naturales sint liberi, an adoptivi. Quibus connumerari necesse est etiam eos, qui ex legitimis quidem matrimoniis non sunt procreati, curiis tamen civitatum dati secundum Divulium Constitutionum (c), quæ super his posita sunt, tenorem, heredum suorum jura nanciscuntur. Necnon eos, quos nostræ amplexæ sunt Constitutiones (d), per quas jussimus, si quis mulierem in suo contubernio copulaverit, non ab initio affectione maritali, eam

A

tamen

(a) §. 2. de her. qual. & diff.

(b) Placet nonnullis progenitus progenitavo: ut bene observat Cujas, hic Natum dici de filio, Prognatum de Nepote vel Pronepote. Et sane Cic. 2. Tuscul. Thyestes Tantalo prognatum dicit, qui Tantalo est nepos, Jovi pronepos.

(c) L. 3. & 4. C. de Nat. lib.

(d) L. 10. & 11. C. de Nat. lib.



tamen, cum qua poterat habere conjugium, & ex ea liberos sustulerit; postea vero affectione procedente, etiam nuptialia instrumenta cum ea fecerit, & filios, vel filias habuerit: non solum eos liberos, qui post dotem editi sunt, iustos, & in potestate patris esse, sed etiam anteriores, qui & lis (e), qui postea nati sunt, occasionem legitimi nominis præstiterunt. Quod obtinere censuimus, etsi non progeniti fuerint post dotale instrumentum confectum liberi, vel etiam, nati ab hac luce fuerint subtrahiti. Ita demum tamen nepos, neptisve, pronepos, proneptisve, suorum heredum numero sunt, si præcedens persona desierit in potestate parentis esse: sive morte id acciderit, sive alia ratione, veluti emancipatione. Nam si per id tempus, quo quis moreretur, filius in potestate ejus sit, nepos ex eo suus heres esse non potest. Idque & in ceteris deinceps liberorum personis dictum intelligimus. Postumi quoque, qui si vivo parente nati essent, in potestate ejus (f) futuri forent, sui heredes sunt.

3 Sui autem heredes sunt, etiam ignorantes & licet furiosi sint (g), heredes possunt existere: quia quibus ex causis ignorantibus nobis acquiritur, ex his causis & furiosis adquiri potest. Et statim morte parentis (h) quasi continuatur dominium, & ideo nec tutoris auctoritate opus est pupillis, quum etiam ignorantibus adquiratur suis heredibus hereditas; nec curatoris consensu acquiritur furioso, sed ipso jure.

4 Interdum autem, licet in potestate parentis (i) mortis tempore suus heres non fuerit, tamen suus heres parenti efficitur: veluti si ab hostibus quis reversus fuerit post mortem patris, jus enim postliminii hoc facit.

5 Per contrarium evenit, ut licet quis in familia defuncti sit mortis tempore, tamen suus heres non fiat: veluti si post mortem suam pater judicatus fuerit perduellionis reus, ac per hoc memoria ejus damnata fuerit, suum enim heredem habere non potest, quum fiscus ei succedit: sed potest dici, ipso quidem jure suum heredem esse, sed definire.

6 Quum filius, filiave, & ex altero filio nepos, neptisve existunt, pariter ad hereditatem avi (l) vocantur: nec qui gradu proximior (m) est, ulteriorem excludit. Aequum enim esse videtur, nepotes, neptisque in patris sui locum succedere. Pari ratione & si nepos, neptisve sit ex filio, & ex nepote pronepos, proneptisve, simul vocantur. Et quia placuit, nepotes, neptisque, item pronepos, & proneptes in parentis sui locum succedere, conveniens esse videtur, non su capita, sed in stirpes hereditatem dividi, ut filius partem dimidiam hereditatis habeat, & ex altero filio duo, pluresve nepotes alteram dimi-

(e) In omnibus Charonda est, quia & lis, idque placet Theophilus.

(f) In multis Codicibus vocula ejus non est.

(g) Etb. Leoninus lib. 5. Emend. c. 6. addendum putat, aut infantes & pergrinautes, ita enim Paul. apud Aut. Collat. tit. 16. §. 3. Sed nihil causa est, cur contra fidem omnium Codicum ea verba inferamus.

(h) In vulgatis est a morte parentis.

(i) In Codicibus Charonda vox parentis non legitur.

(l) Etb. Leoninus lib. 4. Emend. c. 6. expungit avi, & recte, cum quia filius non ad avi, sed patris hereditatem vocatur, tum quoniam non extat ea vox in Codicibus Charonda, & in Collat. LL. Mosait. tit. 16. Bene autem Cajus lib. 2. Inst. tit. 3. §. 2. patrem & avum conjungit. Filii vel Nepotes ex filio defuncto patri, vel avo hac ratione succedunt.

(m) Propior, ut est apud Aut. Coll. tit. 16. nam Proximitatis verbum Prætorium potius videtur quam Civile, & Cognatorum proprium est.

dimidiam: item si ex duobus filiis nepotes, neptelæ (n), extant, ex altero unus forte, aut duo, ex altero tres, aut quatuor, ad unum, aut duos dimidia pars pertineat, ad tres, vel ad quatuor altera dimidia.

7. Quum autem quaeritur, an quis suus heres existeret post, eo tempore, quaerendum est, quo certum est, aliquem sine testamento decessisse, quod accidit & defuncto testamento. Hac ratione si filius exheredatus fuerit, & extraneus heres institutus, & filio mortuo postea certum fuerit, heredem institutum ex testamento non fieri heredem, aut quia noluit esse heres, aut quia non potuit, nepos avo suus heres existeret; quia quo tempore certum est, intestatum decessisse patremfamilias, solus invenitur nepos: & hoc certum est. (o)

8. Et licet post mortem avi natus sit, tamen avo vivo conceptus, mortuo patre ejus, posteaque defuncto avi testamento, suus heres efficitur. Plane si & conceptus, & natus fuerit post mortem avi, mortuo patre suo, defunctoque postea avi testamento, suus heres avo non existeret: quia nullo jure cognationis patrem sui patris attigit. Sic nec ille est inter liberos avi (p), quem filius emancipatus adoptaverat. Hi autem, quum non sint quantum ad hereditatem liberi, neque bonorum possessionem petere possunt, quasi proximi cognati. Hæc de suis heredibus.

9. Emancipati autem liberi jure civili nihil juris habent (neque enim sui heredes sunt, qui in potestate parentis (q) esse desierunt) neque ullo alio jure per legem (r) duodecim tabularum vocantur; sed Prætor naturali æquitate motus dat eis bonorum possessionem Unde liberi, perinde ac si in potestate parentis tempore mortis fuissent, sive soli sint, sive cum suis heredibus concurrant. Itaque, duobus liberis extantibus, emancipato uno, & eo, qui tempore mortis in potestate fuerit, sanè quidem is, qui in potestate fuit, solus jure civili heres est, & solus suus heres: sed cum emancipatus beneficio Prætoris in partem admittitur, evenit, ut suus heres pro parte heres fiat.

10. At hi, qui emancipati a parente in adoptionem se dederunt, non admittuntur ad bona naturalis patris quasi liberi: si modo, cum is moreretur, in adoptiva familia fuerint. Nam vivo eo emancipati ab adoptivo patre perinde admittuntur ad bona naturalis patris, ac si emancipati ab ipso essent, nec unquam in adoptiva familia fuissent: & convenienter, quod ad adoptivum patrem pertinet, extraneorum loco esse incipiunt. Post mortem vero naturalis patris emancipati ab adoptivo, & quantum ad hunc, æque extraneorum loco sunt: & quantum ad naturalis patris bona pertinet, nihilo magis liberorum gradum nanciscuntur. Quod ideo sic placuit, quia iniquum erat, esse in potestate patris adoptivi, ad quos bona naturalis patris pertinerent, ntrum ad liberos ejus, an ad adgnatos.

11. Minus ergo juris habent adoptivi quam naturales, namque naturales emancipati beneficio Prætoris gradum liberorum retinent; licet jure civili perdant: adoptivi vero emancipati & jure civili perdunt gradum liberorum, & a Prætore non adjuvantur, & recte: naturalia enim jura civilis ratio perimere non potest, nec quia desinunt sui heredes esse, possunt definire filii, filizæ, aut

A 2

ne-

(n) Vocem Neptelæ nec Theophilus habet, nec libri Charonda.

(o) Nonnulli hunc §. uno spiritu legendum putant cum seq. hoc modo: Et hoc adeo certum est, ut licet post mortem avi &c. Sed omnes Codices obsistant.

(p) Alii malunt avo, ut est in libris veteribus, teste Charonda.

(q) Nec Theophilus, neque Charonda MS. habent vō parentis.

(r) Vide Commentarium nostrum.

INSTIT. LIB. III. TIT. I.

neptes, neptesse esse; adoptivi vero emancipati extraneorum loco incipiunt esse: quia jus nomenque filii, filiaevae, quod per adoptionem consequuti sunt, alia civili ratione, i.e. emancipatione, deperdunt.

12 Eadem hæc observantur & in ea bonorum possessione, quam contra tabulas testamenti parentis liberis præteritis, id est neque heredibus institutis, neque, ut oportet, exhereditatis Prætor pollicetur. Nam eos quidem, qui in potestate parentis mortis tempore fuerint, & emancipatos vocat Prætor ad eandem bonorum possessionem: eos vero, qui in adoptiva familia fuerint per hoc tempus, quo naturalis parens moreretur, repellit. Item adoptivos liberos emancipatos ab adoptivo patre, sicut ab intestato, ita longe minus contra tabulas testamenti ad bona ejus (r) admittit: quia desinunt numero liberorum, esse.

13 Admonendi tamen sumus, eos, qui in adoptiva familia sunt, quive post mortem naturalis parentis ab adoptivo patre emancipati fuerint, intestato parente naturali mortuo, licet ea parte edicti, quæ liberi ad bonorum possessionem vocantur, non admittantur, alia tamen parte vocari, scilicet qua cognati desuncti vocantur. Ex qua parte ita admittuntur, si neque sui heredes liberi, neque emancipati obstant, neque agnatus quidem ullus interveniat. Ante enim Prætor liberos vocat tam suos heredes, quam emancipatos, deinde legitimis heredibus, tertio proximis cognatos.

14 Sed ea omnia antiquitati quidem placuerunt: aliquam autem emendationem a nostra Constitutione (r) acceperunt, quam super iis personis posuimus, quæ a patribus suis naturalibus in adoptionem aliis dantur. Invenimus etenim nonnullos casus, in quibus filii & naturalium parentum successionem, propter adoptionem amittebant; & adoptione facile per emancipationem soluta, ad neutrum patris successionem vocabantur. Hoc solito more corrigentes, Constitutionem scripsimus, per quam deninimus, quando parens naturalis filium suum adoptandum alii dederit, integra omnia jura ita servari, atque si in patris naturalis potestate permansisset, nec penitus adoptio fuisset subsequuta: nisi in hoc tantummodo casu, ut possit ab intestato ad patris adoptivi venire successionem. Testamento autem ab eo facto, neque jure civili, neque prætorio ex hereditate ejus aliquid persequi potest, neque contra tabulas bonorum possessione agnita, neque inofficiosa querela instituta: quum nec necessitas patri adoptivo imponatur vel heredem eum instituere, vel exheredem eum facere, utpote nullo vinculo naturali copulatum, neque si ex Sabiniano senatusconsulto ex tribus maribus (u) fuerit adoptatus. Nam & in ejusmodi casu neque quarta ei servatur, neque ulla actio ad ejus persequutionem ei competit. Nostra autem, Constitutione exceptus est is, quem parens naturalis adoptandum suscepit. Utroque enim jure tam naturali, quam legitimo in hanc personam concurrente, pristina jura tali adoptioni servavimus, quemadmodum si paterfamilias sese dederit adrogandum, quæ specialiter, & sigillatim ex præteritæ Constitutionis tenore possunt colligi.

15 Item vetustas ex masculis progenitos plus diligens, solos nepotes, vel neptes, qui quæve ex virili sexu descendunt, ad suorum vocabat successionem, & jure agnatorum eos anteponebat: nepotes autem, qui ex filiabus nati sunt, & pro.

(r) Negatio minus, quæ præcedit, satis demonstrat, abundare hic particulam non, quam etiam ignorant omnes Chærendæ.

(r) L. pen. C. de Adopt.

(u) V. Com. nostræ.

pronepotes ex neptibus cognatorum loco connumerans, post agnatorum lineam eos vocabat tam in avi, vel proavi materni, quam in aviz, vel proaviz sive paternæ, sive maternæ successione. Divi tamen Principes (x) non passi sunt talem contra naturam injuriam sine competenti emendatione relinquere: sed quum nepotis, & pronepotis nomen commune sit utrisque, tam qui ex masculis, quam qui ex feminis descendunt, ideo eundem gradum, & ordinem successionis eis donaverunt. Sed ut amplius aliquid sit eis, qui non solum naturæ, sed etiam veteris juris suffragiis muniuntur, portionem nepotum, vel neptum, vel deinceps, de quibus supra diximus, paulo minuendam esse existimaverunt: ut minus tertia parte acciperent, quam mater eorum, vel avia fuerat acceptura, vel pater eorum, vel avus paternus, sive maternus, quando femina mortua sit, cuius de hereditate agitur: hisque, licet soli sint, adeuntibus, agnatos minime vocabant. Et quemadmodum lex duodecim tabularum, filio mortuo, nepotes, vel neptes, pronepotes, vel proneptes in locum patris sui ad successionem avi vocat: ita & Principalis dispositio in locum matris suæ, vel aviz, eos cum jam designata partis tertiæ diminutione vocat.

16 Sed nos, quum adhuc dubitatio maneret, inter agnatos, & memoratos nepotes, quartam partem substantiæ defuncti agnatis sibi vindicantibus ex cuiusdam Constitutionis (y) auctoritate, memoratam quidem constitutionem a nostro Codice segregavimus, neque inseri eam ex Theodosiano Codice in eo concessimus. Nostra autem Constitutio promulgata, toti iuri ejus derogatum est: & sanximus, talibus nepotibus ex filia, vel pronepotibus ex nepte, & deinceps, superstitibus, agnatos nullam partem mortui successionis sibi vindicare: ne hi, qui ex transversa linea veniunt, potiores iis habeantur, qui recto jure descendunt. Quam Constitutionem nostram obtinere secundum sui vigorem, & tempora, & nunc sancimus ita tamen, ut, quemadmodum inter filios, & nepotes ex filio antiquitas statuit, non in capita, sed in stirpes dividi hereditatem, similiter nos inter filios, & nepotes ex filia distributionem fieri jubemus, vel inter omnes nepotes, & neptes, & inter pronepotes, & proneptes, & alias deinceps personas; ut utraque progenies, matris, vel patris, aviz, vel avi portionem sine ulla diminutione consequatur: ut si forte unus, vel duo ex una parte, ex altera tres, aut quatuor extent, unus, aut duo dimidiam, alteri tres, aut quatuor alteram dimidiam hereditatis habeant.

COMMENTARIUS.

O Rigor successionis in causa intestati non ex conjectura voluntatis repetenda est, quod facit Grotius *lib. 2. cap. 7. §. 3.* & autem cum Paulus in *l. consi. cimus 8. §. sed ideo 1. ff. de iure Codic.* Cur enim Decemviri liberis, agnatis, aut gentilibus vel invidis hereditates deferrent, uxorem vero, quæ in manum non convenit, a successione repellerent, & si eam plerumque reliquis cariorum habeamus? Cur filio naturali emancipato legitimum, & proximis cognatis agnatis vel remotissimos præferrent? Certe non conjectura voluntatis, sed ius quoddam *universitatis*, quod liberi, agnati, & gentiles tanquam partes ejusdem universitatis, seu familiæ aut gentis in bona defuncti habent, & Rudium con-

fer-

(x) *Valent. Theod. & Arcad. l. 6. C. de suis & legis.*

(y) *Legant nonnulli ejusdem, quod præbat Consus, & ex libro Dionys. Charrondæ.*

servandi bona in eadem familia aut gente succedendi principium est. Quam enim ex simplicitate naturæ rerum nostrarum dominium morte finiatur, hæc primo occupanti cedere deberent; sed ne rursus communitio rerum in gentes inferretur, usu hominum receptum est, ut bona a nobis relicta, & velut in medio posita nulli propius contingerent, quam iis, qui ex nostra essent familia aut gente, ut loquitur Auctor *declam.* 308. atque ex his propius aliis, aliis remotius, & primum quidem liberis, tum adgnatis, dein gentilibus. Si inestato moritur, (ajunt Decemviri) cui suus heres nec esset (a), adgnatus proximus familiam habere; si adgnatus nec esset, gentilis (b) familiam heres nancitor (c). Hinc exclusi a Decemviris liberi emancipati, & cognati, tanquam familiæ & gentis expartes: ac vocati liberi legitimæ, & uxores, quæ in manum convenire, quippe qui jam in familiam adoptivi patris & viri transferant (d). Atque hinc pereleganter veteres Jurisconsulti redire hujusmodi hereditates dicebant. Terent. in *Andr.* act. 4. sc. 5. v. 4.

Ejus morte ad me lege redierunt bona. Ubi Donatus. Hic jus transiit, dicendo, redierunt, quia in familiam redeunt. Et Auctor *Collat. tit. 16. Feminarum*, inquit, hereditates proinde adgnationis jure redeunt, atque masculorum. Quæ tamen omnia pervertit Tribonianus, ut infra suis locis. V. Corn. Bynk. lib. 4. *Adf. cap. 1.*

PRINC. TIT. Jam intestatus proprie is est, qui cum posset testamentum facere, non fecit. Sed & is intestatus non improprie dicitur, cujus testamentum aut non jure factum est, aut ruptum irritumve factum, aut cujus ex testamento heres non extitit. I. *intestati* 1. de suis & legitimis. I. *intestatus* 64. de verbor. significat. Plane qui testari non potuit, proprie intestabilis (e) dicitur, puta impubes, furiosus, vel cui bonis interdictum est: sed hos quoque esse pro intestatis accipiendos ait Ulpianus d. l. 1. & Paulus 4. sent. 3. pr. De testa-

men-

(a) Ita legit Jac. Goth. ad LL. 12. Tab. & corrupte *ser san* legitur nec est apud Aut. *Collat. Legum. Mosaic. & Roman. tit. ult. In Fragm. vamen Ulp. tit. 16. §. 1. est*, cui suus heres nec extabit: quod magis prebo, nam extare & existere proprium est suorum heredum.

(b) De Gentilibus v. *Alciat. 1. Parerg. 12. & 13. & Pithocum in Not. ad Collat. tit. 16. Cur autem in desuetudinem abieris legitima gentilium successisse, hanc fuisse causam suspicatur Contius in Notis ad tit. 5. hujus lib. quia veteres gentes, id est patris familie jam fore emnes aut defecerant, aut commixta & confusa cum plebeis & adoptivis & magna ex parte libertinis & peregrinis erant.*

(c) Facit huc vetus Græcorum lex a Sélone abregata. Ea tamen vix redimere debet & xxiijta vix vix dicitur. Extra gentem, familiamque heredem, ut scribitur. Plutarchus apud Petterum in *Archæologia Græca lib. 1. cap. 26. tit. 6.*

(d) Convenire in manum erat in potestatem transire, & uxores, quæ in manum conveniebant, loco filiarumfam. erant ac si ad dicitur xxiijta vix vix dicitur. Omnium bonorum sacrorumque factæ participes. *Malicarn. lib. 1. p. 95. V. Comm. nostr. ad Tit. de Nupt. lib. 1.*

(e) Intestabilem Decemviri dixere eum, qui jus testamenti dicendi non habebat; sicque interpretatur Ocell. lib. 6. cap. 7. quod in 12. Tab. scriptum est, Improbis intestabilisque esto. At Jurisconsulti intestabilem quoque dixerunt, cui testamentum dici vetatur: quo sensu intestabilis etiam est, qui testamentum facere prohibetur. Ulp. in l. 12. cui 18. & Cajus in l. 16. de Testam. & vetus Interpret Horatii ad *Jas. 3. lib. 2.*

mento rupto, irritoye facto vide, quæ dicta sunt ad *sic*, *Instit. Quib. mod. test. infirm.*

§. I. Lex autem 12. Tab. certos fecit succedentium gradus, ut initio dictum: & primo quidem loco vocavit suos §. 1. *b. 2.* idque non ex institutis Solonis, ut putat Galvan. *lib. 8. de usufr. c. 13.* sed ex patris Romanorum moribus in leges 12. Tab. conjectum est; nec peculiari capite a Decemviris distinctum, ut colligit Vin. ex iis verbis, *At si intestatus moritur, cui suus heres nec esset*; quæ, ut ipse ait, non obscure arguunt, præcessisse Caput de successione suorum; nam eadem hæc verba adeo aperte demonstrant potissimum jus suorum heredum, ut si iusta singulare Caput desideretur.

§. II. Sui heredes sunt, qui & in potestate sunt, & proximum a patrefamilias gradum obtinent, quo tempore pater moritur *l. scripto 7. pr. ff. de test. null. sive maris, sive feminae*, discesserunt enim in hac parte Decemviri a Jure Attico, quod primum filios, tum filias ad intestati hereditatem vocabat. Isaacus Oras. 12. sive in primo gradu, ut filii filiarum, sive in ultioiore positi, ut nepotes neptelæ, & sic deinceps alii ex filio; (nam qui ex filia nascuntur, non matris, sed patris sui familiam sequuntur *l. familia 296. §. 1. de V. S.*) si tamen præcedens persona defuerit in potestate parentis esse §. 2. *h. 1.* sive naturales (quos Paulus *lib. 4. sent. 2. §. 54.* secundum Legem Juliam & Papianam quasitos appellat, h. e. ex iustis nuptiis procreatos, *V. Comm. nostr. ad pr. Tit. de Nupt. sive adoptivi l. intestati 1. §. 2. ff. de suis & legitimis in adoptivis 10. C. de Adopt. sive ex iustis nuptiis progeniti, sive extra nuptias quæriti, modo vel curiis oblati, vel matre in uxorem ducta, vel Principis rescripto legitimi facti sint. §. 2. *h. s. & Nov. 74. & 89. (f)* sive jam nati, sive postumi, qui, quum de commodis eorum quæritur, pro jam natis habentur *l. qui in utero 7. & pen. ff. de stat. hom.**

§. III. Atque hi omnes sui heredes sunt etiam ignorantes, qui enim in potestate sunt, & primum obtinent in familia gradum, non facto iure, sed *statim, ipso jure* heredes sunt (§), adeoque non *adire* aut *percipere*, ut extranei, sed hereditatem *resinere* & *bonorum*, quorum antea quodammodo domini fuerunt, (*h*) liberam administrationem consequi, & heredes existere dicuntur *l. in suis 22. ff. de lib. & post. l. si patronus 12. §. ult. de bon. lib. l. in suis 14. de suis & legitimis* (i) Hinc fit, ut licet furiosi, commodum sibi paternæ hereditatis adquirant. §. 3. *h. s. & l. furiosus 63. ff. de adq. vel omis. hered. l. cum furiosus 7. §. 2. Cod. de Curatore Furiosi*. Nam ex quibus causis ignorantibus nobis adquiritur, ex iisdem etiam furiosis adquiri potest *l. si a furioso 22. ff. de reb. hered. & 24. de Obl. & Alt.* Et recte

Trib.

(f) *V. Cujac. in Not. post. ad hunc §. & Comm. nostr. lib. 1. tit. de Nupt. ad §. 13.*

(g) Atque hoc est, quod ait Gordianus Imp. in *l. si fratris 3. C. de jure delicti* suum heredem etiam clausis tabulis heredem existere.

(h) Sans in Senarustconsulto Syllamiano Domini appellatione filiusfam. continetur *l. 1. §. Domini ad S. C. Syllan. & bene Lysicles adolescens Philonem Patrem sic alloquitur apud Plaut. in Trinum. act. 2. sc. 2. v. 48.* Nam quod tuum est, meum est: omne meum est autem tuum: Et apud eundem Plaut. in *Asin.* Leonidas interrogatus, Ubi nam est herus? respondet Libanus, Major apud sozum est, minor hic est intus. *Julius Pollux lib. 3. c. 8. νεώτερος δαδούτος h. e. minor Dominus. V. Meril. 1. obs. 36.*

(i) Sui heredes lex 12. Tab. non jubet familiam habere, ut jubet adgnatos *illis verbis*, Adgnatus proximus familiam habeto, nam suorum heredum proprium est existere, seu, ut loquitur Theoph. *infr. de bon. poss. pr. d. n. p. l. in suis*, hoc est, continua apparere.

Trib. in hoc §. inquit, *statim morte parentis* (corrupte apud Paulum *lib. 4. senti-
tit. 8. r. 3.* legitur, ad mortem) quasi continuari dominium, & ideo nec tutoris autori-
tate opus esse pupillis, nec curatoris consensu furiosis (1): Qua in re differunt do-
minium & possessio; quamquam enim ius heredibus ipso jure adquiratur here-
ditas, & quasi continuetur dominium d. l. in suis 11. de Lib. & Poss. ita ut jacere
hereditas nunquam possit, observante Hotom. 9. observ. 10. non tamen continua-
tur possessio, quæ cum facti sit l. possessio 1. §. 3. de adq. poss. nisi naturaliter com-
prehensa ad heredes non pertinet l. cum heredes 23. ff. eod. (m)

§. II. Quan-

(1) Nisi forte solvendo non sit hereditas, sic enim legendum est apud Aut.
Collat. sis. 16. non, ut vulgo legitur, nisi forte solvenda sit hereditas.

(m) Sunt tamen, qui putant, hæc, quæ de possessione dicta sunt, vera quidem
esse, si extranei sint heredes, non si sui sint. Ita Connanus 10. Comm. cap. 5. n. 7. & Goth.
ad l. cum miles 30. ff. ex quib. caus. maj. & alii non pauci. Sed errant profecto. Pri-
mum enim in d. l. in suis 11. ubi de successionem suorum agitur, Paulus dominium
continuari ait, de possessione tacet. Deinde generaliter scriptum est, possessionem
adquiri corpore & animo, neque per se animo aut per se corpore, l. possideri
3. §. 1. de adq. poss. quæ Pauli verba omnem possessionis continuationem excludunt.
Postremo si possessio, ut hereditas, a defuncto ad suos ipso jure descenderet, quemad-
modum hi licet pupilli & furiosi sine Tutorum auctoritate & Curatorum consensu
hereditatem agnoscunt, ita & agnoscere possessionem: at regula juris est, cu-
jus nulla in corpore Legum exceptio, furiosum & pupillum non posse sine Curato-
ris assensu, & Tutoris auctoritate incipere possidere, quia affectionem seu ani-
mum tenendi non habent, licet maxime corpore suo rem contingant, inquit
Paulus in l. 1. §. furiosus, ff. eod. Non obstat, quod ait Paulus in d. l. cum
miles 30. possessionem defuncti quasi junctam descendere ad heredem; non
enim id ait jurisconsultus, possessionem defuncti vel sine naturali adprehen-
sione ad heredem transire, sed possessionem defuncti ita ad usucapionem he-
redi procedere, ut nunquam interrupta videatur possessio, l. nunquam 31.
§. 5. ff. de Usurp. & Usucap. Non etiam obstat Diocletiani & Maxim. rescriptum
in l. 2. Cod. de Usucap. pro herede. Nihil pro herede posse usucapi, suis heredi-
bus existentibus, magis obtinuit. Quod ideo rescripserit Imp. inquit Connanus,
quia sui heredes, etiam possessionem non adprehenderint, possidere tamen intelli-
gantur, ita ut eorum possessio omnem alterius possessionem præcedat, proindeque
nullum faciat reliquum usucapioni locum. Non, inquam, obstat, non enim quod
heredes essent sui, sed quod extarent heredes, nihil pro herede posse usucapi re-
scripserunt Imp. idem præcui dubio de extraneis quibusque heredibus rescripserunt.
Sane generaliter cautum est, justum quidem esse usucapionis titulum, pro herede,
quo heres rem in hereditate inventam & a defuncto possessam usui facit suam,
at illud opus esse, ut verus sit titulus l. 3. & 4. C. eod. h. e. ut re vera sit heres,
aut ex justa causa se heredem putet l. pen. ff. h. s. verus autem esse titulus non po-
test, quum re vera alius extat ex testamento heres, præcipue si iustus sit, hic enim
lege est heres 2. idque in causa fuit, cur Imperatorum suorum potius meminissent:
nisi minus dicere, (quod verum in jure non est) rescripserit eos juxta oblatam sa-
cti speciem, qua forsitan proponebatur, aliquem pro herede usucepisse, ius here-
ditas existentibus: Nec quidquam obscuris, quod vulgo ajunt, dominium sine
possessione non adquiri: licet enim jure Gentium nihil adquirere sine possessione
valeamus, ex qua ipsa dominia rerum cepisse agebat Neryn Filius apud Paulum
in l. possessio 1. §. 1. de adq. vel amittend. poss. jure tamen civili nihil veras,
quominus sine possessione adquiramus. Sic ea, quæ legantur, velia via ab eo,
qui

§. IV. Quamquam autem suus heres in potestate patris esse debeat, quo tempore pater moritur, tamen si filius apud hostes sit tempore mortis, tum patre mortuo revertatur, fictione postliminii suus heres efficitur l. §. Non turbat textus in l. raptum Cod. de postlim. revert. ubi Dioclet. & Maxim. id effici ajunt beneficio legis Cornelia: nam aut ibi abusive est nomen legis Cornelia pro juris postliminii, quod placet Hotom. & Vin; aut in ea specie pater etiam apud hostes decessit; quod post Acc. putat Cujac. & Janus a Costa hic (n).

§. V. Contra suus heres non est, aut saltem definit esse suus heres, qui tempore mortis in familia patris erat, si patris memoria ob crimen perduellionis (*) damnetur, suum enim heredem habere non potest is, cui Fiscus succedit. b. §. l. 1. §. 3. de suis & legis. (p) Ea vero Juris regula, semel heredem nunquam definere esse heredem l. ei, qui 88. de her. inst. Laet Prætor 7. §. sed quod Papinianus 10. ff. de min. & §. restituta sup. de fideicom. hered. hunc habet sentum, ut semel heres nunquam definat esse heres facto suo, quum enim hereditatis aditio sit actus legitimus l. adus legitimi 77. de R. I. privati hominis facto accipiendi non potest, adeoque semel heres semper est heres, licet semel aditam hereditatem repudiet, aut se autoritate Prætoris abstineat, Prætor enim neque heredem, neque exheredem facit. infr. de bon. poss. pr. Ceterum potest jus civile efficere, ut semel heres definat esse heres. V. Janum a Costa hic.

§. VI. Quod si unus filius suus heres superstes sit, ex altero autem demortuo nepos neptive existant, hi cum filio superstitæ ad hereditatem avi pariter vocantur h. §. idque non peculiari capite a Decemviris cautum, ut opinatur hic Hotom. ob Diocletiani verba in l. us intestato 3. C. de suis & legis. Evidenter lege 12. Tab. cavetur; sed benignè Prudentum interpretatione receptum est, ut apertissime Cajus apud Autorem Collationis Legum Mosaicarum & Romanarum tit. 16. Sed alia suis (perperam vulgo legitur, faciat) juris interpretatio

B

inter

qui legavit, ad eum, cui legata sunt, vel sine possessione transiens, l. si pariter 19. §. si per fundum 1. ff. quemadm. serv. amitt. & l. si a Titio 64. ff. de Furtis.

(n) De Postliminio & Lege Cornelia v. dicta ad §. 1. sup. l. 2. lib. 1.

(o) Quos nos hostes vocamus, eos veteres perduelles vocabant. Cajus l. quos nos 234. de U. S. ac Prudentibus Perduelles dicti sunt, qui in Principem aut Remp. hostilia faciunt, & Lege Julia Majestatis tenentur, l. ult. ad l. Jul. Majest. V. multa de Perduellibus apud Jac. Gorch. in Discursu Hist. ad L. Quisquis, C. ad L. Julianam Majestatis cap. 7.

(p) Addis & illud Ulp. in d. l. 1. filium in ea specie adeo jus sui heredis amittere, ut nec jura sepulcrorum habeat. Quod de omnibus iis, qui sui heredes esse desinunt, intelligis hic Hæromanus, & rectè; familiaria enim sepulcra adeo erant familiarium propria, ut neq; affinitibus, nec proximis cognatis patrent, nisi heredes scriberentur. L. 8. C. de Reliq. facit iustus in l. 13. C. cod. Jus sepulcri tam hereditarii quam familiaris ad extraneos etiam heredes: familiaris autem ad familiam, etiam si nullus ex ea heres sit, non etiam ad alium quemquam, qui heres non est, pertipere potest. Quoniam igitur qui suus esse desin. t, jura omnia familia & gentis amittit; merito etiam jura sepulcrorum deperdit, quæ tamen vel ipsi liberi tanquam familiares habebant. Confirmantur hæc ex eo, quod exheredator filios, qui jura familia retineant l. filium 20. de bon. poss. cont. tab. vix humanitatis gratia in familiare sepulcrum inferri olim liceret, nisi id specialiter testator justo odio commotus voluerit. Ulpian. l. 7. §. 6. de sepulcr. viol.

inter suos heredes. V. Pichoeum ad h. Hinc formulæ illæ interpretationis Prudentium propriæ, & naturali aequitate contingere. Ulp. *l. intestat* 1. §. 4. de suis & legit. & æquum esse. Idem in *Fragn. tit. 16. §. 2. & æquum videri*. Cujus ibid. ex eog. Trib. in hoc §. Quamquam vero ne verbum quidem unum de hoc Nepotum jure in legib. 12. Tab. extaret, evidenter tamen id ex mente legis Prudentium interpretatio collegit, qui sensus est Dioclet. in d. l. 3. (q) Sane quum lex 12. Tab. generatim suos heredes ad intestari hereditatem vocaret, nec distingueret, cujus essent gradus; certe ea esse mens legis videbatur, & quidem evidentiſſima, ut non modo soli filii filiarum, sed & nepotes neptesse cum patris concurrerent. Ita tamen non sit, ut cum suo herede succedant non sui, quod Jacobo Cujacio aliud agenti excidisse ait hic Janus à Costa; sui enim sunt nepotes neptesse, quibus pater non obstat. Paulus apud Aut. *Collat. loc. cit.* & Trib. in §. *sui autem* 2. sup. h. s.; nec nepotes tantum, neptesse, sed etiam pronepotes, proneptesse ex nepote demortuo; quum enim parentum intestatorum hereditas agitur, non gradus quaeritur, nec qui gradu propior est, ulteriorem excludit. h. §. Hinc orta celebris illa succedendi ratio in *Capita*, & in *stirpes*. In capita, cum pro numero capitum: in stirpes, cum pro numero stirpium secatur hereditas. Capita sunt personæ unius aut plurium stirpium. Stirpes sunt generis origines. Sic Filius est stirps Nepotum, Nepos Pronepotum &c. Filii ergo Patri suo succedunt in capita, ita ut quisque virilem accipiat: at Nepotes ex filiis demortuis patrum suorum locum subeunt, & avo suo intestato succedunt in stirpes, ita ut nepotes ex uno filio, & nepotes ex altero, sive totidem numero, sive ex uno filio plures, ex altero pauciores, aut etiam unus, eas partes ferant, quas unus & alter filius latari essent. Cujus *Inst. lib. 2. tit. 8. §. 2.* Paulus in l. *Papinianus* 8. §. *quoniam*, ff. de *Inoff.* Dioclet. in l. *nepotes* 2. & d. l. 3. C. de suis & legit.

§. VII. Porro quod dictum est, suum heredem primum tenere in familia gradum debere, quo tempore pater moritur; id non est perpetuum, ut ecce si patrifamilias testamento facto decedat exheredato filio, mox deliberante herede instituto filius moriatur, deinde heres non adeat, nepes poterit suus heres esse, etiamsi quum avus moreretur, pater cum gradu præcederet: quo exemplo post Papin. in l. *scripto* 7. ff. de *tab. test. nul.* & Ulp. in d. l. 1. §. *sciendum* 8. de suis & legit. utitur hic Tribonianus (r); qui tamen non videret sibi contrarius, quod in §. 2. in fin. sup. h. s., inquit, nepotem ita demum avo suum heredem existere, si avo adhuc vivo filius defierit esse in potestate; nam & si summo jure, quum per id tempus, quo quis moritur, filius in potestate ejus est, nepos ex eo suus heres esse non possit; benigna tamen interpretatione receptum est, ut in hac specie nepos avo suus existat, ne propter nimiam juris asperitatem,

avi-

(q) Eodemque sensu accipienda sunt verba Callistrati in l. *liberorum* 220. de U. S. Liberorum appellatione Nepotes & Pronepotes, ceterique, qui ex his descendunt, continentur; hos enim omnes liberorum appellatione lex 12. Tab. comprehendit.

(r) Est & alterum exemplum apud Ulp. ibidem. si filius ex asse sub conditione, quæ fuit in arbitrio ipsius, vel nepos sub omni conditione institutus non impleta conditione decesserit. Nam dicendum erit, suos posse succedere, si modo mortis testatoris tempore vel in rebus humanis, vel saltem concepti fuerint. Idque & Julianus & Marcellus placuisse addit Ulpianus. Tertium exemplum aff. r. Theophilus, si filius exheres scriptus, extraneo sub conditione institutus, nondum impleta conditione decesserit, eoque mortuo conditio defecerit.

avita successione defraudetur. Quid quod summo etiam jure nepos vere suus existit? Plane quousque jacet hereditas, consueque vivit testator fictione juris, quum illa non heredis futuri, sed mortui testatoris personam sustineat, l. non minus 31. §. ult. ff. de hered. inst. l. hereditas 34. de adq. rer. dom. ac proinde quum filius, herede instituto deliberante, decedit, videtur is vivo adhuc avo de potestate ejus exiisse, neq; unquam gradu nepotem præcessisse: quod idem dicitur confirmat Papin. in cit. l. 7. Nec dici potest, heredem, sed non suum, nepotem fore, quod proximum gradum nunquam tenuerit, quum & ipse fuerit in potestate, neque pater cum in hac successione præveniret. Et Ulp. in cit. l. 1. §. sciendum. Nepos poterit suus heres esse, quoniam nec delata est filio hereditas.

§. VIII. Et quoniam Postumi, quum eorum utilitas agitur, pro jam natis habentur, ut supra dictum est, hinc etiam si nepos avo mortuo nascatur, si modo eo vivo sit conceptus, deserto post patris obitum testamento suus tamen heres existit, l. si quis 6. pr. de injusto rupto &c. Ceterum si postea, hoc est avo mortuo, conceptus est, Marcellus scribit, neque ut suum, neque ut nepotem, aut cognatum ad hereditatem vel ad bonorum possessionem posse admitti. d. l. si quis pr. V. Item Prætor 8. de suis & legitimis, quia nullo jure cognationis patrem sui patris attingit, & quantum ad hereditatem (nam in ceteris plerisque inter liberos & cognatos est, d. l. 1. §. pen. de suis & legitimis. & l. Paulus 47. §. 3. de bon. lib. bert.) nec pro libero est, nec pro cognato. h. §. Sic quem filius meus emancipatus adoptavit, is nepos meus non est, s. quem filius 26. de Adopt. emancipatus enim jus agnationis perimit, ut lib. 1. traditum est; qui autem in adoptionem datur, his tantum, quibus agnoscitur, cognatus fit. l. qui in adoptionem 23. ff. eod.

§. IX. Hucusque de suis heredibus: nunc de Emancipatis, quos Jure Civili (s) nihil juris habere, ait hic Tribonianus, neque enim sui heredes sunt, qui in potestate parentis esse desierunt, neque agnati, qui familiam mutarunt. l. si quis 7. de cap. min., l. capitis 11. de suis & legitimis. atque hoc jus agnationis respiciunt ea Triboniani verba, neque ullo alio jure per legem 12. Tab. vocantur, ut perperam arbitretur hic Höt., totum hoc, per legem 12. Tab. ex Glossa sumunt, in eaque non per, sed potius præter scriptum fuisse, hoc sensu: Nullo alio civili jure post 12. Tab. constituto. At Prætor, qui naturali æquitate movetur, & jura sanguinis respicit, quæ nullo civili jure dirimi possunt, l. jura 8. de Reg. jur. capitis deminutionem rescindit, ut loquitur Jurisconsultus in l. sed cum 6. §. 1. ff. de bon. poss. & emancipatis liberis, sive soli sint, sive cum suis heredibus concurrant, dat bonorum possessionem, Unde liberi, perinde ac si in potestate parentis tempore mortis fuissent, l. liberi 4. ff. si tab. test. nul.

§. X. At si emancipati liberi se in adoptionem dederint, nec civili jure nec Prætorio ad patris naturalis hereditatem vocantur. hec §. Non civili jure, nam neque sui sunt, neque agnati, quos tamen solos lex 12. Tab. admittit: Non etiam Prætorio, cur enim Prætor eis consulere, quibus satis erat in adoptiva familia prospectum, in qua suorum heredum & agnationis jura obtinuerunt? Quid si adoptivi liberi rursus ab adoptivo patre emancipentur? Sane interest, num vivo patre naturali, an post ejus obitum emancipati sint. Nam vivo eo emancipati perinde ad ejus bona admittuntur, ac si emancipati ab ipsa essent, nec unquam in adoptiva familia fuissent, sicque jus liberorum per adoptionem

(s) Jure Civili, hec est lege 12. Tab. quandoque enim Jus Civile pro 12. Tab. accipitur. V. Cujac. ad Ulp. fragm. tit. 26. pr.

gationem amissum beneficio Prætoris recuperant. *l. 4. §. 1. tab. test. & adoptivo patri extranei loco sunt. l. 1. §. 3. & d. l. 4. §. 1. tab. test. & l. 1. 3. de Adopt.* Post mortem vero patris naturalis emancipati gradum liberorum non consequuntur, ac proinde bonorum possessionem unde liberi ex edicto Prætoris non habent; siue quod iniquum videtur, jus hereditatis in arbitrium adoptivi patris conferre, qui potest facere, ut patri naturali intestato succedat agnatus proximus, non emancipando, non quædat, emancipando, contra juris regulam in *l. illa institutio 32. de her. inst.* quæ est ratio Tribonianæ; siue quod iniquum videretur, hereditatem jam delatam aut quæsitam aliis liberis aut agnatis ex postfacto auferri, quæ ratio minus longe petita est, & Vinnio placet.

§. XI. Merito igitur ait hic Trib., minus juris habere adoptivos filios, quam naturales; hi enim etsi per emancipationem gradum liberorum jure civili deperdant, per Edictum tamen Prætoris ad bonorum possessionem vocantur, *l. liberi 4. §. §. 1. tab. test. nul.* at illi, si ab adoptivo patre emancipentur, liberorum nomen, & quicquid juris in adoptivi patris familia habuerunt, amittunt, neque edicto Prætoris adjuvantur, *d. l. 4. §. 1. in omni de Adopt.* Plane naturales filii naturæ sunt filii, nec naturalia jura perimere potest Emancipatio, quæ civile commentum est *d. l. jura de R. J.* at adoptivi filii instituto civili sunt filii, ac proinde jus omne adoptivis emancipatione finitur, *l. non tantum 3. §. sed si 2. ff. cont. tab.*

§. XII. Atque eadem hæc, quæ de bonorum possessione unde liberi hæctenus dicta sunt, obervantur etiam in ea bonorum possessione, quam Prætor contra tabulas testamenti liberis præteritis pollicetur. Tria autem sunt, quibus utraq; hæc bonorum possessio convenit: ac primum quemadmodum illa, ita & hæc non modo emancipatis, sed etiam suis competit §. 1. *infr. de bon. poss. & §. emancipatos 3. sup. de ex lib.* etsi testamentum, suo herede præterito, nullius momenti sit jure civili, *l. testamentum 1. pr. ff. de injusto rupto &c.* Deinde quemadmodum illa, ita & hæc suis non datur, qui, quo tempore pater naturalis moritur, in adoptiva familia sunt, quia jam alium patrem habent, cui heredes sunt jure Civili. *l. cum in adoptivis 10. pr. C. de Adopt.* Postremo quemadmodum illa, ita & hæc liberis ab adoptivo patre emancipatis contra patris adoptivi tabulas non datur, jure adoptionis per emancipationem dissoluto, *d. l. 3. §. 2. ff. cont. tab.*

§. XIII. Rediit nunc Trib. ad adoptivos filios, qui post patris naturalis obitum ab adoptivo patre emancipantur, atque, eos, licet neque ut liberi, neque ut agnati ad bonorum patris naturalis possessionem admittantur, quia utrumque jus adoptione amiserunt; admitti tamen ex ea Edicti parte, qua vocantur Cognati; adoptivi enim filii omnia cognationis jura in patris naturalis familia retinent, *l. hæc bonorum 1. §. cognationem 4. ff. unde cognati.* Sed ita demum ex hac parte admittuntur, si neque sui heredes, neque emancipati liberi, neque ullus agnatus obstat, hoc enim ordine Prætor ad bonorum possessionem admittit; ut primo loco sui & emancipati, secundo agnati, tertio demum vocentur cognati, *l. 1. §. 1. ff. §. 1. tab. test. nul. l. 1. pr. ff. Quis ordo in poss.*

§. XIV. Jam vero de filiorum adoptivorum successione extat nova Justiniani Constitutio in *d. l. in adoptivis 10.* cujus mentio est in *b. §. Et jure quidem veteri non si modo, qui, cum sui juris essent, se se dabant aliis in adrogationem, sed & filiis familias, qui a patribus suis in adoptionem dabantur, ita in potestatem & familiam adoptivi patris transibant, ut jus omne liberorum & suorum in familia patris naturalis amitterent. At Justiniani Constitutio nonnihil derogatum est juri veteri: hic eos filios, qui a patribus suis naturalibus in adoptionem aliis dantur; fieri enim poterat, ut adoptivus filius, adoptione post patris naturalis obitum per emancipationem soluta, utriusque patris hereditate excideret *d. l. in adopti.**

adoptivis 10: quod unum erat veteris juris incommodum, & si Trib. hic minus proprie nonnullos se invenire casus asserat, quibus adoptivi filii ad neutrius patris successionem vocarentur. Jure igitur novo si filiusfamilias a patre suo naturali in adoptionem extraneo datus sit, (extraueus est quicumque est extra lineam parentum. *Varotata* ad §. 2. *sup. de Adopt.*) omnia ejus jura in familia naturali iutegra seivantur, periude ac si in patris naturalis potestate permanisset, nec penitus adoptio fuisset subsequuta, nisi in hoc sancummodo casu, ut possit ab intestato ad patris adoptivi venire successionem, & quidem jure sui heredis hoc §. & d. l. 10. §. 1. quod singulare est, regula est enim juris, qui in potestate non est, cum non possit jus sui heredis habere. Ceterum testamento ab adoptivo patre facto, adoptivus filius neque jure civili neque Prætorio ex hereditate ejus aliquid persequi potest, neque contra tabulas bonorum possessione agnita, neque inofficiosi querela instituta, ut antea §. 4. *sup. de exhered. lib. §. 2. sup. de inoff. & l. 1. pr. cont. tab. cum nec necessitas patri adoptivo imponatur, ait hic Tribonianus, vel heredem cum instituere, vel exheredem facere, usque nullo vinculo naturali copulatum, quæ tamen duo sacis apud non sunt, nam neque liberi parentes suos, neque liberos mater aut avus maternus heredes facere aut exheredes tenentur; & parentes tamen & liberi non jure præteriri vel exheredati testamentum dicere possunt inofficiosum: Et præterea si paterfamilias se se dederit adrogandum jus omne liberorum in familia adoptivi patris obtinet, ut hoc eodem §. in fine dicitur, et si ei solus filius vinculo copuletur. Ceterum adeo verum est, hujusmodi filium nihil ex hereditate adoptivi patris persequi posse, ut etiam si ex Sabiniano Senatusconsulto ex tribus maribus fueris adoptatus, neque ei quarta servetur, neque ulla actio ad ejus persequutionem competat. hoc §. & d. l. 10. Jam quæ fuerit isthæc adoptio ex tribus maribus, incerta res est. Placet cum Theophilo asserere, adoptionem ex tribus maribus dictam Romanis, cum pater ex tribus maribus, quos in potestate habebat, unum dabat in adoptionem. Est id inter jura trium liberorum sine dubio referendum, ut filio ex tribus maribus in adoptionem dato competeret conditio ex S. C. Sabiniano ad bonorum Quartam persequendam. Sicque fit satis Connano interroganti *lib. 2. Comm. cap. 15. num. 13.* cur non idem Sabiniano Senatusconsulto fuerit de eo cautum, qui aut unicum filium, aut ex duobus alterum, aut unum ex quatuor vel quique in adoptionem daret. Simile est, quod scripsit Justinianus in *L. ult. Cod. de Decur.* posse Decurionem jure veteri ex tribus maribus unum maximo Senatui, puta Romano vel Bizantio sociare, sicque cum Curiali conditione liberare. *Qui vero lesionem hanc immutant, inquit Fabrotus ad Theophilum, corrumpunt, non corrigunt hunc locum, qui mendo vacat. Qui Theophilum hac commissiſſi putant, a veri ratione multum aberrant. Accedit Senecæ locus 2. *Controrv. 2. Dives res sustulit filius, poterat unum in adoptionem dare. (t)***

(t) *Suavis profecto est Accursius, qui hanc esse inquit Senatuscon. Sabiniani sententiam, ut supra ceteras solennis haberetur adoptio ex tribus maribus, nempe cum ex tribus juvenibus, qui sese offerebant, unum deligebat adrogator, cui Quartam D. Pii relinquere tenebatur. Quid enim magis ridiculum? De adoptione, sermo est hic, non de adrogatione, nec nisi in adrogatione impubers locum habet. Quarta D. Pii, ut dictum lib. 1. Nec meliora asserunt Alciatus, Ravardus, Connanus. Alciatus 4. *Parer. 3. sic* Triboniani locum esse emendandum censet, ut pro ex tribus maribus legatur ex tribus manibus, filii enim, qui in adoptionem dantur, de manu patris naturalis in fiduciarii manum, & de hujus manu in manum adoptivi*

§. XV. Reliquum est modo, ut de descendentibus ex feminis pauca quædam dicamus. Ait Tribonianus, *Vetuslasi* placuisse, ut soli nepotes nepesque ex maribus tanquam sui heredes ad avi successionem vocarentur exclusis agnatis; nepotes autem nepesque & sic deinceps alii ex feminis tanquam cognati tam avo vel proavo materno quam avia vel proavia sive paterne sive materna post agnatos succederent. Sane lex 12. Tab. suos tantum ad intestati successionem vocavit, cujusmodi non sunt nepotes nepesque ex filia, quod §. 2. supra dictum est. At vero Jus Prætorium natos ex feminis post agnatorum lineam tanquam cognatos admisit; ut non obscure pateat, Tribonianum hic nomine *Vetuslasi* & legem 12. Tab. & Jus Prætorium spectasse; turpiter autem labi Mynsingerum, Cantuuculam, & Giphanium, qui putant, non modo natos ex maribus, sed & natos ex feminis ad intestatorum hereditates legem 12. Tab. vocari, ac proinde suorum & cognatorum discrimen ex media Jurisprudentia profectum (u). Divi autem Principes Valentinianus, Theodosius & Arcadius constitutione sua, quæ extat in l. 4. Cod. Theod. de legitim. hered. quatuor que ex parte descriptis Justinianus l. si defunctus 9. C. de suis & legiti. prognatis ex femina ius suorum concessere, ita tamen, ut minus tertia parte acciperent, quam mater eorum vel avia fuerat acceptura. Finge. Avus maternus moritur intestatus superstiti filio, & ex filia demortui nepote. Certe filius bensem hereditatis, nepos trientem accipiet, hoc est tertia parte minus, quam mater sive avia acceptura; mater enim semissem tulisset: Idque æquitate suadente cautum est, non, ut causatur Tribonianus, quod esse contra naturam videatur, prognatis ex feminis prorsus excludere, neque quod nepotis & pronepotis nomen utrisque communis sit: Nam neque contra naturam est eos repellere, qui jam in sua familia jus omne suorum & agnationis habent; imo consentaneum est juri Gentium & Divino intestatorum bona iis deferre, per quos solos conservantur familiæ. Nam. 27.

(x)

patris parentis transibant, unde alibi dicitur, per tres mancipationes adoptionem fieri l. ult. C. de adop. Eodem redit emendatio Ravardi, qui cap. 6. de Audi. Prud. pro ex Sabiniano S. C. legis ex Sabinianorum sententia, quasi ita scriptum ab initio fuerit, ex Sabiniano. Sen. Simili modo pro ex tribus maribus reponit ex tribus mancipationibus, erroremque ex hujusmodi notis ortum suspicatur trib. ma. Sed utramque emendationem ea vel ratio abunde refellit, quod nulla olim fieret adoptio, cui trina hac Mancipatio decisset, ut frustra Tribonianus hoc loco adoptionem ex tribus maribus, sive ex tribus mancipationibus ex Senatusconsulto Sabiniano meminisse videatur, quæ nihil peculiare habebat. Accedit & illud, quod si Alciati ac Ravardi emendatio subsisteret, emendare etiam deberent d. l. ult. C. de Tutor., ubi ejusdem formula ex tribus maribus mentio est. Fluctuat Connanus lib. 2. Comm. c. 15. n. 13. tandem addubitans ait, forsan eum fuisse Romanis dictum ex tribus maribus adoptatum, qui ea lege in adoptionem dabatur, ut apud patrem adoptivum loco esset quartus filius, hoc est, ut cum pater adoptivus quartæ bonorum parte augetur, sive is tres, sive etiam plures filios haberet: vel qui a patre naturali tanquam ex tribus suis filiis quartus dabatur, ut, quemadmodum sibi, ita & patri adoptivo quartæ parte succederet. Verum hac conjectura ne ipsi quidem Connanus valde placet.

(u) Sane Decerni iis tantum legitimas hereditates deferri voluerunt, per quos familia & gentis jura conservarentur, ut principio hujus tituli dictum est. Hujusmodi autem non sunt prognati ex feminis, l. 195. §. ult. de U. S.

(x) neque semper commune nomen fert secum commune jus. Pari ratione cautum est, ut descendentes ex feminis triente minus acciperent, quam fuisset accepturus *vel pater eorum vel avus paternus sive maternus*, quando *femina mortua sit, cujus de hereditate agitur*. Quibus verbis respicere videtur Tribonianus Senatusconsultum Orficianum, quod cum ætate Divorum Principum collatum est sane vetus. Hoc Senatusconsulto intestatæ matris hereditas liberis dumtaxat primi gradus plenâ jure deferbatur, nepotibus, ceterisque adgnatis omnino exclusis. *sic. 4. infr.* Verum hi quoque Divorum Principum Constitutione, demta tamen tertia parte, admissi sunt. Huc igitur spectant ea verba, *vel pater eorum*, (supple, *vel mater*) *vel avus paternus sive maternus* (supple, *vel avia paterna sive materna*) quando *femina mortua sit*, Finge: AVIA moritur intestata, superstite hinc filio filiave, illinc nepote nepteve ex filio filiave defunctis. In hac specie nepos neptisve Senatusconsulto Orficiâno exclusi, admissi sunt tamen Constitutione Divorum Principum ea lege, ut tertia parte minus acciperent, quam pater eorum vel mater ex Senatusconsulto habuissent. Finge etiam proaviâ intestato mortuam, atque hinc superstites liberos primi gradus, illinc pronepotes, proneptesve ex nepote nepteve ex filio filiave præmoris. In hac quoque specie pronepotes proneptesve ex Græcorum Principum Constitutione minus tertia parte accipiunt, quam avus paternus sive maternus, vel avia paterna sive materna ex Senatusconsulto tulisset. Prognatis autem ex femina, licet soli sint, advenitibus, adgnatos Valentiniani, Theodosii & Arcadii Constitutione excludi ait Tribonianus: non quod penitus excluderentur, nam quadrantem accipiunt, sed quod non soli & in solidum, ut antea, succedant, ut clarius patet ex integra Imperatorum Constitutione in d. l. 4. Cod. Theod. Et quemadmodum lex 12. Tab. filio mortuo nepotes vel neptes, pronepotes vel proneptes in locum patris sui aut avi paterni ad avi vel proavi paterni hereditatem vocat; ita Imperatorum Constitutio nepotes & pronepotes ex filia vocat in locum matris suæ aut aviæ maternæ ad avi vel proavi materni successionem, ut tertia parte detracta cum defuncti liberis superstilibus concurrant. Successit tandem Justiniani Constitutio in l. ult. C. de suis & legitim. lib. qua illud tantum, ut quousque descendentes extabunt, quamvis ex femina, adgnatos prorsus excludant; ubi vero cum liberis primi gradus concurrunt, non in capita, sed in stirpes succedant. *V. d. l. ult. C. de suis & legitim.*

DE LEGITIMA

Adgnatorum successione:

TITULUS II

38. ff. 16. 6. C. 58.

SI nemo suus heres, vel eorum, quos inter suos heredes Prætor, vel Constitutiones vocant, existat, qui successionem quoquo modo amplectantur; tunc ex lege duodecim tabularum ad adgnatum proximum pertinet hereditas.

1. Sunt

(1) K. Philon. de Vis. Mos. 3.

1 Sunt autem agnati (ut primo quoque libro (a) tradidimus) cognati per virilis sexus personas cognatione conjuncti, quasi a patre connati. Itaque eodem patre nati fratres, agnati sibi sunt, qui & consanguinei vocantur: nec requiritur, an etiam eandem matrem habuerint. Item patruus fratris filio, & invicem illi agnatus est. Eodem numero sunt fratres patruelles, id est, qui ex duobus fratribus procreati sunt, qui etiam consobrini vocantur. Quia ratione etiam ad plures gradus agnationis pervenire poterimus. Ii etiam, qui post mortem patris nascuntur, jura consanguinitatis nanciscuntur. Non tamen omnibus simul agnatis dat lex hereditatem, sed iis, qui tunc proximior gradu sunt, quum certum esse coeperit, aliquem intestatum decessisse.

2 Per adoptionem quoque agnationis jus consistit: veluti inter filios naturales, & eos, quos pater eorum adoptavit. Nec dubium est, quin improprie (b) consanguinei appellentur. Item si quis ex ceteris agnatis tuis, veluti frater, aut patruus, aut denique is, qui longiore gradu est, adoptaverit aliquem, agnatus inter suos (c) esse non dubitatur.

3 Ceterum inter masculos quidem agnationis jure hereditas, etiam si longissimo gradu sint, ultero, citroque capitur. Quod ad feminas vero attinet, ita placebat, ut ipsæ consanguinitatis jure tantum capiant hereditatem, si sorores sint: ulterius non capiant; masculi autem ad eorum hereditates, etiam si longissimo gradu sint, admittantur. Quia de causa fratris tui, aut patris tui filix; vel amicæ tuæ hereditas ad te pertinebat: tua vero ad illas non pertinebat. Quod ideo ita constitutum erat, quia commodius videbatur ita jura constitui, ut plerumque hereditates ad masculos confluerent. Sed quia sane iniquum erat, in universum eas quasi extraneas repelli; Prætor eas ad bonorum possessionem admittit ea parte, qua proximitatis nomine bonorum possessionem pollicetur: ex qua parte ita scilicet admittuntur, si neque agnatus ullus, neque proximior cognatus interveniat. Et hæc quidem lex duodecim tabularum nullo modo introduxit: sed simplicitatem legibus amicam amplectens, simili modo omnes agnatos, sive masculos, sive feminas, cujuscumque gradus, ad similitudinem suorum invicem ad successionem vocabat. Media autem jurisprudentia, quæ erat quidem lege duodecim tabularum junior, Imperiali autem dispositione anterior, subtilitate quadam excogitata, præfatam differentiam inducebat, & penitus eas a successione agnatorum repellebat, omni alia successione incognita, donec Prætores paulatim asperitatem juris civilis corrigentes, sive, quod de erat, implentes, humano proposito, alium ordinem suis edictis addiderunt: & cognationis linea proximitatis nomine introducta, per bonorum possessionem eas adjuvabant, & pollicebantur his bonorum possessionem, quæ unde cognati appellatur. Nos vero, legem duodecim tabularum sequentes, & ejus vestigia in hac parte conservantes, laudamus

(a) Supra de legis. Agn. sui. §. 1.

(b) Cujasius legendum potius scribit, quin hi proprie ob textum in l. 1. §. ult. de suis & legis. ubi Ulp. Non solum autem naturales, verum etiam adoptivi quoque jura consanguinitatis habebunt. Idemque habet Consultus in l. 2. §. 19. ad Sen. Tertyl. Sed omnes Codices habent improprie; & sane improprie dicuntur Consanguinei, qui adoptione sunt agnati. V. Comm. nostr.

(c) V. Comment. nostr.

damus quidem Praetores suae humanitatis (d), non tamen eos in plenum, causae moderi invenimus. Quare etenim uno, eodemque gradu naturali concurrente, & adgnationis titulis tam in masculis, quam in feminis aequalitate constitutis, masculis quidem dabatur ad successionem venire omnium, adgnatorum, ex adgnatis autem mulieribus nullus penitus, nisi soli sorori, ad adgnatorum successionem patebat aditus? Ideo in plenum omnia reducentes, & ad jus duodecim tabularum eandem dispositionem exequantes (e), nostra Constitutione sanximus, omnes legitimas personas, id est, per virilem sexum descendentes, sive masculini generis, sive feminini sint, simili modo ad jura successionis legitimae ab intestato vocari, secundum sui gradus praerogativam: nec ideo excludendas, quia consanguinitatis jura, sicut germanae, non habent.

4 Hoc etiam addendum nostrae Constitutioni existimavimus, ut transferatur, unus tantummodo gradus a jure cognationis in legitimam successionem: ut non solum fratris filius, & filia, secundum quod jam definivimus, ad successionem patris sui vocentur: sed etiam germanae, consanguineae, vel sororis uterini filius, & filia soli, & non deinceps personae una cum his ad jura avunculi sui perveniant: & mortuo eo, qui patruus quidem est sui fratris filius, avunculus autem sororis suae soboli, simili modo ab utroque latere succedant, tanquam si omnes ex masculis descendentes legitimo jure veniant, (f) scilicet ubi frater, & soror superstites non sunt. His etenim personis praecedentibus, & successionem admittentibus, ceteri gradus remanent ponitur semoti, videlicet hereditate non in stirpes, sed in capita dividenda.

5 Si plures sint gradus adgnatorum, aperte lex duodecim tabularum proximum vocat. Itaque si (verbi gratia) sint defuncti frater, & alterius fratris filius, aut patruus, frater potior habetur: Et quamvis singulari numero usa lex (g) proximum vocet, tamen dubium non est, quin, si plures sint ejusdem gradus, omnes admittantur. Nam & proprie proximus ex pluribus gradibus intelligitur: & tamen non dubium est, quin, licet unus sit gradus adgnatorum, pertineat ad eos hereditas.

6 Proximus autem, si quidem nullo testamento facto quisquam decesserit, per hoc tempus requiritur, quo mortuus est is, cujus de hereditate quaeritur: Quod si facto testamento quisquam decesserit, per hoc tempus requiritur, quo certum esse coeperit, nullum ex testamento heredem exiturum, tunc enim proprie quisque intestatus decessisse intelligitur. Quod quidem aliquando longo tempore declaratur. In quo spatio temporis saepe accidit, ut, proximio mortuo, proximus esse incipiat, qui moriente testatore non erat proximus.

C

7 Pla-

(d) Id Græco more dictum est. *Vertis Theophil. ἐκ τῆς μὲν τῆς φιλοστοργίας τῆς φιλίας. Fatis illud Celsi lib. 1. Laudatur Hippocrates artis & iacundiae. Similis β. illud Ulp. in l. verum 25. ff. de furt. Verum est, quod plerique probant, fundi furti agi non posse. V. Ant. Aug. 2. Emendat. 1. & Sandt. Minerv. l. 9. c. 4. Reperitur quoque multis in locis Digestorum & Codicis Judaicum loquendi genus. V. Ant. Aug. 4. Emend. 8.*

(e) In nonnullis Charonda est exequentes: Sed communis lectio longe tutior.

(f) Sunt, qui hæc usque ad videlicet Parentibus includunt: quod non veto.

(g) Alibi est lex 12. Tab. sed non optimos Codices sequuntur verba 12. Tab. expunximus, satis enim nomine legis aut juris civilis legæ duodecim Tabularum, per Antonomastiam intelliguntur.

Placebat autem in eo genere percipiendarum hereditatum successionem non esse: id est ut quamvis proximus, qui secundum ea, quae diximus, vocatur ad hereditatem, aut spreverit hereditatem, aut, antequam adeat, decesserit; nihilo magis legitimo jure sequentes admittantur. Quod itaque Praetores imperfecto jure corrigentes, non in totum sine adminiculo relinquebant: sed ex cognatorum ordine eos vocabant, utpote agnationis jure eis recluso (b). Sed nos nihil perfectissimo juri deesse cupientes, nostra Constitutione, quam de jure patronatus, humanitate suggerente, protulimus, sanximus, successionem in agnatorum hereditatibus non esse eis denegandam; quum satis absurdum erat, quod cognatis a Praetore apertum est, hoc agnatis esse reclusum: maxime quum in opere quidem tutelatum, & proximo gradu deficiente, sequens succedat, & quod in opere obtinebat, non erat in lucro permissum.

Ad legitimam successionem nihilominus vocatur etiam parens, qui contracta fiducia filium, vel filiam, nepotem, vel neptem, ac deinceps emancipat, quod ex nostra Constitutione omnimodo inducitur, ut emancipationes liberorum semper videantur quasi contracta fiducia fieri: quum apud veteres non aliter hoc obtinebat, nisi specialiter contracta fiducia parens munivisset.

(h) Malum alii pracluso, & infra hoc § ubi est reclusum, malum praclusum, recludere enim latinis est aperire non claudere. Sed nihil est, cur textum emendemus. Tribonianum potius non satis latine loquutum dixerim, quodque emendare etiam oporteret l. pen. C. de legit. hered. ubi a successione reclusi scribit Justin. pro excludi; licet nonnulli pro Trib. hic afferant Justini locum tit. 1.

COMMENTARIUS.

IN secundo succedentium ordine sunt Agnati, quibus lege defertur hereditas, si neque existat suus heres, aut nullus alius ex his, quibus Praetor & Constitutiones jura suorum dedere §. 1. 9. & ult. sup. de hered. quae ab intest. neque speretur futurus, puta si defuncti uxor uterum gerat; aut defuncti filius apud hostes sit, linter agnatos §. 5. quando in l. ff. unde legitimi, l. post consanguineos 2. pr. ff. de suis & legitimis.

§. 1. Agnati sunt cognati per virilis sexus personas cognitione conjuncti, quasi a patre cognati. hoc §. quae definitione etiam continetur etiam sui heredes, l. ult. §. 3. de grad. & aff. l. filius 12. de suis & legitimis. (a) proprie tamen hic Agnati

(a) Filius Patri agnatus proximus est, inquit Pomp. in d. l. 12. Alciatus lib. 3. Parerg. cap. 25. & post eum Hot. 1. Obs. 16. negationem addunt, agnatus proximus non est; sed eos reprehendunt Robert. 1. recept. 2. & Cujas. 14. Obs. 11: & merito, ita enim Paulus l. de bonis 6. §. 2. de Carb. Edicto de liberis loquitur: tametsi ex inferioribus partibus petant, qua legitimi vocantur, quoniam sui sunt. Legitimi autem sunt agnati tit. ff. unde legitimi: & Imp. Theod. in l. ult. C. de Codicil. Si quis vero, inquit, ex parentibus utriusque sexus, ac liberis usque ad quartum gradum agnationis, hoc est usque ad abnepotes. & in d. l. ult. de Grad. & aff. Paulus scribit §. 3. Proximiores ex agnatis sui dicuntur. V. Alciat. & Cujas. loc. cit.

et sunt, qui ex latere per virilem sexum conjunguntur; cuiusmodi sunt fratres ex eodem patre, licet non ex eadem matre, qui & *consanguinei* vocantur: patrui & fratris filius, (b) fratres patruales (c), idest ex duobus fratribus nati, quos plerique etiam *Consobrinos* vocant, inquit Aut. Collat. tit. 16. quamvis consobrini proprie sint duarum sororum filii (d), ac deinceps ceteri, si qui sunt, hinc orti in infinitum d. l. 2. §. 1. de suis & legit. Sed & hi inter Adgnatos ceptentur, qui post mortem patris nascuntur l. nati 6. ff. unde legitimi, l. 1. §. pen. de suis & legit. modo tamen vivo eo de cuius successione agitur, saltem concepti sint. Vnde ad §. 8. sup. de hered. qua ab intest. Atque hi omnes Adgnati sunt, siue mares siue feminae, ita enim eos definit hic Trib. ut feminas non excludat. Neque obstat quod Ulp. in *Fragm. tit. xi. §. 4.* Adgnatos esse ait a patre cognatos, virilis sexus per virilem sexum descendentes: & in d. l. 2. §. 1. de suis & legit. Cognates virilis sexus ab eodem ortos. Nam Tribonianus hic Adgnatos generatim definit, Ulpianus vero pro subiecta materia; & in *Fragmentis* quidem ratione tutelae, quae virile munus est, & in d. l. 2. ut & in *Fragm. tit. 26. pr.* ratione intestatae successionis, quam adgnatis feminis lex Voconia non desere, ut infra §. ceterum 3. h. 2. inquit Cujac. ad Ulp. *Fragm. loco cit.* quod verum est, etsi falso asserat Cujacius, Ulpianum legem Voconiam respectisse, ut mox.

§. II. Et quemadmodum sui sunt cum naturales liberi cum adoptivi, ut §. 2. *præd.* tit. dictum est; ita & adgnati sunt non ii modo, qui natura, sed & qui adoptione conjunguntur, licet hi minus proprie dicantur *Consanguinei*; nam Celsus *Consanguineos* definit eos, qui sanguine inter se coniuncti sunt. l. 1. §. 10. de suis & legit. hoc est eos, qui eundem patrem sanguinis autorem habent, ut bene Viuntius. Item si quis ex ceteris adgnatis, quis, inquit Trib. hic, veluti frater, aut patruus, aut denique is, qui longiore gradu est, adoptaverit aliquem, adgnatur (Hoc legio *Adgnatorum*) inter tuos esse non dubitatur. Perperam in vulgatis Codicibus est inter suos heredes; nam id heredes ab omnibus antiquis Codicibus abest; id autem suos aperte orationis contextus rejicit.

§. III. Atque hos omnes nullo sexus discrimine lex 12. Tab. admittit. Ac media Jurisprudentia cautum est, ut ad feminas ultra consanguineorum gradum legitima hereditas non pertineret, ut ait Paulus *offent. §. 5. 22.* & Ulp. *Fragm. tit. 26. §. 6.* (consanguineae sunt sorores ex eodem patre §. 1. sup. h. 2.) Mediam Jurisprudentiam intelligit Cujacius & Heromanus, *quodvis*, hoc est leges post Jus Decemvirorum latae, ac proprie L. Voconiam; sed non recte; primum enim iam multo ante Paulum & Ulpianum lex Voconia exoleverat, quod ex Gellio constat lib. 10. c. 1; Paulus tamen & Ulpianus de hoc seminarum jure tanquam de re praesenti loquuntur; nec dubium est, quin usque ad Justinianum persistere, qui tandem illud abrogavit, l. pen. *de de leg. her.* Deinde cum vetuisset lex Voconia, ne, qui census

C 2

esset

(b) Ita Jurisconsulti nepotem ex fratre appellant Ulp. in *Fragm. tit. xi. §. 4.* Paulus l. 10. §. illud 1. de grad. & affinit. Trib. hic, Ita etiam Plautus in *Poenulo* act. 5. sc. 4. v. 24. & passim. Interdum tamen nepotem ex fratre veteribus dictum, ostendit Jf. Casaub. ad Spartian. Hadrian. cap. 2.

(c) Hos Fratrueles apud Ruffinum duobus locis dici notavit Scipio Gentili Orig. ad Pand. lib. sing. v. Consobrini.

(d) Nonius: Consobrini ex duabus vestri sororibus, de quibus exempla multa sunt in antiquis autoribus, & maxime in Afranio, & juris vetustissimi scriptoribus. *Essor & ditor scribit Celsus l. 1. §. 6. de Grad. quasi consobrinos. Veterum Glossa: Enaditones, ex duo aditibus dicitur*, consobrini, quasi consobrinos.

esset, feminam, vel unicam filiam, heredem faceret. Cic. lib. 1. In Ver. Aug. de Edo. Dei lib. 3. c. 11. jam non obscure feminas, vel ipsam filiam, atque eo magis consanguineas legitima successione exclusit, quum testari causâ potior esse debeat. Errori causam dedisse videtur Paulus loco cit. his verbis: *Femina ad hereditates legitimas ultra consanguineas successiones non admittuntur: idque jure civili, vel Voconia ratione videtur effectum.* Ubi tamen pro vel videndum ait Hotomannus, an legi potius debeat, id est, quod, inquit, errore notarum facile accidere potuit. Verum quoniam nihil est, cur pro vel reponamus *idest*, quod facit Hotom. forsan ideo Paulus ea disjunctione usus est, ut caveret sibi, & duo hæc uno loco edoceret, & agnatas feminas lege Voconia exclusas, & consanguineas jure Civili, hoc est interpretatione Prudentum admissas. Accedie & illud, quod veteres nonnulli Codices habent, *Idque jure civili Voconiana ratione videtur effectum*: eamque lectionem sequuntur Vertranus Maurus de Jure liberor. c. 27. Jacobus Menardus ad Cicin. Ver. lib. 1. Janus a Costa hic, & Jacobus Periz: *Dis. de L. Voconia.* Quod si ita se res habet, jam hic erit Pauli sensus, Civile jus intestatas feminarum successiones ad solas consanguineas coarctasse Voconiana ratione, hoc est rationem L. Voconiz sequuntur, puta, ne bona per feminas e familia abirent, aut ne feminarum bonis auctæ inolescere: quæ duo forsan, aut alia his similia Plebiscito Voconiano causam præbuerunt. Media igitur Jurisprudencia est omnis ea Juris Civilis ætas, quæ post leges 12. Tab. puta ab interpretatione Prudentum ad Imperialem dispositionem defluxit, ut loquitur hic Trib. sive ab interpretatione Prudentum ad occupatam a Cæsaribus Remp. quo tempore Imperiales dispositiones cœperit, quod putat Wetsemb. & innuere videtur Trib., sive ad tempora translati in Orientem Imperii, quo tempore juri veteri maxime derogatum est, quod opiniatur Bachovius, & Vinivius; sive a Trajano ad Justinianum, ut scribit Zafius tom. 2. ep. p. 126. sive ab Hadriano ad Constantium, ut ait Perizon. ad L. Vocon. p. 198. sive ab interpretatione Prudentum ad ipsum Justinianum, qui primus omnium videtur jus hoc de legitimis consanguinearum successione Constitutione sua immutasse: quod ego in hac specie verosimilius arbitror, (e.) Porro hanc juris civilis asperitatem emolliuit Prætor Edicto suo, ubi agnatas feminas ad intestatorum hereditates in ordine cognatorum admittit. hoc §. Ac tandem Constitutione Justiniani in l. pen. C. de legitim. hered. revo-

(e) De Media Jurisprudencia disputans Interpretes; ego vere, si quid sentio, pro tamui judicio meo sic statuo, Mediam Jurisprudenciam dici, qua inter leges 12. Tab. & Imperiales dispositiones media est. Interroganti autem, quousque Media hæc Jurisprudencia protrahat, respondens, usque ad eam Constitutionem, qua Jus post 12. Tabulas constitutum abrogatur. Sic, quoniam Jus de legitima consanguineorum successione primus omnium sustulit Justinianus, media Jurisprudencia in hac specie ad Justinianum usque descendit. Media igitur Jurisprudencia non est semper eadem, ut plerique omnes arbitrantur Interpretes, sed varie est pro tempore mutari juris producenda. Illud addo, Cl. Virum Everardum Ottonem hanc Vincentii Gravina sententiam affingere, Mediam Jurisprudenciam viguisse annos fere septuaginta novem, nempe a Cicerone ad Augustum. Ego quidem non ignore, sic scripsisse Gravinaum lib. 1. Orig. n. 46. at, si quid videat, non respexit is Mediam illam Jurisprudenciam, de qua disputamus, quæque non semel in libris juris occurrit; sed exhibet potius eo loco quatuor Jurisprudencie ætates in se consistas, antiquam, mediam, novam, & novissimam, easque per se tempore, ut sibi visum, includit.

revocatum est ius 12. Tab. & adgnati omnes siue mares siue feminae ad legitimam hereditatem pariter admissi.

§.IV. Illud quoque Constitutione Justiniani cautum est, ut transferatur unus tantummodo gradus, nempe tertius, de cognatione in adgnationem, sicque mortuo eo, qui patruus quidem est sui fratris filiis, avunculus autem filiis sororis suae siue consanguineae, siue uterinae, omnes aequae ab utroque latere succedant, perinde ac si omnes intestato patruo & avunculo per virilem sexum conjungantur: quo casu hereditas non in stirpes, sed in capita locatur, quum in laterali linea cesset ius representationis; qua de re fufius infra. Quae omnia in d. l. penult. scripta sunt, ut male asserat Hotomanus, hanc Justiniani Constitutionem desiderari. Et quamquam uterina soror in numero legitimorum non sit, quippe quae adgnata non est; Justinianus tamen jam ante ipsam l. penult. & fratres & sorores uterinas in legitimorum ordinem transtulit l. uli. C. ad Sen. Terey. Atque haec aut utorio Imperatori, aut venali Triboniano debentur.

§.V. Hi autem omnes ita admittuntur, ut proximus remotiorem excludat juxta legem 12. Tab. *Adgnatus proximus familiam habet*. Hinc patruus intestato mortuo, & superstitibus ex una parte fratris filio, ex altera fratre altero, frater potior habetur, quum in linea laterali nepos ex fratre locum patris non subeat. Et quamvis singulari numero usa lex 12. Tab. proximum vocet, tamen dubium non est, quin si plures sint ejusdem gradus, omnes admittantur, proximus enim gradus eos omnes comprehendit, qui in proximo gradu sunt. l. 2. §. 2. de suis & leg. ut de legitima tutela scriptum est in l. 3. §. 9. de leg. 1. ult. §. ult. sup. de cap. demin. Et recte proximus gradus dicitur, quum unus est gradus, quia & is proximus est, quem nemo antecedit, ut loquitur Ulp. d. l. 2. §. 4. Facit textus in l. 1. §. 1. ff. unde cognat. l. proximus 92. l. proximi 195. l. in vulgari 162. de U. S.

§.VI. Quemadmodum vero de suis heredibus dictum est, ita de adgnatis dicitur, proximum adgnatum esse, quem nemo antecedit tempore delatae hereditatis. Id autem tempus non est semper idem. Plave si nullo testamento facto, aut nou jure facto, aut facto quidem jure, sed mutata dein voluntate everio quisquam decesserit; eo casu tempus delatae hereditatis in ipsum incidit tempus mortis. At si quis testamento facto decesserit, quod tamen eo mortuo irritum factum est, in ea specie deferri tunc demum dicitur hereditas, quo tempore certum est, neminem ex eo testamento heredem extitisse l. 2. §. 5. §. 6. de suis & leg. l. 1. §. 6. & 7. unde cognat. V. notata ad §. 7. sit. preced. Hinc fit aliquando, ut proximior mortuo, proximus esse incipiat, qui moriente testatore non erat proximus. hoc §.

§.VII. Sed hoc postremum jure veteri secus erat. Sane in hereditate legitima successioni locum non esse, aiebat Paulus lib. 4. sen. tit. 8. §. 28. & ideo fratre decedente antequam adiret, aut repudiaret hereditatem, fratris filium admitti non posse: & consentit Ulp. Fragm. tit. 16. §. 5. ea ratione, quod omnis legitima successio proximiori deferretur, ut Paulus ibid. (f) Quod si plures eodem gradu sint adgnati, & quidam eorum hereditatem ad se perlinere noluerint, vel, antequam adirent, decesserint, eorum pars adcrevit his, qui adierint: Ulp. l. ult. c. & lex pluribus 9. de suis & leg. unde illud liquet, ius caducorum in causa intestati locum non habuisse, ac proinde errare cum multis Baldinum in Justiniano lib. 4. qui & ius caducorum in causa intestati obtinuisse, & fuisse ad Ulp.

(f) Hi male nonnulli pro omnis legant omnia, & frustra Hotomanus hic pro omnia legis omnia, hoc est in medio posita.

Ulp. dissimulatum asserit. V. Schulking. ad Ulp. *ibid.* At Prætor ulterioris gradus adgnatos ex ordine cognatorum vocavit, quasi extincto jure adgnationis: amo & primi gradus adgnatos, qui repudiaverant, tanquam cognatos ad bonorum possessionem admisit *l. 1. de succ. edile.* Tandem Justinianus Constitutione sua, quam non habemus, omnes ulterioris gradus adgnatos in locum eorum, qui adhuc hereditatem noluerunt, aut non potuerunt, non tanquam cognatos, quod sepebat Prætor, sed tanquam adgnatos vocavit, maxime quum in onere tutelarum, primo adgnatorum gradu deficiente, proxime sequens veteri jure succederet. *l. 3. §. pen. de leg. Tut.* Facit textus in *l. 10. de Reg. jur.*

§. VIII. Pater etiam non tanquam pater, sed tanquam paterfamilias legitimus heres erat filii vel filiae, nepotis vel neptis emancipatae, ac deinceps aliorum, modo eos contracta fiducia emancipasset: quæ de re *lib. 1.* Verum nova Justiniani Constitutione pater filium emancipans semper contracta fiducia emancipare intelligitur, adeoque semper est emancipati filii heres. *l. ult. C. de emancip. lib.* etsi minus proprie dicatur intelligi, quod nova Constitutione sublatum est. (E)

(G) De Fiducia V. Altiar. 3. Barer. 26. & Commentarios nostros ad tit. 11. lib. 1. §.

DE SENATUSCONSULTO

Tertylliano.

TITULUS III

38. ff. 17. 6. C. 56.

LEx duodecim tabularum (a) ita stricto jure urebatur, & præponebat in ascutorum progeniem: & eos, qui per feminam sexus necessitudinem sibi junguntur, adeo expellebat, ut ne quidem inter matrem, & filiam, filiamve ultro, citroque hereditatis capiendæ jus daret (a): nisi quod Prætores ex proximitate cognatorum eas personas ad successionem, bonorum possessione unde cognati accommodata, vocabant.

1. Sed hæc juris angustia postea emendata sunt. Et primum quidem Divus

Clau-

(a) (a) Facit hæc nota Theodori Marcelli ad LL. 12. Tab. c. 26. ubi peccare ait Tribonianum, quum inquit, Lex 12. Tab. &c. dicere enim oportuit, ex lege 12. Tab. hoc est per interpretationem, nam lege 12. Tab. materfamilias conventionem in manum liberis suis soror erat & consors; ac proinde quod scribit Trib. legem 12. Tab. inter matrem & filium filiamve ultro citroque hereditatis capiendæ jus non dedisse, id mediæ potius Jurisprudentiæ tribuendum erat. *Relle.* Ulp. *lib. 12. §. pen. Ad liberos.* inquit, intestatæ matris hereditas ex leg. 12. Tab. non pertinebat, quia femina suos heredes non habent. Verum dici posset, eo sensu a Trib. dictam legem 12. Tab. inter matrem &c. quod nec mater filio ut mater, nec filius matri ut filius succederet, & si eo jure mater tanquam adgnata succederet: quo spectat illud Ulp. Quia femina suos heredes non habent.

Clandius matri, ad solacium liberorum amissorum, legitimam eorum detulit hereditatem.

2. Postea autem Senatusconsulto Tertylliano, quod divi Hadriani temporibus factum est, plenissime de tristi (b) successione matri, non etiam avix, defendenda cautum est; ut mater ingenua trium liberorum ius habens, libertina quatuor, ad bona filiorum, filiarumve admittatur intestato mortuorum, licet in potestate parentis sit; ut se. quum alieno iuri subiecta est, iussu ejus adeat hereditatem, cujus iuri subiecta est.

3. Præferuntur autem matri liberi defuncti, qui sui sunt, quive suorum loco sunt, sive primi gradus, sive posterioris. Sed & filix suæ mortuæ filius, vel filia præponitur ex constitutionibus matri defunctæ, idest, avix suæ. Patet vero utriusque, non etiam avus, & proavus matri antepositur, scilicet quum inter eos solos de hereditate agitur. Præter autem consanguineus cum filii, quam filix excludebat matrem; soror autem consanguinea pariter cum matre admittebatur. Sed si fuerant frater, & soror consanguinei, & mater liberis honorata (c), frater quidem matrem excludebat, communis autem erat hereditas ex æquis partibus fratribus, & sororibus.

4. Sed nos Constitutione, quam in Codice nostro nomine decorato posuimus, matri subveniendum esse existimavimus, respicientes ad naturam, & puerperium, & periculum, & sæpe mortem ex hoc casu matribus illatam. Ideoque impium esse credidimus, casum fortuitum in ejus admitti detrimentum: si enim ingenua ter, vel libertina quater non peperit, immerito defraudabatur successione suorum liberorum: quid enim peccavit, si non plures, sed paucos peperit? Et dedimus ius legitimum plenum matribus sive ingenuis, sive libertinis, etsi non ter quique fuerint, vel quater, sed cum tantum, vel eam, qui, quæve morte intercepti sunt, ut sic vocentur in liberorum suorum legitimam successionem.

5. Sed quum antea Constitutiones (d) iura legitimæ successionis perscrutantes, partim matrem adjuvabant, partim eam prægravabant, nec in solidum eam vocabant, sed in quibusdam casibus certiam vel partem abstrahentes, certis legitimis dabant personis; in aliis autem contrarium faciebant; nobis visum est recta, & simplici via matrem omnibus personis legitimis anteponi, & sine ulla diminutione filiorum suorum successionem accipere: excepta fratris, & sororis persona, sive consanguinei sint, sive sola cognationis iura habentes: ut quemadmodum eam toti alii ordini legitimo præposuimus, ita omnes fratres, & sorores, sive legitimi sint, sive non, ad capiendas hereditates non vocemus: ita tamen, ut si quidem solæ sorores adgnatæ, vel cognatæ, & mater defuncti, vel defunctæ supersint, dimidiam quidem mater, alteram vero dimidiam partem omnes sorores habeant. Si vero mater supersite, & fratre, vel fratribus solis, vel etiam cum sororibus, sive legitima, sive sola

(b) Idem ipsi quique Codices, non, ut perperam nonnulli, de tristi matri &c. Nam idem ipse Iust. lucuosam hereditatem dixit in l. ult. C. de Iust. & sub. & triste Iurum in l. ult. C. Comm. de succ. Etsi ipsa etiam mater filis supersit in antiquis tumulis se tristes & scelera dixerint, hoc est ob scelus infelices. V. Reinf. cl. 12. n. 122. & Eubret. c. 3. p. 237.

(c) V. Comm. nostr.

(d) L. 1. s. 3. C. Th. de legitim. her. Places Charonda, iura legitima perscrutantes, vocem vero successionis, vel, ut alibi est, successionum, in sextum i. n. r. s. m. consensit.

sola cognationis jura habentibus, intestatus quis, vel intestata moriatur, illa capita distribuatur ejus hereditas.

6 Sed quemadmodum uos matribus prospeximus, ira eas oportet suæ soboli consilare, scituris eis, quod si tutores liberis non petierint, vel in locum remoti, vel excusati, intra annum petere neglexerint, ab eorum impuberum morientium successione merito repellentur.

7 Licet autem vulgo quæritus sit filius, filiave, potest tamen ad bona ejus mater ex Terrylliano Senatusconsulto admitti.

C O M M E N T A R I U S.

P RÆTER suos & agnatos, de quibus actum huc usque, neminem ad intestatorum hereditates lex 12. Tab. vocavit. Hinc & matri ad bona filii, & filio ad bona matris præclusus est aditus, nam neque filius matri suæ, nec mater adgnata erat filio, nisi quum jure antiquo in manum viri convenisset. Ulp. *Fragm. tit. 26. §. 7. & 8.* At quoniam mater & filius cognati sunt, Prætor naturaliquitate motus matrem ad legitimam filii successiõnem admittit ex ea Edicti pæce, qua vocatur *cognati. l. 2. ff. de cognati.*

§. I. Postea Claudius Imperator matri ad solatium liberorum amissorum legitimam eorum de suis hereditatem; quemadmodum successum esse patri, ait Pomp. in *l. jure 6. ff. de jure dos.* ut filia amissa solatii loco cederet, si redderet ei dos ab ipso profecta, ne & filiz amissæ, & pecunia damnum semires. Et divinare Hotomauum, ait Bachovius, quod *amissor filios* hoc loco eos esse opinetur, qui in acie ceciderunt. (a) Mater igitur, quæ ex edicto Prætoris inter cognatos erat, Constitutione D. Claudii in secundum ordinem relata est. *l. 2. §. ult. unde legis. (b)*

§. II. Successit Senatusconsultum Terryllianum, quo cautum est, ut mater ingenua trium liberorum jus habeat, libertina quatuor ad bona filiorum filiarumve intestatorum admitteretur, licet in potestate parentis esset, modo jussu ejus adiret. *l. 2. ff. eod. Paulus lib. 4. §. si sit. g. pr.* Hoc Senatusconsultum sub Hadriano factum ait hic Trib. At quoniam nullus in Fastis occurrat Tertullus, qui sub Hadriano Consulatum gesserit, contra vero sub Antonino Tertullus & Sacerdos Consulatus occurrunt an. a Christo nato. 158., hinc conjicit Cujac. ad hunc locum,

(a) Posset tamen illud Hotomani conjecturam confirmare, quod Romani plerumque filios bello amissor prodesse parentibus voluerunt. Facit Gellii locus *lib. 2. c. 13.* Sic capite septimo legis Juliz prioris ex Consulibus fasces sumendi potestas sit, non qui pluris annos natus est, sed qui pluris liberos, quam collega, aut in sua potestate habet, aut bello amisit.

(b) Huc referunt nonnulli, inter quos est Vinnius, Suetonii locum in Claudio: Naves mercaturæ causa fabricantibus magna commoda constituit, pro conditione cujusque: civi vacationem legis Papiæ Poppææ, (perperam nonnulli legunt, legis Pompejæ Sec. V. Joh. Bapt. Egnatium ad b. l.) latinæ jus quiriritium, feminis jus quatuor liberorum. Sed non recte, nam jus succedendi datum matribus trium, vel quatuor liberorum ad tempora D. Hadriani referendum est, ut mox adeoque Suetonii locus de liberatione a Claudia mulieribus navæ mercaturæ causa fabricantibus a Claudia concessa omnino intelligendus, quæ de re Ulp. *Erasm. tit. 29. §. 3.*

locum, quem hic Trib. Hadrianum appellat, eum esse Antoninum Pium, qui ab Hadriano adoptatus adoptivi patris de more veterum Romanorum nomen retinuit idemque scribit Vertranus Maurus de *jure liber. c. 27*. Sane Antoninus Pius non modo in lapidum titulis quandoque Hadrianus vocatur apud Grut. pag. 253. num. 5. & Fabrett. pag. 542. ut & in inscriptione Apologiz Justini ad eundem Principem, sed & in multis ff. locis. *L. accepti ad L. Falc. l. deducit, §. nimir ad Trebol. juncta l. quarum ad L. Falc. & l. si de vi de Jud. juncta l. si de vi publ.* Addit & illud Cujac. Epistolam Divi Hadriani de dividenda actione ex stipulatu vel mandati, de qua in *linter fidejussores 26. ff. de fidejuss. & §. 4. Inst. eod.* D. Pio attribui in *l. si testamento 49. §. 1. eod. tit. (c)* Verum etsi quandoque D. Hadriani & D. Pii nomina confundantur, id tamen perrarum est, nec temere admittendum. Neque ex eo, quod nullus sub Hadriano Tertullus occurrat, suspicari licet, Tertullianum, Senatusconsultum non esse ad tempus Hadriani referendum, nam & potuere plures esse uno anno consules, de quibus rara est in Fastis mentio. Præterea quod de Epistola D. Hadriani addit Cujac. id falsum esse vel ex eo luculentissime patet, quod Hadriani Epistola in Edictum perpetuum relata est, quod enim huic Epistolæ tribuitur in *d. l. 26. ff. & §. 4. Inst. de Fidejuss.* idem Edicto perpetuo tribuit Paulus *lib. 1. sent. tit. 20.* constat autem, Edictum perpetuum ante Antoninum Pium fuisse, ut bene Heinec. Ant. Rom. ad *Inst. lib. 3. tit. 3. p. 261.* Præterea ne ipsi quidem Cujacio sua hæc opinio satis placet, nam & illud in notis posterioribus ad h. l. scribit, forsan fuisse Tertullianum hoc Senatusconsultum factum Tertullo & Maximo Coss. de quibus in *l. 29. §. 6. ad leg. Jul. de Adult.* sed & hi suffecti Consules fuere, quorum nec mentio in Fastis, neq; ætas est certa. Ego igitur Senatusconsultum Tertullianum ad Hadrianum tempus refero, quod facit Trib. at quo anno, quibusve suffectis Consulibus sit factum, ignoro. (d) Ceterum hoc Senatusconsulto matri tantum, non avix jus succedendi datum est, & tunc demum matri, quum jus liberorum aut naturæ aut beneficio Principis habebat, modò, si naturæ, & vivus & pleni temporis peperisset, ut loquitur Paulus *lib. 4. sent. tit. 9. §. 1.* inter natos enim non sunt, qui mortui nascuntur, & contra naturæ votum videntur nasci, qui præmature eduntur. Maturi sunt aut septimo pleno (e), aut

deci-

(c) Cujacii quoque sententiam confirmat Zonara testimonium *lib. 2. apud Hotomanum*. Hujus fortis institutum esse, ut liberorum intestato morientium parentes hæredes existerent, ut qui, quum liberos non haberent, testamentum facerent, legitimam partem suis parentibus reliquerent, *Sed certe labitur Zonaras, ut non raro solent recentiores Historici in enarrandis iis, quæ ad jus pertinent. V. Jac. Goth. ad l. 1. C. Theod. de infirm. pœn. c. lib. & orbit.*

(d) Quod vero alii Tertullianum, alii Tertullianum dicatur, id Græci librarii fecerunt, qui hæc & id genus alia commutarunt, ut Lyficania, Centurio, & contra Purchus, & Asfurius. V. Salmas. ad Spartian. Hadrian. c. 1.

(e) Cur plenò quia satus intra septimum mensem effusi non solum matris sunt, & pauci & multis incolumes evadunt, ut ait Hippocras. in *lib. 1. de morbo acuto*. Huc facit locus Homeri *Iliade 4.* Hæc autem gestabat utero carum h. um., hicque septimus erat mensis, eduxitque in lucem, licet parvus immaturus esset. Videtur sibi ipse pugnare Paulus in *l. intestato 3. de suis & legit. §. 12.* ubi ait, de eo, qui centesimo octogesimo secundo die natus est (puta secundo septimi mensis die, nam Jurisconsulti ex sententia Hippocras *lib. 2. Epid. 3. scil. singulis*

decimo mense nati, ratio enim Pythagoræ numeri (f) hoc videtur admittit. inquit Paulus loco cit. §. 1. ad quem locum V. Cuiac. Vide etiam de tempore partus humani Fabrorum Exercit. 1. Præterea tergemini semel uno partu editi, matri non profunt; at profunt tamen, si editi sunt per intervalla; nam quæ tres peperit per intervalla, ter videtur enixa, quo sensu intelligendus est textus in l.ær enixa 137. de U. S. V. Paulum in l. 3. ff. si pater hered. per. & Plin. Natural. hist. lib. 7. c. 2. Ad hæc matri nihil proficere ait Paulus §. 3. si monstrum quid aut prodigiosum enixa sit, non sunt enim liberi, qui contra sortum humani generis conversionem præcreantur. Proficit tamen partus, qui membrorum humanorum officia amplius. Paulus §. 4. cujuscumque sunt sedigiti, modo in monstrum non abeat. Denique abortus vel abusus venter (g) partum non efficit. Paulus §. 6. l. 2. C. de post. her. & facit textus in l. 1. in fine de ventr. in poss. omis.

§. III. Sed non semper est matri locus, nam liberi defuncti, qui sui sunt vel suorum loco sive primi gradus sive ulterioris matrem excludunt. I. sive ingenua 2. §. liberi 6. ff. de r. Jam sui sunt etiam adoptivi, & acquisitum esse ait Paulus in l. 5. cod. omnes filios matri præferri, etiam si per adoptionem in familia relictis essent, imo & nepotem ex adoptivo filie natum. Quod si adoptivi liberi emancipati sunt, ita admittuntur, si ex liberis naturalibus fuerint, ut puta nepos naturalis ab ave adoptatus; nam licet sit emancipatus, honorum possessione accepta matri obstat. d. l. 2. §. liberi. Præferuntur etiam matri filii extraneo in adoptionem dati, nam etiam nova Justiniani Constitutione in familiam patris non transceant, expresse tamen eius successionis concessum est l. per. §. 1. C. de adopt. Quod si defuncta sit filia sua, ut loquitur hic Trib. (hoc est sui juris filia, quo sensu dixit Tullius lib. 3. de Rep. Est gentis injuste servitutis, quum il sunt alterius,

mensibus virginitas duntaxat dies attribuant) scripsisse Hippocratem, & D. Plin. Pontificibus rescripsisse, iusto tempore videri natum. Sane Hippocrates citat. lib. (sive quisquis alius sit ejus libri Autor) Septimicres, inquit, nascuntur dictis centum, & octoginta duobus & insuper accedente diei particula. Verum nihil est meo quidem iudicio, cur de hoc Pauli loco tantopere se se torqueant Interpretes, ut videre est apud Tiraquel. ad l. si unquam num. 110. C. de verbor. denat. nam in libro sent. non negat, factam ad initia septimi mensis editum iusto tempore videri natum, sed id tantum ait, partum septimo pleno maturiorem videri. Verba ejus sunt: Septimo mense natus prodest: ratio enim Pythagoræ numeri hoc videtur admittere, ut aut septimo pleno aut decimo mense partus maturior videatur.

(f) Ita etiam Censorinus lib. de die natali, Septimo, inquit, partus jam maturus est, eo quod in omnibus numeris septenarius plurimum possit. Ego quidem scientiam numerorum prorsus inanem reputo; at Jurisconsulti ut in multis ita & in hac re Pythagoræ & Stoicos sequuti sunt. Septenarius numerus, inquit Chalcidius, laudatur a Pythagoræis ut optimus & naturalissimus & sufficientissimus. Ejusdem numeri vim adstruunt Ecclesiæ Patres Clem. Alex. 6. Strom. 3. Basilii in Psalm. 114. Justinus Martyr Respons. ad Orthod. 69. Greger. Nazianz. orat. 42 & 44. ac præcipue S. Ambros. ep. 39. ad Eleontianum. Hinc factum, ut Jurisconsulti septennio infantium desinuerint. Ulp. l. 1. §. sufficit, ff. de adm. & peric. tut. & Arcadius Honorius & Theodosius in l. 8. tit. 18. lib. 8. C. Theod. idemque Theodosius & Valentinianus in l. si infanti 18. C. de jure delib. & alio adito septennio pubertatem. Ulp. l. quæ aetate, ff. qui test. fac. pos. & l. 2. ff. de vulg. & Paul. §. sent. sit. 4. Quæ Stoicorum sententia fuit. Plut. lib. 5. de Placitis Phils. 14.

(g) Venter pro locu. V. Briffon. de verb. sign.

rius; qui sui possunt esse, & Perius Vindicta postquam meus a Praetore recepit) liberi ejus obstant avix ex Constitutionibus *l. 4. C. de S. C. Orphis. l. si mater 12. Cod. de suis & legis.* Ceterum si Constitutiones deessent, par utique videretur jus avix & liberorum; quum hos vocet Orsicianum, illam Tertullianum Senatusconsultum. At pater utriusque, nempe filii vel filix ingestatorum potior est matre, non autem avus vel proavus, cum inter eos solos de hereditate agitur, hoc est inter matrem & avum vel proavum. Sane si pater est mortuus, mater avum & proavum excludit. Si pater superest, & in potestate adhuc est, avus vel proavus potior est patre: si de potestate exiit, ipse omnes excludit. Si vero avus, filio in potestate retento, nepotem emancipaverit, ipsi patri tanquam patronus praefertur *l. agnissimum §. §. 2. h. tit.* Denique si cum matre concurrant fratres consanguinei, hi & filii & filix matrem excludunt, etsi per adrogationem quæsit *l. si quis 7. ff. cod. si sorores consanguineæ solæ*, pariter veniunt cum matre *d. l. 2. §. si sit consanguinea 18. cod. si & sorores & fratres consanguinei*, hi pariter succedunt exclusa matre *liberis onerata*, ut loquitur hic Trib. vel potius *honorata*, ut legit Cajac. ad Ulp. *vis. ult. (h)* nam in specie Senatusconsulti Tertulliani liberi honori potius & emolumento sunt matri, quam oneri & incommodo *(i)*. Ceterum quoniam Tribouianus solos consanguineos matri opponit, probabile est, matrem ceteris ex latere sive cognatis sive adgnatis fuisse ex hoc Senatusconsulto potorem.

§. IV. Hæc jure veteri. Justinianus autem Constitutione sua in *l. 2. C. de jur. lib.* plenum jus legitimis matribus dedit, sive ingenuis sive libertinis, etsi non quater enixæ fuerint, antequam. Idque Theodora potius suadente constituit, quam quod & natura & puerperium & periculum, & mors in difficili partu non rara id suadere videretur. Et recte Tertullianum Senatusconsultum intuitu liberorum jus succedendi matribus concessit, ut hoc præmio ad liberorum educationem invitarentur, quum antea multæ prolem refugerent, atque immaturos sortis abigerent. *(i)*

D.

§. V.

(h) *Consentire videtur Theophilus; qui vult honorata vertis uxorem.*

(i) *Apposita Tullius 1. Tusculanae.* Metellus ille, inquit, honoratur quatuor filiis. Et Columella *lib. 1. cap. 12.* Feminis quoque fecundioribus, quarum in sobole certus numerus honorari debet, otium nonnuquam & libertatem dedimus, quum complures natos educassent. Nam cui tres filii erant, vacatio, cui plures, libertas quoque contingebat.

(1) *Ejus flagitii causa quandoque fuit odium viri l. 4. de extraord. crim. l. 39. de Pœnis. Novell. 22. cap. 16. quandoque metus, ne formam partus devenustaret. Ovid. de Nuce v. 23.*

Nunc utrum vitiat, quæ vult formosa videri:

Raræque in hoc ævo est, quæ velit esse parens. Et Juvenal. *sat. 6. v. 500. & seqq.*

Sed jacet aurato vix ulla puerpera lecto.

Tantum artes hujus, tantum medicamina possunt,

Quæ steriles facit, atque homines in ventre necandos

Conducit. Facit Seneca *locus Consul. ad Helv. c. 16.* Nunquam te fecunditatis tuz, quasi exprobraret ætatem, puduit nunquam more aliarum, quibus omnis commendatio ex forma petitur, tumescentem uterum abscondisti, quasi indeceus omnis, nec intra viscera tua conceptas spes liberorum eligisti. *V. Quintil. Declam. 277.*

§.V. Præterea; quoniam Constitutiones Senatûsconsultum Tertullianum, sequitur, licet matri jus liberorum non habenti tertiam partem hereditatis detractam agnatis deferrent, ubi vero ea jus liberorum habebat, agnatis ultra consanguineos, nempe patrno ejusque filio ac nepoti, non ulterioribus tertiam quoque partem matri detractam deferbant, sique *matrem partim adjuvabant, partim prævocabant*, l. 1. 2. & penult. Cod. Theod. de legit. hered., Justiniano visum est, matrem omnibus agnatis sine ulla diminutione præferre; ita tamen, ut si cum matre concurrant sorores solæ sive consanguineæ, sive cognatæ, hoc est uterinæ, hæc semissem unum, illa alterum ferat: si fratres soli, aut cum sororibus fratres, in capita tribuantur hereditas.

§.VI. Fit tamen aliquando, ut mater a legitima filiorum successione excludatur, puta si vel non petierit tutores idoneos filiis suis, vel prioribus excusatis rejeclisse, non confestim aliorum nomina dederit, ut est in Epistola D. Severi, quam describit Modestinus (m) in l. si minores 2. §. quæ autem 2. ff. qui petant sui. vel curat. Causentis Ulp. d. l. 2. §. si mater 23. ff. hoc sit. ubi tamen legitur, nomina ediderit. Idque confirmavit Justin. in l. 10. C. de leg. her. & hoc §., quibus tamen in locis dicitur repelli matres tanquam indignas a successione filiorum; si tutores intra annum (n) petere neglexerint: quæ verba hunc habent sensum, debere matrem id curare confestim, id est ubi primum potuit, & Prætoris copiam habuit hoc rei sedentis, (o) ut explicat Ulp. in d. l. 2. §. confestim 43. iura apum vero excusari, si infirmitate impedita est, vel alia magna causa, quæ etiam mandare eam ad petendos tutores impediret, ut subdit ibidem Ulp. ac post annum nullo modo excusari, etiamsi gravis causa petitionem tutorum interpellaverit; alioqui pugnarent inter se Justin. d. l. 10. & hoc §. 6. & Modestin. & Ulp. cit. loc. ubi ajunt, repelli matrem, quæ non confestim aliorum nomina dederit. Quod si filius, cui impuberi non est petitus a matre tutor, pubes factus moriatur, non repellitur mater l. 3. C. de her. (p) & d. l. 10. C. de leg. her. supponit enim lex remissionem a filio jam pubere injuriam matri. Facit textus in l. 8. §. 1. de jure Cod.

§.VII. Illud denique advertit Trib. hic, nihil interesse, num filii sint iusti, an vulgo quæsitii quod & Julianum lib. 59. Digestorum sic ipse ait Ulp. d. l. 2. §. 1. hoc sit. idemque inquit Ulpianus in d. l. 2. §. 4. ubi famulam quoque mulierem ad legitimam liberorum hereditatem admitti scribit. Et merito, ipsorum enim hereditas non jure agnationis, quam non habent, quum & patrem non habeant, sed jure proximitatis seu cognationis, quæ a matre est, deferri debet, l. si spurius 4. ff. unde cognati.

DE

(m) Familiare id fuit Modestino post enarratam sententiam ipsa legum verba subijcere. V. l. 1. §. 2. de Excus. Tut.

(n) Perbelle observat Merillius l. obs. 37. debuisse matres nonnisi intra annum liberis tutores petere secundum leges Attiliam & Juliam & Titiam, ex quibus pupillis non habentibus tutores Romæ vel in Provinciis petebantur, fuisse autem anni tempus iis legibus definitum propter annum luctus, ne mortuo viro liberi a complexu matrum continuo avellerentur, sed interim liberorum habentis custodiam, essentque illis in solatium. Huc refer illud Horatii lib. 1. Ep. 1. v. 21.

Ut piger annus

Pupillis, quos dura premit custodia matrum.

(o) Se dantis. Haloand. l. 1. §. 2. Eius ordo in bon. poss.

(p) Id a Constantino causum in d. l. 3. ais hic Romanus: sed quum Constantinus dicat, id esse certum, bene advertit Bachovius, id jam olim fuisse observatum.

DE SENATU CONSULTO

Orphitiano.

TITULUS IV.

38. ff. 17. 6. C. 57.

PER contrarium autem liberi ad bona matrum intestatarum admittuntur ex Senatusconsulto Orphitiano, quod Orphitio, & Rufo Consulibus effectum est, Divi Marci temporibus, & data est tam filio, quam filię legitima hereditas, etiam si alieno iuri subjecti sint, & præferuntur consanguineis, & adguatis defunctę matris.

1 Sed quum ex hoc Senatusconsulto nepotes ad avię successionem legitimo jure non vocarentur: postea hoc Constitutionibus Principalibus emendatum est, ut ad similitudinem filiorum filiarumque & nepotes, & neptes vocentur.

2 Sciendum autem est, hujusmodi successiones, quę ex Tertulliano, & Orphitiano Senatusconsultis deferuntur, capitis deminutione non perimi, propter illam regulam, qua novę hereditates legitimę capitis deminutione non pereunt, sed illę solę, quę ex lege duodecim Tabularum deferuntur.

3 Novissime sciendum est, etiam illos liberos, qui vulgo quæriti sunt, ad matris hereditatem ex hoc Senatusconsulto admitti.

4 Si ex pluribus legitimis heredibus quidam omiserint hereditatem, vel morte, vel alia causa impediti fuerint, quomius adeant, reliquis, qui adierint, adcrevit illorum portio: & licet ante decesserint, ad heredes tamen eorum pertinet.

COMMENTARIUS:

PR.Tit. *Ad liberos matris intestata hereditas ex lege 12. Tab. non pertinebat, quia femina suos heredes non habent*, inquit Ulp. *Fragm. tit. 26. §. 7.* imo nec bonorum possessio unde liberi, nam hæc aut suis datur, aut iis, qui per emancipationem deserunt esse sui §. 3. *infr. de bon. poss.* sed postea factum est, ut matrum legitimę hereditates ad filios sive sui juris sive in aliena potestate positos pertinerent, ut de matribus dictum est, exclusis consanguineis & reliquis adguatis. Ulp. *id. l. 1. §. penult. ff. de pr. leg. h. s.* Atque hoc est Senatusconsultum Orphicianum (a), quod & Ulpianus Orationem Imp. Antonini & Commodi (b) vocat, Tribonianus Orphicio & Rufo Consulibus effectum ait, temporibus Divi Marci. Sane Oratione Marci Antonini Philosophi, & Commodi factum est Romę Senatusconsultum Orphicianum (seu magis Orphitianum, nam & Orphitorum in Romana Antiquitate, & Q. Orphici cognomen occurrit apud Grut. p. 575. 1.) Consulibus Vettio Rufo, & Cornelio Scipione Orphito, ut

(a) Enarravit hoc Senatusconsultum Cajus libro singulari, ut ex Inscriptione legis y. h. t. & Paulus, ut ex Inscript. l. 6. ad. §. 1. 230. de U. S.

(b) Cajus loco cit. unum tantummodo Principem memorat, eumque nostrum appellat, intelligens Marcum, qui loco erat prior.

ut est in Fastis Hub. Golzii ad an. 930. vel potius Juliano Ruso & Gavio Orphito an. ab U.C. 931. Christi 178. Henr. Noris *Epist. Consular. in Theod. Antiq. Rom. tom. XI. p. 463.* & Pagi *Critic. Annal. Baron. ad d. au.* Huc referri debet Julii Capitolini locus in *Vit. Marci Antonini c. xi. M. Antoninus etiam leges addidit de vicefima hereditatum, de iuribus libertorum, de bonis maternis, & item de filiorum successibus pro parte materna*. Hinc constat Orphicianum Senatusconsultum Tertulliano posteriore fuisse; Cur autem prius matris consilium fuerit, quam liberis, quorum potior esse debet conditio ob *natura & parentum commune votum*, ut ait Papin. *l. scripto 7. §. 1. unde lib. ignoretur se ingenui fateatur Vinnius*: sed forsitan hæc ejus rei causa fuit, quia poterant matres testamentis filios juvare, quod sæpe filii per ætatem non poterant. Ant. Schulting. ad Ulp. *Fragm. tit. 26. §. 8. (c)*

§. I. Huc pertinet Constitutio Valentiniani, Theodosii & Arcadii in *l. 4. C. Theod. de legiti. hered. de qua satis multa dicta sunt ad §. p. sup. de hered. qua ab intest.* Quum enim Orphiciano Senatusconsulto solis filiis ac filiabus prospectum esset, præterea nemini; Græci Principes Senatusconsulti sententiam ad nepotes etiam & nepotes produxerunt, ut tamen triente niuius acciperent, quam pater eorum vel mater habitura esset, ut supra uberius. Quod autem Modestinus respondit in *l. 8. unde cognati*, nepotes etiam vulgo quæritos ad aviam maternam intestatæ successionem admitti; id ad Edictum Prætoris referendum est, quo, si adguati desint, cognati proximi per bonorum possessionem vocantur, ut patet ex ipso Titulo.

§. II. Atque hæc successiones, quæ ex Tertulliano & Orphiciano Senatusconsulto deferuntur, minima capitis deminutione non pereunt, secus media & maxima *l. 1. §. capitis 8. h. 1.* Sane regula juris est, novas hereditates legitimas, nempe quæ post leges 12. Tab. deferuntur, minima capitis deminutione non periri *l. 7. de cap. min. l. 11. de suis & legit. & dist. l. 1. h. 1.* Nam ex novis legibus, inquit Paul. in *d. l. 7.* legitimæ hereditates sic deferuntur, ut personæ naturaliter deliguntur, hoc est naturali nomine matris & filii: quæ nomina quum naturalia sint, capitis deminutione non pereunt. At contra legitimas 12. Tab. heredi-

(c) Multo ante Orphicianum S.C. *Querela inofficiosi contra matrum tabulas a filiis motæ* occurrunt exempla: Sane Augustus apud Val. Max. lib. 7. cap. 7. n. 4. *Septicia matris, quæ filios præterierat, suprema judicia improbovit, & maternam hereditatem filios habere jussit. Et idem Valerius cap. 8. n. 2. cuiusdam Afrania verecundiam laudat, quod cum posset testamentum matris rescindere, satius tamen esse duxit, illud patientia honorare, quam judicio convellere. Veriam Plin. lib. 5. ep. 2. Verum id mirum videri non debet, poterat enim esse Querela locut, si quæ mater a patre suo emancparetur, quo casu matri intestatæ succedebant filii per bonorum possessionem unde cognati; si quæ etiam poterant inofficium dicere testamentum matris, uti possunt & alii, quibus bonorum possessio datur l. 6. pr. de inoff. vel si convenisset mater in manum viri, quo casu matri tanquam consanguinea erant filii heredes ab intestato proximi, si quæ etiam poterant testamentum ejus expugnare. Tandem vero filii Orphiciano Senatusconsulto legitimi matrum heredes nominatim facti sunt. V. Schulting. ad Ulp. tit. 26. §. 7. Meminit & Paulus lib. 4. sent. tit. 14. Orphiciani Senatusconsulti, quo cautum, ut libertas sub certa demonstratione data perinde competere, ac si nominatim ex L. Fufia data esset: sed hoc Senatusconsultum aliud est ab eo, quo legitima matrum hereditas delata est liberis, quemadmodum aliud est Vellejanum de intercessionibus matrum, aliud Vellejanum de assignandis libertis, de qua l. 1. pr. de assign. libert.*

reditates minima etiam capitis minutio perimit, deferuntur enim aut suis aut agnatis, quæ nomina civilia sunt. *§. ult. sup. de legis. agn. tur. & hoc §.*

§. III. Quemadmodum autem Tertulliano Senatusconsulto mater liberis vulgo quæsitis, ita Orphiciano vulgo quæsi succedunt matri *l. 1. §. 2. h. t.* siue soli sint, siue cum iustis liberis concurrant, nisi mater sit illutris; quo casu tunc demum succedunt, quum soli sint, quia *in mulieribus ingenuis & illustribus, quibus castitatis observatio præcipuum debitum est, nominari spurios satis injuriosum satisque acerbum videtur*, inquit Justin. in *l. si qua illustis §. C. h. t.* Hinc patet, meliorem esse conditionem naturalium, seu natorum ex concubinato, hi enim ad materna bona veniunt, etiam si illustis sit mater *dist. l. 5. Cod. h. t.*

§. IV. Quod si ex pluribus legitimis heredibus quidam omiserint hereditatem, aut alia de causa non adierint, reliquis, qui adierint, adcrefcit illorum portio *l. 1. §. si nemo §. h. t. & l. 9. de suis & legit.* non enim possumus diversi generis successores habere, puta heredem legitimum & Fiscum: quod adeo verum est, ut si, qui adierint, mori eos coniugat, antequam deficiat portio, & adcrefcat, hoc jus ad heredes eorum pertineat *d. l. 9.*

DE SUCCESSIONE COGNATORUM.

TITULUS V.

38. ff. 2.

Post suos heredes, eosque, quos inter suos heredes Prætor, & Constitutiones vocant, & post legitimis (quos numero sunt agnati, & hi, quos in locum agnatorum tam supradicta Senatusconsulta, quam nostra creta Constitutio) proximos Cognatos Prætor vocat, quia parentum naturalis cognatio spectatur, nam agnati capite diminuti, quique ex his progeniei sunt, ex lege duodecim Tabularum inter legitimis non habentur, sed a Prætoris tertio ordine vocantur: exceptis solis tantummodo fratre, & sorore emancipatis, non etiam liberis eorum, quos lex Anastasiana cum fratribus integri juris constitutis vocat quidem ad legitimam fratris hereditatem, siue sororis: non æquis tamen partibus, sed cum aliqua deminutione, quam facile est ex ipsius Constitutionis verbis colligere. Aliis vero agnatis inferioris gradus, licet capitis deminutionem passi non sint, tamen antepouit eos, & proculdubio cognatis.

1. Eos etiam, qui per feminini sexus personas ex transverso cognatione junguntur, tertio gradu proximitatis nomine Prætor ad successionem vocat.

2. Liberi quoque, qui in adoptiva familia sunt, ad naturalium parentum hereditatem hoc eodem gradu vocantur.

3. Vulgo quæsitos nullum habere agnatum manifestum est, quum agnatio a patre sit, cognatio a matre, hi autem nullum patrem habere intelligantur. Eadem ratione ne inter se quidem possunt videri consanguinei esse, quia consanguinitatis jus species est agnationis. Tantum ergo cognati sunt sibi, sicut ex matre cognati (α). Itaque omnibus istis ex parte competit bonorum possessio.

(α) *Vulgata l. 1. §. 1. est, sicut & matri cognati, eamque tenetur Marcellus. Alii Codices habent, & matris cognati: Chorenas mavult matris cognatis. At Guja.*

possessio, qua proximitatis nomine cognati vocantur.

4 Hoc loco & illud necessario admonendi sumus, agnationis quidem jure admitti aliquem ad hereditatem, etsi decimo gradu sit: sive de lege duodecim Tabularum quaeramus, sive de edicto, quo Prætor legitimis hereditibus daturum se bonorum possessionem pollicetur. Proximitatis vero nomine iis solis Prætor promittit bonorum possessionem, qui usque ad sextum gradum cognationis sunt, & ex septimo a sobrino, sobrinaque nato, natæve.

Cujacius hanc retinet, sicut ex matre cognati. Et consentit Fabrot. ad Theoph. ex fide veterum MS. & ex ipsa Theophili Paraphrasi, ubi est, dicitur patris. Senjus est, vulgo quæstus inter se cognatos esse, sicut & illis, qui per matrem conjunguntur, cognati sunt. Cujac. hic.

COM M E N T A R I U S.

Post eos, qui aut soli sunt, aut inter suos habentur, & post eos, qui aut agnati sunt, aut ex novis legibus inter agnatos numerantur; fit locus Cognatis proximis, & Edicto quidem Prætoris, ut diserte Tribon. hic; lex enim 12. Tab. suos tantum, & agnatos vocavit. Hinc Ulp. in l. 1. unde cognati, ait, bonorum possessionem inde cognati nudam habere Prætoris indulgentiam, neque ex jure civili originem habere. Et turpiter labitur Vertranius Maurus de jure lib. 27. ubi ait, cognatos etiam lege 12. Tab. admissos ob locum Pauli lib. 4. sent. tit. 8. §. 22. Ceterum lex 12. Tab. nulla discretione sexus cognatos admittit. Sed corruptus est Pauli locus, & agnatos legit Giphanius, Rittershufius, & Jacob. Gothofredus ad l. 12. Tab. tab. 5.

§. I. Ac primum Prætor gradu cognatorum vocat agnatos minimam capitulis minutionem passos, hoc est emancipatos & adrogatos, media enim & maxima omne jus successionis perimit, l. 1. C. de her. inst. Et quoniam capite deminuti gentiles quidem esse desinunt, non cognati, l. 3. de R. j. & S. ult. sup. de leg. agnat. iur.; Edicto Prætoris in ordine cognatorum admissi sunt, l. legitimi §. ff. unde cognati, l. 1. ff. unde legitimi, Excepti sunt tamen Constitutione Anastasii Imp. (quæ in Codice repetita prælectiquis non extat, memoratur tamen in l. 4. C. de leg. iur. & l. ult. C. de leg. her.) emancipati fratres ac sorores, quos Anastasius cum fratribus ac sororibus integri juris ita ad legitimam fratris hereditatem vocavit, ut singuli fratres ac sorores integri juris duplo plus acciperent, quam emancipati; hi vero omnibus inferioris gradus agnatis & cognatis præferuntur l. 4. C. de leg. iur. & l. ult. C. de leg. hered. Sed tandem Just. in d. l. ult. §. 1. & 3. emancipatos cum reliquis fratribus sine ulla partis deminutione admittit.

§. II. Vocat deinde Prætor proximitatis (a) nomine eos, qui per femininū sexus personas ex transverso cognatione junguntur h. §. ex transverso, inquam, qui enim in recta sunt linea, jus legitimorum heredum habent ex Senatusconsultis & Constitutionibus, de quibus supra.

§. III.

(a) Ita Trib. hic, quia in cognatorum ordine sola proximitas spectatur; in suorum autem & agnatorum ordine jus sui heredis & agnatis. Unde proximitas pro cognatione Julian. in l. 3. & Ulp. in l. 4. unde cognati.

§.III. Inter adgnatos capite minutos recensendi sunt filii adoptivi; nam & hi ius cognationis in familia patris naturalis retinent *L. 1. §. 4. h. et emancipati vero a patre adoptivo, cum vivit adhuc pater naturalis, habent ius naturale liberorum*, ut ait Paulus in *l. 4. ff. unde liberi*, ac proinde ex prima parte Edicti veniunt, quæ Prætor liberos vocat §. *at hi 10. & §. admonendi sup. de her. que ab intest.*

§.IV. Vocat demum Prætor vulgo quæsitos, nam hi etsi adgnatos non habeant *l. 4. unde cognati*, quia nullum habere patrem intelliguntur *l. vulgo quæsitii 23. de statu hom.* quo etiam fit, ut ne inter se quidem possint videri consanguinei esse, quia consanguinitatis ius species est adgnationis. *b. §. 6.* sunt tamen cognati quum sibi invicem, tum etiam matri *L. 2. §. 4. unde cognati*. Eademque videtur esse causa natorum ex concubina, hi enim etsi certum habeant patrem, non tamen habent legitimum, ac proinde iura adgnationis in familia ejus non habent; sed matrem sequuntur, *l. quum legitima 19. & l. lex 24. de statu hom.*

§.V. Sed quoniam potior est causa adgnatorum, quum cognatorum, hinc admittuntur adgnati, *etsi decimo gradu sint*, cognati vero usque ad sextum gradum *l. 1. §. 5. l. pen. unde cognati*. Pro adgnatis quidem facit studium conservandæ gentis, quæ ratio est, cur adgnati, *etsi decimo gradu sint*, ad hereditatem vocentur, cognati vero ad sextum tantummodo gradum; ut facile Hottomannum mirari possis, qui ait, difficile esse, hujus differentię rationem excogitare: (b) Non obstat Paulus *lib. 4. sent. vii. tit. §. ult.* ubi successione cognatorum septem (c) gradus constitutos ait; nam intelligendus est de filio & filia sobriini & sobrinæ, qui ex septimo gradu vocantur, ut diserte Ulpianus *l. 2. §. hac autem 3. unde cognati. & Trib. his.* Jam quod de decimo adgnatorum gradu hic dicitur, id nonnulli eo sensu accipiunt; ut, qui ultra decimum sunt, excludantur, nam luculentur Trib. decimum in adgnatis, in cognatis sextum gradum definit: sed magis est; ut adgnati nullis gradibus definiantur, clare enim idemipse Trib. in §. 3. *sup. de leg. adg. suc. & in §. ult. infr. de grad. cog.* loquitur, vocari adgnatos, *etiamsi longissimo gradu sint*. Et clarissimus Ulpianus *l. 2. §. 1. de suis & leg.* ubi dixerat, post suos admitti adgnatos; subdit, adgnatos esse cognatos virilis sexus ab eodem ortos, ut patrum, deincepsque ceteros, si qui sunt, *hinc ortos in infinitum*. Idco autem Tribonianus decimum adgnatorum gradum expressit, ut remotiorem gradum sexto cognatorum gradui opponeret; quæ communis fere est Interpretum sententia. (d)

DE

(b) Suavis meretricis est Mynfingerus, qui hanc esse inquit ejus discriminis rationem, quod vir ultra sextum gradum cognatorum vitæ consistit. Nam si possunt iura adgnationis ad decimum usque gradum procedi, cur iura cognationis non possunt? Miror tamen ego; idem de cognatis scripisse Cujacium acerrimi iudicii virum in Notis ad Paulum *lib. 4. sent. vii. tit. §. ult. sed & idem* (quod magis mirum videri debet) loco cit. Paulus scribit: quia ulterius per rerum naturam nec nomina inveniri, nec vitæ succedentibus prorogari potest. Nuga.

(c) V. Ant. Cont. i. subsec. de l. cap. 10. circa finem.

(d) Quid quod ipse etiam Tribonianus in hoc §. hanc sententiam confirmat? Hanc ait, admitti adgnatos, *etsi decimo gradu sint*, sive de lege 12. Tab. quæramus, sive de Edicto Prætoris: constat autem, nullos fuisse in legibus 12. Tab. adgnatorum gradus definitos; vocatur enim gentilis, ubi nullus adgnatus familiam habebat.

Lib. III.

E

DE GRADIBUS COGNATIONUM.

T I T U L U S. VI.

is. 9. 10.

Nullus est opus Commentario ad hunc Titulum, adeo est planus & expeditus. Placuit tamen paulo ulterioribus nostri Cognationum nomina enarrare.

Hoc loco necessarium est exponere, quoniam admodum gradus cognationis inmeretur. Quare (a) in primis admonendi sumus, cognationem aliam supra numerari, aliam infra, aliam ex transverso; quæ etiam a latere dicitur. Superior cognatio est parentum, inferior liberorum, ex transverso fratrum, fororumve, & eorum, qui, quæve (b) ex his generantur, & converser. patrui, amice, avunculi, materteræ. Et superior quidem, & inferior cognatio a primo gradu incipit: at ea, quæ ex transverso numeratur, a secundo. (c).

1. Primo gradu est supra pater, mater : infra filius, filia.

2. Secundo gradum supra avus (d), avia : infra nepos (e), neptis : ex
transverso frater (f), foror (g).

3 Tercio gradu supra proavus, proavia; infra pronepos, proneptis; ex ^{trans}

(1) *In omnibus Charonda legitur, Qua in re.*

(b) *Νοκ quare a Theophilo abest.*

(c) De linea cognationis, & graduum dimmeratione dictum lib. i. tit. x. de Nupt.

(d) *De avi etymologia sic Efflor de Verh. Sign.* Avus patris matrisque pater, dictus a Græco vocabulo, quod est apud eos ~~avus~~, mutatis quibudam litteris. Alii volunt, quod ex ea voce appelleretur, quod apud eosdem Græcos ~~avus~~ appellatur, significatque magnum, quum veluti magnum pater sit avus. Alii putant, avum dictum esse, quia ad duos attineat, quasi ad dnum, vel quia ad patrem sit additus. *Fabula. Proffer cum Iphidoro opinari, avum ab ævo dñum, idest ab antiquitate, lib. 9. Oris. c. 5.*

(c) Nepos (qua nomine consuevit etiam nepris, autere Ennio apud Nonium) ab eo dictus, quod natus post sit patri, quam filius, ut ait Paulus Diaconus in Festi Episcopo, & Isidorus loco cit.

(f) *Frater*, inquit *Bellar*, a *Græco* dictus est *frater*, vel quod sit fere alter.

(g) Soror, ait Laberapud Nonium, appellata est, quod quasi seorsum nascitur, separatimque ab ea domo, in qua nata est. V.Gell. lib. 10. c. 13. Aliter Hyginus l. 6. Soror est ex eodem semine dicta, quod fons cum fratribus in sorte adgnationis habeatur. Etymologia nimirum petita. Nonnulli sororem ab Hebraeo vocem ditiāsum putant, inter quos est Fossius; sed frustra sunt, bene inquit Manuz. Amavit. c. 39. qui voces Latinas ab Hebraeis deducunt prae ter appo pantes. Opinatur alii sororem esse a sero, id est nato, abstracto, quasi nativitate sua a matre et crudiore, item, pro eo quia inter eos coniungit Hebraeus

rantur, proprie fratres patruels vocari: si autem ex duobus fratribus filii nascuntur, sorores patruels appellari: at eos, qui ex fratre, & sorore progenerantur, amictos proprie dici. Amicti tuz filii consobrinum te appellant, cu illos amictos.

5 Quirto supra avus, avia: infra aduepos, adnepcis: ex transverso fratris, sororisque pronepos, proneptis: & convenienter propatruus, proamatris, idest, proavi frater, & soror, proavunculus, promateterna, idest, proavix frater, & soror. Item fratris patruelis, sororis patruellis, consobrinus, consobrina, amicti, amictuz filius, filia: propius (u) sobrino, propius sobrina. Hi sunt patrui magni, amicti magni, avunculi magni, mateterna magni, filius, filia.

6 Sexto supra tritavus, tritavia: infra trinepos, trineptis: ex transverso fratris, sororisque abnepos, abnepcis: & convenienter abpatruus, abamita, idest, abavi frater, & soror: abavunculus, abmateterna, idest, abavix frater.

consobrinum appellant; & Marcus Lucullum, qui Lucio adgnatus erat, adnotante Scaligero ad Pustb. p. 132, Lucii consobrinum vocat Rurap. lib. 6. cap. 7. & vel ipse Cic. pro Ligario cap. 4. Ligarii consobrinum dicit: qui avunculi filius erat. Interdum etiam consobrini pro sobrinis positi. Ita Paulus lib. 4. sent. tit. 11. §. 6. propioris sobrini filius, filia, qui consobrini appellantur: Continus quidem lib. 1. subsec. de lib. cap. 10. Hostianus lib. 1. obs. cap. 12. & novissime Schultingius ad Paulum ibid. lib. 1. vitiis factum ajunt, ut consobrini ponerentur pro sobrinis: ceteram sobrini potius legendum esse apud Paulum. cit. & in l. 10. §. 1. ff. de grad. & adfin. At frustra meo quidem iudicio sunt, non enim est novum, ut sobrini dicantur consobrini: adeo lata est consobrinorum significatio. Sane Lippius ad Patere lib. 2. cap. 3. notat, Scipionem Nasicam Gracchi consobrinum dici, quem tamen esset sobrinus. Praterca Trajanus & Adrianus consobrini dicuntur Spartiano, & tamen observante Gsaubono Aelius Aelii Adriani Imperatoris avus uxorem habuit Ulpian Trajani amitam. Contra sobrini quandoque positi pro consobrinis, quo sensu accipiendum illud Taciti 12. Annal. 6. ubi ait, matrimonia sobrinarum, diu ignorata, tempore addito percrebuisse: Certe enim de nuptiis consobrinorum illic est sermo: nec recte faciunt, qui contra fidem omnium Codicum legunt, consobrinarum. V. Theod. Ryckium ad Tacit. loco cit.


(u) Ita Festus Pompejus u. propius, Haloander, & l. 2. C. comm. de success. In Gentii manuscriptis est propior sobrinus, propior sobrina, ut etiam est in l. 12. Cunde legit. Verum Charondas ad hunc §. ex veteribus libris, respondit, propior sobrinus, propior sobrina, atque Ita Cajus in l. 1. §. 7. ff. h. t. & Gratianus in can. ult. caus. 35. quasi. 5. ubi Pauli verba refert ex lib. 4. sent. tit. 10., quae tamen (ut illud praeterca moncam) & perperam Isidoro ascribuntur, & adeo corrupta sunt, ut jure scribat Cuius ibidem, ea verba esse desiramis interpretis. Et vero, quod facit ad hunc locum, in eo reprehendendus est Gratianus, quod sic verba Pauli describat: propior consobrinus, propior consobrina, quem tamen scripserit Paulus, propius sobrinus, sobrina. Charonda emendationem confirmare videtur Taciti locus 12. Annal. 64. Lepida minore Antonia genita, avunculo Augusto, Agrippinae sobrina prior, ac Cnei mariti ejus soror &c. ubi sobrina prior Tacito dicitur, quae propior sobrina dicitur jurisconsultis, nam propior sobrina est, quae gradu uno sobrinam antecedit, eaque sobrina prior novissime dici potest, nec quidquam causa est, cur aut cum Verriano legat Agrippinae sobrina propior.

ter, & soror. (x) item sobriini, sobrinæque, idest, qui, quæve ex fratribus, vel sororibus patruellis, vel consobrinis, vel amicitinis progenerantur.

7. Hactenus ostendisse sufficiat, quemadmodum gradus cognationis numerentur. Namque ex his palam est intelligere, quemadmodum ultiores quoque gradus numerare debeamus: quippe semper generata persona gradum adiecit, ut longe facillius sit respondere, quoto quisque gradu sit, quam propria cognationis appellatione quentiam denotare. (y)

8. Adgnationis quoque gradus eodem modo numerantur.

9. Sed quum magis veritas oculata fide, quam per aures animis hominum inligatur: ideo necessarium duximus post narrationem graduum, eos etiam præsentis libro inscribi, quatenus possunt & auribus, & oculorum inspectione adolescentes perfectissimam graduum doctrinam adipisci.

 Hæc de Gradibus cognationum, de quibus & Varro teste Servio *lib. v. En.* & ex nostris Paulus librum singularem scripisse dicitur, quem ætate sua extitisse, ac fere totum contineri in *l. Jurisconsultus h. t.* scribit Cujac. *lib. 6. obs. c. 40.* Sed & Tribonianus, ut studiosi juris adolescentes oculis etiam varios cognationum gradus internoscere, ipsam graduum formam apposuit, veteres Jurisconsultos imitatus, qui, ut Paulus ait, scalarum locorumve proclivium instar disponere formas graduum consuevere. Cujacius loco citato antiquam Graduum formam adpinxit, quam, ut ipse ait, habebat a fronte Codex quidam Theodosianus sibi a quodam Amaro Ranconneto commodatus: aliam dedit Contius ex *lib. 4. sent. Pauli*: dedit & aliam Charondas ex Codice Dionysiano, etsi in nullo manuscripto formam graduum se reperisse testetur, quod & testatur Febrorius de melioribus Theophili Codicibus.

10 (z) Illud certum est, ad serviles cognationes illam partem Edicti, qua pro-

aut cum Freinshemio, Agrippinæ sobrina priorisque mariti ejus soror, nam, omnes Codices obsant, & illud præterea contra Freinshemium facit, quod Lepida non fuit Agrippina sobrina, sed liberi ejus, si quos habuisset, Agrippina sobriini fuissent. V. Ryckium ad Tacit. *Ch. Ant. Aug. lib. 2. emend. cap. 5.*

(x) In vulgata exstant hæc verba: Item propatruui, proamitæ, proavunculi, promatertæ filius filia: item propius sobriino sobrinave filius filia. Sed obsant Theophilus, & omnes Charonda idem, quibus accedit liber Albornotianus, teste Ant. Aug. *ibid.* Continuo legi: Item propioris sobriini sobrinæve filius filia, idest sobriini sobrinæque. Item qui quæve ex fratribus vel sororibus patruellis vel consobrinis vel amicitinis nepotes neptelæve progenerantur. Alibi post ea verba, item propius sobriino sobrinave filius filia, leguntur etiam hæc: item consobriini consobrinæ nepos neptis; qua tamen Hotomannus sic esse restituenda, ait ex *Cajo l. 3. h. t.* Item fratris patruellis, sororis patruellis, consobriini, consobrinæ, amicitii, amicitinæ nepos, neptis. Sed quam nos lectionem retinimus, ea potior est, cætera tanquam superflua prorsus inducenda.

(y) V. dista ad lib. tit. 10 de Nuptiis.

(z) Vulgo novum hoc legi appingunt Titulum de Servili Cognatione, quemamen-

proximitatis nomine bonorum possessio promittitur, non pertinere: nam uenia antiqua lege talis cognatio computabatur. Sed nostra Constitutione, quam pro iure patronatus fecimus, (quod Jus usque ad nostra tempora satis obcurum, atque tunc plenum, & undique confusum fuerat) & hoc humanitate suggerente concessimus, ut si quis in servili constitutus consortio liberum (aa), vel liberos habuerit, sive ex libera, sive ex servilis conditionis muliere, vel contra serva mulier ex libero, vel servo habuerit liberos cuiuscumque sexus, & ad libertatem his pervenientibus, & ii, qui ex servili ventre nati sunt, libertatem meruerint, (bb) vel dum mulieres liberae erant, ipsi in servitute eos habue-

tamen neque habent Charunda manuscripti, nec veteres nonnulli Codices A. Constantii, neque Interpretes Basilicorum, nec Photius in Nomocanone, nec Theophili Editiones Viglii, Curtii, Fabrotii, & Doujassii. Idemque A. Matthaeus confirmat autoritate Graeci Interpretis Harmenopuli, qui Titulum de Emptione & Venditione 23. appellat, quum tamen, peculiari hoc Titulo admissio, 24. dici debuisset. Sed & vulgarem hunc Titulum apertissime rejicit ipse Tribonianus in 6. repetitis, qui hunc §. 10. proxime excipit, priora enim ejus §. verba ad Tit. de Gradibus Cognationum referri debent. Vulgaris autem erroris causam hanc esse ait Everardus Otto, quod quum librorum spatium aliquod in antiquis membranis ad describendum Cognationum gradus interjectum hoc loco viderent, deesse Titulum de Servili Cognatione judicarent.

(aa) Nihil minus necesse, inquit hic Hotomanus, verbo uti non Latino, nam non sine liberis esse dicitur, qui unum habet. Non est 148. de U. S. Sane Gellius lib. 2. Noct. Att. 4. 13. ostendit, Latinos etiam unum filium filiamve liberos numero multitudinis appellasse. Sed nihil esse video, cur Tribonianum minus Latine loquentum scribas Hotomanus, nam & Aulus Declamatorium, Liberi, inquit Decl. 2. ac parentis non alius mihi videtur affectus, quam quo rerum natura, quo mundus ipse constrictus est. Et Phaeon apud Ovid. 1. Met. sic matrem appellat.

Quodque magis doceas, Genitrix, ait, tu ego liber

Ille ferox tacui. Et bene observat Scipio Gentilis tit. sing. Orig. ad Pand. dixisse veteres Liber pro Liberis, quemadmodum & Caelius Umbris Uter dixit pro Uteris, & Gravius & Papinianus Exter pro Exteris. Facit hoc locus Tullii lib. 2. de Nat. Deor. 2. 24. Quod ex nobis natos liberos appellamus, idcirco Cerere nati nominati sunt Liber & Libera: quod in Libero servavit, in Libera non item. Sic enim legendum ex editione Manutiorum, non ut male alioi, quod in Libera servant, in Libero non item. Verum id postea immutavit recentiorum temporum consuetudo, quam spectasse dicendus est Gellius loco cit. & Cajus in d. l. non est 148. his verbis: Hæc enunciatio, habet liberos, non habet liberos, semper pluralivo numero profertur, sicut & pugillares & codicilli. Esti Catubili pugillare, & Aufonius pugillar, & Marcellus l. pen. de jure cod. & Paulus l. 38. de cond. & dem. Codicillum dixerint. V. Alciat. ad d. l. 148. Gentil. loco cit. & Voss. lib. 1. de Anal. 2. 42.

(bb) Hæc verba, vel dum mulieres, usque ad verbum pervenerint, omnino delenda esse putat Bachovius, quum quia apud Theophilum non extant, tum quoniam alias distum inepte repetunt. Verum ego illa retinenda esse censui ex fide omnium Codicum, quamquam fateor, otiosa esse: tunc tamen potius Triboniano familiarem accuso.

duerint, & postea ad libertatem pervenerint, ut hi omnes ad successionem patris, vel matris veniant, patronatus iure in hac parteposito. Hos enim liberos non solum in suorum parentum successionem, sed etiam alterum in alterius successionem mutuum vocavimus, ex illa lege specialiter eos vocantes: five soli inveniantur, qui in servitute nati, & postea manumissi sunt, five una cum aliis, qui post libertatem patentum concepti sunt, five ex eodem patre, five ex eadem matre, five ex aliis (cc), ad similitudinem eorum, qui ex iustis nuptiis procreati sunt.

11. Reperitis itaque omnibus, quæ jam tradidimus, apparet, non semper eos, qui parem gradum cognationis obtinent, pariter vocari, eoque amplius, ne eum quidem, qui proximior sit cognatus, semper potiores esse. Quum enim prima causa sit suorum hereditum, & eorum, quos inter suos heredes enumeravimus; apparet, pronepotem, vel abnepotem defuncti potiores esse, quam fratrem, aut patrem, matremque defuncti: quum alioqui pater quidem, & mater (ut supra quoque tradidimus) primum gradum cognationis obtineant, frater vero secundum, pronepos autem tertio gradu sit cognationis, & abnepos quarto. Nec interest, in potestate morientis fuerit, an non, quod vel emancipatus, vel ex emancipato, aut ex femineo sexu propagatus sit.

12. Amoris quoque suis hereditibus, & quos inter suos heredes vocari diximus, adgnatus, qui integrum jus habet adgnationis, etiam si longissimo gradu sit, plerumque potior habetur, quam proximior cognatus. Nam patrui nepos, vel pronepos avunculo, vel materteræ præfertur. Toties igitur dicimus, aut potiores haberi eum, qui proximiores gradum cognationis obtinet,

(cc) *Vulgata habet, five ex aliis nuptiis. At Rufardus & alii non pauci ad nuptiis inducendum putant maxime ob autoritatem Theophili, apud quem est sita ex diversis ex diversis parentibus, hoc est five ex diversa patre, five ex diversa matre, qui sensus est verbarum, five ex aliis. Quæ lectio bene exprimit Tribonianam sententiam, nempe hanc, liberos ante libertatem natos cum natis post libertatem succedere, five hi ex iisdem parentibus nati sint, five ex diversis, puta si servus, qui in servitute liber ex aliqua muliere susceperat, tum manumissus cum alia consuevit: illud tamen displicet nonnullis, quod si ad nuptiis expungas, inepte abundante ea verba, five ex aliis, nam quæ præcedunt, five ex eodem patre five ex eadem matre, satis videntur utramque speciem comprehendere, five quum ex iisdem, five quum ex diversis parentibus nati sunt liberi? quo factum, ut maluerit Hotomanus, five ex eodem patre & eadem matre, five ex aliis. Ego quidem video, id concinnius dictum, et non ausim tamen a Theophilo, & plerisque omnibus Codicibus recedere, neque est de stylo Triboniani, hominis plerumque verbosi, tantopere laborandum. Sed non dum transacta res est, nam Cujacius & Hotomanus veteres Codices sequuntur post verbum, five ex aliis, illud præterea addunt, qualicumque copulatione. Verum ego istos Codices nihilo moror, quum enim copulationis verbum generale sit, & nuptiarum, & quemvis alium injustum concubitum designet; si Cujacius & Hotomanus nuptias intelligant, quare, cui nuptiis erosum valens si veritas concubitus, quare quos? certe non eos, qui vulgo damnati coitus appellantur, nam ex damnato coitu nati non succedunt: non ceteros concubitus five cum meretrice, five cum concubina; nam vulgo quæsti patrem, cui succedant, iure civili non habent, naturalis autem ante ius Novellarum, quod rescindere Institutionum libri non possunt, a paterna etiam successionis res elidantur. V. Bachovius hic.*

net, aut pariter vocari eos, qui cognati sunt: quoties neque suorum heredum jure, quique inter suos heredes sunt, neque adgnationis jure aliquis præfori debeat, secundum ea, quæ tradidimus: exceptis fratre, & sorore emancipatis, qui ad successionem fratrum, vel sororum vocantur, qui etsi capite deminuti sunt, tamen præferuntur ceteris ulterioris gradus adgnatis.

DE SUCCESSIONE LIBERTORUM.

TITULUS VII.

38. ff. 2.

Nunc de libertorum bonis videamus. Olim itaque licebat liberti patronum suum impune testamento præterire: nam ita demum lex duodecim Tabularum ad hereditatem liberti vocabat patronum, si intestatus mortuus esset libertus, herede suo nullo relicto. Itaque intestato mortuo liberti, si is suum heredem reliquisset, patrono nihil in bonis ejus juris erat. Et si quidem ex naturalibus liberis aliquem suum heredem reliquisset, nulla videbatur querela: si vero adoptivus filius fuisset, aperte iniquum erat, nihil juris patrono superesse.

1 Quia de causa postea Prætoris Edicto hæc juris iniquitas emendata est: si ve enim faciebat testamentum libertus, jubebatur ita testari, ut patrono partem dimidiam bonorum suorum relinqueret: & si aut nihil, aut minus parte dimidia reliquerat, dabatur patrono contra tabulas testamenti partis dimidiæ bonorum possessio. Sive intestatus moriebatur, suo herede relicto filio adoptivo, dabatur æque patrono contra hunc suum heredem partis dimidiæ bonorum possessio. Prodesse autem libertis solebant ad excludendum patronum naturales liberi, non solum, quos in parentate mortis tempore habebat, sed etiam emancipati, & in adoptionem dati: si modo ex aliqua parte scripti heredes erant, aut præteriti contra tabulas bonorum possessionem ex Edicto petierant; nam exheredati nullo modo repellbant patronum.

2 Postea lege Papia adacta sunt jura patronorum, qui locupletiores libertos habebant. Cautum est enim, ut ex bonis ejus, qui testertium (a) centum millium patrimonium reliquerat, & pauciores, quam tres liberos habebat, si ve is testamento facto, si ve intestatus mortuus erat, virilis pars patrono deberetur. Itaque quum unum quidem filium, filiamque heredem reliquerat libertus, perinde pars dimidia debebatur patrono, ac si is sine ullo filio, filiave testatus (b) decelsisset. Quum vero duos, duasve heredes reliquerat, tertia pars debebatur patrono: si tres reliquerat, repellbatur patronus.

3 Sed nostra Constitutio, quam pro omnium notione (c) Græca lingua compendioso tractatu habito composuimus, ita hujusmodi causam definivit: ut si quidem libertus, vel liberta minores centenariis sint, id est, minus centum aureis (d) ha-

(a) *V. Comm. nestr.*

(b) *V. Comm. nestr.*

(c) *Ista Theop. δὲ τὴν πρὸς τὸν αὐτὸν αὐτὸν αὐτὸν, & perperam in nonnullis editionibus, pro omni natione.*

(d) habeant substantiam, (sic enim legis Papie summam interpretati sumus, ut pro mille sestertis tuus autem computetur) nullum locum habeat patronus in eorum successione, si tamen testamentum fecerint. Sin autem intestati decesserint, nullo liberorum relicto: tunc patronatus jus (quod erat ex lege duodecim Tabularum) integrum reservavit. Quum vero majores centenarius sint, si heredes, vel bonorum possessores liberos habeant, five unum, five plures, cuiuscumque sexus, vel gradus, ad eos successiones parentum deduximus, patronis omnibus modis una cum sua progenie senioris. Sin autem sine liberis decesserint: si quidem intestati, ad omnem hereditatem patronos, patronasque vocavimus: si vero testamentum quidem fecerint, patronos autem, aut patronas praterierint, quum nullos liberos haberent, vel habentes eos exheredaverint, vel mater, five avus materis eos praterierint, ita ut non possint argui inofficiosa eorum testamenta, tunc ex nostra Constitutione per bonorum possessionem contra tabulas, non dimidiam, (ut antea) sed tertiam partem bonorum liberi consequantur, vel quod deest eis ex Constitutione nostra repleatur, si quando minus tertia parte bonorum suorum liberatus, vel liberta eis reliquerit: ita sine onere, ut nec liberis liberi, libertæve ex ea parte legata, vel fideicommissa præstentur, sed ad coheredes eorum hoc onus redundet: multis alijs casibus a nobis in præfata Constitutione congregatis, quos necessarios esse ad huiusmodi dispositionem juris perspeximus, ut tam patroni, patronæque, quam liberi eorum, necnon qui ex transverso latere veniunt, usque ad quibuscumque gradum ad successionem liberorum, libertatumve vocentur, sicut ex ea Constitutione intelligendum est: & si ejusdem patroni, vel patronæ, vel duorum, duarumve, pluriumve liberi sint; qui proximior est, ad liberti, vel libertæ vocetur successionem, & in capitulum, non in stirpes dividatur successio: eodem modo & in iis, qui ex transverso latere veniunt, servando. Pene enim consonantia jura ingenuitatis, & libertiuitatis in successionebus fecimus.

4 Sed hæc de iis libertis hodie dicenda sunt, qui in civitatem Romanam pervenerunt: quum nec sint alii liberti, simul & Dediticii, & Latini sublati, quum Latinorum legitimæ successiones nullæ penitus erant: quia licet ut liberi vitam suam peragebant, attamen ipso ultimo spirite simul animam, atque libertatem amittebant, & quasi servorum ita eorum bona jure quodammodo peculii ex lege Junia (e) manumissores desinebant. Postea vero Senatusconsulto Largiano cautum fuerat, ut liberi manumissoris non nominatim exheredati facti, extraneis heredibus eorum in bonis Latinorum præponerentur. Quibus etiam supervenit Divi Trajani Edictum, quod eundem hominem, si vivo, vel ignorante patrono ad civitatem Romanam venire ex beneficio principis festinarat, faciebat quidem vivum civem Romanum, Latium vero morientem. Sed nostra Constitutione propter huiusmodi conditionum vices, & alias difficultates, cum ipsis Latinis etiam legem Juniam, & Senatusconsultum Largianum, & Edictum Divi Trajani, in perpetuum deleri censuimus, ut omnes liberti civitate Romana fruantur, & mirabili modo quibusdam adjectionibus (f) ipsas vias, quæ in Latinitatem ducebant, ad civitatem Romanam capiendam transposuimus.

COM-

(d) V. Comm. nostr.

(e) Intellige Juniam Norbanam, de qua lib. 1. ad tit. 5. §. 3.

(f) V. Cujac. 18. obs. 21. & Inst. nostr. ad tit. 5. §. 3. lib. 1.

Lib. III.

COMMENTARIUS.

PARS. Lege 11. Tab. licebat liberti patronum suum impune testamento præterire, nam ita demum lex 12. Tab. ad hereditatem liberti vocabat patronum, si testamenti mortuus esset libertus, suo herede nullo relicto five naturali five adoptivo. Ulp. in *l. intestato* 3. de suis & legitim. & in *Fragm. tit. 29. pr.* ubi inter suos heredes enumerat quoque uxorem, quæ in manu liberti fuit, nam ut fuit *lib. 1. tit. 10.*, uxor, quæ in matrem convenerat, viro suæ heres erat. Quod si suus heres nullus existeret, patronus tanquam adgnatus proximus ad legitimam successionem vocabatur. Hinc Justinianus in Constitutione de Jure Patronatus, quæ extat in libris Basilic. *lib. 49. tit. 1.* quamque in membranis quibusdam latine redditam invenit, atque edidit Cujac: *lib. 20. obs. c. 34.* patronos esse ait *omnes* libertorum: atque hinc factum, ut patronorum nomen liberti adsumerent, tanquam filii. *L. 4. Div. Inst. lib. 4. c. 3.* quo spectant legata libertis ea lege relicta, ne de nomine testatoris exirent, *l. quum pater* 77. §. ab instituto 15. ff. de leg. 1. *l. is, qui* 94. de leg. 3. & *l. libertis* 108. de cond. & demonstr. ubi D. Gothofr. (a) Sed docet in lege 11. Tab. iniqua visa sunt. Unum, quod posset libertus, extraneo etiam instituto herede, patronum impune præterire: alterum, quod adoptivus etiam filius patronum a legitima successione repelleret. Et quamquadi iniquum non sit, matrem, patrem, sorores, fratres, ac reliquos cognatos & adgnatos ab adoptivo filio excludi; quum legitima ingenui hominis hereditas agitur; iniquum tamen est visum; excludi patronum, cui plus juris in bonâ liberti Prætor concepit, ne alias domini nimis duras in libertate præstanda condiciones imponerent, ut bene Hot. *arg. l. 1. pr. de bon. liberti.* (b)

§. I. Duo hæc emendavit Prætor. Es quidem primus. Prætor Rustilius edixit, se amplius non daturum patrono, quam operarum & societatis actionem: videlicet si hoc pepigisset, ut nisi ei obsequium præstaret libertus, in societatem, admitteretur patronus: inquit Ulp. *diff. l. 1. pr.* Hoc igitur jure patronus dimidiam bonorum liberti actione societatis habebat. Posteriores Prætores, subdit §. 1. Ulp., cetera partis bonorum possessionem pollicebantur: (hoc est dimidiæ, ut mox) videlicet enim imago societatis indaxit ejusdem partis præstationem: ut quod vivus solebat societatis nomine præstare, id post mortem præstaret. Quo igitur habebat patronus lege societatis, habere coepit jure successionis.

Cha-

(a) Hinc liberti nomen patronorum adsumebant, & servus quidam Pompei Magni nomine Lencus post manumissionem Pompejus Lencus dictus fuit. *Plin. Hist. Nat. lib. 31. c. 2.* & duo Ciceronis servi, alter Laurea, alter Tyro, de quo in *Ep. fam. frequens est mentio*; fuisse etiam dicti Laurea Tullius, & Tullius Tyro. Sic liberti Civitatum & Municipiorum ab ipsis Civitatibus ac Municipiis nominari consueverunt; & forsasse Valentini dici debuit libertus Valentia &c. Atque in hanc sententiam scipisse videtur Varro *lib. 7. de L. L.* Habent plerumque libertini nomen a municipiis manumissi.

(b) Ulp. Hoc Edictum a Prætoribus propositum est honoris, quem liberti patronis habere debent, moderandi gratia, namque, ut Servius scribit, antea soliti fuerunt a libertis durissimas res exigere, scilicet ad remunerandum tam grande beneficium, quod in libertos confertur, quum ex servitute ad Civitatem Romanam perducuntur.

Charond. ad Ulp. tit. 29. pr. (c) Sed hæc inculemius exponit Tribonianus his verbis: *Sive faciat testamentum liberius, subebatur ita testari, ut patrono partem dimidiam (d) bonorum suorum relinqueret, nisi tamen liberos sive suos sive emancipatos heredes scripserit, hi enim patronum omnino excluderant, quum & non facto testamento profus excluderent.* Ulp. *ibid.* Quod si extante herede scripto aut nihil aut minus parte dimidia (e) reliqueras, dabatur patrono contra tabulas testamenti partis dimidia bonorum possessio. Trib. hic. Et quamquam bonorum possessio contra tabulas, quæ liberis promittitur, locum habeat, sive quis heres exiterit, sive non, unde contra ipsum testamentum competere dicitur; id tamen in patrono contra esse, ait Paulus *l. illud 4. pr. contra tab.* & opus est, *vel unum ex heredibus adisse hereditatem, bonorumve possessionem petisse.* *Letiam si 3. huc patronus 5. de bon. lib.* Quumque in hac specie patrono quidem contra tabulas certa partis bonorum possessionem Prætor pollicetur, scripto autem heredi secundum tabulas alterius partis, convenit non esse jus aderecendi: (diverso enim jure veniunt) igitur non petente scripto secundum tabulas, alterius quoque partis nominatim patrono possessionem pollicetur: *quum ceteri, quibus aderecendi jus est, semel debeant agnoscere bonorum possessionem.* sed quum 6. pr. de bon. possession. V. Aut. Fabr. de Err. Pragm. dec. 30. er. 7. n. 6. & 7. Pergit Trib. *Sive intestatus moriebatur, suo herede relicto filio adoptivo, dabatur aque patrono contra hunc suum heredem partis dimidiæ bonorum possessio.* Preesse autem liberto solebant ad excludendum patronum naturales liberi sive sui sive emancipati, & in adoptionem dati, si modo ex aliqua parte scripti heredes erant, aut præteriti contra tabulas bonorum possessionem ex Edicto Prætoris petierant: quæ postrema verba emancipatos tantum spectant, quum bonorum possessio contra tab. filiis in adoptionem datis, ac proinde in aliena familia existentibus non competat. *Seeadem 12. sup. de her. quæ ab intest.* Denique exheredati, nullo modo repellunt patronum. Trib. hic. Nec dubitandum est, quin testamento per querelam everso liberi patronum excluderent, re ad causam intestati redacta. (f) V. Bachov. hic.

§. II. At lege Poppæ, quæ autores habuit suffectos Consules M. Papium Mucilum & Q. Poppæum Secundum an. ab U. C. 761. vixit de jure patronatus statuta sunt, de quibus fusc Paulus libro singulari de jure patronatus, quod ex Lege Julia Papiæ venit, cujus solum nomen extat in indice Pandectarum Florentinorum, præterea nihil. At primum Lex Papiæ Poppæa li-

ber-

(c) Eleganter libertus apud Quintilianum, (sive quisquis alius sit ejus operis Auctor) in Declam. Avia testis ajobat. Huic debeo munus, operas, testamentum.

(d) Auctor est Tullius l. in Vor. 48. edixisse Verrem; ut, si quis libertus alienum heredem institutos, nec tamen quidquam patroni filiis reliquisset, possent hi sextantem hereditatis posero. V. Hot. l. observ. 1.

(e) Hujus parvis meminero Suet. in Neron. c. 32. & Dio Cassius lib. 51. p. 454.

(f) Hæc omnia de liberto edixit Prætor, adeoque in bonis libertæ patrono nihil juris ex Edicto datur: itaque si intestata moriatur liberta, semper ad eum hereditas pertinet, inquit Ulp. cit. tit. 5. 2. quum quia liberta suos habere heredes non poterat, qui patronum excluderent, tum quoniam testari non poterat, quum legitimus ei tutor esset patronus: Ulp. tit. 11. §. 27. & tit. 29. §. 3.

bertas, quæ vel naturæ, vel Principis beneficio jus quatuor liberorum habebat, tutela patronorum liberavit. Cujus rei illud erat consecutaneum, ut liberè possent testari, virili tantum parte patrono data pro numero liberorum. Ulp. loco cit. Eadem lege Papia adaucta sunt jura patronorum, qui locupletiores libertos habebant; cautum enim esse ait Trib. ut ex bonis ejus, qui sceleratissimum centum millium patrimonium reliquerat, & pauciores, quam tres libertos habebat (sive is testamento facto, sive intestatus mortuus erat) virilis pars patrono deberetur: Inque quum unum quidem filium filiamve heredes reliquerat libertus, perinde pars dimidia debebatur patrono, ac si is sine ullo filio filiaque intestatus decessisset. Ita in omnibus Codicibus: sed primus omnium Cujacius lib. 2. obs. c. 13. & lib. 17. cap. 13. pro intestatus reposuit testatus, idque placuit Hotomano, Bachovio & ceteris plerisque, frustra obloquente Roberto lib. 5. res. lib. 24. Jano & Costa & Marcilio hic, quum haec emendationem & Theophili paraphrasis, & ea vel maximo ratio luadeat, quod libertus sine liberis intestato mortuo non dimidia, sed tota hereditas patrono deberetur jure legitimo l. intestato 3. de suis & legis. l. liberto 17. de bon. lib. (l.) Quum vero (jubdit Trib.) duos duosve heredes libertus reliquerat, totius pars debebatur patrono: si tres reliquerat, repellabatur patronus. Hucusque de L. Papia, quæ tamen, quoniam de locupletioribus tantum libertis lata est, pater, in pauperibus stare adhuc antiquiora jura patronatus.

§. III. Tandem hanc causam definiuit Justinianus Constitutione sua de Jure Patronatus, cujus summa hæc redit. Liberti aut intestati, aut testamento facto decessunt. Si intestati & relictiis quidem liberis naturalibus, (nam adoptivi non ob-

stant

(g) Robertus, qui vulgarem sequitur, id unum urget, liberto sine liberis intestato mortuo, fratres tanquam agnatos cum patrono concurrere, sique alteram dimidiam fratribus, alteram patrono deferri, quum esse ait horum verborum sententiam: perinde pars dimidia debebatur patrono, ac si is sine ullo filio filiaque intestatus decessisset. Id confirmat ex §. 10. sup. de grad. cogn. ubi quum dixisset Trib., liberos in servitute susceptos, & postea manumissos ad successionem patris vel matris venire, patronatus jure in hac parte sopito; addidit & illud, hos liberos non solum in suorum parentum successionem, sed etiam alterum, (fratrem) in alterius (fratris) successionem vocari. At vide, quam turpiter labatur Robertus. Et principio quidem Ulp. generatim ait l. 3. pr. de suis & legiti, intestato liberto mortuo primum suis decessi hereditatem: si hi non fuerint, tunc patrono. & l. 17. de bon. lib., liberto sine liberis mortuo in primis patronum & patronam bonorum possessionem accipere. Et Trib. in §. seq. h. s. scribit, Justiniani Constitutionem jus patronatus, quod erat ex l. 13. Tab. integrum reservasse patrono; si liberi intestati decesserint, nullo liberorum relicto. Quibus in locis aperte excluduntur fratres. Et frustra inquit Robertus, Ulpianum ac Tribonianum hanc sanctummodo speciem respexisse; quum desunt fratres, eo quod varissime contingat, liberos simul & parentes manumissi. Nam id est plane diviniari. Ad hæc libertus patronum habet agnatum, & quidem proximam, ut supra dictum, præterea neminem, ut perperam scribit Robertus, fratres tanquam agnatos cum patrono concurrere. Denique patronum esse fratribus priorum vel ex eo colligitur, quod patrono præterito semper competit bonorum possessio contra tab. ut hic; at vero tunc demum fratribus datum est fraternalis tabularum oppugnare, quum turpis heres est scriptus, ut lib. 2. dictum est. V. Bach. ad §. 10. de Grad. cogn. & ad h. l.

stant *arg. pr. sup. h. e.* quod male negat hic Hot.) patronus a successione prorsus repellitur. Si testamento facto, pauperiores quidem, hoc est qui infra centum aureos patrimonium habent, patronum præterire impune possunt, extraneo etiam herede scripto: locupletiores autem, hoc est majores centenarii, ut loquitur hic Trib. extraneo herede scripto, tertiam partem relinquere patrono debent, ita. ut si aut nihil, aut minus tertia parte relictum sit, competat patrono contra heredem bonorum possessio in tertiam partem, aut in id, quod deest. Et quamquam jure veteri prius legata vel fideicommissa liberis nominatim exhereditatis relicta detrahenda essent. *l. 4. de cond. & dem. l. 1. de leg. præs.* Justinianus tamen trientem hunc ex tota hereditate desumi voluit nullis legatis aut fideicommissis imminutum, exemplo legitimæ, quæ sue onere debetur liberis *l. 32. de inoff.* Quod si locupletiores liberti libertæve liberos habeant cuiuscumque sexus & gradus aut heredes aut bonorum possessores, nihil est juris patrono, nisi tamen liberi testamento patris nominatim exheredentur, aut a matre sive avo materno prætereantur, nam ab his præteriti pro exhereditatis habentur *§. ult. sup. de exher. lib.* Atque idem ius Constitutione Justiniani datum est non solum patrono, sed eo mortuo liberis ejus, atque his deficientibus, patroni ex latere cognatis usque ad quintum gradum: quæ verba Pacius, Mysingerius, & alii nonnulli male accipiunt de iis tantum, qui ex transverso veniunt ob textum Callistrati in *l. 220. de U. s.* ubi, *Liberorum*, inquit, *appellatione nepotes & pronepotes, ceterique qui ex his descendunt, continentur.* Nam luculenter ostendunt verba ipsa Græcæ Constitutionis apud Cujac. *loco cit.* non laterales modo, sed etiam liberos usque ad quintum gradum admitti. Sive autem liberi, sive cognati ex latere succedant, in capita, non in stirpes secatur hereditas, & proximior remotiorem excludit: quod & antea statutum erat, *l. si libertus 23. §. 1. & seq. de bon. lib.* Ulp. *tit. 27. §. 1. & seq.* Neque obstat, quod liberi parentum suorum locum subeant; hic enim non parentum, patronorum hereditas agitur, sed liberti, cujus hereditatem patronus & liberi non-tanquam sui, sed tanquam adgnati vindicant, *l. 2. §. 1. unde leg.* Illud explicari difficile est, quod ait Tribonianus, Justinianum sic legis Papie summam interpretatum, ut pro mille sestertiis unus aureus computetur. Et lege quidem Papia locupletiores liberti habebantur, qui sestertium centum millium patrimonium reliquerant; pro quo Africanus dixit rem centum in *l. liberto 26. ff. de bon. lib.* ut enim bene Hot. lib. de re num. promissa dicebant veteres centum milia sestertium, & centum sestertium, aut duntaxat centum. Erat sestertius numus Romanorum argenteus, pars quarta denarii, & centesima auri; ac proinde idem erat sestertium centum millium patrimonium habere; ac mille aureorum. At Justinianus pauperiores liberos dixit, qui minus centum aureis habent substantiam; locupletiores vero, qui majores sunt centenariis, nunc aureo pro mille sestertiis computato. Multa quidem de aureo Justiniano disputata sunt ab Hotomano & Cujacio: multa etiam pererrare à Gronovio lib. 2. de pæd. vet. c. 9. sed adhuc sub iudice lis est. (h)

(h) *Mentis hic locus, ut de Sestertio & Aureo subtilius paulo & uberius dicam. Sestertius & sestertium differunt, quod post Budam lib. de ass. ostendit Hotom. de re num. c. 22. contra Georg. Agricolum, qui lib. 2. de pand. scripsit, sestertium neutro genere eodem sensu a Poetis dici, quo sestertius a ceteris, ut mirari satis non queam Reinhardum Bachovium, qui Agricola sententiam sequens, ut ad stipulari sibi Hotomannum, scribit. Ceterum mille numerus sestertiorum unus sester.*

S. IV. Quæ hæcenus dicta sunt, de libertinis civibus Romanis intelliguntur, quales fuere omnes manumissi, quousque Romana steterit Respublica. Tum sub Augusto liberti *Dedititii* coeperunt, & sub Tiberio *Juniani Latini*, de quibus v. dicta ad lib. 1. tit. 5. §. 3. Hi omnes sive Dedititii, sive Latini jus testamenti facien-

sestertio respondere non obscure demonstrat locus ille Juven. sat. 4. v. 15. ubi de Crispino quodam gulofo homine inquit. - Mullum sex millibus emit,

Æquantem sane paribus sestertia libris.

& apertissime *Tullius Ver. 4. c. 58.* Facta est sponsio sestertis quinque, quo loco perperam nonnulli Codices habent: Facta est sponsio H. S. V. milium; nam & *Palladius* & *prima Editiones* ob millium ignorant. Et mox de eadem *re c. 60.* Coegit Scandilium quinque illa millia nummum dare, atque adnumerare Apronio. *Tam. cap. 61.* Cogit Scandilium sestertium quinque millia dare. Quæ tria eod. m. videntur. De sestertiis masculini generis lex minoribus *lex Papia* loquuta est, quod confirmat vetustissimus *Codex Emilius Fervetti*, qui S. 2. pro iis, qui sestertium centum millium patrimonium reliquerat, habet, qui sestertium æris centum millium & c. De aureo autem sic scribit *Dio 55. p. 556.* Aureum voco id numisma, quod vigintiquinque denariis valet, nomine vulgo recepto, quod tibi datur etiam a nonnullis Græcis. Et quoniam sestertius erat quarta pars denarii, patet, unum aureum fuisse olim non mille, ut loquitur hic *Trib.* sed centum sestertiis æstimatum. Idque duo loca, *Ulpiani* alterum, alterum *Taciti*, simul collata luculenter confirmant; & hic quidem *lib. 11. Annal. c. 7.* ait, *Claudius* honorario Advocatorum posse modum usque ad dena sestertia, (hoc est, ad sestertium decem millia) quem egressi repetundarum tenerentur; ille vero in *l. 1. §. 12. de exhered. cogn.* dena sestertia interpretatur his verbis: Licita quantitas intelligitur pro singulis causis usque ad centum aureos. Præterea tradit *Suetonius*, *Otho* nem, quoties eque *Galbam* excipiebat, dividere solitum *Cohorti Prætorie* excubanti pirittim unum aureum; quod idem describens *Tacit. lib. 17.* unum aureum centenis sestertiis exæquat. Hoc fecerunt, ut *Horatius* emendat; ite manus ad hunc §. admoveat, ne pro iis, minus centum aureis, reponeret, minus mille aureis, et mox pro mille sestertiis, reponeret centum & solidos; probat *Wesemb.* & *Everardus Otto.* *Horatium* eo nomine stultum appellat *Cujas. 19. Obs. 31.* ubi scribit, primam *Justinianum* certam & perpetuam aureo æstimacionem dedisse, sestertia ratione, quam servabant veteres leges & mores, ad rationem aureorum reddita, una aureo pro mille sestertiis computato: quo factum ait, ut *Tribonianus* multa *Pandectarum* loca, pro sui temporis ratione emendaret. Sane inquit *Paulus* *1. 5. §. 10. iis*, qui testatore interfecto apertis tabulis testamenti vel ab intestato adierunt hereditatem bonorumve possessionem acceperunt, centum millium sestertiorum panam irrogari ex *S. C. Silianiano*; at *Cajus. l. 25. §. 2. de S. C. Silianiano* panam esse ait centum aureorum. Et idem *Paulus* in *l. Marcia 49. ff. soluto matrim.* decem solidos, nempe aureos, interpretatur decem millia. Locum vero *Dionis de Aurei* æstimacione, & locum *Suetonii* ac *Taciti* de *Othone* nihil movetur *Cujacius*; nam *Dionem* loqui ait non de aureo Romano, sed de Attico, cujus multo minor fuit æstimatio; *Tacitum* autem de sestertiis majoribus; seu nemra generis intelligendum. *Cujacio* subscribit *Wesembærius*. Sic quum scriptum esset in *l. penult. §. ult. de injur. voc. si libertus patronum sine venia injur. vocaret*, quinquaginta aureorum judicium dari, is in *Embl. ad d. l. ex doctrina Cujacii* *Tribonianum* accusat, quod quinquaginta aureos substitueris in locum quinquaginta milli um sestertiorum; sed id tamen meo quidem judicio nimis durum videretur; quid enim

tan-

faciendi uon habebant l. i. pr. de suis & legis. sed bona eorum jure quodammodo peculii ex lege Junia Norbana manumissores desinebant : quo fiebat, ut, quemadmodum servi & filii peculium inter domini & patris heredes dividitur, ita Dediticiorum & Latinorum bona inter patroni heredes æque dividerentur, siue liberi essent, siue extranei, siue liberi simul & extranei; donec S.C. Largiano cautum fuit, ut liberi manumissoris non nominatim exheredes facti extraneos excluderent l. un. C. de Lat. lib. toll. Hoc S.C., cujus nulla alibi in libris juris est mentio, factum videtur an. ab U. C. 794. Ti. Claudio Drusi F. Cæsar. Aug. & A. Cæcilia Largo Coss. & forsan ideo nomen sumit a Largo Consule, quia, ut bene Heinecc. in Antiquad. h. l. Claudius Cæsar hunc Consulatum non ultra duos menses gessit, Largo autem collegæ magistratum in eorum annum protulit, quod scribit Dio Cassius 60. p. 771. Accessit Edictum D. Trajani de his libertis Latinis, qui invito vel ignorante patrono ad Civitatem Romanam venire ex beneficio Principis festinaverant, ut viui quidem jure Civium Romanorum conferrentur, ac morerentur tamen Latini. h. l. C. de Lat. lib. toll. C. l. un. Cod. de Dod. lib. toll. nam omnes libertini facti sunt Cives Romani, proindeque testamentum recte faciunt. Videtur ad lib. 1. loco cit.

DE

tantum peccavit Libertus, qui patronum in jus contra Edictum vocavit, ut quinquaginta millia sesteritiorum det poena nomine? Hac pro Hotomano & Cujacio : qui plura cupit, adeat ipsum Hot. lib. 4. Antiq. Rom. & Cujacio. loco cit. & rursus Hotomanum in Disput. de Aurea Justinianico post lib. 4. Antiq. p. 693. ubi argumenta Cujacii doctæ ac modestè diluit : adeat quoque Wissemb. laudato loco pro Cujacio disputantem, & pro Hotomano Gronovium ibid. Ipse, quid sentiam, sic breviter expono. Pavi ego non possum, quod Cujacius contendit, fuisse aureum mille sesteritiis æstimatum; nam, ut frustra sine pleraque omnia Hotomani argumenta, certe quidem hoc argumentum contra Cujacium facit maxime. Evi Justiniani Aureus plane didrachmus fuit, teste Polluce lib. 4. Onomast. quumque drachma auri communi judicio duodenis drachmis argenti æstimeretur, etsi pro temporis ratione paullo plus vel minus creverit, vel decreverit, ut est apud Polluc. lib. 9. & in l. 3. C. de suscept. & l. un. C. de arg. pret. consensaneum est, valuisse aureum drachmis fere viginti quinque, seu viginti quinque denariis, nam drachma Attica, inquit Plin. lib. 21. c. 34. denarii argentei habet pondus, ac proinde sesteritiis centum, quam sesteritiis sit quarta pars denarii. Et festinitiam quidem Plinii mira confirmant Suetonius & Plutarchus; Suet. enim in Cæsare c. 37. scribit, Cæsarem viritum sesterterios trecentos legasse, eandemque rem describens Elur. in Bruto & Antonio ait, legasse drachmas septuaginta quinque. At enim Tribonianus in hoc S. pro mille sesteritiis unum aureum ponit. Video quidem, neque textum, quod Hotomanus facit, assequi emendare; sed ajo, Imp. Justinianum in locupletioribus ac pauperioribus libertis desuatis a Legè Papia discessisse, ut ita pro temporis sui ratione patranorum jura augeret. V. Alet. lib. 3. Disput. c. 9. & Hieronym. Flenum lib. 2. Diatrib. cap. 3. Non me movet, quod opponunt post Cujacium nonnulli Justinianum Legem Papie summam interpretari, non mutare. Nam, ut alibi citum advertimur, raro Tribonianus dicendi proprietatem servavit. Illud hic interim monito, omnem de re nummaria disputationem longe difficillimam esse, quia pro Imperatorum arbitrio, & varia Imperis fortuna suis quoque varia pecunia æstimatis. V. Ant. Aug. lib. 2. Emend. cap. 7. 8. & 9.

DE ADSIGNATIONE LIBERTORUM.

TITULUS VIII.

38. §. 4.

IN summa, quod ad bona libertorum, admonendi sumus, censuisse Senatum, ut, quamvis ad omnes patroni liberos, qui ejusdem gradus sunt, æqualiter bona libertorum pertineant: tamen liceret parenti uni ex liberis assignare libertum, ut post mortem ejus solus is patronus habeatur, cui assignatus est: & ceteri liberi, qui ipsi quoque ad eadem bona, nulla assignatione interveniente, pariter admitterentur, nihil juris in his bonis habeant: sed ita demum pristinum jus recipiant, si is, cui assignatus est, decesserit, nullis liberis relicto.

1 Nec tantum libertum, sed etiam libertam, & non tantum filio, nepotivæ, sed etiam filiz, neptivæ assignare permittitur.

2 Datur autem hæc assignandi facultas ei, qui duos, pluresve liberos in potestate habebit, ut eis, quos in potestate habet, assignare libertum, libertamve liceat. Unde quærebatur, si eum, cui assignavit, postea emancipaverit, num evanescat assignatio? Sed placuit, evanescere, quod & Juliano, & aliis plerisque visum est.

3 Nec interest, testamento quis assignet, an sine testamento, sed etiam quibuscumque verbis patronis hoc permittitur facere ex ipso Senatusconsulto, quod Claudianis temporibus factum est, Sabellio Rufo, & Asterio Scapula Consulibus. (a)

(a) *V. Comm. nostr.*

COMMENTARIUS.

PR. Sed non est perpetuum, ut patrono mortuo liberi ejus æquis portionibus libertis succedant; potest enim quandoque patronus uni ex liberis suis libertum assignare, hoc est testificari, velle se, ut ejus filii libertus sit, ut explicat Modestinus in *l. assignare* 107. de *V. S.* & bene ait hic Cujac, de assignandis libertis jus singulare esse. In hac autem specie ceteri liberi in bonis liberi nihil juris habent; etsi mortuo sine liberis eo, cui libertus assignatus est, pristinum jus recipiant. *b. pr. & l. i. ff. cod.* Assignare igitur potest pater, quod ita accipiendum esse scribit Modestinus. *l. 8. cod.* ut liberi patroni, quamquam & ipsi in plerisque causis manumissis jure censentur, tamen paternum libertum liberis suis assignare non possint.

§. 1. Nec tantum libertum, sed etiam libertam, & non tantum filio, nepotivæ, sed etiam filiz neptivæ assignare potest pater. *§. 1. h. d. l. i. & l. 3. §. 1. ff. cod.* ubi ait Ulp. constare, posse præferri filio nepotem assignatoris. Sane Senatusconsultum Claudianum de assignandis libertis, quod extat apud Ulp. *l. 1. h. t.* nullo sexus aut gradus discrimine ait: *Si qui duos, pluresve liberos &c.*

§.II. Præterea tunc demum potest pater uni, aut pluribus ex liberis liberum suum assignare, quum eos habet in potestate, quemadmodum enim lex 12. Tab. jus patronatus retineri in familia voluit, ita & placuit; ut assignatio non nisi intra familiam fieret; quod adeo verum est, ut si is, cui assignatus est libertus, deinde emancipetur, continuo evanescat assignatio *b. §. & l. 1. in fin. cod.* Nec quemquam movere debet, quod ait Modestinus in *l. 9. b. r.* magis esse, ut possit pater non modo ei, qui in potestate sit, sed & emancipato filio assignare; loquitur enim de ea specie, quæ pater filium, quem in potestate habet, cum emancipato conjungit; quo casu quod filius emancipatus ipse per se non potest, jure conjunctionis adsequitur, quod non est in jure novum. *V. Just. Code lib. & post.* Sed hoc intelligendum, si præter emancipatum pater non pauciores quam duos in potestate habeat, ut loquitur Modestinus *ibid.* ceterum si unus tantum in potestate sit, alter emancipatus, & pater utrique libertum assignet, nihil agit, quum, quæ assignatio nulla est in eo, qui solus in potestate est, ea propter emancipatum utilis fieri non debeat, ut bene Cujacio.

§.III. Denique assignare potest pater quibuscumque verbis, vel nutu, vel testamento, seu *testatione*, ut loquitur Scævola *l. 7. b. r.* vel codicillis, vel *vi-
vunt*, ut loquitur Ulp. *l. 1. §. 3. cod.* vel pure, vel sub conditione, vel epistola, vel chirographo *d. l. 7.* Quæ omnia sic scripta sunt Senatusconsulto Claudiano: SI QUI DUOS PLURESVE LIBEROS JUSTIS NUPTIIS QUÆSITOS IN POTESTATE HABERET, DE LIBERTO LIBERTAVE SUA SIGNIFICASSET, CUJUS EX LIBERIS SUIS EUM LIBERTUM EAMVE LIBERTAM ESSE VELLE, IS EAVE QUANDOQUE IS, QUI EUM EAMVE MANUMISIT INTER VIVOS VEL TESTAMENTO, IN CIVITATE ESSE DESISSET, SOLUS EI PATRONUS SOLAVE PATRONA ESSET PERINDE ATQUE SI AB EO EAVE LIBERTATEM CONSEQUITUS CONSEQUITAVE ESSET. UTIQUE SI EX LIBERIS QUIS IN CIVITATE ESSE DESISSET, NEQUE EI LIBERI ULLI ESSENT, CETERIS EJUS LIBERIS, QUI MANUMISIT, PERINDE OMNIA JURA SERVENTUR, AC SI NIHIL DE EO LIBERTO EAVE LIBERTA IS PARENS SIGNIFICASSET. *l. 1. pr. b. r.* Hoc S. C. factum inquit hic Trib. Claudianis temporibus Sabellio Rufo & Asterio Scapula Coss. ut vulgo legitur. Apud Ulp. in *d. l. 1.* est, Velles, seu Vellejo Rufo & Ostorio Scapula. Malunt alii, Suilleo Rufo & Ostorio, alii, Suillo Rufo & Ostorio, alii Ofilio, quod Ferretus restatut: Theophilus, Suillo Rufo & Hestorio Scapula. Omnia incerta; præstat tamen legere cum Theophilo, Suillo Rufo & Hestorio; (seu Ostorio, quod parvi refert) nam Suillum Rufum Consulem memorat Plin. *lib. 7. cap. 4.* & Ostorium Tacit. *16. Annal. 14. & 15.* quumque inter suspectos numerant Onuphrius & Pighius in *Annal. rom. 3. lib. 18. p. 476.* Ceterum in Nominibus propriis sæpissime in libris juris peccatur, ut monet Ant. Aug. 3. *emend. 7.* & fusc probat V. Cl. Corn. Bynk. 3. *ebb. 7.*

AD NOVELLAM 118.

COMMENTARIUS.

Hucusque historiam juris veteris, nunc, ne jus, in quo versamur, trans-
piter ignoremus, Novellam 118. exponamus. Justinianus in ea tres suc-
cedentium ordines fecit, Liberosum, seu Descendentium, Parentum, seu
Ascendentium, & eorum, qui sunt ex transverso, seu Lateralium. *Præf. de*
Nov.

Et prima quidem causa est Liberosum, quos & *natura simul & pa-*
rentum commune votum (a) ad bona patrum, admittit, ut eleganter Papin.
l. 7. §. 1. ff. si lib. test. nul. Sunt autem liberi aut ex iustis nuptiis, aut extra
nuptias quæriti: illi aut ex iisdem, aut ex diversis: qui ex iisdem, aut in
primo, aut in ulteriore gradu sunt positi. Liberi primi gradus, ascenden-
tibus & lateralibus exclusis, parentibus suis intestatis succedunt, siue mares
siue feminae, siue ex masculis, siue ex feminis nati, & siue *sue potestatis*, siue
sint *sub potestate*. d. Nov. cap. 1. ex quibus potremis verbis illud colligit vul-
gus Interpretum, emancipatos etiam filios non prætorio, ut antea, sed civili
iure tanquam suos admitti, ac proinde emancipatum filium excludere nepo-
tem ex eo tunc in potestate, sublato prius Edicto *de coniungendis cum*
emancipato liberis, de quo est peculiare Caput in ff. Verum ego sic sentio
stare adhuc vetus discrimen inter suos & emancipatos quod ad modum succe-
dendi, quamquam, si effectus spectetur, æque videantur succedere; qui sensus est
verborum Justiniani in d. cap. 1. ubi ius vetus, nempe Prætorium, enarratur: eodem-
que sensu ait Trib. in §. *repetitis* 11. *sup. de Grad. Cogn.* primam esse causam suo-
rum herodum, & eorum, qui inter suos enumerantur, puta emancipatorum.
Nec, quæ nova illa Justiniani Constitutione contineatur, ea omnia novi juris
esse censenda sunt; quum illud præcipue spectet Imperator, ut discrimen omne
inter agnatos & cognatos tollatur: quod titulus ipse, *de heredibus ab intestato*
venientibus, & **DE AGNATORUM JURE SUBLATO**, & luculentissime
Præfatio Constitutionis ostendit his verbis: *Plurimas & diversas leges veteri-*
bus temporibus prolatas invenientes, per quas non iuste differentia ab intestato
succes-

(2) Hinc filium dulcem heredem dixit Juven. sat. 6. v. 38. & 39. & Antonius
Imp. in l. 1. *C. de his, qui sibi adser. in test. patrem*, qui manu sua filium suum suum heredem
scripsit, dulci officio functum, ait. Atque adeo dulce parentibus visum est, filios
suos habere heredes, ut in solenne iuramentum refferis apud Romanos ea formula,
ita mihi contingat herede filio mori. Quintil. 9. *Instit. Orat.* 2. Huius rei causa non
est plane alia, quam naturalis parentum pietas in filios, & studium illud im-
mortalitatis, quo omnes tenemur, unde studium conservandi nostri; videmus
enim quodammodo reviviscere & conservari in filijs nostris, ad quos hereditas
transit & nomen. Appositè Callistratus in l. *liberosum* 220. de U. S. Idcirco, inquit,
filios filiasve concipimus, atque edimus, ut ex prole eorum earumve diutur-
nitatis nobis memoriam in ævum relinquamus. Minus recte igitur Cujas, ad A-
frican. tract. 3. in l. 6. ff. ad L. Corneli. de fals. Antonini toxum emendat in d. l. 1. v.
Byuk. 1. obf. 19.

successione inter COGNATOS EX MASCULIS ET FEMINIS *introducitur* est; necessarium esse perspeximus, omnes simul ab intestato cognationis successiones per præsentem legem clara compendiosaque divisione disponere: itaque prioribus legibus pro hac causa positis vacantebus, de cetero ea sola servari, quæ nunc constitutimus. Quo fit, ut si quis emancipatum filium testamento heredem scribat, ex eoquepotem in potestate retentum prætereat; subsistere testamentum non possit, suo herede præterito *V. Alcim. 3. Parad. 10. & Cujac. ad b. Nov. Liberi* ulteriores gradus in parentum suorum locum succedunt, hoc est in stirpes, & jure, ut aiunt, *repræsentationis*, de quo satis dictum *sup. de her. quæ ab intest. §. 6.* (b) Est tamen illud hoc loco advertendum, male Bartolum ad *l. 1. §. sed si quis 3. de suis & leg. contendere*, jus repræsentationis non esse ultra pronepotes extendendum; indefinitè enim ait Justinianus in *d. Nov. et. filios aut filias aut alios descendentes in propriis parentis locum succedere*. Non obstat, quod apud Trib. in *§. quum filius 6. sup. de her. quæ ab intest.* nepotum tantum ac pronepotum mentio sit: nam id exempli causa dictum est. Ceterum idemipse Trib. in *§. ubi sup. eod. tit.* in ipsa eadem specie non nepotes modo & pronepotes meminit; sed & *alii deinceps personas*. Quod si liberi ex diversis nuptiis nati sint, communi quidem parenti æque succedunt, proprio autem separatim: si tamen excipias ea bona, quæ ex priorè matrimonio communi parenti obvenierunt; nam hæc ita solis liberis ex priorè matrimonio natis debentur, ut ceteros prorsus excludant *l. femina 3. C. de secund. nupr.* Jam liberi extra nuptias quæriti aut legitimi sunt aut illegitimi. Legitimi sunt aut adoptivi, aut quos vocant *legitimatos*. De adoptivis satis est dictum ad *§. 14. sup. de her. quæ ab intest.* de legitimis etiam ad *§. 2. eod.* Id tantum monemus hoc loco, arbitrari Harprectum ad *lib. 3. l. ult. tit. 1. rum. 280.* filios per scriptum Principis legitimatos tum deum parentibus suis succedere, quum iusti liberi deficiunt; ex *Nov. 89. c. 9.* Sed nihil est in ea Novella, quod Harprecti sententiam juvet; inquit enim ibi Justinianus, *jus legitimum naturalibus filiis scripto Principis concedi*, quum nulli extant *nili legitimi*. Id autem non successione, sed legitimacionem ipsam restringit: ac proinde si quis hodie Princeps naturalibus filiis jus legitimum concederet, extantibus iustis filiis; nihil verat, quin omnes æque intestato patri succedant. Illegitimi liberi sunt aut nochi (c), aut spurii, aut adulterini, aut incestuosi. Nochi seu ex concubina suscepti matri & materis adscendentibus æque cum iustis liberis succedunt *l. 2. & 8. unde cognati; & l. pen. C. de S. C. Orphis.* patri vero in sextantem cum matre in capita dividendum, si iusti liberi, aut uxor deficiat: quod si hi extant, arbitrio boni viri alendi sunt. *d. Nov. 89. c. 12. §. 4. & ult.* De spuriiis actum est *sup. ad §. 3. de S. C. Orphis.* Adulterini & incestuosi & ceteri ex damnato coitu nati prorsus repelluntur ab utriusque parentis, ceterorumque adscendentium hereditate; imo eos ne alendos quidem esse ait Just. in *d. Nov. 89. cap. ult. pr. (d)* quod tamen inhumanum est, quum

jure

(b) Hanc in stirpes successione ceterarum gentium usus recepit: Apud Hebræos velut adagii loco erat, filius etiam in sepulcro succedit, & filiorum filii velut ipsi habentur filii. *Dryfus de i. Adag. Arab. 8. V. Petr. Fabr. 3. sem. 24. Orat. b. de f. b. & P. c. 7. §. 6. & Selden. de success. in bonis des. c. 17.*

(c) De Nochiis & spuriiis v. Potter. in *Archæol. Orac. lib. 4. c. 13. & dista ad §. 12. de Nupr. lib. 1. c. 1. & 2.*

(d) Jure Canonum hujusmodi filii ab alimentis debentur; *cap. quum haberes de iis, qui aux. m. quampell.*

jure naturæ debeat quisque ex se natos alere, ne pereant; maximo quum pater incestuosus alevdus sit. *N. v. l. c. 1.*

Secunda causa est Parentum, siue adgnati sint, siue cognati, quibus, si nec liberi exsint, nec fratres defuncti, lex ita defert hereditatem, ut proximi remotiores excludant. *dist. Novell. 118. cap. 2.* Et si quidem ex eadem sint linea, succedunt in capita; quum hic nullæ sint stirpes, nullum jus representationis. *dist. Novell. cap. 2. auct. defuncto, Cod. ad Senatus. Tertull. sin. ex diversa, quasi in stirpes, ut dimidiam unam paterni, alteram vindicent materni, siue pauciores numero, siue plures. cit. c. 2.* Nec distinguendum, quod facit Bart. in *l. post dotem 40. n. ult. ff. soluto matrim.* num bona ex paterna linea, an ex materna ad defunctum derivantur: nam neque id distinguit in *d. c. 2.* Justinianus, neque est, cur distinguamus; quum bona semel filio quæsit, undecumque provenierint, ita coherant, & quodammodo coalescant cum aliis, ut unum patrimonium constituant. *l. sed si plures 10. §. filio 2. de vulg. & eo mortuo unam hereditatem libere dicitur 62. de R. j.* Non obstat textus Theod. & Valentinian. in *l. quod senis 3. vbi in autem C. de bon. qua. lib.* In specie enim Theodosii & Valentiniiani non concurrunt diversæ lineæ adscendentes, quæ nostra species est, sed ejusdem lineæ, puta pater & avus paternus in bona nepotis quo casu recte bona matris separantur, & deferuntur patri, *usufructu tantum avo, dum supererit, reservando. V. Fachin. 6. contr. 4.* At si cum adscendentibus concurrant fratres & sorores intestato fratri utrinque conjuncti, omnes succedunt, & quidem in capita; atque ita succedunt, ut, quod singulare est, portionis fratribus & sororibus delatæ usufructus parentibus suis non retineatur, & si in potestate sint. *dist. cap. 2. vers. si vera:* cuius rei ratio ea est, quia, ut Cujacius loquitur ad *dist. Novell.*; pro usufructu hodie in hereditatem filii defuncti plenus jure concutitur pater, quem filius superstes, idest frater defuncti excluderebat jure veteri. Id autem de solis parentibus intelligit Jacobus Belvisus: ceterum putat, posteriores adscendentes a fratribus & sororibus germanis prorsus excludi; quum quia de patribus tantum est mentio in *cap. 3. d. Nov. pr.* tum quoniam est æquum, ut avus, qui a patribus excluditur, a fratre etiam & sorore germana patribus ipsis æquali excludatur. Verum hæc tanti non sunt, ut ultiores adscendentes a germanis excludi patiamur. Sane in eadem *Nov. c. 12.* de omnibus adscendentibus dicitur: *Si vero cum adscendentibus inveniatur fratres aut sorores ex utroque parentibus conjuncti defuncto, cum proximis gradu adscendentibus vocabuntur.* Proximus autem est is, quem nemo antecedit *l. 92. de V. S.* Nec juris civilis ratio pari debet, ut secundus lateralis adscendentem secundum laterali ordine potiorum excludat. Quod vero de patribus tantum in *d. c. 2.* sit mentio, id tanquam obiter dictum nihil est, cur moremur. Porro non germani tantum fratres, sed & fratrum demortuorum filii patrum suorum locum subeuntes cum adscendentibus concurrunt, modo extent alii fratres germani, nam soli cum adscendentibus non succedunt. *Nov. 127. c. 3. auct. ressanse, C. de leg. her.*

Tertia causa est Lateralium, qui sine ullo sexus, aut adgnationis & cognationis discrimine tertio ordine succedunt. *d. Nov. 118. c. 3.* Et primum quidem ad legitimam fratrum hereditatem vocantur fratres & sorores germani in capita; & cum his germanorum premortuorum filii filiarum in stirpes, exclusis intestati patribus & fratribus ex uno latere conjunctis. *de 3. & auct. itaque, C. comm. de succ.* Quid si soli sint fratrum demortuorum filii? Et eos jure novissimum vocari in stirpes putavit Accursius, Azo contra in capita, quod verosimilius est; nam & jure veteri probatur *§. hoc etiam 4. supra de leg. adgn. succ. l. 2. §. 1. de suis & leg. l. pen. & ult. §. 3. C. de leg. her.* neque est ab Justiniano in dicta *Novell. abro-*

abrogatum. Nec quidquam obturbar, quod in *l. 1. §. 3.* dicitur, fratrum filios jure representationis vocari: id enim ita scriptum est, si cum patris concurrant; & merito, quum enim uno gradu remotiores sint patris, necessarium est, ne patris suis injuriam facere videantur, ut ex persona patris succedant: quod non est opus, ubi sunt soli, & jure suo veniunt. Scio, nepotes avo suo in stirpes succedere, sive cum patris sit, sive soli *§. quum filius 6. sup. de her. qua ab intest.* Sed non eadem est in utrisque ratio. Nepotes avi hereditatem accipiunt non suo nomine, sed alieno, quasi ad se transmissam a patre, qui vivente adhuc avo quodammodo dominus videbatur; ut dictum *sup. ad §. 2. de her. qua ab intest.* At nepotes patris jure suo succedunt, quum pater eorum jus nullum in bonis defuncti fratris haberet. Vide plura apud *Harprell. lib. 3. Inst. tit. 1. n. 424. & segg.* Si germani fratres aut eorum filii desint, consanguineis & uterinis pariter deferitur hereditas: nec distinguendum est, num a patre, an a matre profecta sint bona, quod faciunt nonnulli, nam diserte Justinianus in *l. 1. §. 3.* hanc distinctionem rejicit his verbis: *In secundo ordine illos fratres ad hereditatem vocamus, qui ex uno parente conjuncti sunt defuncto, sive per patrem solum, sive per matrem.* Quibus etiam verbis abrogatos recte putant nonnulli textus in *l. 13. §. ult. C. de leg. hered. & Nov. 84. c. 1. §. 1.* unde celebris illa distinctio inter paterna & materna dona orta est. Denique, ubi hi deficiunt, ceteri laterales vocantur, sive ex uno latere, sive utrinque conjuncti; atque ita vocantur, ut proximior remotiorem excludat, & si plures eodem jure gradit, succedant in capita *l. 3. in fin.* Ex quibus omnibus patet, ultra fratres, eorumque filios parum referre, num quis ex uno, an ex utroque latere conjunctus sit, & jus representationis in hoc ordine non ultra fratrum filios extendi.

Est & aliquid dicendum de successione Conjugum. Ex jure quidem veteri uxor, quæ in manum viri convenerat, æque cum liberis tanquam sua heres viro suo succedebat; ex asse vero, ubi maritus sine liberis intestatus decesserat. *Ulp. sing. §. 11. §. 13. Gell. lib. 13. c. 6.* sed quum paulatim coemptiois & confarreationis (e) ritus oblonguisset, societas omnis bonorum inter conjuges subacta est *l. 1. §. 1. ff. l. 6. Cod. de donat. inter vir. nisi aliter convenisset. l. 16. §. ult. de alim. leg. l. 17. §. 1. solut. matrim.* At ne conjugum bona Fisco cederent, dedit Prætor superstiti conjugi bonorum possessionem unde vir & uxor, de qua est *tit. ff. §. Cod. nempe quum deficerent cognati, & iustum esset matrimonium tempore mortis. tit. ult. ff. §. Cod. §. l. 4. C. de bon. vac.* Quod confirmatum est etiam Constitutione Theod. & Valent. in *l. ult. C. Theod. de leg. her. & auctum Novella 53. cap. 6. & Novell. 117. cap. 5. & Auth. Præterea Cod. unde vir. & uxor. & cautum est, ut uxor superstes inops, hoc est, quæ dignitatem suam retinere non potest, & uxor indotata, quæque donationem propter nuptias non accepit, viro locupletati in virilem succedat, si plures sint, quam tres heredes; si pauciores, in quartam, quam pleno jure capie, propriis liberis non extantibus, nam si cum liberis concurrat, portionis suæ usufructum vindicat. *V. Cujac. ad d. Nov. 53.**

Quod si nullus sit heres legitimus aut ex testamento, jure gentium bona occupant cedere deberent; ac ne turbæ fierent, ex *L. Julia* caduca-ria ad Aærium Populi, ex Constitutione Antonini ad Fiscum (f) Principis dela-

(e) De hoc ritu videtur ad *tit. 10. de Nupt. lib. 1.*

(f) De Fisco hæc habet *Asconius Ad A. in Verr. c. 8.* Fisci, fisciæ, fiscellæ, sparteæ sunt utensilia ad majoris summx pecunias capieudas. Unde quia major

declara sunt. Ulp. tit. 17. §. 2. & tit. 28. §. 7. l. 4. §. 17. de fideicom. lib. l. 96. §. 1. de Leg. 1. l. i. §. 1. de jure Fisci: maxime quum debeat Princeps tueri Rempy quoque nomine, si publica desit pecunia, Civium bonis uti. Pizelati autem sunt Fisco non coniux modo, sed & qui ex eodem Collegio sunt. l. 20. C. de Ep. & Cler. l. 6. §. 7. de injust. rupt. l. 4. §. 17. de fideicom. lib. & tit. Cod. de hered. decur. qui titulus ad quælibet licita collegia conumoda interpretatione produci potest.

for summa est pecuniæ publicæ, quam privatæ, ut pro censu privato loculos & arcam & sacellos dicimus, sic pro publico thesauro *Ærarii* dicitur *Fiscus*. *Ærarium* in libera Rep. erat Populi Romani thesaurus; at ubi *Respublica* in Imperium abiit, *Ærario* additus est *Fiscus*, seu Principis pecunia. *Ærarium* & *Fiscum* aperte distinguit Plin. Pan. c. 36. n. 3. At non eadem sortasse veritate *Fiscum*, qua *Ærarium* cohibes: imo tanto majore, quanto plus tibi licere de tuo, quam de publico credis. Et Tacit. 6. *Annal.* 1. bona Sejani ablata *Ærario*, ut in *Fiscum* cogerentur: est rerum fiscalium judicia ad *Præfectorem* *Ærarii* pertinerent l. 2. §. hoc interdictum, ff. ne quid in loc. publ. l. 4. §. si bona, ff. de fideicom. lib. 1. V. Guther. de Off. Dom. Aug. lib. 3. c. 32. Aliud erat a *Fisco* privatum Principis patrimonium, quod Cæsar's ratio elegantissime dicitur Ulpiano in l. 6. §. fin. de jur. fise. Hac omnia Ulpiani ævo distinguebantur, ut non obscure patet ex §. 2. tit. 27. fragm. sed multo ante Justinianum avaritia Imperatorum discrimen illud sustulerat; ut non jure Christi. Celerius Parerg. 23. Tribonianum accuset, quod in §. ult. sup. de usucap. differentiam inter *Fiscum* & *Ærarium* non observatis. V. dicta ad d. §. ult.

DE BONORUM POSSESSIONIBUS.

TITULUS IX.

37. ff. 1. Ulp. Fragm. 28.

Jus bonorum possessionis introductum est a *Prætor*e emendandi (a) veteris juris gratia. Nec solum in intestatorum hereditatibus vetus jus eo modo *Prætor* emendavit, sicut supra dictum est: sed iureorum quoque, qui testamentis factis decesserint. Nam si alienus postumus heres fuerit institutus, quamvis hereditatem jure civili adire non poterat, quum institutio non valebat, honorario tamen jure bonorum possessor efficiebatur, videlicet quum 2.

Præ-

(a) *Addis Cujac. In not. pr. vel potius supplendi, ut in §. 3. sup. de legis adn. succ. Prætores asperitatem juris civilis corrigentes, sive, quod de erat, impleveres. Et sane quum Prætor, inquit Cujac. cognatos vocat, aut postumo alieno deseri bon. poss. sec. tab., supplet jus civile, non etiam impugnat; eos namque lex nominatim hereditatem capere non prohibet, aliqui nec bonorum eis possessio daretur. Non est de bon. poss. Verum ut hac vera sint, nihil est tamen causa, cur addamus ea verba, nam qui supplet, etiam emendas, quod ibidem non diffinitur Cujac.*

Prætor adjubatur: sed & ista nostra Constitutione (b) hodie recte heredes instituitur, quasi & jure civili non incognitus.

Aliquando tamen neque emendandi, neque impugnandi veteris juris, sed magis confirmandi gratia pollicetur bonorum possessionem. Nam illis quoque, qui recte testamento facti heredes instituti sunt, dat secundum tabulas bonorum possessionem. Item ab intestato suos heredes, & adgnoscos ad bonorum possessionem vocat. Sed & remota quoque bonorum possessione, ad eos pertinet hereditas jure civili.

Quos autem solus vocat Prætor ad hereditatem, heredes quidem ipso jure non fiunt, nam Prætor heredem facere non potest: per legem enim tantum, vel similem juris Constitutionem heredes fiunt, veluti per Senatusconsultum, & Constitutiones Principales; sed quum eis Prætor dat bonorum possessionem, loco heredum constituntur, & vocantur bonorum possesores. Adhuc autem & alios complures gradus Prætor fecit in bonorum possessionibus dandis, dum id agebat, ne quis sine successore moreretur. Nam angustissimis finibus constitutum per legem duodecim Tabularum jus percipiendarum hereditatum, Prætor ex bono, & æquo dilatavit.

Sunt autem bonorum possessiones ex testamento quidem hæ. Primæ, quæ prætoris liberis datur, vocaturque *contra tabulas*. Secunda, quam omnibus jure scriptis heredibus Prætor pollicetur, ideoque vocatur *secundum tabulas*. Et quum de testamentis prius locutus est, ad intestatos transiit fecit. Et primo loco suis heredibus, & illis, qui ex Edicto Prætoris inter suos connumerantur, dat bonorum possessionem, quæ vocatur *unde liberi*. Secundo legitimis heredibus. Tertio decem personis, quas extraneo manumissori præterebat. Sunt autem decem personæ hæ: pater, mater, avus, avia, tam paterni, quam materni: item filius, filia, nepos, neptis, tam ex filio, quam ex filia: frater, sororve, consanguinei, vel uterini. Quarto cognatis proximis. Quinto tum (c) *quem ex familia*. Sexto patrono, patronæque, liberisque eorum, & parentibus. Septimo viro, & uxori. Octavo cognatis manumissoris.

Sed eas quidem Prætorias introduxit jurisdictio: a nobis tamen nihil incuriosius prætermisissimum est, sed nostris Constitutionibus omnia corrigentes, *contra tabulas* quidem, & *secundum tabulas* bonorum possessiones admisimus, utpote necessarias constitutas; nec non ab intestato *unde liberi*, & *unde legitimis*, bonorum possessiones. Quæ autem in Prætoris Edicto quinto loco posita fuerat, id est, *unde decem personæ*, eam pro proposito, & compendioso sermone supervacuum ostendimus. Quum enim præfata bonorum possessio decem personas præponebat extraneo manumissori, nostra Constitutio, quam de emancipatione liberorum fecimus, omnibus parentibus, eisdemque manumissoris, contracta fiducia, manumissionem facere dedit: ut ipsa manumissio eorum hoc in se habeat privilegium, & supervacua hæc supradicta bonorum possessio. Sublata igitur prædicta quinta bonorum possessio, in gradum ejus sextam antea bonorum possessionem induximus, & quintam fecimus, quam Prætor proximis cognatis pollicetur.

Quumque antea fuerat septimo loco bonorum possessio tum *quem ex familia*,
tum *quem ex familia*,

(b) V. di. 1. ad §. 28. sup. de legat.

(c) V. Comm. nostr.

lia, & octavo unde liberi patroni, patronaq; & parentes eorum: utramque per Constitutionem nostram, quam de jure patronatus fecimus, penitus evacuavimus. Quum enim ad similitudinem successionis ingenuorum, libertinorum successiones posuerimus, quas usque ad quintum gradum tantummodo coarctavimus, ut sit aliqua inter ingenuos, & libertinos differentia: sufficit eis tam contra saluam bonorum possessio, quam unde legitimi, & unde cognati, ex quibus possunt sua jura vindicare, omni scrupulositate, & inextricabili errore illarum duarum bonorum possessionum resolutio.

6 Aliam vero bonorum possessionem, quæ unde vir, & uxor, appellatur, & nono loco inter veteres bonorum possessiones posita fuerat, & in suo vigore servavimus, & altiore loco, idest, sexto tam posuimus: decima quoque bonorum possessione, quæ erat unde cognati manumissoris, propter causas enumeratas mox sublatam, ut lex tantummodo bonorum possessiones ordinariæ permancant, suo vigore pollentes.

7 Septima eas sequuta, quam optima ratione Prætores introduxerunt. Novissime enim promittitur Edicto iis etiam bonorum possessio, quibus ut detur, Lex, vel Senatusconsulto, vel Constitutione comprehensum est: quam neque bonorum possessionibus, quæ ab intestato veniunt, neque iis, quæ ex testamento sunt, Prætor stabili jure connumeravit: sed quasi ultimum & extraordinarium auxilium (prout res exegit) accommodavit, scilicet iis, qui ex Legibus, Senatusconsultis, Constitutionibusve Principum, ex novo jure, vel ex testamento, vel ab intestato veniunt.

8 Quum igitur plures species successionum Prætor introduxisset, easque per ordinem disposuisset: & in unaquaque specie successionis sæpe plures essent dispari gradu personæ: ne actiones creditorum differrentur, sed haberent, quos convenirent, & ne facile in possessionem bonorum defuncti mitterentur, & eo modo sibi consulere; ideo petendæ bonorum possessioni certum tempus præstinavit.

9 Liberis itaque, & parentibus, tam naturalibus, quam adoptivis in petenda bonorum possessione anni spatium, ceteris (d) centum dierum dedit. Et si intra hoc tempus aliquis bonorum possessionem non petierit, ejusdem gradus personis adcrevit; vel si nullus sit, deinceps ceteris bonorum possessionem perinde ex successorio Edicto pollicetur, ac si is, qui præcebat, ex eo numero non esset. Si quis itaque delatam sibi bonorum possessionem repudiaverit, non quousque tempus bonorum possessioni præstitum excesserit, expectatur, sed statim ceteri ex eodem Edicto admittuntur.

10 In petenda autem bonorum possessione dies utiles singuli considerantur. Sed bene anteriores Principes & huic causæ providerunt, ne quis pro petenda bonorum possessione curat (e): sed (f) quocumque modo si admittentis eam indi-

(d) Vulgo legitur, ceteris vero adgnatis vel cognatis. Apud Theophil. off. cognatis aut extraneis. Sed obstant MS. Cod.

(e) Marcell. ad Horat. od. 18. lib. 1. mandavit, currat. Sed omnes Edd. habent, curret, hoc est, sollicitus sit.

(f) Vetusissimus Codex MS. Emilii Ferretti sic habet: sed si quocumque modo admittendi eam voluntatem demonstravit, & judicium, intra statuta tamen tempora, ostenderit, plenarium (alii Codices habent, plenissimum) habeat &c. Sed postior est lectio, quam retinimus, ubi indicium est voluntatis signum. Cujas. hic.

iudicium (intra statuta tamen tempora) ostenderit, plenum habeat eorum (r) beneficium.

(g) Eorum, hoc est Principum. Et male nonnulli Cedicer, earum.

COMMENTARIUS.

PR. Tit. Post testamentariam & legitimam successionem, quæ præcipue est adquirendi per universitatem modus; methodi ratio postulat, ut ad bonorum Possessiones transeant, quæ alteram adquirendi speciem ejusdem generis faciunt. Est autem bonorum possessio jns persequendi, retinendive patrimonii, sive rei, quæ cujusque, quum moritur, fuit l. 3. §. 2. h. d. Atque id jns emendandi veteris juris grãtia fuisse a Prætoribus introductum, ait Trib. Quum enim lex 12. Tab. ita de legitimis successioneibus cavisset, ut tamen emancipatos & cognatos neglexerit, Prætor eos, emendata veteris juris aſperitate, per bonorum possessionem ad legitimam hereditatem admittit: idemque jns Prætor in causa testati pollicebatur, ut infra.

§. I. Sed non semper jns civile emendat Prætor: quandoque etiam confirmat, & adjuvat, ut quum bonorum possessionem secundum tabulas iis etiam pollicetur, qui recte testamentis factis heredes instituti sunt; vel quum bonorum possessiones, unde liberi, & unde legitimi, suis quoque heredibus & agnatis promittit, qui jam heredes sunt jure civili.

§. II. Et quamquam effectu ipso prope nihil dissent bonorum possessio, & hereditas; non est tamen prorsus idem, bonorum possessorem esse & heredem, ut arbitrantur nonnulli. Heres directum, seu legitimum dominium habet: bonorum Possessor Prætorium: Heredi actiones directæ: bonorum Possessor utiles competunt: Heredem facit aut lex, quæ rebus omnibus dominatur l. 2. de L. L. aut qui legis habet auctoritatem, qualem Senatusconsulta habuere l. non ambigitur 9. ff. eod.: bonorum Possessorem facit Prætor h. §. Neque errant, ut male Vinnius putat, qui hoc Prætoris beneficium in sola bonorum possessione reponunt; certi enim juris est, Prætores, ut heredem, ita dominum facere non posse l. qui usum fr. ff. si usufr. petat. Non obstat, quod aperte Ulp. in l. 1. h. 2. inquit, Bonorum possessio admittit commodam & incommodam hereditaria, itemque dominium rerum, quæ in his bonis sunt, tribuit. Nam bonorum possessio occasio domini est, non causa. Prætor quidem dat bonorum possessionem; at usufructus, quæ a lege est, dominium tribuit: quod luculentissime patet ex l. sed si 5. ff. communi dividundo: Et ideo, inquit Julianus, jussi sumus a Prætoribus eas ades possidere, & ex hoc dominium earum nancisceremur. Inquit, Ex hoc, id est ex possessione justo titulo, & per legitimum tempus continuata, ut bene explicat Cujac. lib. 21. Obs. 36. V. Galvan. de usufr. c. 25. n. 11. Quandoque tamen effectu inspecto bonorum possessio nomine hereditatis appellatur. l. in conditionibus 19. §. 2. de cond. & dem. l. 1. §. bonorum 7. ad Trib. l. hereditatis 138. de P. S. l. ult. Cuius admittit bon. poss.

§. III. Multæ autem erant possessionum species; aut enim ex testamento, aut ab intestato deferebantur. (a) Ex testamento duplex, aut contra tabulas, five

(a) Ulp. tit. 13. Præm. 1. inquit: Bonorum possessio datur aut contra tabulas testamenti, aut adversus tabulas intestati: hoc est secundum tabulas, ut bene

lib. III.

H

bene

five contra lignum, ut loquitur Tryphon. l. 19. *contra tab.* aut secundum tabulas, vel contra & secundum nuncupationem bonorum, si quis sine scripto testamentum nuncupasset. l. ult. c. de bon. poss. sec. tab. l. 1. c. de bon. poss. contra tab. atque illa liberis emancipatis praeiicitis: hæc omnibus iure scriptis heredibus; ut abunde dictum lib. 2. Ab intestato multiplex. Et prima quidem dabatur suis heredibus, & qui ex Edicto Prætoris inter suos sunt; & bonorum possessio, unde liberi, dicebatur, quæ tamen liberorum emancipatorum gratia maxime introducta est §. *emancipati sup. de her. qua ab intest.* II. his omnibus, qui aut Lege aut Senatusconsulto ad legitimam hereditatem adittebatur, cuiusmodi erant mater ex Tertulliano, & ex Orphiciao liberi: & bonorum possessio, unde legitimi, appellabatur. l. 2. §. ult. l. 3. unde legit. III. Patri, matri, avo, avix five paternis five maternis, filio, filix, nepoti, nepti tam ex filio, quam ex filia, fratri, sorori five consanguineis, five uterinis, contra extraneum, qui non inrerposita a patre naturali fiducia filium manumiserat: Et hæc bonorum possessio, unde decem persona, vocabatur (b). IV. Cognatis proximis, inter quos erant Adgnati capite minuti. Ulp. 28. *Fragm.* 9. & bonorum possessio, unde cognati, dicta est. V. Adgnatis Patroni in bona liberti: & bonorum possessio, tum quem ex familia, vocata est, ut edidit Cujac. & consentit Fabrot. ad Theophil. hic. V. l. 1. c. 4. ff. unde legit. Vulgo legitur, *tantum ex familia*, quam lectionem probat Marauin *Farat. de bon. poss.* & Everardus Otto hic, ea ratione, quia adgnati patroni ad eam bonorum possessionem, *tantum ex familia patroni*, vocabantur. Vulgatam quoque lectionem sequitur Alciat. l. 1. *Parerg.* 12. sed hac bonorum possessione vocari ait Gentiles. Verum, quod bene advertit Bachovius, plurimum interest inter familiam & gentem. Hoc manus legendum esse contendit vel, ut in Tigurino libro, *Qui ex familia*, vel, ut in Argentinenſi, *tum qui ex familia*, & familiam interpretatur non patroni, sed liberti ipsius, hoc est liberos tam naturales quam adoptivos & uxorem, quæ in manum ejus convenit. Sed obstat Theophilus, qui familiam de adgnatis patroni intelligit. Alji legunt

bene Cujac. ad tit. 27. *Fragm.* 14. ubi, adversus leges civitatis testari, est testari secundum leges. V. Cujum in *Lnaturaliter* §. de usurp. & usuc. & ibi Gothofr. Verum quid illud est aut adversus tabulas intestati. Ita omnes Editiones: at Cujacius tamen legit, aut intestati, & bene, quoniam quia minus propterea dicuntur tabula intestati hominis, tum quoniam, si vulgata lectio subsisteret, manca esset Ulpiani divisio, ommissa bonorum possessione, quæ a intestato datur, quamque in eo titulo fuso Ulpianus persequitur. Cujacii lectionem confirmat initium §. *septimi* ejusdem tituli in hæc verba: Intestati datur bonorum possessio &c. V. Johan. Robert. lib. 2. *Recept. Lexion.* cap. 32. ubi Cujacio obloquitur, sed frustra.

(b) Ulpian. 28. *Fragm.* 7. hæc bonorum possessionem omittit, forsitan quia, ut conjecturam facit Cujac. in not. post. ad tit. de Leg. Adgn. succ. in fin. qui jussu Alarici Otheron Regis Ulpiani corpus dilaceravit, eam possessionem suo tempore, jam abolitam omisit; vel, si major suspicari cum Heinccio in *Antiqu.* ad h. l. p. 56. in Not. quia Ulpiani ævo emancipatio passim contraria fiducia expediebatur: ejus tamen meminit Ulp. in *fragm.* Inst. apud Aut. Collat. tit. ult. §. ult. sed in eo errat Heinec. ibidem, quod ait, altum esse in Pandectis de hac bonorum possessione silentium. Nam non obscure Modestinus eam designat l. 6. ff. de suis & legit. Si ad patrem manumissorem filii intestati legitima hereditas perveniat, VEL NON MANUMISSORI BONORUM POSSESSIO COMPETAT, mater defuncti submoveatur.

seque, quæ ex familia, ut Marcilius ad L. 13. Tab. c. 37. alii, tum quæ, ut Cuius, alii, tanquam ita ex familia, ut Muretus, alii, sunt quæ, alii, ex quæ, alii, tum quia &c. Ego de lectione non sum sollicitus, modo, quamcumque eligas, de agnatis patroni interpretaris, non enim adduci possum, ut credam, fuisse eos a Prætoris omisso. V. Bachov. hic. (c) VI. Patrono patronæque, liberisque eorum & parentibus: & hæc possessio, pro patris, appellata est. VII. Viro & uxori contra Fiscum, ut supra dictum est. VIII. Cognatis manumissoris. Et perbelle advertit hic Bachov; Prætoris tres in successione, liberorum ordines fecisse exemplo ingenuorum, primum patronorum, eorumque liberorum & parentum: secundum agnatorum: tertium cognatorum.

§. IV. V. & VI. Sed non omnes hæc bonorum possessiones retinuit Justinianus; nam exceptis iis, quæ ex testamento dabantur; & quatuor ex iis, quæ deferbantur ab intestato, nempe, unde liberi, unde legitimi, unde cognati, & unde vir, & uxor, quæ necessariæ viæ sunt, ceteras tanquam inutiles removit. Et quidem bonorum possessio, unde decem personæ inutiles esse coepit, ex quo mutato per Justinianum. L. C. de emancip. lib. antiquo emancipationis ritu, extranei manumissores esse desierunt. §. 4. h. i. Præterea quum Justinianus Constitutione sua de Jure Patronatus factis definiit patronorum successionem; inutiles esse coeperunt tres bonorum possessiones, quæ antea aut patronis eorumque liberis & parentibus, aut agnatis, aut cognatis dabantur. §. 5. & 6. h. i. Sed sublato tandem jure novissimo agnatorum & cognatorum discrimine, inutiles etiam sunt bonorum possessiones, unde legitimi & unde cognati.

§. VII. Hæc bonorum possessiones Ordinariæ sunt, quia certo jure atque ordine certis personis sive testamento facto, sive intestato deferuntur. Sunt & aliæ nonnullæ, quæ extra ordinem dari dicuntur: atque hæc aut sunt definitæ ac determinatæ, quia eas semel certis casibus, ac personis Prætor decernit, ut quæ datur ventri. Ita sit. ff. de ventri. in poss. mil. & quæ datur impuberi filio ex Edicto Carboniano. L. 1. & passim de Carbon. Edict. aut vagæ & indefinitæ, quia eas variis ex causis, ut requirit exposcit, causa cognita Prætor accommodat, ut in specie textus in L. ventri 84. de adq. her. Huc etiam pertinet ea bonorum possessio, quæ ut datur, Lege vel Senatusconsulto vel Constitutione comprehensum est. h. §. & l. 1. ff. ut ex legib. ubi ait Prætor. Uti me quaque lego, Senatusconsulto bonorum possessionem dare oportebis, ita dabo (d). Atque huc respexisse videtur Paulus in l. sed quum 6. §. 1. de bon. poss. his verbis: legum quoque tenendum causa dari (Prætor) bonorum possessionem. Et in hac specie dat Prætor bonorum possessionem non sponte sua, sed jussu legis, quæ, quum possit ipsa per se, tamen, quia causæ cognitio est necessaria, Prætoris ministerio utitur. Hujus possessionis exemplum quaeritur adhuc, sed non invenitur, inquit Cujac. 11. obs. 14. Ad rem facere arbitrantur nonnulli Legem Corneliam de testamentis; quæ decedentium apud hostes perinde deferret successionem, ac si in civitate fuissent testati l. lege Cornelia de testam. l. 4. Code post. rev. Ita præter cete-

ROS

(c) Hanc dari familiæ patroni, ait Ulp. ibid. & quamquam et patroni a plerisque edd. obsit, addendum est tamen; & sane exarab in Codice quodam Jacobi Tili, quem se legisse scribit Cujac. 20. obs. 34. & extat quoque in ed. Ope. clxxxvi.

(d) Hæc Theophilo ad §. 3. h. i. dicitur bonorum possessio, tum quibus ex legibus; Gracis ad leg. 3. unde lib. tum cuius ex legibus; Cujacio ibidem: cui ex legibus.

ros Aemilius Ferrerius ad *b. s.* Sed id verum esse negat Cujacius, quia, inquit, lex Cornelia hereditatem tantum detulit, non bonorum possessionem; & quamquam Diocli & Maxim. in *d. l. 4.* bonorum possessionis meminerint, loquuntur tamen de ordinaria bonorum possessione, quæ datur cognatis; fingitur enim mortua apud hostes matertere. Obstat Cujacio possent verba Ulpian. in *l. 3. §. 6. b. i.* Sed & ejus, qui apud hostes decessit, bonorum possessionem admitti posse, quamvis in servitute decedat, nulla dubitatio est. Est illud dici pro Cujacio posset, Ulpiani verba de ordinariis possessionibus intelligenda, quum nihil peculiare & extrajudicium contineant. Ut videtur, aptissimum ejus possessionis exemplum dat Cujacius ex Constitutione Hadriani, quæ militis ob militare flagitium capite damnati hereditatem & bonorum possessionem defert cognatis usque ad quintum gradum, qui tamen alius lege non vocabantur, militis capite deminuto, *la. ff. de ver. & mil. suc. l. si quis in principio, §. miles, ff. de leg. 3. l. quum his flatur, §. similes de donat. inter vir. l. 6. de injust. rupto.* V. Cujac. loco cit. & Sclp. Gentil. 1. de Juris. 26.

§. VIII. His ita statutis, Prætor, ne bona hereditaria vacua sine domino diutius jacerent, & creditoribus longior mora fieret, & ne facile creditores in possessionem bonorum defuncti mitterentur, Edictum successorum proposuit, quo petenda bonorum possessioni certum tempus definiivit, ita tamen, ut gradus gradui & ordo ordini intra dictum tempus succederet. *b. s. & l. 1. de succ. Edict.* Sic omittentibus bonorum possessionem filiis, admittuntur nepotes gradu remotiores, & sic deinceps; & omittentibus liberis, admittuntur ii, qui in ordine ascendendum sunt.

§. IX. Et quoniam liberi & parentes tum naturales tum adoptivi potius ad propria bona revertuntur, ut loquitur Ulpian. in *d. d. leg. 1. §. largius*; dedit eis Prætor anni spatium: ceteris adgnatis vel cognatis centum, diem, quod ita intelligendum est, ut & ipso die centesimo bonorum possessio peti possit. *dict. leg. 1.* Et quemadmodum in civili successione sive testamentaria sive legitima, ita in Prætoriana locus est juri ad crescendi, puta si unus ex eodem gradu bonorum possessionem non petierit: *b. s.* Et in hac specie sine nova possessionis petitione pars deficiens ad crescit *l. 3. §. ult. cum 2. l. segg. b. s.*

§. X. Jam id tempus est utile, nempe, quo quis non ignoret ius suum, & quo petere non impeditur: neque enim semper Prætoris est copia *l. sed et si 26. pri. & §. 4. ex quib. caus. maj. (e)* quod patet ex veteri formula Cretionis, *Inter senium dies, quibus scieris poterisve facit locus Tullii lib. 1. de Orat. cap. 22. De his rebus, ut in Conditionibus (f)* scribi solet, quibus sciam poteroque, Olim bonorum possessio non apud quemvis Magistratum, sed Romæ apud Prætores, in Provinciis apud Præsides petebatur. *l. 2. §. 1. Suis ordo in bon. poss. & quidem certa & solenni formula l. 1. C. de succ. At Constitutione Imp. Constantini in l. ult. C. qui admitt. ad bon. poss.* hæc juris solennia sublata sunt, ac proinde

(e) Hinc illa formula, quæ in Edictis Prætorum sapissime occurrit. Quum primum experiundi facultas erit *l. 1. ex quib. caus. maj. l. 1. de his, quæ in fraud. l. 1. uti possid. l. 1. quod vi aut clam.*

(f) Ita legendum est apud Tullium: & male alii Codices habent certioribus, alii orationibus, alii conditionibus, seu conditionibus, ut mavult Rob. Titius lib. 2. Locor. Controv. cap. 2. V. Duaren. lib. 2. Disp. Anniv. cap. 42.

de satis est, apud quemlibet Magistratum vel iudicem qualicumque voluntatis
testatione bonorum possessionem peti: quod probat Trib. hoc §. V. Cujac. 17.
Obf. 19.

DE ADQUISITIONE

per adrogationem.

TITULUS X.

Est & alterius generis per universitatem successio, quæ neque lege duodecim Tabularum, neque Prætoris Edicto, sed eo iure, quod consensu receptum est, introducta est. Ecce enim, quum paterfamilias sese in adrogationem dat, omnes res ejus corporales, & incorporales, quæque ei debite sunt, adrogatori antea quidem pleno jure acquirebantur, exceptis iis, quæ per capitis deminutionem pereunt, quales sunt operarum obligationes, & ius adgnationis. Usus etenim, & usufructus, licet his antea connumerabantur, attamen capitis deminutione minima eos tolli prohibuit nostra Constitutio. Nunc autem nos eandem acquisitionem, quæ per adrogationem fiebat, coarctavimus ad similitudinem naturalium parentum. Nihil enim aliud, nisi tantummodo usufructus, tam naturalibus parentibus, quam adoptivis per filiosfamilias acquiritur in iis rebus, quæ extrinsecus filiis obveniunt, dominio eis integro servato.

Mortuo autem filio adrogato in adoptiva familia, etiam dominium rerum ejus ad adrogatorem pertransit: nisi supersint aliæ personæ, quæ ex Constitutione nostra (a) patrem (a) patrem in iis, quæ adquiri non possunt, antecedant. Sed ex diverso, pro eo, quod is debuit, qui se in adoptionem dedit, ipso quidem jure adrogator non tenetur, sed nomine filii convenietur; & si noluerit eum defendere, permittitur creditoribus per competentes nostros Magistratus, bona, quæ ejus cum usufructu futura fuissent, si se alieno juri non subjecisset, possidere, & legitimo modo ea disponere.

(a) V. Comm. nostr.

COMMENTARIUS.

PR. Tir. Tertius per universitatem acquirendi modus est adrogatio, non lege 12. Tab. neque Prætoris Edicto introductus, sed eo iure, quod consensu receptum est, inquit hic Trib. hoc est auctoritate Prudentum, tactoque consensu, ut bene exponit Cujac. ex l. 1. §. his legibus de orig. juris. Quod vero Cujacius addit, id ius receptum dici, quia externum quum esset, id sibi Populus Romanus adscivit ex legibus Græcorum, quæ erant de adoptionibus; id hujus loci proprium non esse auctor; Jus enim consensu receptum hoc loco est jus Prudentum auctoritate introductum, sed usu tamen Civium Romanorum receptum. Sane lib. 1. tit. 1. §. 8. pluribus ostendi, interpretationes

Præ-

Prudentum tunc domum habuisse vim apud Romanos, quum usu Civium probarentur, unde *recepta sententia* dicta sunt: hoc igitur sensu ait Trib., adquisitionem per adrogationem eo jure fuisse introductam, quod consensu receptum est, quia introducto adrogationis jure, Prudentes eam adquisitionem veluti patris potestatis consecutivum admiserunt, eamque interpretationem P. R. tacito consensu recepit. V. dicta ad *dist. 5. 8.* Olim igitur qui se adrogandum dabat, cum capite fortunas quoque suas in familiam adrogatoris transcribebat. *l. si paterfam. 1. de adopt. l. qui ex liberis 11. §. 2. fer. tab.* adeo ut actiones etiam & nomina sine essione in patrem transirent. *pr. h. (a)* Excipiebantur ea, quæ capitis minutione peribant, ut operarum obligationes, jus agnationis, ulus & usufructus; etsi usum & usufructum minima capitis minutione non perimi novissime a Justiniano constitutum sit in *l. 16. C. de usufr.* Sed quod de operis libertorum dicitur, (b) de Officialibus, non de Artificialibus intelligendum est; nam artificiales alii quam patrono præstari possunt, officiales patrono soli *l. opera 9. ff. de op. lib.* quæ autem adrogatione facta transire ad patrem non possunt, ea continuo extinguuntur. V. Hot. & Bach. hic. Sunt tamen diligenter separandæ Officiales operæ ab obsequio, quod libertus patrono debet, nam hoc capitis minutione non perit, *arg. l. 10. §. 3. de in jus voc.* At jure novo adrogator, exemplo patris naturalis, usufructum solum habet in bona filii *l. quum oportet C. de bon. qua lib.*

§. I. Adrogato autem filio in adoptiva familia mortuo, dominium quoque bonorum ejus ad patrem adrogatorem transiit, nisi certæ supersint personæ, quæ patrem præcedunt, ut liberi & fratres: idque Constitutione Justiniani cautum ait hic Trib. quam Eguinarius Baro Græcam deperditam intelligit, *Amilius Ferretus legem ult. C. de test. man. Cujacius legem ult. C. commun. de succ.* quod verosimilius est. Jure novissimo liberi præferuntur avo, fratres autem, utrinque conjuncti cum avo concurrunt, ut diximus ad Nov. 118. Quod si quid debeat is, qui se in adrogationem dedit, ipso quidem jure adrogator non tenetur, non enim ipse contraxit; filii tamen nomine convenitur. At quæ actiones? Num actione de peculio? Non videtur, nam ea actione tenetur suo, non filii nomine, ut loquitur hic Trib. *l. 59. de solus. l. 1. §. ult. de const. pec.* Sed verum est, adrogatorem de peculio teneri *l. 42. de pec. l. pen. de adopt.*, & nomine quidem filii, *l. Fulcinius §. si qui actione ff. quib. ex caus. in poss. eas.* hoc est, ut Cujac. explicat, ex contractu ante gesto a filio, Quod si pater nolit eum defendere, creditoribus bonorum possessio addicitur. *h. §. in fin.*: quem locum, de bonis filii adrogati a creditoribus possideendis, singularem esse monet Cujacius ad *h. §.*

DE

(a) Patet id ex solenni rogatione, quæ in adrogationibus ad populum ferebatur. V. Gell. lib. 1. cap. 19. & Inst. nostr. ad tit. 11. lib. 1.

(b) De operis Officialibus & Artificialibus, quas etiam fabriles vocant, v. Amilius Ferretus ad l. quæ de oper. liberi. & Cujac. 17. tit. 14.

DE EO, CUI LIBERTATIS CAUSSA

bona addicuntur. (a)

TITULUS XI.

Accessit novus casus successionis ex Constitutione Divi Marci. Nam filii, qui libertatem acceperunt a domino in testamento, ex quo non aditur hereditas, velint bona sibi addici libertatum conservandarum causa, adiuntur.

1. Et ita Divi Marci Rescripto ad Popilium (b), Rufum continetur. Verba

(a) Legisse videtur Theophilus; adquiruntur; sed addicere proprium est hujus loci, eoque verbo saepe est usus in b. i. Trib. ad eandem sententiam Ulp. l. 2. §. 4. de fideicom. lib. Sane Pratoria verba erant, Do, Dico, Addico, eaque tria officium Pratoris designabant. Varr. 3. de L. L. 4. Ovid. 1. Fast. v. 47. V. Inst. nostr. lib. 1. tit. 2. §. 7. Addebatur proprie Prator bona libertatum conservandarum causa, nam decreto Pratoris addicebantur. Ergo §. illud videndum de fideicom. lib. & bonorum possessori ad familiarium, cui bona addita sunt, inquit Ulp. dist. l. Ergo §. ite autem 21. V. Cujac. not. post ad b. i. §. ad Ulp. Fragm. tit. 19. §. 9.

(b) Alii cum Halaandro Pomphilium legunt, Pomphilium alii cum Ant. Aug. 3. Emend. §. sed praeferat legere Popilium cum Theophilo, qui tamen in eo forsitan laetatur quod hunc Popilium fuisse servum scribat. Certum quod fuisse liberum, illud est argumentum, quod duo haberet nomina, Popilius Rufus. Servi enim plerumque unum nomen habebant, neque hoc tamen certum est, quod sensu Florus Quindium quendam servum hominem, qui se Gracchorum fratrem ob oris similitudinem mentiebatur sub nomine Caji Graechi, dixit hominem sine tribu, sine nomine. lib. 3. cap. 16. ubi Frcinsh. & Paulus Jusconsultus l. 3. de cap. min. Caput, inquit, servile nullum jus habet, caret nomine, censu, tribu. Idemque erat apud Gracos. Qui enim ipse, ait Philostratus, neque nomen habet, nomen pro. Di immortales! hic inter servos habeatur, oportet? Et male meo quidem iudicio scribit Merillius lib. 3. obs. 28. latinum Interpretem non fuisse Philostrati sententiam assequutum, eo quod servi, ut ipso ait, non sunt sine nomine, sed sine cognomine, quo liberi dumtaxat nuncupantur. Primum enim, nomen quum dicimus, cognomen quoque & agnomen intelligatur, oportet, ut inquit Cic. lib. 1. de Inv. Deinde recte non habere nomen dicitur is, qui certum nomen more civium Romanorum non habet. Flor. loc. cit. & Paulus ibid. Sane servorum nomina in arbitrio erant Dominorum, qui non patiebantur, hominem jure gentium aut civili servum factum nomen suum retinere, sed eum, ut libitum, denominare consueverunt, quod Danieli Propheta contigisse accepimus. Denominabant autem domini servos aut ex viribus, ut Pleudolus, aut ex oris elegantia, ut Pindacium, aut ex agilitate, ut Dromo, aut ex ingenio & industria, ut Ouesiphorus, quem meminisse Scavola in l. 59. de man. test. aut ex aliqua corporis parte, quae peculiare quiddam haberet, ut Saccus, de quo Modestinus in l. 44. de man. test. eademque fuit Nominum Comitorum ratio, quae de re Donatus in Terent. Andr. & Johannes Theodoricus Dissert. de Nominum Comitorum ratione. Quandoque etiam data servis nomina ex dominorum Praenominebus facta,

ba Rescripti ita se habent: si Verginio Valenti, qui testamento suo libertatem quibusdam adscripsit, (c) nemine successore ab intestato existente; in ea causa bona ejus esse cœperunt, ut venire debeant: is, cujus de ea re notio est, aditus rationem desiderii tui habebit, ut libertatem tam earum, quæ directo, quam earum, quæ per speciem (d) fideicommissi relictae sunt, tuendarum, gratia addicantur tibi: si idonee creditoribus caveris de solidis, quod cuique debetur, solvendo. Et si quidem, quibus directa libertas data est, perinde liberi erunt, ac si hereditas adita esset. Si autem, quos heres manumittere, rogatus est, a te libertatem consequantur: ita (e) ut si non alia conditione velis tibi bona addici, quam ut etiam, qui directo libertatem acceperunt, tui liberi fiant. Nam huius etiam voluntati tuæ, si ii, quorum de statu agitur, consentiant, auctoritatem nostram accommodamus. Et ne huius Rescriptionis noxia emolumentum alia ratione irritum fiat, si Fiscus bona agnoscere voluerit, & si, qui rebus nostris attendunt, sciunt, commodò pecuniarum præferendam esse libertatis causam, & ita bona cogenda, ut libertas iis salva sit, qui eam adipisci potuerunt, ac si hereditas ex testamento adita esset.

Hoc Rescripto subventum est & libertatibus, & defunctis, ne bona eorum a creditoribus possideantur, & veneant. Certe si fuerint hac de causa bona acquisita, cessat honorum venditio, existit enim defuncti defensor, & quidem idoneus, qui de solidis creditoribus caveret.

; In

¶ *Quintii servus dictus est Quintipor, servus Caji Caipor, servus Lucii Lucipor, servus Marci Marcipor, quem titulum habuit verus Sisyra Varponis, quæ forsitan erat de potestate dominorum in servos. V. Turneb. 24. Adv. 46.*
 ¶ *Pitisc. in Marcipor. Rarissime autem servi binomina fuisse. Hinc quum quidam preces ad Diocletianum adhibuisset contra servum, cui tamen in libello minus caute nomen dederat & cognomen, bene respondit Imp. contra eum, qui servus non est, supplicasse te intelligis. l. quum precum Cod. de Liber. caus. Non est tamen negandum, servos aliquando, indulgente domino, pluræ nomina usurpasse, quales fuisse Lucius Eros apud Paulum in l. quæro 31. §. 2. ff. de test. tut. ad quam v. dista ad lib. 1. tit. 14. §. 1. & Barbarius Philippus apud Ulp. in l. Barbarius de Off. Præf. nisi mavis dicere, Barbarium ideo duo nomina usurpasse, ut pro libero haberetur Roma, quod domino inscio, ausurerat, ut ibidem Ulp. refert. Sed de hac re fusissime in Dissertatione nostra de Addictis, quam paucos antea menses contra Salmasium habuimus in Ociolorum Academia, quamque post hæc Institutiones editas, si Deus dederit, evulgare cum aliis nonnullis est animus: Nunc, ut e divericulo redeamus in viam, illud ex dictis hucusque colligimus, Popilium Rufum non servum fuisse, sed liberum, & forsitan is fuit unus ex creditoribus Verginii Valentis. V. Ant. Aug. ibid.*

(c) Hæc verba, nemine successore ab intestato existente, omisi Theophilus; sed ea tamen habent omnes Codices, eorumque sensus sane perquam necessarius hic est, tunc demum posse aliquem petere, ut addicantur sibi bona, quum, desertis ab herede tabulis, nullus ab intestato heres familiam obinet l. ult. C. de test. man. et si delata legiimis hereditate, ac proinde vitiosa institutione, libertates non debeantur l. 1. C. de fideic. lib. l. 14. C. de fideic. quum non sint heredes legitimi jure suo defraudandi.

(d) Per spem fideicommissi, legitur in uno Charondæ.

(e) Ineptè abundanti, quæ Charondas in hunc locum intrudis: Sed ita scilicet perinde liberi erunt:

3 In primis hoc Rescriptum totiens locum habet, quotiens testamento libertates datae sunt. Quid ergo si quis intestatus decedens, codicillis libertates dederit, neque adita sit ab intestato hereditas? favor Constitutionis debet locum habere. Certe si testatus (f) decesserit, & codicillis dederit libertatem, competere eam, nemini dubium est.

4 Tunc Constitutioni locum esse, verba ostendunt, quum nemo successor ab intestato existat: ergo quamdiu incertum erit, utrum existat, an non, cessabit Constitutio. Si vero certum esse coeperit, neminem existere, tunc erit Constitutioni locus.

5 Si is, qui in integrum restitui potest, abstinuerit hereditate, quamvis potest in integrum restitui, potest admitti Constitutio, & bonorum additio fieri. Quid ergo si post additionem libertatum conservandarum causa factam in integrum sit restitutus? Utrique non erit dicendum, revocari libertates, quia semel competierunt.

6 Hæc Constitutio libertatum tuendarum causa introducta est: ergo si libertates nullæ sunt datae, cessat Constitutio. Quid ergo si vivus dederit libertates, vel mortis causa; & ne de hoc quaeratur, utrum in fraudem creditorum, an non, factum sit, idcirco velint, sibi addici bona: an audiendi sunt? Et magis est, ut audiri debeant, etsi deficient verba Constitutionis.

7 Sed quum multas divisiones ejusmodi Constitutioni deesse perspeximus, lata est a nobis plenissima Constitutio, in qua multæ species collatae sunt, quibus jus hujusmodi successionis plenissimum est effectum, quas ex ipsa lectione Constitutionis potest quis cognoscere.

(f) Ita Theophil. & nonnulli Codices MS. non, ut vulgo, intestatus.

COMMENTARIUS.

PR.TIT. Quartus per universitatem acquirendi modus est bonorum Additio causa libertatis. Finge: homo obætatus libertate servis suis legata vel fideicommisso data extraneum testamento heredem scripsit, aut, non scripto testamento, heredem nuncupavit, quod idem est in hac specie *L. ult. C. de testam.* destituit ab herede testamento, aut non adita quomodolibet hereditate, jam corrumpunt libertates *L. 2. C. eod. l. 1. C. de fideicom. lib.* At Marcus Antonius (a) Stoicorum placita secutus, qui natura omnes liberos nati, & servitutem, contra naturam fuisse introductam, azebant, (b) libertati favendum censuit in hac specie, ut & aliàs re ipsa favit *L. 26. de man. test. l. 30. §. 3. de fideicom. lib. l. 3. §. 2.*

(a) It dicitur Philosophiæ plenus *L. pen. C. de his, quib. ut ind. Stoicus fuit. Xiphilinus ex Dione, Julianus in Caesarib. Suidas in Μακρῶς, & Paganinus Gaudensius de Philo. apud Rom. cap. 130. V. Meril. lib. 1. Obf. c. 15.*

(b) *Senec. ep. 47.* Vis tu cogitare, istum, quem servum tuum vocas, ex istdem feminibus ortum, eodem frui cælo, æque vivere, æque mori? *Idem fere habet Ulp. l. quod attinet 32. de Reg. Jur. Tryphon. l. si id ff. de cond. indeb. & alii passim Jurisconsulti ex sententia Stoicorum.*

Lib. III.

I

§. 2. de legis. ius. l. 84. de her. ius. l. 3. de his, qui in test. del. §. l. 2. & 3. Cod. si man. ita fu. alien.

§. I. Rescriptis igitur Popilio Rufo in hanc sententiam, exaudiri debere, cum, qui libertatum conservandarum causa addici sibi universa defuncti bona, postulaverit, sive is liber sit, sive unus ex servis, quibus testamento adscrip- pra libertas est, modo idonee caveat creditoribus (nempe vel satisfactione, vel pignoris datis, vel sola fide, si in id consentiant creditores l. 4. §. ad- dici §. de fideicom. lib.) de solido, quod cuique debetur, solvendo, idest de- sorte & usuris. d. l. 4. §. de solido 11. Idemque ratum habuit Imp., si quis non- alia conditione velit, sibi bona addici, quam ut non ii modo, qui fideicom- missariam, sed & qui directam libertatem acceperunt, ejus liberti fiant, mo- do ii, de quorum statu agitur, consentiant. At si quidam ex servis liberta- tem amplexi fuerint, alii vero censuerint, esse respondendam; non est paucorum dissensu bonorum addictio impedienda, & quem patronum habere voluerint, dominum suum. & forsitan acerbum sentiant, ut loquitur Justin. in d. l. ult. C. de man. test. Quod si nullus sit, qui addici sibi bona postulet, hæc cum eodem onere ad Fiscum transiunt, hoc est, ut etiam admisso Fisco libertates compe- tant. d. l. 4. §. eadem 17. & §. 1. h. i.

§. II. III. IV. V. VI. & VII. Hujus autem rescripti utilitas in eo sita est, quod & libertates conservantur, & famæ testatoris consulitur: qua de re ad §. 1. sup. quib. ex caus. man. & nulla sit creditoribus injuria §. 2. h. i. Atque idem jus est, sive quis testamento libertates dederit, sive intestatus decedens codi- cillis, modo certum sit, neminem existere heredem. §. 3. & 4. h. i. & d. l. 4. pp. Quod si, qui in integrum restitui potest, abstinuerit hereditate, recte bona addi- cuntur, eoque postea restituto, libertates semel datæ non revocantur §. 5. h. i. Hæc de Constitutione Divi Marci scripta sunt. Ceterum Justinianus Imp. ad eam quoque speciem Divi Marci Rescriptum protulit; quum quis inter vivos aut causa mortis libertates dedit, & ne de hoc quærat, utrum in fraudem creditorum factum sit, an non, quisquam sibi bona addici postulet, & si deficiant verba Constitutionis, ut ait in §. 6. Trib. Addidit & alia Justin. in d. l. ult. C. de man. test. quæ his verbis complectitur. Hot. I. Jus postulandi an- num esse. II. Si plures simul satisfacto postulent, iis bona simul addicuntur. III. Eius, qui plus se præstaturum satisfactis, potissimum jus esto. IV. Qui plus quam alius, cui addicta bona sunt, intra annum offeres, altero libertatem suam retinente, bona obtineo.

DE SUCCESSIONIBUS SUBLATIS,

quæ fiebant per bonorum venditionem, &
ex Senatusconsulto Claudiano.

TITULUS XII.

7. C. 24.

ERant ante prædictam successionem olim & aliz per universitatem succes- siones, qualis fuerat bonorum Emptio, quæ de bonis debitoris vendendis per multas ambages fuerat introducta, & tunc locum habebat, quando judi- cia ordinaria in usu fuerunt. Sed, quum extraordinariis judiciis posteritas usa

DE SUCCESSIONE SUBLATIS, &c. 61
usa est, ideo cum ipsis ordinatis judiciis etiam bonorum venditiones expira-
verunt, & tantummodo creditoribus datur officio iudicis bona possidere, &
prout utile eis visum fuerit, ea disponente, quod ex latioribus Digestorum libris
perfectius apparebit.

1 Erat & ex Senatusconsulto Claudiano miserabilis per universitatem ad-
quisitio: quum libera mulier servili amore bacchata, ipsam libertatem per Se-
natuconsultum amittebat, & cum libertate substantiam: quod indignum no-
stris temporibus esse existimantes, & a nostra civitate deleri, & non inferri
nostris Digestis concessimus.

COMMENTARIUS.

PARTIS. Erant & duo alii per universitatem acquirendi modi, unus per bo-
norum Emptionem, alter ex S.C. Claudiano. Emptionis bonorum supersunt
adhuc in libris juris vestigia. *q. l. 60. de Poth. l. 91. de adq. her. l. 16 de reb. aut. jud.*
& *Cajum lib. 1. tit. 1. pr. (a)* Expediebatur hoc ritu: si quando debitor in frau-
dem creditorum laceraret, creditores Praetorem adibant, eisque possessio bo-
norum ad triginta dies dabatur, intra quos si debitor se iudicio non sisteret, il-
li rursus veniebant ad Praetorem, ut unum ex creditoribus distrahendis bo-
nis Magistrum (b) constitueret. Hoc facto debitoris bona solenni libello

pro-

(a) *Caji verba haec sunt:* Per universitatem, hoc est, omnia simul bona,
adquirimus hereditate, emptione, adoptione. Ubi *Alexander*, *Emtio*, inquit,
potius singularum rerum, quam universitatis adquisitio est: tum *Caji locum* emen-
dat ad hunc modum, hereditatis emptione, qua verba referenda esse ait ad here-
dem, qui in testamento per *as & libram* familiae seu hereditatis emtor dicebatur.
Sed duo sunt, quae *Alexandri* emendationem refellunt: alterum, quod familia em-
tor nullum jus certum acquirebat, sed fore tantum sperabat, ut post mortem tes-
tatoris sibi acquireretur hereditas: quod profecto non est per universitatem acqui-
rere: (itaque bene opponit *Alexandro Cl. Schulting. ad Cajum loc. cit.*) alterum, quod
stisi in testamento per *as & libram* initio idem esset familia emtor, qui heres, pro-
cedente tamen tempore, sed multo ante *Cajum*, qui fuit sub *Antonino Philosopho*,
alius esse coepit emtor familiae ab ipso herede, ut dictum sup. ad §. 10. de test. ord.
ac proinde quum scripserit *Cajus*, suo tempore per universitatem adquiri emptione,
id referri non potest ad familia emtorem, qui bona testatoris, eo mortuo, remanci-
pare heredi debebat. *Conius* quoque lib. 1. disp. 5. 12. hunc locum exagitavit, nam pro
emtionem, legis, coemtionem, & respexisse *Cajum*, inquit, ad in manum conventio-
nem, qua erat olim acquirendi modus per universitatem, ut est apud *Tull. in*
Top. ubi *Boetius*. Verum ego non video, cur lectionem omnium Codicum fide-
probatam immutare debeamus.

(b) Magistri dicebantur, qui auctionibus bonorum praerant. *Cic. lib. 1. ad Att.*
ep. 1. & 12. fam. 30. Huc pertinet locus *Ciceronis* apud *Quintil. lib. 6. Inst. Orat. 4. in*
Plethorium Fonteii accusatorem, cujus matrem dixit, dum vixisset, ludum: post-
quam mortua esset, magistros habuisse. Nam, ut *Quint.* ait, dicebatur, dum
vixit, infames semiuæ ad eam convenire solitæ: post mortem ejus bonis ven-
dabant. Male autem nonnulli putant, inter quos est *Hosomanus*, eundem fuisse Magi-
strum & Curatorem bonis distrahendis constitutum, apertissime enim *Magister a*
Curatore distinguitur in *l. actore 9. ff. rem ratam haberi*. V. etiam *Meril. lib. 5. obs.*
cap. 37.

(c) proscribebantur hac formula: *Ille debitor noster in ea causa est, ut bonaejuri vendendi debeant. Nos Creditores patrimonium ejus distrabimus. Quicumque emere voles, adesto.* Paucis diebus post Creditores tertio ad Praetorem adibant, ut liceret distractionis legem facere quomodolibet cum emtore paciscentes. Accedebant (d) interea emtores Latinis elegantissime *Señores* (e) dicti, & bonorum emtor erat loco bonorum Possessoris, sicque in jus debitoris universum succedens, respondere creditoribus tenebatur. Quod si nullus emtor accederet, tum indicabatur auctio per Praeconem, (f) quod erat sane turpissimum. V. Theoph. hic. Cujac. lib. 3. obs. 39. Ferand. Adducit lib. 2. Explicat. Olfel. ad Casum loc. cit. Sigon. lib. 1. de antiq. jur. Civ. Rom. cap. 11. Caeli. Rhodig. lib. 21. cap. 17. & Turneb. lib. 23. Adv. l. 34. Hunc adquirendi modum, quo tempore judicia ordinaria in usu erant, habuisse locum, inquit hic Trib., ubi verò extraordinaria: judicia coepere, cum ipsis ordinariis iudiciis desissee. Verum quid ad rem varietas ista iudiciorum? Sibi non liquere, ait Bachovius, quomodo hic explicandus, aut excusandus sit Trib. & plerique omnes hic hærent Interpretes. Piacet mihi Hocomani interpretatio. Ait is, Ordinaria judicia dixisse Tribonianum, quæ antiqua erant, Extraordinaria, quæ recentiora, non quod sic olim dicerentur, sed quia veteri iudiciorum ordine sublato, post Græcos & Constantinopolitanos Imperatores Ordinaria judicia dicta sunt, quæ Romæ olim ante sublatas formulas solenni more exercebantur: hinc subdit, horum verborum sententiam, quando ordinaria judicia in usu fuerunt, planius exprimi potuisse per hæc, quando veterum iudiciorum ordo servabatur. Addit denique, imitari Tribonianum voluisse veterum consuetudinem, qui, quum aliquid non ex recepto modo iudiciorum fieret, extra ordinem id fieri dicebant. Sublata igitur

etiam

(c) Hujusmodi libelli in celeberrimis locis propenebantur. Cic. pro Quint.

(d) Erat hec verbum solenne. Cic. Phil. 2. c. 26. Qui ad illud scelus sectionis auderet accedere, inventus est nemo. Cornelius Nepos in Attico, Ad hastam publicam nunquam accessit. Liv. lib. 43. Centiores edixerunt, ne quis eorum, qui Q. Fulvio & A. Postumio Censoribus publica vestigalia, aut ukro tributa conduxissent, ad hastam suam accederet.

(e) V. Tull. pro Rose. c. 6. & Phil. 2. cap. 26. Sectores erant, inquit Afton. Eadian. 3. in Ver. qui spem lucri sui sequuti, bona condemnatorum semel auctionabantur, proque his pecunias penstrabant singulis, ac deinde pro compendio suo singulas quasque res populo vendebant. Hinc etiam Sectio apud Tull. ibid. Sed Cuius lib. 2. disp. 12. Aseonum reprehendit, nam si Sectores inde dicerentur, quod spem lucri sectentur, certe Sectatores, non Sectores dici oportuisset, & Sectationem, non Sectionem. At igitur, hanc sectionem successisse in locum veteris sectionis Creditorum in partes, quæ aboluta, vetus tamen Sectionis & Sectorum nomen remansit; idque affirmare videtur Terullianus in Apolog. 1. 3. esse veterem illam Sectionem non fuisse fruentiam, ut plerique omnes arbitrantur, multis consentat Cl. Bynk. cuius tamen sententiam, quantum in me fuit, rejeci peculiariter de Veteri Creditorum Sectione; quæ cum aliis forsitan brevi prodibit.

(f) Joesam auctionis formulam dat nobis Messenie Servus apud Plaut. Mopachm. act. 5. sc. ult. in fin. quæ tamen poterit veram formulam suppeditare.

Auctio fiet (inquit Messenie) Menæchmi mane sane septimi.

Venebunt Servi, Supellex, Fundi, Aedis: omnia

Venebunt. Quicquid licebit presenti pecunia.

Venebit Uxor quoque etiam, & quis emtor venerit.

etiam Justiniani tempore Prætoris Urbani jurisdictione, reque ad Græcorum institutum revocata, (sic interpretationem suam concludit Hoc.) ordo antiquus, qui ad Constantinum usque permanserat, & in Pandectis memoratur, sublatus est. Postremo loco ait Trib., jure novo id tantummodo creditoribus dari, ut officio Judicis bona possideant, deque eis, prout utile videtur, disponant, sibi que consulant: idque ex latioribus Digestorum libris perfectius appareat. At illud contra Tribonianum facit, quod vetus illa & ordinaria vendendi ratio ad Digestorum & Codicis usque tempora permansit. *l. quum bona 16. l. Fufidius 29. de reb. aut. jud. poss. l. 6. C. 9. Cod. eod.* ut non recte Trib. pro jure novo Digestorum libris laudate videatur. Utrumque hæc res habeat, (non enim video, facile posse expediri) jure novissimo creditores non in bona universa mittuntur, sed in eam bonorum partem, quæ debitum exaquet. Nov. 53. c. 4. §. 1. Auth. qui juras C. eod. sit.

§. I. Erat & alter adquirendi per universitatem modus ex S. C. Claudiano, nam si libera mulier se alieno servo junxisset, ac ter a Domino coram testibus septem admonita (g) cum abstineret, ei cum bonis suis sententiâ Prætoris aut Præsidis in servitutem (h) addicebatur *l. 7. 9. C. ult. C. Th. de liber. caus. Paul. 2. sent.*

(g) Invito & denuntiante domino, inquit Paul. lib. 2. sent. tit. 21. Tacitus autem 12. Annal. 53. ignaro, inquit, domino. At quomodo denuntiabit is, qui est ignarus? Hic Taciti locus sollicitos habet interpretes. Petrus Faber lib. 1. Semest. c. 25. præ, ignaro, legis, iugrato, idest, invito, us ad Terent. Donatus exponit Eunuch. ad. 2. sc. 1. Sed religio est mihi, lectionem omnibus Codicibus probatam non retinere. Aut igitur explicandus est Tacitus ex more Historicorum, qui leger paucum diligenter, tanquam aliud agentes, astingunt; aut potius dicendum, quod familiaris est Tacito, cum plus sensisse, quam scripsisse. Distinguit sane Tacitus eo loco duas species, alteram, quum dominus initio est ignarus, seu invitus, alteram, quum is consensit, atque ingenuam mulierem fieri servam, si cum alieno servo rem habent; ignaro domino, hoc est domino primum inscio, tum sciente ac denuntiante. V. Cl. Vir. Ant. Schulting. ad Paul. loc. cit., & Notulam, quæ proxime sequitur.

(h) Verum quid illud est, quod scribit Paulus 4. sent. 10. §. 2. Ad filiam ancillam vel libertam ex S. C. Claudiano effectam legitima matris iustitiae hereditas pertinere non potest? Rem enarrat Tacit. ibid. Inter quæ refertur ad Patres de pœna seminarum, quæ servis conjungerentur: statuiturque, ut, ignaro domino, ad id prolapsa, in servitute; si consensisset; pro liberta haberetur. Ita hunc locum post Lipsium ex vet. Codd. restituit Ryckius. Vetus scriptura erat: Ut, ignaro domino, ad id prolapsa, in servitutem sui consensisset, & qui nati essent, pro libertis haberentur: vel, ut emendat, eodem tamen sensu, Petrus Burgius Elc. 8. Ut, ignaro domino, ad id prolapsa (femina) in servitutem sui consensisset: & qui nati essent, pro libertis haberentur. Eamque lectionem confirmare videtur verba *l. 6. C. Th. ad S. C. Claud.* Manifestum est, ancillam esse voluisse eam, quam liberam esse pœnituit. Qui vero hanc scripturam sequuntur, Pauli locum intelligunt de ea, quæ primum ex S. C. Claudiano ancilla facta, tum manumissa, liberta facta est. Ita Burgius ibid. & quod magis mirere, Cujacius ipse, cui Lipsii emendatio probatur, in notis ad Paul. loc. cit. sibi contrarius in libris Obs. lib. 21. c. 16. At quis Burgium ferat iam perverse Pauli verba interpretantem? Ait. Paulus, filiam ancillam vel libertam ex S. C. Claudiano effectam. Est igitur filia

2. *sent. 21. Ulp. Fragm. tit. 1. §. 11. Tertull. lib. 2. ad Uxor. c. 3. Nonne*, inquit, *in super*
consuerunt, servituti vindicandos, (i) qui cum alieno seruo post dominorum de-
munitionem in consuetudine perseverarunt? De huius Senatusconsulti tempore
 & autore non levis est concertatio. Tacitus *lib. 12. Annal. cap. 53.* illud refert ad
 tempora Claudii: at Svetonius in Vespasiano ait *cap. 11.* Vespasianum fuisse
 autorem Senatus decernendi, ut, quæ se seruo alicui junxisset, pro ancilla habe-
 retur. Svetonii lapsus accusat Cujacius hic, & in *Parat. C. lib. 7. tit. 24.*
 Petrus Burgius *c. 8. Elector.*, quem sequitur Everardus Otto, scribit, Senatus-
 consultum Claudianum sub Claudio factum, fuisse sub Vespasiano repetitum,
 eoque capite adactum, ut non sola sufficeret domini ignorantia, quæ sola
 mulierem Claudianis temporibus in servitutem detrudebat, sed ut trina etiam
 accederet denuntiatio coram septem testibus. Verum haec Vespasiani adjectio-
 nem, quam Burgius comminiscitur, aperte rejicit, ne Iudice, Svetonius, qui
 neque huiusmodi denuntiationem memorat, neque aliud quidquam super ea re
 Vespasiani temporibus cautum refert, quod non scripserit Tacitus sub Clau-
 dio constitutum. An eam adjectionem omisisset Svetonius, si quid novi sub
 Vespasiano Senatus eavisset? Satius est igitur cum Ryekio ad Tacit. *ibid.* dicere,
 fuisse Claudianum S. C. auctoritate Vespasiani repetitum, quum temporum li-
 centia fuisset ablitum. Plane ait cit. loc. Suet. *Libido atque luxuria coercente nul-*
lo servaverat. Nec prætereunda est hoc loco nobilis conjectura Petri Fabri,
 qui *lib. 1. Semestr. c. 25.* suspicatus, Vespasianum, qui sub Claudio Imperatore
 Consulatum gessit, forsitan ejus rei autorem Senatui fuisse, tanquam Consulem
 vel laticlavium, sicque potuisse idem Senatusconsultum & Claudio tri-
 bui a Tacito, & Vespasiano a Svetonio. Sed huc tamen conjecturæ videtur
 ipsius Suetonii ob stare, nam eo loco Vespasianum jam Imperatorem supponit.
 (i) Tandem Justinianus (m) hoc Senatusconsultum tanquam suis temporibus

non beneficio domini effecta per manumissionem liberta, sed initio ex S. C. Claudiano,
 nempe quia consensu domini cum seruo consuevit. Et sane ipsa verborum Pauli
 collocatio, hanc esse penam ejus legis sententiam, evincit: atque hinc etiam
 proba emendationem Lipsii, quæ cum verbis Pauli mire consentit.

(1) Petrus Faber 1. *Semestr. c. 25.* pro vindicandos, qui, legis, vindicandas,
 quæ; erat enim S. C. Claudianum de mulieribus conceptum. Emendationem confir-
 mat his verbis, quæ subjicit Tertullianus: Nonnullæ (mulieres) se libertis &
 servis suis conferunt, omnium hominum existimatione despecta, dummodo ha-
 beat, a quibus nullum impedimentum libertatis suæ timeant. Verum nihil
 opus erat, subjicere isthæc verba producere, nam, Tertullianum de mulieribus lo-
 qui, satis ostendunt ea verba: cum alieno seruo. Ajo etiam, Fabri emendatio-
 nem necessariam non esse, quum consueverint veteres Latini masculino genere mu-
 liebrem quoque sexum significare. Ait Eunius:

Quis tu es, mulier, qui me insueto nuncupasti nomine?

Quo loco quis ad hominem refertur, hominis autem appellatione tam feminam,
 quam masculum contineri, scriptum est apud Cajum in l. 152. de V. S. etsi quando-
 que homo & mulier distinguuntur; Paulus l. si quis aliquid 38. §. 5. de pæn. Quod si
 eo mulier aut homo perlerit. V. Scip. Gmil. lib. 1. Parerg. cap. 3.

(1) Ridiculum est, quod scribis Charondas ad b. t. non a Claudio Imp., sed a
 Claudio Pallante liberto ejus hunc Senatusconsulto nomen datum; quum quia Se-
 natusconsulta nunquam ab Imperatoribus habuere nomen, nisi per eos ipsos rela-
 tum esset ad Senatum: tum quoniam scribis Tacitus legi sit. Pallantem fuisse ejus

DE SUCCESSIONE SUBLATIS, &c. 71
 bus indignum sustulit, & ne inferi quidem Digestis (n) voluit, ut loquatur
 hic Tribus.

relationis repertorem, eoque nomine Prætoris insignia, & centum quinquagesies
 sestertium accepisse. Est sane ridiculum, si enim, ut Charondas ait, tunc domum
 Senatusconsultis nomen dabant Imp., quum ipsi de his referebant, est, qui credat,
 S. C. Claudianum a libertis nomen accepisse, quem non retulisse ad Senatum, scribit
 Tacitus, sed repertorem relationis fuisse? Præterea nec Tacitus, nec Suetonius,
 nec Plinius, neque ullus, quod sciam, vetus Scriptor hunc libertum Claudium no-
 minavit; quumque is Antonia matris Claudii, non ipsius Claudii, libertus fuisset,
 quod testatur Joseph. lib. 18. Ant. c. 8. Antonii potius habere nomen Romano more
 debuisset, quemadmodum frater ejus Antonius Felix est dictus. Nec me moveat, quod
 de Pallante vetus quadam inscriptio habet: TI. CLAUDIUS. AUG. L. PAL-
 LAS. namque hoc Caput commentitium esse, jam constat inter Criticos. V. Ryckium
 loc. cit.

(m) Errat Strachinus, qui Diff. Just. 12. scribit, fuisse Claudiani Senatusconsulti
 penam ab Alexandro Severo abrogatam, ob l. 3. Cod. de liber. caus., loquitur enim hac
 lex de libero homine, qui aliena ancilla conubernium sequitur, non de libera mu-
 liere, quæ cum alieno seruo consuevit.

(n) Invito tamen Triboniano hujus Senatusconsulti vestigium extat in l. Lu-
 cius Titius 27. ff. de positi. Suspiciatur etiam Burgius ibid., apud Marcianum in l. 5.
 §. 1. de statu hom. inscriptum fuisse: Servi autem in dominium nostrum redigun-
 tur aut jure Civili, aut Gentium. Jure Civili, si quis se major viginti annis
 ad pretium participandum venire passus est, & mulier ex Senatusconsulto Clau-
 dianio: Tribonianum vero, ut sui temporis ratio ferebat, postrema hac verba omi-
 sisse: quod factum bene.

DE OBLIGATIONIBUS.

TITULUS XIII.

44. ff. 7.

4. C. 10.

Nunc transeamus ad Obligationes. Obligatio est juris vinculum, quo
 necessitate adstringimur alicujus rei solvendæ secundum nostræ Civita-
 tis jura.

1. Omnium autem obligationum summa divisio in duo genera deducitur;
 namque aut Civiles sunt, aut Prætoris. Civiles sunt, quæ aut legibus con-
 stitutæ, aut certe (a) jure Civili comprobatæ sunt. Prætoris sunt, quas
 Prætor ex sua Jurisdictione constituit, quæ etiam honorariæ vocantur.

2. Se-

(a) Theophilus habet *delatæ*. Et sane Cujacius ac diligentissimi quique le-
 gunt, certe, hoc est verbe, non, ut vulgata, certq,

2 Sequens divisio in quatuor species deducitur (b). Aut enim ex contractu sunt, aut quasi ex contractu, aut ex maleficio, aut quasi ex maleficio. Prius est, ut de iis, quæ ex contractu sunt, dispiciamus. Harum æque quatuor sunt species. Aut enim re contrahuntur, aut verbis, aut iteris, aut consensu, de quibus singulis dispiciamus.

(b) Sic veteres libri, deducitur, ut in *Su. Male vulgata*, dividitur, quam *Jais relectis* vbi divisio, quod præcedit. Est locutio, quam exhibet *vulgata*, a more *Juriconsultorum* non abhorreat. *V.Scip.Gentil.1.Parerg.6.*

COMMENTARIUS.

P RÆTIS. Obligatio est juris vinculum, (a) quo necessitate adstringimur aliquid rei solvenda, secundum nostræ Civitatis jura, inquit Trib. Cur secundum nostræ Civitatis jura? nempe ut intelligas, non definiti hoc loco obligationem in genere, sed quæ proprie Civilis est, aut Mixta. Jure naturæ quælibet promissio obligationem parit, nec quidquam est tam congruum fidei humanæ, quam ea, quæ inter homines placuerunt, servare. I. 1. de Pactis. Primum enim naturalis ratio non patitur, ut quæ fides data nobis, & non servata sit, ut injuriæ accepisse videamur, eam nos datam aliis non præstemus. Deinde qui aliquid alteri promittit, is videtur aliquid de jure suo remittere, hoc est de naturali sua libertate, eamque in alienum arbitrium conferre. Denique, nisi stet promissorum fides, nulla potest socialis vita consistere, nam plerumque ex violata fide non privata solum turbæ, sed publici etiam motus excitantur. (b) At Romani Jurisconsulti ab hac naturali simplicitate desciverunt, & conventionum alias dixere nuda pacta, (c) alias contractus: hostatos esse, illo-

(a) Vinculum ~~inter homines~~ dictum, ut est obligare & obligatio, & contrario sensu solvere & solutio. *Var.lib.5.de L.L. sponsu alligari dixit, & Hor.lib.2.sat.3.v.70. Obligationes Catenas appellavit.*

(b) Franciscus Connam.lib.1. Comm.cap.6. multis contendit, ea pacta, quæ non habent *συνταγμα*, nullam jure naturæ ac gentium habere obligationem. Sed ejus argumenta fute persequitur ac diluit Grotius de J.B. & P.lib.2 c.11. Nos de ea re abunde diximus in *Canonicis Inst.M.S.*

(c) Nudum pactum est simplex conventio, quæ nec peculiare nomen habet, nec habere causam jure civili intelligitur, seu conventio, quam jus civile non adjuvat, & solas naturalis honestate: & nudum dicitur eleganti metaphora, hoc est simplex, quomodo Juvenalis Sat.7.dixit, nuda senectus, & Horatius, nuda veritas. Quod vero & nomen habet jure civili, & causam, & actionem, id legitimum dices. I. legitima ff. de Pactis. Cave tamen dicas pactum vestitum, ut dixeret barbari, quia quum pactum nudum dicimus, *κατ' ἑλκιστον*, non *πρὸς διαβολὴν* nudum accipitur, ut bene Everardus Otto, nec, quia mala crux dicitur, recte dixeris bonam: sic Jurisconsulti passim dicunt nudam voluntatem, nudum consensum, nudam interrogationem, nudam proprietatem, nudum usum, nudum nomen, nudam indulgentiam, nudam possessionem &c. at nusquam dixeret, voluntatem vestitam, consensum vestitum &c. *V. Coras.lib.1.Miscell.cap.1.*

illorum nullam esse obligationem, voluerunt *l. 7 §. 4. ff. de l. l. to. C. de Pactis. l. 27. C. de locat. & conduct.* Jam nuda pacta sunt, quibus nulla subest causa. *Ulp. d. l. 7. §. 4. Contractus sunt, qui negotium continent, unde Sextus Cæcilius apud Gellium lib. 20. cap. 1. Idem, inquit, majores nescit in negotiorum (d) contractibus sanxerunt.* Quorum verborum hæc est sententia, placuisse Romanis, ut non omnes conventiones, quæcumque illæ tandem essent, Romanos Cives obstringerent, sed ex tantum, quæ negotium hoc est causam, & vitæ communis utilitatem haberent; sicque Jurisconsulti naturam interpretati sunt, probare eam pacta utilia, quæque ad usum societatis conferrent; & porro conventionum utilitatem auctoritate publica, non privato hominum arbitrio, æstimari debere. Et quoniam id est ingenium hominum, ut facile per animi levitatem promittant, tum vero eos poeniteat promississe; Reip. sane interest, certas esse obligationum causas, & eas publice constitutas. (e) Hæc jure Civili. Ceterum jure Prætorio nuda pactio exceptionem parit. *d. l. 7 §. 4. (f)*

S. I. Summa obligationum divisio hæc est, ut aut Civiles sint, aut Prætorie, & rursus Civiles aut legibus constituta, aut certe jure Civili comprobata. *l. 1. §. 5. pen. de exercit. ad. l. 1. §. 8. de pignus. l. 3 §. ult. de acceptil.* Civiles legibus constituta dicuntur, quæ solo jure civili comparata sunt, ut obligatio verborum, & literarum, furti nec manifesti, damni injuria dati, pauperiei per quadrupedem factæ, arborum furtim cælarum, *sis. Inst. de verb. oblig. tit. Inst. de lib. obl. §. 4. infra de noxal. lit. de perp. & temp. ad. pr. tit. Inst. de leg. Aquil. & si quadrup. pauper. l. 1. arb. furt. cas.* Spectant etiam huc pactum donationis & dotis pollicitatio *l. si quis 35 §. ult. C. de donat. l. 6. C. de dot. promiss.* & alia id genus pacta, quæ pecuniæ lex confirmavit, unde pacta legitima appellantur. *l. 6. ff. de Pact.* Obligations jure civili comprobata dicuntur, quas communi omnium gentium jure receptas Civile jus comprobavit; atque huc referuntur contractuum plerique. *V. l. 7. de Pact.* Obligations Prætorie, seu Honorariae sunt, quas Prætor naturalem æquitatem sequutus edicto proposuit, cujusmodi sunt ex constituta pecunia, ex jurejurando, ex injuria, & alia complures, de quibus suis locis. Præterea obligationem parit aut sola naturalis ratio, quam Civilis non probat, & obligatio pura naturalis appellatur: aut sola civilis subtilitas, quam ratio naturalis igno-

rat,

(d) Hinc potest fieri, causam & negotium Jurisconsultis pro eodem dici: quod involuntissime contra Anonimum demonstravit Vir. Cl. & Præceptor. quondam meus Joh. Baptista Vicus in Apologia, quam pro suo libro, de Antiquissima Italorum Sapientia &c. italico conscripserat Neap. an. 1722.

(e) Hæc Naturalis & Civilis juris discrimen eleganter pertrahit Seneca de benef. lib. 5. cap. 22. Multa legem non habent; nec actionem, ad quæ consuetudo vitæ humanæ, lege omni valentior, dat ædium. Nulla lex jubet, amicorum secreta non eloqui, nulla lex fidem etiam inimico præstare. Quæ lex ad id præstandum nos, quod alicui promissimus, alligat? Querat tamen cum eo, qui arcanum sermonem non contulerit, & fidem datam, nec servatam indignabor.

(f) Antequam sic Prætori placuisset, frequentes erant in foro disputationes de conventionibus, num contractus essent, an pacta, eoque refert Ger. Noddi cap. 10. de Pactis locum Plauti ad. 2. Aufsc. 2. v. 81.

At scio, quo vos pacto soleatis perplexari.

Pactum non pactum est, non pactum autem pactum est, quod vobis lubet.

K

rat, cujusmodi est obligatio literarum, & pura Civilis dicitur: aut naturalis simul & Civilis ratio; & *migra* nuncupatur. Prima jure Civili actionem non habet. Secunda actionem quidem habet, sed quam perpetua perimit exceptio. Tertia actionem habet efficacem, & plenam praeiudicandi necessitatem imponit. Atque de hoc Obligationum genere agitur hoc tit. V. plura apud Vin. hic.

§. II. Jam fontes Obligationum, de quibus est sermo, sunt aut Contractus, aut quasi Contractus, aut Maleficium, aut quasi Maleficium: Ita Trib. *Obligatio*, inquit Cajus 2. *Instit.* 9. in duas species dividitur: nam omnes obligationes aut ex contr. alii nascuntur, aut ex culpa. Addit & illud in l. 1. de *Obl. & act.* aut proprio quodam jure ex variis causarum figuris: quae forsan verba quasi contractum, & quasi maleficium continent; sed & idem ipse Cajus quasi contractum & quasi maleficium memoret in l. 5. pr. & §. 5. ff. *cod. Contractuum* variae sunt divisiones, quas perferre longum esset. V. Grotium lib. 2. c. 12. & fratrem ejus Wilhelmum in *Enchir. jur. nat.* c. 16. & seqq. Hert. ad Pufendorf. de j. nat. & G. lib. 3. c. 2. §. 4. Otton. ad Pufendorf. f. de off. hom. & civ. lib. 2. ca. 5. §. 2. Ego, ut occasio fieret, varia eorum genera enarrabo. Illud hic moneo, nonnullas contractuum divisiones ineptas esse & prorsus inutiles. V. Brennyssen de inutilibus passorum jure Romani divisionibus, & Leyser meditat. ad D. ff. 39. n. 1. & 3. Nunc Tribonianum sequutus, ajo, Obligationes aut re contrahi, aut verbis, aut literis, aut consensu.

QUIBUS MODIS RE CONTRAHITUR

obligatio.

TITULUS XIV.

12. ff. 1. 13. ff. 6. & 7. 16. ff. 3. 4. C. 1. 23. 24. & 34.

RE contrahitur obligatio, veluti mutui datione. Mutui autem datio in his rebus consistit, quae pondere, numero, mensura constant: veluti vino, oleo, frumento, pecunia numerata, aere, argento, auro, quas res aut numerando, aut metiendo, aut adpendendo in hoc damus, ut accipientium, fiant; & quandoque (a) nobis non eadem res, sed aliae ejusdem naturae, & qua-

(a) Vulgo, quoniam: sed duo Antonii Augustini Codices ex Albornotiana Bibliotheca, & omnes Contii MS. habent, quandoque; idque placet Ant. Augustino lib. 3. Emend. c. 7. Josepho Nerio lib. 1. Anal. c. 31. & Panciroli lib. 2. Var. c. 32. Sunt tamen nonnulli, qui vel ex eo vulgatam esse retinendam contendunt, quod aliqui illud plane absurdissimum ex hoc Triboniani loco deduci possent, mutuum etiam consistere, si res eadem reddantur. Verum hic obex facile removeretur, si quandoque, pro quodcumque positum dicamus: sicque eleganter & saepe loquuti sunt Jurisconsulti. Paulus in l. non enim 6. ff. de trib. aff. inquit: Non enim haec actio, sicut de peculio, occupantis meliorem causam facit, sed aequalem conditionem quandoque agentium. Quo loco solus Halaander habet quandoque. V. Cujum in l. res in dotem 42. ff. de jur. dot. l. §. vini 7. ff. de usufr. ear. rer. Ita etiam ex Flor. Cod. quandoque est pro quodcumque in l. 2. & 6. ff. solus. matrim. & in l. 1. pr. de adsign. libert. V. Priscian. lib. 17. Est autem hic Triboniani

qualitatis reddantur: unde etiam Mutuum appellatum est, quia ita a me tibi datur, ut ex meo tuum fiat, & ex eo contractu nascitur actio, quæ vocatur condictio.

1 Is quoque, qui non debitum accepit ab eo, qui per errorem solvit, re obligatur: daturque agenti contra eum propter repetitionem condictionis actio. Nam perinde ab eo condici potest, si parei, (b) eum dare oportere, ac si mutuum accepisset. Unde pupillus, si ei sine auctoris auctoritate indebitum per errorem datum est, non tenetur indebiti condictione, magis quam mutui datione (c). Sed hæc species obligationis non videtur ex contractu consistere: quum is, qui solvendi animo dat, magis voluerit negotium distrahere, quam contrahere.

2 Item is, cui res aliqua utenda datur, id est, commodatur, re obligatur, & tenetur commodati actione. Sed is ab eo, qui mutuum accepit, longe distat, namque non ita res datur, ut ejus fiat: & ob id de ea re ipsa restituenda tenetur. Et is quidem, qui mutuum accepit, si quolibet fortuito casu amiserit, quod accepit, veluti incendio, ruina, naufragio, aut latronum, hostiumve incurfu, nihilominus obligatus remanet. At is, qui utendum accepit, sane quidem exactam (d) diligentiam custodiendæ rei præstare jubetur: nec sufficit ei, tantam diligentiam adhibuisse, quantum suis rebus adhibere solitus est: si modo alius diligentior poterat eam rem custodire: sed propter majorem vim, majoresve casus non tenetur, si modo non ipsius culpa. Is casus intervenit: alioqui si id, quod tibi commodatum est domi, peregre tecum ferre malueris, & vel incurfu hostium, prædonumve, vel naufragio amiseris, dubium non est, quin de restituenda ea re tenearis. Commodata, autem res tunc proprie intelligitur, si nulla mercede accepta, vel constituta, res tibi utenda data est, alioqui, si mercede interveniente, locatus tibi usus rei videtur: gratuitum enim debet esse commodatum.

3 Præterea & is, apud quem res aliqua deponitur, re obligatur (e), & actione depositi: quia & ipse de ea re, quam accepit, restituenda tenetur: Sed is ex eo solo tenetur, si quid dolo commiserit; culpæ autem nomine, id est, desidii, ac negligentia, non tenetur. Itaque securus est, qui parum diligenter custoditam rem furto amiserit: quia qui negligenter amicos rem custodiendam tradidit, suæ facilitati id imputare debet.

4 Creditor quoque, qui pignus accepit, re obligatur: quia (f) & ipse de ea

niani locus ita cum Charonda & Antonie Aug. Interponendus, ut accipientium fiant, & quandoque nobis reddantur: non, ut alii, quos superprime sequitur est Everardus Otto, fiant. Et quandoque redduntur.

(b) Sic legendum ex libris Charonda, non apparet, ut vulgata lectio est. Vide, quæ de Jolemi hac formula uberrime scripta sunt ad §. 14. infr. de Alt.

(c) Rotomannus mallet, actionem quod quidem esset magis proprio dictum: sed non est tamen immutanda communis lectio, quam omnes Codices probant: præcipue quum de Tribonianis sententia satis constat.

(d) V. Comm. nostr.

(e) Notat Cujacius, legendum videri, qui & ipse actione depositi de ea re &c. ut in §. seq. Nonnulli etiam Charonda habent: qui & ipse de ea re, quam accepit, restituenda, tenetur actione depositi, ut in cit. §. seq.

(f) Rotom. & Charondas, qui & ipse, ut in §. præced.

De ea re, quam accepit, restituenda, tenetur actione pignoratitia. Sed quia pignus utriusque gratia datur, & debitoris, quo magis pecunia ei credatur, & creditoris, quo magis ei in tuto sit creditum; placuit sufficere, si ad eam rem custodiendam exactam diligentiam adhibeat: quam si praestiterit, & alioquo fortuito casu rem amiserit, securum esse, nec impediri creditum petere.

COMMENTARIUS.

PR. Tit. Agendum hic de iis Contractibus, qui non sola contrahentium voluntate perficiuntur, sed ex re tradita aut facto initium obligationi praebent, ut in specie permutationis loquitur Paulus l. 1. §. 2. de rer. perm. id est eum re contrahi obligationem. Quamquam vero omnes contractus, qui nomen suum non habent, quique *nominati* vulgo dicuntur, non sine re data aut facto aliquo pariant obligationem d. l. 1. §. 2. l. 7. §. 2. de pact. l. 5. pr. & *passim de praescrip. verb.* Tribuit tamen hoc loco quatuor tantum *nominales* contractus recenset, quibus re contrahitur obligatio, Mutuum, Commodatum, Depositum, Pignus: forsitan quia veteribus placuit, ut tunc demum proprie re contrahi obligationes viderentur, quum res tradita vel in genere, vel in specie redderetur: quod in quatuor hinc contractibus accidit. Mutuum vel est a voce *mutuo*, quae Siculis erat *mutuum*, ut ait Var. lib. 4. de L. L. (Siculis Graecos *Loras* fuisse constat) vel a *mutando*, ut a *dividendo dividuum*, a *cernendo cernuum*, quod putat Cujac. 11. Obf. 37. in mutuo enim pecunia cum pecunia in eodem genere mutatur. V. Voss. in Etym. Salmat. lib. de Usur. Menag. Amoenit. c. 39. Quod vero ait Cajus 2. Inst. 9. §. 1. Paulus l. mutuum 2. §. 2. de reb. cred. & Tribbit, mutuum ex eo appellatum, quod ita a me tibi datur, ut ex meo tuum fiat, non vera etymologia est, sed Stoica potius allusio. Pertinet huc ea controversia, quae superiori saeculo exarsit, an mutuum alienatio sit, ac dominium transferat. Et alienationem esse diserte scribit Paulus l. si foris 26. & Africanus in l. ejus 41. ff. de reb. cred. Cujus rei consuetudinem est illud, mutuo dominium transferri; & clare Tribonianus in §. 2. sup. quib. alien. lic. vel non, inquit, neque pupillum, neque pupillam rem ullam sine tutoris auctoritate alienare posset: cum subdit, si mutuum pecuniam sine tutoris auctoritate alicui dederis, non contrahi obligationem, quia pecuniam non facis accipientis. Praeterea res mutuo data periculo ejus perit, qui accepit: §. 2. h. s. res autem perit domino. Denique ex mutuo condictio nascitur, non vindictio, hoc est, creditor non ait, rem tuam esse, quae vindicationis formula est, & domino datur, praeterea nemini; sed ait, rem sibi dari oportere: quod condicere est, & nunquam domino datur: nisi ex causa furtiva l. 1. ff. de cond. furt. ridiculum est enim, dominum ea fors, mula uti, rem suam sibi dari oportere, quum dare sit dominium transferre l. ubi autem 75. §. ult. de V. O. Hae fere sunt potissima argumenta, quibus Cyprianus quidam & Lucius Verus nescio quis Ultrajectini Professores Juris, & Wittenbachius, & Fabrotus & plerique omnes Interpretes opinionem recens in Jus inlatam convellere studuerunt, mutuum nec alienationem esse, nec dominium transferre. Nec temperatum probis. Hanc quidem opinionem primus omnium in Jurisprudentiam iniecit Molinæus, adornavit tamen postea Alexius quidam de Massalia, qui Salmastius erat. Et illud prius videndum esse, ait Salmastius, quid mutuum sit. Forma hujus contractus propria (inquit hic Vinnius) consistit in ipsa mutui datione, sive domini verum in accipientem translatione. Meo quidem iudicio perperam. Primum enim si mutuum in datione rei consistit, jam una eademque erit muni & ejuslibet alienationis definitio, & quicumque alienatio mutuum erit. Deinde mutuum sit ab eo, qui reddit, non ab

eo, qui dat: sic mutuo amare, est amorem rependere, & mutua inter se convivia agitare, quod veteres uno verbo, *mutitare*, vel, *mutuare*, dicebant, erat paria convivia reddere. Contra si dicas, mutuum *redditione* constare, nihil plus proficias, nam & in Deposito, & in Commodato, & in Pignore redditur. Si addas, mutuum in ipsa obligatione ad reddendum consistere, jam omnes contractus, qui reddendi obligationem pariunt, non erunt, nisi mutuum. At si nec datione, nec redditione, neque obligatione ipsa mutuum constet, quidnam erit aliud, in quo mutuum consistat? Certe nihil reperias, quod magis proprium sit mutuo, & soli, & semper mutuo conveniat, quam *Obligatio-nem ad idem genus reddendum*: Atque hæc mutui definitio est, quam luculenter confirmat Paulus in *l. 2. pr. de reb. cred. Mutuum damus recipiari non eandem speciem, quam dedimus, sed idem genus*. Hæc si ita sunt, mutuum nec alienatio erit, nec dominium transferet. Alienatur quidem corpus, seu species ipsa, quæ datur: hanc alienari, inquit Paulus in *d. l. forius*, & Africanus in *d. l. ejus 41. hæc in accipientem transiit*: hæc periculo ejus perit; quæ erant adversariorum argumenta: at non in specie consistit mutuum, sed in genere ipso, quod nec alienatur, nec transit in accipientem, alioqui mutuum donatio esset. Apposite Ulp. in *l. cedere 213. §. 1. de V. S. A salientum est*, inquit, quod nos aliis debemus: at suum est, quod aliis nobis debent. Ad rem etiam Paulus in *l. 55. de solut.* inquit, *Qui sic solvit, ut reciperet, non liberatur, quemadmodum non alienatur numi, qui sic dantur, ut recipiantur*. Ego nunc nihil definio; sed rem totam latissime expendam peculiari Dissert. de *Mutuo Salvastii*. Jam nunc datio in his rebus consistit, quæ pondere, numero, mensura constant. *pr. h. t. & l. 2. de reb. cred.* quod non ita accipiendum, quasi mutuum in iis rebus consistat, quæ numerum, pondus, aut mensuram habent, hoc enim sensu esset plane nihil, quod dari mutuo non posset: sed ex demum res constare numero, pondere, vel mensura dicuntur, quæ ex certo numero, pondere, vel mensura æstimantur, hoc est, quæ ita usu hominum comparatae sunt, ut si una, pro alia æque bona, eodemque numero, aut pondere, aut mensura detur, idem reddi videatur. Et perbelle ait hic Cujacius, quum Stichus pro Pamphilo datur, Stichum non reddi, sed dari: quum vero vinum datur pro vino, reddi vinum verius, quam dari. Atque hoc est, quod inquit Paulus in *d. l. 2. §. 1. Mutui datio consistit in his rebus, quæ pondere, numero, mensura constant*: quoniam eorum datione possumus in creditum ire, quia in genere suo functionem recipiunt per solutionem, quam specie. Ex quo tamen loco, nisi quid vitii librariorum incuria (a) in textum irrepit, Pauli stylum facile agnoscas obscurum ac tortuosum. (b) Senlus est, ideo in his rebus mutuum consistit.

(a) Quod Tullius de Chrysippo, verissime etiam dici posse de Paulo, scribit Bertrandus in ejus Vita, eum totum volumen implevisse oraculis sticiloquis & obscuris, ut interpret egere interprete, & fors ipsa referenda sit ad forer. Duvrenus quoque de hoc Paulino, ut ipse ait, scribendi genere queritur ad *l. 132. de V. O.* Queritur etiam lapidissime Fulgosius ad *l. qui repudiantis 27. de inoff.*

(b) Hic Pauli locus valde torquet Interpretes. Et primum quia verbum facti Jurisconsultum, quippe qui duas tradit ejusdem rei rationes, quæ nihil diversum adferunt. Sed facile difficultas amovetur, si pro quia scribamus quæ, ut est in variis Editionibus ad finem Editionis Basilienfis an. 1544. & in margine Editionis apud Sennetonius Lugd. 1549. & uno spiritu verba Pauli legamus sic: Quoniam eorum datione possumus in creditum ire, quæ in genere suo functionem

filere, quia una alterius vice fungitur, hoc est una alterius locum subit in genere suo, nempe in eodem genere. Mutuum damus (inquit idem Paul. in d. l. 2. pr.) recepturi non eandem speciem, (quam scholiz individuum dicunt) sed idem genus. Atque hoc differt Mutuum a Locato, Commodato, Deposito, Pignore, Precario, in quibus eadem species redditur l. videamus 12. §. si hoc in fin. locat. l. sed mihi, §. si reddita 1. ff. commod. §. pen. & ult. inst. h. s. & l. 1. de precar. Differt etiam ab Emptione Venditione, aliisque huiusmodi contractibus, in quibus non idem, sed aliud genus reddi debet l. naturalis §. 1. de prescrip. verb. Et quamquam in Permutatione quandoque idem genus dari possit, ut vestis pro veste, id tamen perpetuum non est, & plerumque aliud genus pro alio datur, ut frumentum pro hordeo §. item precium in fr. de em. & vend. Quid si debitor eandem speciem creditori reddat? Et magis est, in hac etiam specie mutuum contractum videri, nam etsi in mutuo id agatur, ut non eadem spe-

nem recipiunt. Deinde explicatu difficillima videntur ea: in genere suo functionem recipiunt per solutionem, quam specie. Duarenus lib. 1. Disp. Auniv. c. 14. idem esse ait functionem ac solutionem, sed illa, per solutionem, parentibus insudat. Nihil etiam differre functionem & solutionem, putat Salmas. Disquis. de Mutuo p. 116. & de Usur. p. 9. 10. 213. & ad Jus Attic. c. 6. p. 183. 189. ne vero Paulus inepte bis idem dicere videretur, in functionis locum instructionem substituit. At bene observat hic Vinusius, functionem latius patere, quam solutionem, & ad omnia referri, quae vice mutua tantundem praestant l. 6. cod. etiamsi nulla interveniat solutio l. 7. de Prator. stipulat. l. 37. §. 1. ad L. Aquil. & §. 2. in fr. de uoxal. Corn. Bynk. lib. 1. Obsc. 10. resines functionem, sed loco non suo, sic: quia in genere suo solutionem recipiunt per functionem, quam specie. Verum quominus Viri Gl. opinionem sequar, duae vetust maxime, unum, quod magis proprie dicatur functionem recipere, quam recipere solutionem: alterum, quod etiamsi nullum, verbum loco moveatur, constet tamen Pauli sententia, nempe hac, res, quae pondere, numero, mensura consistunt, functionem recipere, hoc est vice mutua fungi per solutionem, hoc est, dum salvumtur, seu redduntur. Postremo dubium est, quo referri illud debeat, quam specie. Interpretantur nonnulli, tam in genere suo, quam in specie: alii, magis, seu, potius in genere, quam in specie: imo sunt Codices, in quibus vbi magis, ac vbi potius exprimitur: quod etiam de Codice suo MS. testatur Bynk. Sed ea addere nihil est opus, quum & facile subaudiri possint, & ea subicere, familiare sit Jurisconsultis. Ulp. l. 2. §. 6. de jud. inquit: compelleretur iudicium accipere, quam invenire eos, qui satis pro eo dent. & in l. 2. pr. ff. de pos. quum possit non suscipere talem causam, quam decipere. Justin. in Lult. C. de usufr. Verisimile est, testatorem contemplatione filii, quam patris usufructum ei reliquisse. Quibus in locis suppressimus potius, vel magis. Sic Scaevola in l. his verbis 102. pr. de leg. 3. & chirographis exactis, quam pecunia erogata, revertis in patriam. & Modestinus in l. in privatis 12. §. 1. de pollic. honores subire cogendum, quam operis instructionem. Ubi subauditur tam, quod etiam expressit Haloander. Faciunt huc duo Plauti loca in Rudente, unum act. 4. sc. 3. v. 6.

Non zedpol piscis expeto, quam tui sermonis indigeus.

alterum act. 4. sc. 4. v. 70.

Eo tacent, quia tacita bona est mulier semper, quam loquens.

Quod Graecum, seu potius Judaicum loquendi genus esse, ostendit Ant. Aug. lib. 4. Emend. c. 8.

Species, sed genus idem reddatur; (quæ ratio nonnullos post Aponem in contrariam sententiam adduxit) id tamen eo spectat, ut non possit mutuum ea lege contrahi, ut eadem ipsa res a creditore recipiatur: quo facit Pauli textus in *d. l. 2. pr.* Ceterum si debitor rem mutuo acceptam continuo reddat, id sane est præter voluntatem contrahentium, & ex solo eventu dependet, quæ mutare naturam mutui non potest, quum in contractibus non eventus, sed initium spectetur *l. depositum 1. §. si servus, ff. de positi, l. si id quod 59. §. pen. ff. pro socio, & l. qui id, quod 33. pr. ff. de donat.* Ita post Johaunem Accursius ad *d. l. 2. pr. v. speciem*, Zahus num. 9. Viglius num. 13. Douel. num. 5. & alii. Ex Mutuo nascitur Actio personalis, quæ dicitur *Condictio certi*, quæque etiam competit *ex omni causa, ex omni obligatione, ex qua certum petitur*, inquit Ulp. *lib. 26. ad Edictum l. 9. pr. de reb. cred. ubi*, ut id obiter moneam, verba, *ex omni causa*, Prætoris sunt, at ea vero, *ex omni obligatione*, Ulpiani sunt, qui eo loco Edictum interpretatur, ut frustra sint, qui Jurisconsultum tanquam verborum accusant.

§. I. Mutuo similis est solutio *Indebiti*, is enim, qui non debitum accepit ab eo, qui per errorem solvit, re obligatur, daturque agenti contra eum, propter repetitionem condictionis actio. Hinc Cajus in *l. §. §. is quoque 3. de O. & A. ait*, cum, qui non debitum accipit per errorem solventis, obligari *quasi ex mutui donatione*, & eadem actione teneri, qua debitores creditoribus: eadem, inquam, non specie quidem prorsus, sed genere eodem, ut bene Cujacius ad *d. l. §. §. is quoque 3.* (c) Sane hoc potissimum distat Mutuum & Indebitum, quod res in mutuo fungibilis esse debeat, in indebito etiam non fungibilis esse possit. Quod si res fungibilis indebite soluta est, tunc indubitum multa habet cum mutuo communia, quæ concessit Cujac. *lib. 8. Observ. cap. 34.* atque in hac specie indebitum recte *promutuum* appellatur. Sane ut Mutui, ita & Promutui usuræ non debentur *l. Titius 24. de præscript. verb. l. 1. C. de cond. ind. nec si ex pacto promissæ fuerint l. si tibi decem 17. ff. de pact. longassii 11. §. si tibi decem, ff. de reb. cred. l. 3. C. de usur.* neque si debitor in mora fuerit *d. l. Titius 24.* Ut ex Mutuo, ita ex Promutuo pupilli nisi Tutore autore non obligatur *§. is quoque infr. quib. mod. toll. obi.* Ut Mutui, ita & Promutui actio per liberam personam nobis acquiritur *l. 6. C. de cond. ind.* Denique ut ex Mutuo non semper datur actio *l. si pupilli §. 1. de neg. gest.* ita non semper ex Promutuo, puta si per errorem solvam, quod nondum debeo, at postea debere cœpi, vel certo debiturus sum *l. in diem, l. sub conditione, ff. de cond. inst.* Hæc de eo scripta sunt, qui per errorem solvit: ceterum si quis scies, se non debere, solvit, cessare repetitionem, inquit Ulp. *l. 1. §. 2. de cond. ind.* nam cujus per errorem dati repetitio est, ejus consulto dati donatio est *l. cuius de reg. jur.* Et quoniam error juris non prodest, quum unusquisque scire jus debeat; cessat etiam repetitio, si quid errore juris indebite solutum sit. *l. error 9. C. ad L. Falcid. l. quum quis, C. de jur. & fign. Sed hæc species obligationis non videntur ex contractu consistere; ait in fine hujus §. Trib.* quum is, qui solvendi animo dat, magis volueris negotium distrabere, quam contrahere. Hinc eam inter quasi contractus enumerat Cajus *l. §. 3. de obligat. & act. & Trib. infra. de oblig. qua quasi ex contract. §. 6.* V. Huber. in *Eunom. Rom. ad lib. 12. Pandect. p. 525.*

§. II. — Re quoque contrahitur obligatio Commodati (d), quo certa res non fungibilis datur alicui utenda gratis ad certum modum & tempus, ea lege, ut, finito usu, in eadem specie detur. Quæ definitio ex toto hoc §. colligitur: Et primum commodatur *res non fungibilis*, ne Commodatum abeat in Mutuum; nisi *res fungibilis* dicis tantum gratia detur, hoc est ad ostentationem l. 3. §. ult. & l. 4. b. i. eoque pacto, ut eadem species ad dominum redeat, qua lege numeri etiam commodatur arg. l. 28. de usufr. Tum Commodato usus transferitur: qua in re a Deposito & Pignore differt, in quibus res non datur utenda l. §. faculum, ff. de positi. Deinde gratuitus esse debet rei commodatæ usus, nam Commodatum beneficium est l. in commodato 17. §. 3. ff. Commodati. Hinc distinguitur a Locatione, in qua merces pro usu constituitur, & a Contractibus Innominatis, in quibus aliquid mercedis loco præstatur §. 2. infr. locati, l. si polienda 22. de præscript. verb. Denique datur commodatum ad certum modum & tempus; quo differt a Precario, in quo datur aliquid utendum ad preces utentis, sed quandiu libet domino l. 1. pr. de precar. Nascitur ex hoc contractu duplex Actio, una Directa, altera Contraria. Directa, commodanti competat, ut commodatarius finito tempore rem commodatam, det l. rem mihi ff. commodati. Contraria datur Commodatario, ne ante diem dictam dare compellatur, & ut necessarias & utiles expensas repetat, sedque id porro consequatur, quod sua interest, puta si damnum ex eo senserit, quod res vitiosa dolo domini commodata sit sibi l. in rebus, §. item qui sciens, ff. commodati. In Deposito etiam, Pignore, Maudato, Negotiis gestis & Tutela, contraria actio locum habet: cujus rei ratio ut intelligatur, advertendum est, ex contractibus nonnullos ex uno tantum latere obligare, cujusmodi sunt Mutuum & Scipulatio, in quibus is tantum obligatur, qui accepit, aut promissit: nonnullos utrinque, cujus generis sunt Emptio, Locatio, Societas: nonnullos demum non semper ex uno latere, nec semper utrinque, cujusmodi sunt Commodatum, Depositum, Pignus, in quibus etsi initio semper obligetur is, qui accipit, sit tamen interdum, ut etiam is, qui dat, ex postfacto obligetur ad impensas, aut damnum, l. in commodato 17. §. 3. ult. l. in rebus, l. pen. commodati, l. si servus 31. de pign. act. & l. §. de positi. Hinc nasci actiones Directæ, quæ contra commodatarium, depositarium, & creditorem pignoratitium: & Contrariæ, quæ contra commodantem, deponentem, & debitorem competunt, unde in Pandectis Tituli Commodati, vel contra, Depositi, vel

800

(d) Commodare est utendum dare, ut loquitur hic Trib., quod satis vox ipsa declarat. Ridendi sunt tamen Grammatici, qui ea tantum commodari ajunt, qua redduntur eodem numero & specie. Nam Plaut. Asin. act. 3. sc. 3. v. 35. Vigniti, inquit, commodas minas. & Cic. in Ver. 6. Publice commodasti tritici modios sexagiuta. Imo olim commodare de pecuniis dicebatur, ut est in differentiis Frontonis. At Jurisconsulti demum ea proprie commodari dixerunt, quæ utenda dantur in eadem specie reddenda. Notat quoque Cujac. ad h. §. bene Tribonianum dixisse, utenda datur, id est, commodatur, nam utendum dare dicitur etiam de locatione l. si quis domum 9. ff. locat. §. penult. infr. Inst. eod. & de mutuo l. 9. §. ult. de reb. cred. Plaut. in Pers. act. 1. sc. 3. Numos daret utendos mutuos. Sed recte addit Cujacius, rei mutua usum, abusum esse, non locata aut commodata, adeoque mutuum esse commodatum ad abusum, commodatum mutuum ad usum. V. eund. Cujac. Parat. ff. & C. sis commo.

contra &c. Nunc de periculo rei commodatæ dicendum est: quæ de re non solum in Commodato, sed in omnibus fere contractibus quaeritur. Et res quidem aliis debetæ aus casu fortuito pereunt, aut dolo, aut culpa. Casus fortuitus est, qui ita humanam diligentiam exsuperat, ut nec prævideri, nec, si prævideatur, ei per hominem resisti possit; unde & *damnum fatale*, & *vis major* seu *Divina* appellatur. l. 16. de rei vind. l. 5. §. 4. commod. l. 3. §. 1. nau. camp. l. 2. in fin. de peric. & com. rei vend. l. si merces 25. §. vis major 6. locat. l. 1. §. 4. de obl. & act. (e) Dolus a Græco δόλος, fraus, est omnis calliditas, fallacia & machinatio ad alium decipiendum. Labeo in l. 1. §. dolus, ff. de dolo malo. Dolus aut est bonus aut malus, unde titulus in Pandectis, *De Dolo malo*. Dolus bonus est solertia, ejusmodi sunt artes militares: est, ubi dolus sine adjuncto dicitur, dolus malus intelligatur. Media inter dolum & casum, sed quæ ad dolum proxime accedit, est Culpa, licet dolo agamus scientes, culpa negligentes & nescientes. Culpa est aut levissima, aut levis, aut lata. Levissima est id omittere, quod diligentissimus paterfamilias non omitit. l. in rebus 18. commod. l. 1. §. si is vero, ff. de obl. & act. l. 3. de peric. & com. rei vend. Levis est id negligere, quod diligentes faciunt l. si putator, ff. ad L. Aquil. & levis est culpa, quæ sine addito exprimitur l. 3. §. pen. ff. de bon. aut. jud. & L. in rebus, §. ut si furivusque, ff. commodat. Lata est id negligere, quod negligentes etiam faciunt. l. late 223. de U.S. l. quod Nerva 32. ff. de pos. l. mulier 25. §. 3. ad Sen. Trebell. pen. §. 2. de jur. & fact. ignor. l. 7. ad l. Corn. de fidej. l. 8. §. ult. & l. 29. §. 3. mand. atque hæc dicitur etiam culpa latior, & gravior, l. 32. de pos. l. homo liber 34. §. 2. de adq. rer. dom. & negligentia magna, crassa, supina, dissoluta l. magna 226. de U.S. l. 7. §. 2. de adm. tut. l. 7. §. 1. de susp. tut. l. 29. pr. mand. l. 53. de Edilit. Edict. & l. 6. de jur. & fact. ign. His ita statutis facile est de periculo rei commodatæ judicare. Et quidem si res commodata fortuito casu pereat, perit domino, nisi commodatarius alio modo re commodata usus sit, quam inter eos convenierit l. in rebus, ff. commodat.

(e) At quid illud est, quod scribit Ulp. in l. quum duobus 32. §. 3. ff. pro socio, damna fatalia esse, quæ imprudentibus accidunt? Certe culpa est, quod, quum a diligente provideri poterit, non est provisum. Mutius in l. 31. ff. ad L. Aquilianam. Sunt, qui imprudentibus explicans valde prudentibus, ad eandemque sententiam exponunt illud Virg. lib. 1. Georg. v. 373.

----- nunquam imprudentibus imber

Obfuit.

Ita Gilbertus Regius lib. 2. Enantioph. cap. ult. a.

Johanne Roberto reprehensus lib. 2. recept. Lect. c. 31. Somnia. Nonnulli eos hic dicit imprudentes ajunt, qui non providerint, hoc est inscienter; quo sensu Cic. pro Sexto. Pompejum dixit imprudentem impendentium malorum. Ita Robertus loco cit. Quæ dua interpretationes desumptæ sunt ex Glossæ Accursii ad d. l. 32. ubi addit & tertiam, nempe hanc, forsitan imprudentes esse, qui providere non potuerunt. Corn. Bynk. lib. 2. Obs. c. 16. legit, quæ in prudentibus accidunt, hoc est, quæ in prudentes etiam cadunt: inque confirmat suo MS. in quo sic scriptum inquit, imprudentibus, tanquam una & continua voce Johannes Vande Water lib. 1. Obs. c. 6. suspicatur, initio scriptum fuisse, quæ em prudentibus accidunt, contrasse pro, etiam prudentibus; atque hinc errore librarij factum, imprudentibus. Duas hæc conjecturas laudo quidem, sed omnium fere Codicum consensus facit, ut retineam, et imprudentibus, & Ulpianum ita scripsisse contendam pro inscientibus, hoc est, iis, qui justam ignorandi causam habent.

Lib. III.

L

dati, aut se fortuitum quoque casum præstiturum promiserit l. 1. §. si convenit, ff. de positi. Quod si res commodata dolo pereat, ei perit, qui dolo egit l. contrarius de reg. jur. nec pacto fieri potest, ne dolo præstetur; non est enim fraudum pacto, quod bonos mores lædit l. 1. §. illud, ff. de positi, d. l. contrarius. Denique si res commodata culpa ejus pereat, qui accipit, varium jus esse potest; aut enim Commodatum solam accipientis utilitatem respexit, ut plerumque fit in Commodato; & in ea specie commodatarius omnem culpam præstabit, vel levissimam. Cajus in d. l. in rebus quod. In rebus commodatis, inquit, talis diligentia præstanda est, qualem diligentissimus quisque paterfamilias suis adhibet. §. l. 1. §. 4. de obl. & acti. inquit, eum, qui utendum accepit, exactissimam diligentiam custodiendæ rei præstare compelli. Nec quemquam movere debet, quod Trib. in hoc §. ait, eum, qui utendum accepit, sane quidem exactam diligentiam custodiendæ rei præstare juberi. Nam, nisi velimus sequi Codicem Argentinensem, & alterum Charondæ, qui exactissimam habent, ut est apud Cajum, unde hic §. descriptus est, dicemus eum Marcilio diligentiam sane exactam apud Trib. exactissimam esse ob vim adverbii sane, ut in l. 5. §. 5. ff. commodati. Nec sufficit commodatario, tantam diligentiam adhibuisse, quantum in suis rebus adhibere consuevit, si alius diligentior potuerit eam rem custodire. h. §. Aut Commodatum non accipientis modo, sed & dantis utilitatem respexit; & eo casu qui utendum accepit, levem dumtaxat culpam præstabit d. l. in rebus, vers. at si utriusque. Hinc patet, quid de ceteris contractibus dicendum sit. Nam si contractus utriusque commodum spectat, qui accipit, de dolo tantum, & levi culpa tenetur, ut in specie deperditi pigoris l. si quum venderes de pig. act. si contractus solius dantis gratia intervenit, qui accipit, dolum præstat, præterea nihil, ut in specie de positi l. 1. §. de positi, d. l. contrarius de reg. jur. §. 5. b. r. ubi recte ait Trib. eum, qui negligent amico rem custodiendam tradidit, sua facilitati id imputare debere. Obstat videtur locus Celsi in l. quod Nerva 32. ff. de positi. Si quis non ad eum modum, quem hominum natura desiderat, diligens est, nisi tamen ad suum modum, curam in deposito præstat, fraude non caret; nec enim salva fide minorem iis, quam suis rebus, diligentiam præstabit. Sunt qui priorem negationem expungunt sic, si quis ad eum modum. Alii expungunt posteriorem sic, fraude caret. Ita Hot. 3. Ob. 2. & Faber in Rational. Sed hi hercle inepti sunt, & contra fidem omnium Codicum faciunt, ut merito eos carpat Robert. lib. 2. recept. Lel. c. 7. Jurisconsulti sententia hæc est. Proponit is regulam juris, qui non ad eum modum, quem hominum natura desiderat, diligens est, eum fraude non carere; tum addit exceptionem, nisi tamen ad suum modum curam in Deposito præstat. Quæ Celsi exceptio mire consentit cum cit. §. 3. (f) Denique si in contra-

ctu

(f) Jure natura depositarius levem quoque culpam præstabit. Pufendorf. lib. 5. c. 4. §. 7. Et sane apud omnes gentes summa semper fuit Depositii religio. De Hebræis vide Exod. 22. v. 7. de Græcis Herodot. lib. 6. c. 87. De Christianis scribit Plin. 10. Ep. 97. eos se invicem Sacramento obstringere, ne fidem fallant, ne depositum appellati abneget. Idemque iurandum apud veteres etiam Romanos usurpari solum accepimus; quo factum putant nonnulli, ut Juvenalis Depositum sacrum dixeris sat. 13. v. 15. - - Sacrum tibi quod non reddat amicus Depositum.

Et quoniam grave erat in Deposito fidem fallere, jure a Decemviris cautum est. Si quid endo Deposito dolo malo factum esset, duplione luto. Gothofred. ad Leg. 12. Tab. 103.

Et sola accipiens utilitas agitur, & dolum, & omnem culpam vel levissimam præstat, ut in *Prætorio l. 8. §. 3. de pres.*

§. III. Depositum (§) est, quo res mobilis datur custodiendi gratis ea lege, ut eadem quovis tempore reddatur *h. §. §. 1. ff. depositi*. Primum igitur hinc patet; depositarium non posse deposito uti, &, si utatur, furtim facere. *l. ff. sacculum, ff. eod.* Patet deinde, si quis pro custodia pretium recipiat, non depositarium esse, sed operæ suæ locatorem *l. 1. §. si vestimenta, eod.* etsi nihil vetet, quin aliquid remunerationis homini detur *l. 2. §. si in re deposita, ff. de vi bon. rapt.* Patet demum, tantam esse depositi fidem, ut res arbitrio deponentis sine mora reddenda sit, etiamsi depositarius compensationem opponat *l. fin. C. de compens.* & quamvis certum tempus adjectum sit; nam in gratiam deponentis adjectum censetur *l. 1. §. 4. h. s.* Illud peculiare est deposito, ut quæ depositis rebus accedunt, non intelligantur deposita, ut si homo vestitus, aut equus cum freno deponatur, nam nec vestis nec frenum pro depositis habentur *l. 1. §. quæ depositi §. h. s.* quod in commodato secus est *l. 4. §. 9. ff. commodati*; nam in commodato nulla plerumque tantis utilitas spectatur, ut in deposito. Actio directa depositi datur deponenti ad rem vindicandam, etiamsi is, qui deposuit, prædator sit; nisi dominus, aut qui alia de causa prior est, superveniat, vel depositario notus sit; in hac enim specie rem domino reddi, æquum est. *l. 31. h. s.* Depositario autem competit actio contraria ad impensas etiam modicas *l. 23. h. s.* quæ depositarius rei usum non habet.

§. IV. Pignus est ius creditori in re debitoris constitutum pro securitate crediti. Pignus & Hypotheca sola traditione distinguuntur, ut fuse ad §. 7. *infra de act.* Duplex autem est pignus Prætorium & Conventionale. Hoc ex conventionem partium, illud iussu Judicis datur *l. 1. C. de Prætorio pign.* Duplex etiam ex pignore oritur actio: Directa, quæ debitori datur contra creditorem, ut soluto debito pignus restituatur eo modo, quo datum est *l. solutum, §. unde si domum, ff. de pign. act.* Contraria; quæ datur creditori pro impensis necessariis, aut damno *l. creditor, C. de pigner. act.* Pignori quandoque etiam, accessit Fiducia, nempe contractus, quo id agebatur, ut debitor creditori pignus manciparet vel in jure cederet, ea tamen lege, ut, reddita pecunia, illud sibi creditor remancipare teneretur. Hanc Fiduciam a Constantino sublâtam in *l. ult. C. de pact. pign.* scribit Cuiac. ad Paul. lib. 2. *sen. tit. 13.* Sed acuteprehendit Schultingius ibidem, diu stetitse Fiduciam etiam post Constitutionem Constantini in *d. ult.* quæ de legè commissoria pignorum agit, non de Fiducia. Sane ejus meminit Codex Theodosianus *l. 9. de infir. his, quæ sub tyrann. Sidenius Apollinaris lib. 4. §. 8.* Ambros. in *li. de Tobia cap. 12.* Satis est igitur dicere, fuisse fiducias a Justiniano abrogatas, ex quo sublata sunt per eum discrimina.

(§) Depositum, inquit Isid. quasi diu positum. *Lepidum sane caput! Depositum dictum videtur ex eo, scribit Menag. c. 39.* quod humi vel thesaurum ponitur: Præstat dicere cum Ulp. *l. ult. de pos.* fuisse Depositum ex eo dictum, quod ponitur; præpositio enim, de, augeat depositum, ut ostendat eorum fidei ejus commissum; quod ad custodiendam rei pertinet. *Apposite Notatus Adelph. 4. 6.* Deo valde, significat: & Festus: Deperire significat, valde petire. Prætercunda autem non est hoc loco nobilis conjectura Scipionis Gentil. Orig. ad Phind. Depositum olim sola fide stetit; ut fidei testimonio, deinde, quum juxta fides esset, juxta Civilis necessitate confirmatum. Quæ confirmare videtur Ulpiani verba dicta, leg. 1.

erimina rerum mancipi & nec mancipi . *tit. C. de usucap. transform. & sublat. diff. rer. manc. & nec manc. & jus Quiritarium . tit. C. de nudo jure Quiris. toll.* Plura de fiducia vide apud Salmat. *de modo usur. cap. 13.* Jacob. Gothofr. *ad l. unie. C. Th. de commissor. rescind.* & Ger. Noodt 2. obf. 7. & 8.

DE VERBORUM OBLIGATIONIBUS, (a)

TITULUS XV.

45. ff. 1. 2. C. 38.

Verbis obligatio contrahitur ex interrogatione, & responsione (b), quum quid dari, fieri nobis stipulamur: ex qua dux proficiuntur actiones, tam condictio certi, si certa sit stipulatio, quam ex stipulatu, si incerta sit, quæ hoc nomine inde utitur, quod *stipulum* apud veteres firum appellabatur, forte a stipite (c) descendens.

1 In hac re olim cæsa verba tradita fuerunt. *Spondes? spondeo. Promittis? promitto. Fide promittis? fide promitto (d). Fidejubes? fidejubeo. Dabis? dabo. Facies? faciam.* Utrum autem Latina, an Græca, vel qua alia lingua stipulatio concipiatur, nihil interest: scilicet si uterque stipulantium intellectum ejus linguæ habeat: nec necesse est eadem lingua utrumque uti, sed sufficit, congruenter ad interrogata respondere. Quin etiam duo Græci Latina lingua obligationem contrahere possunt. Sed hæc solennia verba olim quidem in usu fuerunt: postea autem Leoniana (e) Constitutio lata est, quæ, solennitate verborum sublata, sensum, & consonantem intellectum ab utraque parte solum desiderat, quibuscumque tandem verbis expressus est.

2 Omnis stipulatio aut pure, aut in diem, aut sub conditione fit. Pure, veluti, *quinque aureos dare spondes?* idque confestim peti potest. In diem, quum adjecto die, quo pecunia solvatur, stipulatio fit: veluti, *decem aureos primis kalendis Martiis dare spondes?* Id autem, quod in diem stipulamur, statim quidem debetur: sed peti prius, quam dies venerit, non potest: at ne eo quidem ipso die, in quem stipulatio facta est, peti potest: quia totus is dies arbitrio solventis tribui debet. Neque enim certum est, eo die, in quem promissum est, datam non esse, prius quam is præterierit.

3 At si ita stipuleris, *decem aureis annuos, quoad vivam, dare spondes?* & pure facta obligatio intelligitur, & perpetuatur: quia ad tempus non potest

(a) Ita etiam in Pandectis: at apud Theophilum est, De Verborum Obligatione, quod probat Cujasius.

(b) In Pand. Fior. legitur, responsu, quemadmodum paullo post alio dicitur ex stipulatu, pro ex stipulatione, veteres enim supina pro nominibus verbalibus usurpabant, ut Contius hic, Bene autem utitur Theoph. verbis eundem, hoc est, responsione congrua.

(c) Hotomanus in margine citat, alii malunt Ripa: sed quinque manus scripsi A. Contii vulgatam confirmant V. Comm. nostr.

(d) Hæc verba, fide promittis? fide promitto, omnes Charonda, & Turgurinus Heremiani Codex MS. ignorant; habent tamen Theophilus, & MS. Codex, A. Contii.

(e) Perperam vulgo, Leonina.

DE VERBOR. OBLIGAT.

testi deberi. Sed heres petendo pacti exceptione submovebitur.

4 Sub conditione stipulatio fit, quum in aliquem casum differtur obligatio: ut si aliquid factum fuerit, vel non fuerit, committatur stipulatio: veluti, *Si Titius Consul fuerit factus, quinque aureos dare spondes?* Si quis ita stipuletur, si in Capitolium non ascendero, dare spondes? perinde erit, ac si stipulatus esset, quum morietur, sibi dari. Ex conditionali stipulatione, tantum spes est, debitum iri: eamque ipsam spem in heredem transmittimus, si prius quam conditio existat, mors nobis contigerit.

5 Loca etiam inferi stipulationi solent: veluti, *Carthagine (f) dare spondes?* Quæ stipulatio licet pure fieri videatur, tamen re ipsa habet tempus adjectum, quo promissor utatur ad pecuniam Carthagine dandam. Et ideo si quis Romæ ita stipuletur, *hodie Carthagine dare spondes?* inutilis erit stipulatio, quum impossibilis sit repromissio.

6 Conditiones, quæ ad præsens, vel præteritum tempus referuntur, aut statim infirmant obligationem, aut omnino non differunt, veluti, *Si Titius Consul fuit, vel si Marius vivit, dare spondes?* Nam si ea ita non sunt, nihil valet stipulatio: sin autem ita se habent, statim valet. Quæ enim per rerum naturam sunt certa, non morantur obligationem, licet apud nos incerta sint.

7 Non solum res in stipulatum deduci possunt, sed etiam facta, ut si stipulemur aliquid fieri, vel non fieri, & in huiusmodi stipulationibus optimum erit poenam subijcere, ne quantitas stipulationis in incerto sit, ac necesse sit actori probare, quid ejus intersit. Itaque si quis, ut ita aliquid stipuletur, ita adjici poena debet, *Si ita factum non erit, tu poena nomine decem aureos dare spondes?* sed si quædam fieri, quædam non fieri, una eademque conceptione stipuletur, clausula huiusmodi erit adjicienda, *Si adversus ea factum erit, siue quid ita factum non fuerit, tunc poena nomine decem aureos dare spondes?*

COM-

(f) Nonnulli Codices habent Carthagini, sed Continus ex MSS. legit Carthagine. Ego utrumque probo, nam veteres Carthagine & Carthagini, Lacedæmone & Lacedæmoni, vespere & vespere, luci & luce sexto casu dicebant, imo hæc & id genus alia olim frequentius in i exhibant. Plaut. in Prolog. Casina. Ajo hoc fieri in Græcia & Carthagini. & Pseud. act. 4. se. 2.

Nam necesse hodie Sicyoni me esse, aut cras mortem exsequi, Et Cornel. Nep. Prasat. Nulla Lacedæmoni tam est nobilis vidua, quæ non ad Scenam eat mercede conducta. Errat igitur Servius, quum ait, nomina Urbiū ventia declinationis, si interrogatio fiat per ubi, proprie poni in dativo; Virgilium vero 4. Aneid. necessitate metri dixisse

- - - Tyria Carthagine qui nunc

Expectat. atque antiprosin esse in illo Cic. Phil. 2. An tu Narbone in mensas hospitum quum vomeres &c. V. Diomed. lib. 1. Aristian. lib. 23. Voss. lib. 2. de Analog. c. 12. & de Art. Gram. lib. 7. c. 46,

COMMENTARIUS.

PR.Tit. Verbis contractæ obligationes Jurisconsultis *Stipulationes* dicuntur, atque interrogatio constat de responsione. *pr. h. t. & l. 5. §. 1. eod. stipulationi* autem proprie dicitur, qui interrogat, unde *interrogatio* pro stipulatione. *Senec. lib. 3. de benef. cap. 15. Ille non est interrogatio contentus, nisi reum manu sua teneat. V. Salmat. de usur. cap. 6. & Oifel. ad Caj. lib. 2. Inst. tit. 9. §. 2. (a)* Stipulationis duæ sunt Actiones, *condictio*, si certa sit stipulatio, & *ex stipulatu*, si incerta. *pr. h. t. unde lucem accipit locus ille Ulpiani in l. si quis 24. de reb. cred. Si quis certum stipulatus fuerit, ex stipulatu actionem non habet, sed illa condictitia actione id persequi debet, per quam certum patitur. V. l. 4. de usur.* Certa autem & incerta stipulatio dicitur pro re certa vel incerta in stipulationem deducta. *Certum est*, inquit Cajus *stipulationum* 74. §. 1. b. 1. quod ex ipsa pronuntiatione apparet, quid, quale, quantumque sit. Denum ait *Trib. Stipulationem* hoc nomine inde uti, (insoleus loquutio, inquit *Hot.* cuius tamen

(a) Erant olim alie Verborum Obligationes, quæ nulla precedente interrogatione contrahebantur: Hujusmodi erat dotis dictio. *Cajus 2. Inst. 9. §. 3. Dote dicebat aut ipsa mulier, sive sponso uxor futura, sive jam marito, ut loquitur Cajus ibid. aut mulieris pater, & avus paternus, aut jussu mulieris debitor ejus. Atque hi tantum poterant non interrogati legitime obligari dicere enim est ultro polliceri. Plaut. in Pseud. Quin tibi hanc operam dico. At dare & promittere dotem, omnes poterant, modo stipulatione interposita, hoc est interrogati obligantur. Cajus loc. cit. Ulp. Fragm. tit. 8. Summ igitur quæq; momentum habens verba hæc verba solennia, dotem dare, dotem promittere, ac dotem dicere. V. Cajum loc. cit. & ibi Oifel. V. Ulp. loc. cit. & ibi Caj. & Charond. V. etiam Ant. Hot. de Ver. Rit. Napl. c. 5. Sed eorum tamen verborum proprietatem non servavit Trib. ut bene Cajus, 1. 1. Obf. 29. & ad l. 7. §. 1. ff. solut. matrim. Quæst. Papin. lib. 11. Quamquam vero nullus esset in dote dicenda stipulationi locus; hinc tamen minus recte colligitur, nulla fuisse ad eam rem solennia verba olim adhibita; quod contendit Salmat. de modo usure c. 16. non enim sole stipulationum formula solennes erant, & plane solennia quædam verba fuisse in dictione dotis usurpata, non obscure demonstrant Theod. & Valensianus l. 3. C. Theod. de inces. nupt. iis verbis: Dos, si qua forte solempniter aut data aut dicta aut promissa fuerit. Quanam fuerint ea verba, satis non constat: eo tamen certe redibant, ut mulier seu pater ejus, seu debitor certam quantitatem diceret, eandemque se sponsus accipere profiteretur. Facit illud Terent. in Andr. act. 5. sc. 4. v. 47. ubi Chremes*

--- Dos, inquit, Pamphile, est
TALENTA QUINDECIM. Pa. ACCIPIO.

ubi Donatur

Ille nisi dixisset, Accipio, dos non esset. Similis etiam formula in jure occurrat. Decem tibi doti erunt luptura, l. si mulier ita, l. quemadmodum, §. peni. de jure dot. V. Cajus ad Ulp. cit. tit. Briffon. 6. de Form. & Gl. Schulting. ad Cajum ibid. Verbis quoque, sed nulla precedente interrogatione, contrahebatur obligatio, quum liberius patrono aut donum aut munus aut operas se daturum jurabat. *Cajus cit. tit. 9. §. 4. c. 1. ut Cajus addit; in ea specie liberius non tam verborum solennitate, quam jurisjurandi religione tenebatur, quo uno casu ex jurisjurando civilis obligatio extra iudicium nascitur. Ejus Sacramenti non rara est mentio in Pandectis l. ult. de lib. caus. l. 7. d. 37. de oper. lib. l. 34. de jurisjur. l. antepen. §. 3. de confes.*

tamen similem habemus apud Cic. pro Postum.) quod stipulum apud veteres firmum appellabatur. Quæ verba descripta sunt ex Paulo lib. 5. sect. tit. 7. Hanc etymologiam confirmant Glossæ Nomicæ *συνδία. ἱερὸν, firmum.* (b) Et nimis confidenter asseruisse videtur mihi Catellianus Cotta, stipulum hoc sensu nusquam reperiri apud Latinos; quum tamen ea significatione a veteribus usurpatum scribat Paulus, locupletissimus sane testis; sicque eum scripsisse, & Isidorus Orig. lib. 5. c. 24. & omnes Codices testentur. (c) Illud ridiculum est, quod sua penna Tribonianus depromit, *sorte a stipite descendens.* V. Salmas. lib. de usur. p. 127.

§1. Olim concepta erant stipulationum verba, unde stipulatio definitur *verborum conceptio*; quibus is, qui interrogatur, daturum facturumque se, quod interrogatus est, responderit l. 5. §. 1. h. s. Concepta verba erant verba certa & solennia, quæ retinere promissor debebat; ut *spondes spondeo. Promissit promisto.*

(b) Mos Romanorum solennis fuit passa pene omnia subjecta stipulatione confirmare, & vix quidquam jure conventum judicabant; nisi stipulatio ad robur accederet. l. 7. pro soc. l. 88. de solut. quo respiciens Cujac. ad l. 16. de V. O. stipulationem perbelles vocat *wardarum*. Hinc sequitur latinitas stipulationem pro ipsa rei firmitate usurpari. Berichrannus Cenomanicus Civitatis Episcopus sic testamento scripsit: pro totius rei firmitate atque stipulatione adnecti præcepi. Briffon. de Form. lib. 3. p. 683. Hinc etiam stipulatio pro subscriptione. V. Gloss. de Cange.

(c) Stipulationis nomen a stipe factum scribit Var. lib. 4. de L. L. quod circa stipem, seu rem pecuniariam stipulatio versaretur. Aes quoque stipem dicebant. Nam quod asses librarum pondo erant, qui acceptant majorem numerum, non in arca ponebant, sed in aliqua cella stipabant, id est componebant, quo minus loci occuparet: a stipando stipem dicere coeperunt. . . . & qui pecuniam alligat, stipulari & restipulari dicunt. Ita etiam Festus de stipem scribit. Stipem dicebant pecuniam signatam, quod stiparetur. Ideo stipulari dicitur is, qui interrogatus spondet stipem, id est, 25. Sed duo sunt, quæ hanc originationem rejiciunt, unum est syllaba modulus in uno brevius, in altero longat: alterum est, quod verisimile non sit, Romanorum stipulationes rem dumtaxat pecuniariam spectasse, præterea nihil. Dicta stipulatio, inquit Isid. 4. Orig. 24. a stipula; veteres enim, quando sibi aliquod promittebant, stipulas tenentes frangebant, quam iterum jungentes sponsones suas agnoscebant. Hanc etymologiam videt Salmas. lib. de Usur. c. 6. & alit, quod nulla sine stipula in Romana antiquitate extet memoria. Sed eam tamen ex moribus Latcedemoniorum confirmat Hecmslerbuisius in Not. ad Polluc. lib. 9. c. 6. & Everard. Otto in Jurisprudentia Symbolica Exerc. 1. c. 13. Simile est, quod adfert Orot. in flor. spars. ad hunc tit. ex legibus Caroli M. VI. 285. ubi: Proitemur omnes, stipulas dextris in manibus tenentes, easque propriis et manibus efficiences. Ad Isidori etymologiam accedere videtur, quod putat Scipio Gentilis lib. singulari Orig. ad Pand. nempe stipulationis vocabulum, ut & alia satis multa juris vocabula, in agris factum ex stipulis, ut ipse ait, in marem nodi contrahit, quibus rustici soletum manipulos adstringunt; unde dulla forsitan metaphora stipulationes juris Civilis vincula dicuntur. Ego satis reor, in ea re Paulum sequi cum Salmasio, qui loco citato tendit: veteres stipulum dixisse, quod erat firmum & solidum; ex Græco *στυπιδιον* & *στυπιδιον*, quod *στυπιδιον*, & *στυπιδιον* Grammatici exponunt: atque inde stipulum, & postea stipulum, ab eoque stipulari.

mitto. Dabis? dabo? &c. (d) Plaut. Pseud. act. 1. sc. 1. v. 115.

Ca. Dabisne argenti mihi hodie viginti minas? Pl. Dabo.
eademque vis erat responsionis impersonaliter conceptæ. Plaut. Pseud. act. 4.
sc. 6. v. 14.

Si. Nullum periculum est, quod sciam, stipularier.

Ut concepisti verba, viginti minas

Dabis? Ba. Dabuntur. V. Plaut. Bacchid. act. 4. sc. 6. v. 38. Hinc

patet, labi eos, qui putant, si responsum impersonaliter stipulanti sit, vitia-
ri stipulationem. Nec me movet vulgare illud argumentum, eum, qui dixe-
rit, *satisfit*, verbo impersonaliter prolato, de constituta pecunia non teneri.
Auth. si quando, C. de const. pec. Quoniam enim nudo pacto Constitutum contra-
hitur, nulla in eo adhibetur interrogatio, quæ tamen quum debeat in stipu-
latione præcedere, impersonalis responsionis ambiguitatem satis declarat. *Alci-
at. lib. 2. Parerg. c. 18.* Solemnia hæc verba erant olim Latina, quæ enim pro-
pria sunt juris Civilis, ut stipulatio, ea non nisi latine expediuntur: quum
vero invaluisse Romæ, ut omnibus contractibus jurisgentium stipulatio ac-
cederet, quinque prolatis Imperii finibus Romani cum peregrinis gentibus
agere cœpissent, ipsa commerciorum ratio postulavit, ut verbis sive Latinis,
sive Græcis, sive aliis quibuslibet facta stipulatio valeret, modo uterque al-
terius linguam intelligeret sive per se, sive per verum interpretem. *l. 1. §. ult.
h. t. l. 8. pr. de fidejuss. l. 8. §. ult. de acceptil.* Hinc vero colligit Cujacius, sti-
pulationem juris gentium esse, non juris civilis; quæ enim, inquit, juris
civilis sunt, civilibus tantum & Latiniis verbis fieri possunt, at Græce etiam,
quæ sunt jurisgentium, ut fideicommissa, & acceptilatio *l. fideicommissa pr.
de leg. 2. l. an inutilis §. 4. de acceptil.* ubi hoc argumentum mirè confirmat
Ulp. his verbis: *Hoc jure utimur, ut juris gentium sit acceptilatio, & ideo pa-
teat, & Græce posse acceptum fieri.* Velum ego scilicet, stipulationem juris
civilis esse, quod verbis constet. Ad rem scribit Paulus, locationem & con-
ductionem, quum naturalis sit, & omnium gentium, non verbis contrahi, sed
consensu, *l. si locati, l. si locati*; ut hinc non obscure intelligas, obligationes, quæ ver-
bis constant, juris civilis esse. Et jure quidem gentium obligationem consen-
sus parit: at nulla gens fuit usquam, si Populum Romanum excipias, quæ
obligationem in ipsa verborum conceptione sitam receperit. Præterea quæ
jurisgentium sunt, non solum verbis, sed & per nuntium, vel per epistolam,
recte fieri intelliguntur, *l. 1. §. ult. de contrah. em. at stipulatio verba ipsa, &
eundem contextum requirit. l. 1. pr. §. 1. l. 2. l. 137. pr. h. t.* Postremo deponatus,
quæ jurisgentium sunt, habet, quæ juris civilis, non habet, ut dilerte Mar-
cianus in *l. sunt quidam 17 §. 1. ff. de pæn. Emis enim, & vendis, locas, conducis,
permutas, sævus exerceas, & cetera similia, ut idem Marcianus in *l. deponatus*
*15 ff.**

(d) V. Præf. lib. 18. & Brisson. lib. 3. de formul. Eo sensu jurisjurandi con-
ceptio dicitur in *l. iusjurandum, §. si de qualitate, & §. non semper, ff. de jurejur.*
is enim, qui juramentum deserebatur, sequi debebat formulam deserentis, qui
proinde verbis præire dicebatur. Plaut. in Rudenti. act. 5. sc. 2. v. 47.

Gr. Per Venerem hanc jurandum est tibi.

La. Quid jurem? Gr. Quod jubebo.

La. Præi verbis, quod vis.

Facit illud Sili Italici lib. 10.

Dictataque juras

Sacramenta Deis. V. Cic. pro Cluent. Liv. lib. 43. Val. Max. lib. 4. c. 12.

Gell. lib. 15. Noct. Att. 6. 24.

15. ff. de interd. Al' deportatus non recte stipulatur, *l. quoties in fin. de novat.* nempe quia stipulatio juris civilis est. Argumentum Cujacii nihil moror, nam etsi quæ juris civilis sunt, ea civilibus tantum, ac latinis verbis fieri possunt, tamen multa contra communes regulas publica utilitate recepta sunt. Et vero Acceptilatio, cujus exemplo Cujacius utitur, ex jure civili est, quum quia inter Actus Legitimos, seu civiles enumeratur, *l. actus legitimi de reg. jur.* tum quoniam in *l. verborum 107. de solut.* aperte scribit Pomponius, verborum obligationem aut naturaliter resolvi, aut civiliter: & naturaliter solutione, civiliter acceptilatione. Non obstat Ulp. ip. d. *l. an in ius.* Nam quod ait Consultus, hoc jure utimur, &c. id eo spectat, ut intelligamus, acceptilationem origine quidem juris civilis esse, usu tamen quodammodo juris gentium; primum enim non alia fuit introducendæ acceptilationis causa, quam ut civilis tantum verborum obligatio civiliter tolleretur: tum vero usu ipso suadente receptum est, ut quævis alia obligatio acceptilatione per Aquilianam stipulationem perimeretur: sicque ipsa etiam acceptilatio quodammodo juris gentium facta est: idque contra rigorem juris, quod ostendit ea formula, hoc jure utimur, cujus eadem est significatio in *l. si tamen, ff. de test. aut. l. jam hoc jure, ff. de vulg. l. hoc jure de reg. jur.* Sic stipulationis initio juris civilis fuisse, casque nonnisi Latine conceptas accepimus: deinde Jurisconsulti ex Scriptura Sabini, uti loquitur Ulp. in *d. l. 1. §. ult. h. t.* publico societatis & commerciorum commodo volvere, ut omnis sermo verborum obligationem contineret; jam enim usus induxerat, ut omnibus contractibus juris gentium stipulatio subjiceretur. Ut ut sit, sublata sunt eadem soleunes stipulationum formulæ per Leonem Imp. in *l. 10. C. de contr. stip.* in hæc verba: Omnes stipulationes, etiam si non solemnibus vel directis, sed quibuscumque verbis consensu contrahentium compositæ sunt, vel legibus cognitæ, suam habeant firmitatem. Quæ Leonis Constitutio solennia quidem verba sustulit, non interrogationem & responsum, sine quibus consistere stipulatio non potest. Hieron. ad Jerem. c. 32. Emitur possessio, scribiturque in libro, atque signatur, & adhibentur testes, argentumque diligenter appenditur, ut omnia venditionis & emtionis jura serventur, & sit certa possessio stipulationibus, & sponsonibus roborata.

§. II. Omnis autem stipulatio aut pure fit, aut in diem, aut sub conditione. Pure, veluti, quinque aureos dare spondes, idque confestim peti potest. *l. eum, qui 41. §. 1. l. eum, qui 56. §. qui ita 4. l. liber homo 118. §. 1. h. t. l. 14. de reg. jur.* ubi enim pure quis stipulatus fuerit, & cessit, & venit dies, inquit Ulp. in *l. cedere 213. de V. S.* Cedere dies dicitur, ex quo nascitur obligatio, seu quum incipit deberi pecunia, ut ibidem loquitur Ulp., at Venire diem significat, eum diem venisse, quo pecunia peti possit. *d. l. 213.* Jam quod dicimus, in pura stipulatione rem confestim peti posse, id cum aliquo temperamento temporis intelligendum est, ut in re simili agebat Paulus in *l. 105. de solut.* Si enim reo post condemnationem modicum tempus jure civili indultum est, si debitori 21. de jud. etiam si reus invitus ad judicium accedat; cur id negemus ei, qui sponte sua stipulanti promittit? Judex igitur pro quantitatis ac personarum ratione temporis spatium definit *arg. l. in fraudem 45. §. fiscalibus 10. de jur. fisc.* In diem fit stipulatio, quum dies solutionis adjicitur, veluti, decem aureos primum kalendis Martiis dare spondes? Dies autem stipulationi adjunctus debet esse certus, nam incertus conditionem facit, ut in hac formula, dabis, quum Titius uxorem duxeris? vel in hac, dabis, quum puber eris? Paulus in *l. si dies 21.* & Pomponius in *l. seq. ff. quando dies legat.* ubi scribit, legatum Titio relictum, quum 15 annorum quatuordecim esset factus, non solum diem, sed & conditionem continere. Verum id ita intelligitur, ubi incertum est, num-

dies sit exiturus: de cetero si incertum est, quo tempore dies exiturus sit, at certum est tamen, eum esse exiturum, ut in hac stipulatione, *dabis, quum moriar, aut, quum morieris*: dies tantum censetur adiectus, non conditio: idque patet ex eo, quod solutum ante diem mortis repeti non possit ex sententia Celsi, quam probat Ulp. in *l. nam si 17. de cond. ind.* at contra sub conditione debitum pendente conditione per errorem solum repeti posse, ait Pomponius in *l. sub conditione 16. eod.* Cujus rei ratio ea est, quia in stipulatione in diem certum concepta statim cedit dies, hoc est statim nascitur obligatio, etsi peti prius quam dies venerit, non possit, immo ne eo quidem ipso die, in quem stipulatio facta est, quia totus is dies arbitrio solventis tribui debet, neque enim certum est, eo die, in quem promissum est, datum non esse priusquam is dies præterierit. *h. §. & l. eum, qui 41. pr. ff. ha.* Hinc apparet, diei adjectionem pro reo esse non pro stipulatore, quod diserte scribit Ulp. in *d. l. 41. §. 1.* ac proinde rem posse juri suo abrenunciare, & autem diem solvere, *l. quod quis 50. de O. & A. l. continuus 137. §. 3. h. t. & l. quod certa 70. d. c. solus.* nisi palam sit, adjectum fuisse diem in gratiam stipulatoris *l. quum tempus 17. de reg. jur.* in qua specie reus, qui autem diem solvit, non liberatur, arg. *J. favolentus 15. de ann. legat.* Quod si adiciatur dies, non ut eo die solvatur, sed ut solvatur usque ad eum diem, puta si quis ita rogetur, *usque ad kalendas dare spondes* pura est stipulatio; petenti autem post kalendas excepto pacti aut doli mali iobstabit, *l. obligationum 44. §. 1. de O. & A. l. eum, qui 56. §. 4. h. t.*

§. III. Pura etiam est hæc stipulatio, *decem aureos annuos, quoad vivam, dare spondes*: imo perpetuam esse, & ad heredes transmitti, ait hinc Trib. & Paulus in *dist. l. 44. §. 1. de O. & A.* etsi heredes pacti conventi, vel doli mali exceptione submoveantur, *d. l. 44. §. 1.* nam stipulatorem id egisse, ne heredes ejus peterent, palam esse, scribit Julianus in *l. eum, qui 56. §. 4. h. t.* Sane regula juris est, ad tempus non posse deberi, quod enim deberi cepit, certis modis deberi desinit, ut solutione, acceptilatione, novatione, &c. inter quos non est tempus, *d. l. 44. §. 1.* Secus est in legato annuo, quod morte legatarii finitur, *l. si Stichum 16. §. 1. h. t. l. quum in singulos 11. de ann. leg.* Cujus discriminis ratio multiplex est. Et primum quidem scribit Paulus ex sententia Sabini in *l. 4. de ann. leg.* *Si in singulos annos alicui legatum sit, plura legata esse, & primi anni (jam cepti) purum, (ita ut defuncto post testatoris obitum legatario ejus tantum anni legatum ad heredem pertineat, l. in singulos annos 8. eod.) sequentium conditionale: videri enim hæc inesse conditionem, SI VIVAT, & ideo mortuo eo ad heredem legatum non transire.* At stipulatio annua, quoad vivam, tua est, & perpetua, & semper pura, *d. l. 16. §. 1. h. t.* Deinde quum in annos singulos legatur, per singula legata jus capiendi inspicitur. *d. l. 11. de ann. leg.* At in stipulationibus conditio ejus, cui expromissum est, semel inveniunda est, & id tempus spectatur, quo contrahimus, *l. Senatus 35. §. ult. de mort. caus. don. & l. si filius am. 78. de P. O.* quo fit, ut si in singulos annos legetur servo, & is post primum vel alterum annum sit liber, sibi legatum adquirat. Julianus apud Ulp. in *l. nec semel 12. §. 2. quando dies leg.* Quod tamen secus est in stipulatione annua. *d. l. Senatus, & l. si filius am.* Postremo quum legata, quæ donationes sunt, ex benevolentia proficiantur, nec sine causa obveniunt, sed ob meritum aliquod accedunt, ut Ulpianus inquit in *l. nec adfecit 9. ff. pro soc.* ad legatarii heredem, quem testator ignorat, transire non possunt. At in conventionibus, nisi aliud probetur, plerumque tam heredibus nostris, quam nobismetipsis cavemus, etiam si heredis mentio non fiat, inquit Celsus in *l. si pactum 9. de probat.*

§. IV. Sub conditione stipulatio fit, quum in aliquem casum differtur obligatio,

gatio, ut si quid factum fuerit, vel non fuerit, committatur (a) stipulatio. Atque in hac specie neque cessit, neque venit dies pendente adhuc conditione, ut inquit Ulp. in *l. cedere* 23. de *V. S. V. l. 99. §. 1. l. 108. l. 115. §. 1. & 2. ff. h. t.* sed tantum spes est debitum iri, eamque ipsam spem in heredem transmissimus, si prius quam conditio extet, mors nobis contigerit. h. §. & contra quamvis pendente conditione promissor moriatur, relinquit tamen heredem obligatum, l. si quis 57. ff. h. t. Consentit Paulus in *l. necessario* 2. de *peric. & comm. & Causus* in *l. in quantitate* 73. §. 1. ad *L. Falcid.* Hinc, quibus est stipulatio aliquid sub conditione debetur, eos etiam pendente conditione creditores esse placuit, l. iis, cui 42. de *O. & A. l. creditores* 10. l. conditionales 54. de *V. S.* Contrarium obtinet in legato conditionali, cuius spem legatarius ante conditionem defunctus ad heredem non transfert, l. si quum heres 4. & *l. seq. §. 2. quando dies leg. l. un. §. in autem* 7. de *cad. toll.* Sicque jus scriptum est, quum quia legata ipsam legatarii personam respiciunt, quam non egrediuntur, ut jam dictum; tum quoniam ex *præsen*ti vires accipit stipulatio, quamvis petitio ex ea suspensa sit, ut Paulus scribit in *l. usufructus* 26. de *stip. serv.* ita ut alter abrenunciare semel constitutæ obligationi altero iuvito non possit, l. 5. de *O. & A.* Si vero legatum sit sub conditione relictum, id, cui sub conditione legatum est, pendente conditione non est creditor. *l. l. 42. de O. & A.* Huc spectant verba Pauli in *l. ult. comm. præd.* Nec enim sicut viventium, ita & defunctorum exitus suspendi, receptum est. Jam conditiones aut proflus fortuitæ sunt, ut hæc, Si *Titius* Consul fueris factus: aut arbitrariæ, quas potestativas dicunt, ut hæc, Si in *Capitolium* non adscendero: (b) aut mixtæ, ut hæc, Si *Casam* uxorem duxero. *l. centesimis* 46. §. 2. *l. quicquid* 99. §. 1. *l. a Titio* 168. *l. ita stipulatus* 115. §. 1. & 2. h. t. *leg. dignum* 2. & *l. Muciana* 7. de *cond. & dem.* Rursus conditiones aut affirmant, & affirmativæ, aut negant, & negativæ appellantur. Et de negativa quidem conditione illud est advertendum, eam, si circa rem potestati nostræ subjectam versetur, aut personæ stipulatoris, aut personæ promittentis adijci solet eodem effectu, nempe ut in tempus mortis concepta videatur, si enim quis ita stipuletur, Si in *Capitolium* non adscendero, dare spondes? quo exemplo utitur in hoc §. *Trib.* vel, Si in *Capitolium* non adscenderis, quod est exemplum *Papinian*i in *l. 115. §. 1. h. t.* perinde stipulatus videtur, ac si dixerit,

quum

(a) Committi stipulatio dicitur *jurisconsultis*, quum existit conditio, ut jam ex ea agi possit. *l. 115. §. 1. & 2. l. 122. §. 4. h. t.* Eodem fere sensu hereditatem *Veneri Eryciæ* commissam dixit *Cic.* in *Ver. lib. 2.* hoc est ad *Venerem* devolutam ab alio herede, qui quæ ex testamento debuerat, non servavit; & commissas hypothecæ *lib. ep. ad Momium*, id est bonæ pignoris loco creditoribus obligata propria creditoris effecta, debitore ad diem non solvente. *V. Manu. & Faern.* ad *Cic. pro Flacco* c. 21.

(b) Occurrit passim in libris juris conditio, si in *Capitolium* adscenderis. *l. 99. §. 1. l. 108. l. 115. §. 1. de V. O. & alibi.* Romani enim precaturi, aut vota exsolvendi, aut sacris operam daturi in *Capitolium* adscendebant. *Horat. Carm. lib. 3. ad Melpomenen* 30. — dum *Capitolium*

Scandit cum tacita *Virgine Pontifex.*

Tacit. lib. 14. Exin læti *Capitolium* scandunt, Deosque tandem venerantur. *Plin. in Paneg.* Tibi adscendenti de more *Capitolium* civium clamor, ut jam Principi, occurrit. *V. Suet. in C. Julio. Lamprid. in Alexand. Cassi. in Nerva. Duaren. lib. 1. disp. c. 15.*

quum moriar, vel, quum morieris; quia tunc demum certum esse coeperit, nos in Capitolium non adscenduros: itaque heredi demum actio competit. Non ita se res habet in ultimis voluntatibus; nam si cui legatum relictum sit sub conditione, quæ in non faciendo concepta sit, ut Ulpian, loquitur in *dist. 17. de cond. & dem.* is statim petendi jus habet præstita cautione, se non facturum, quod facere prohibetur est: quæ cautio a Q. Mucio Muciana dicta est; eaque non in contractibus, sed in legatis tantum, & hereditatibus locum habet, *d. l. 7. ubi Ulp.* Nec solum in legatis placuit, verum in hereditatibus quoque idem remedium admissum est; nec nisi quum de ultimis voluntatibus agitur, ejus cautionis mentio est in jure nostro, *l. is, cui 18. l. heres 79. §. 2. ff. cod.* Atque hoc discrimen eam habet rationem, quod ultimas voluntates æquius interpretemur: testatori autem satis esse debet, ne in voluntatem ejus committatur: quod abunde præstat cautio. At ubi quis sub negativa conditione stipulatur, aut promittit, id luculentissime videtur agere, ut ne is petere possit, vel conveniri, sed heres ejus. Accedit regula illa Celsi contractuum propria in *l. 99. h. t.* Quicquid adstringenda obligationis est, id, nisi palam verbis exprimitur, emissum intelligendum est, ac sere secundum promissorem interpretamur, quia stipulatori liberum fuit, verba late consipere. Quid si in dando posita sit conditio? Sane interest, num stipulatio a conditione incipiat, ut in formula illa Papiniani in *l. is stipulatus 115. §. 2. h. t.* Si Pamphilum non dederis, centum dare sponderis? an ab alia pactione, ut in illa ejusdem Papiniani formula, Pamphilum dari sponderis? si non dederis, tantum dari sponderis? Si primum, Pegasus respondit, non autem committi stipulationem, quam dedisses posse Pamphilum dari. Idque placuit Papiniano contra Sabinum, qui existimabat ex sententia contrahentium; postquam homo potuit dari, confestim agendum: & tamdiu ex stipulatione non posse agi, quamdiu per promissorem non stetit, quominus hominem daret. Si alterum, tunc posse Sabini sententiam recipi, scripsit Papinianus *d. l. 115. §. 2.*

§. V. Loca etiam inferi stipulationi solent: in qua specie etsi pura videatur stipulatio; recte tamen apud Ulp. in *l. 2. §. 6. de eo, quod certo loc.* inquit Julianus, diem tacite huic stipulationi inesse, nempe tempus, quo possit is, qui promissit, ad eum locum pervenire. *Interdum 73. ff. h. t.* Verum quantum erit id temporis? Rem explicat Venulejus in *l. continuus 137. §. 2. h. t.* ubi quum quis stipulatus esset, Ephesi dari, Venulejus scripsit, totam eam rem ad judicem, id est, ad virum bonum remitti debere, qui aestimet, quanto tempore diligens paterfamilias conficere possit, quod futurum se promiserit, ut qui Ephesi daturum se sponderit: neque diplomate, (c) dictus ac nobilibus, & omni tempore contenta iter continuare cogatur: neque tam delicate progredi debeat, ut reprehensione dignus appareat: sed habita ratione temporis, ætatis, sexus, valetudinis: quum id agat, ut mature perveniat, id est eodem tempore, quo plerique ejusdem conditionis homines solent pervenire; eoque transacta, quamvis Roma remanserit, nec possit Ephesi pecuniam dare, nihilominus ei recte vendicetur, vel quia per ipsum steterit, quominus Ephesi daret, vel quoniam

per

(c) In vulgatis est, diplomate. Sunt autem diplomata, ut bene Cujas. in *Not. ff. ad h. t. Codicilli*, qui dantur utentibus cursu publico, quæ dicuntur etiam Fractoriz, C. de cursu publico, & Combinæ, & *quidam*, & Evectioes. *V. l. 27. in fin. ad L. Corn. de falsis, Plin. lib. 10. ep. 14. 54. 121. 122. Capitolin. in Festi. pace c. 1.*

per alium Ephesi possit dari, vel quia ubique potest solvere, nam & quod in diem debetur, ante solvi potest, licet post non potest. Quod si duplornate usur aut fœlici navigatione maturius, quam quisque, pervenerit Ephesum, confectum obligatus est, quia in eo, quod tempore atque factio finitum est, nullus est conjecturae locus. Si quis vero ita Romæ stipuletur, hodie Carthagini dare spondet, inutilis erit stipulatio, quum impossibilis sit repromissio. hoc §. d. l. 3. §. 6. de eo, quod certo loc. Fieri tamen aliquando potest, ut hujusmodi stipulatio valeat, nempe in specie, quam tractat Caj. in l. §. servus 141. §. 4. h. l. Si inter eos, in quibus Roma sunt, talis fiat stipulatio, HODIE CARTHAGINE DARE SPONDES? quidam putant, non semper videri, impossibilem causam stipulationi contineri: quia possit contingere, ut tam stipulator, quam promissor ante aliquod tempus suo quisque dispensatori (d) nozum secerit, in eum diem futuram stipulationem, ac demandasset promissor quidem suo dispensatori, ut daret, stipulator autem suo; ut acciperet. Quod si ita factum fuerit, poterit valere stipulatio.

§. VI. Omnis autem conditionis illud est proprium, rem in aliquem casum differre, §. 4. sup. h. l. sicque futurum spectare l. itaque 39. de reb. credi. (e) Sunt tamen conditiones nonnullæ, quæ ante præteritum tempus respiciunt, aut præsens, atque hæc figuram non vim conditionis continent, quæ phrasis est Proculi in l. Cornelius 69. de her. inst., ac proinde aut statim enervant stipulationem, (f) aut obligationem omnino non differunt, veluti, si Titius Consul fuit: vel, si Maevius vivit, dare spondet l. conditio 100. h. l. quum ad præ-

(d) Dispensatores Orace Diarcton dicebantur, qui familia rationes dispensabant, & pecuniarum administrabant; eisque locus etiam fuit in familia Palatinæ; & in Provinciis. Sane apud Suet. in Aug. c. 67. occurrit Diomedes dispensator, & apud Plin. . . . Drusillanus Claudii servus nomine Rotundus Hispania citerioris dispensator. V. Nerium 1. Analec. 14. Pignus de servis p. 307. 545.

(e) Ipsa etiam stipulatio id proprium habet, ut semper in futurum tempus concipiatur, unde a Pomponio dicitur in l. §. stipulatio, ff. h. l. Verborum conceptio, quibus is, qui INTERROGATUR, DATORUM FACTURUM QUÆ se, quod interrogatus est, responderit. Scie, utiles esse stipulationes in præsens tempus conceptas, ut sanum esse, furem non esse, vispellionem non esse, isti ita quis 31. de evict. Verum, etsi ea verba præsens tempus continere videantur, satis tamen ad futurum tempus ipsum promittendi, vel spondendi verbum referunt: præterquamquod verba nonnulla præsentis temporis habens tractum in futurum, ut nostri loqui amant. Exemplo est stipulatio illa Ulpiani in l. 38. §. pen. ff. h. l. Illum sistas? Hinc fit, ut, si quis dixerit, Hunc hominem vendis mihi centum, aut, donas? tu vero respondeas, Vendo, aut, Dono, Venditio aut Donatio fit, non stipulatio. Non obstat stipulatio illa Ulpiani in d. l. 38. §. 13. dolum malum abesse, abfuturumque esse. Nam ibi de abfuturum addunt, & ad majorem vim orationis adjungitur, ut quum tutela definitur Vis ac Potestas. Simile est illud Tribonianum in §. 35. sup. de ver. di. lib. 2. pro Cultura, & Cura, quem locum multis exornat Gerardus Noodt 2. Probabil. 7. Facit, quod Paulus in l. eadem 4. pr. h. l. eandem stipulationem sensu plane eodem effert, dum taxat per verbum præfer, Si dolum abesse a te, heredeque tuo stipulatus sim.

(f) Ita planius dixisset Tribonianus, inquit hic Nos. pro his, quæ in textu habet, Aut statim infirmant obligationem, quo etiam dicendi genere usus est Modestianus in l. 100. h. l. Plane nulla hic nascitur obligatio.

presens 37. de reb. cred. Igitur si ea ita non sunt, nihil valet stipulatio: si autem ita se habent, statim valet, quæ enim, inquit Trib., per verum naturam sunt certa, non morantur obligationem, licet apud nos incerta sint. Ex his non obscure colligitur, labi Hocomanum, qui putat, huiusmodi stipulationes non esse pro puris habendas, sed pro in diem conceptis, nempe in eum, quo certum esse poterit, rem ita esse, ut in stipulationem deducta est. Apertissime enim ait Tribonianus in hoc §. & Modestinus in *d. l. conditio* 100. eas obligationem omnino non differre: quod de puris tantum stipulationibus intelligi potest, nam quid aliud est, omnino non differri obligationem, nisi diem statim cedere & venire? *l. cedere de V. S.* Ex his etiam colligitur, errare Wifembachium, ad *ff. disp.* 23. §. 18. ubi sponsones jure civili veritas scribit ob rextum in *l. 3. de aleat.* Sane stipulationes, quæ hoc §. in exemplum afferuntur, veræ sponsones sunt, ut & illæ, quas affert Javolenus in *l. a Titio* 108. h. i. Si quis in Capitolium ascenderit, decem dare spondet? Si quis a me decem petierit, tot dare spondet? Eas tamen nemo neget valere. Ad hæc sponsones discrete probat Papin. in *l. si gratiam* 17. §. uli. de *præscript. verb.* ubi ait, Si quis sponsonis causa annulus (g) acceperit, nec reddit v. l. oris, præscriptis verbis actio in eum competit: cum sponsonem turpem excipit, Plane si inhonesta causa sponsonis fuit, sui annuli dumtaxat repetitio erit. Non me movet textus in *d. l. 3.* Qui eadem lex sponsones tantum in alea factas rejicit, ceteras non vetat, ut liquet ex verbis Pauli in *l. 2. cod. tit. Senatusconsultum* vetuit in pecuniam ludere: præterquam si quis ceret hæstæ, vel pilo jaciendo, vel currendo, saliendo, luctando, pugnando: quod virtutis causa fiat. Post quæ continuo Marcianus in *d. l. 3.* In quibus rebus ex lege Titia, & Falcia, & Cornelia etiam sponsones facere licet. Sed ex aliis, ubi pro virtute certamen non fit, non licet, (h)

§. VII.

(g) Hinc collige, sponsones olim depositis pignoriq. fieri consuevisse, Ovid. *lib. 1. de Arte amandi* v. 167.

Dum loquitur, tangitque manum, poscitque libellum,

Et quærit posito pignore, vincat uter.

(h) Ha Leges incertum habent autorem ac tempus, neque alibi, quam apud Marcianum, uberior earum fit mentio. *Ant. Aug. de Leg. lib. 1. Antiq. 1. Res. ind. Antiq. 31. Manu. de Leg. 30.* Illud constat ex Marciano, aleæ lufum fuisse his legibus vetitum, atque huc forsan spectat Horat. 3. *Carm. Od. 24.*

Seu malis vitæ legibus alea. *V. Joh. Bapt. Pium Annot. poster. syllog. c. 72. In aleatores animæ vertebant Aediles. Cujac. in Parat. C. de alea lusu & aleas, Martial. 14. Epigr. 1.*

Nec timet Aedilem moto spectare fritillo.

Et clarius §.

Epigr. 110.

Et blando male perditus fritillo

Arcana modo raptus e popiua,

Aedilem rogat udus aleator.

Saturnalia transire tota.

Unde & illud

patet, mense tantum Decembri, quo mense Saturnalia celebrabantur, permissum fuisse aleæ lufum. Idem *Martial. 4. Epigr. 14.*

Dum blanda vagus alea December

Incertis sonat hinc & hinc fritillis,

Et ludit rota nequiore calo.

V. Libanium in Expressio-

ne Kalendarum, quem latine reddidit Bulengerus *lib. 2. de Imper. c. 13. In hoc vesti-*

§. VII. Reliquum est nunc monere, non solum res in stipulatum deduci posse, sed etiam facta. h. §. atque id est, quod scripsit Paulus in l. 2. *prob. s.* stipulationum quasdam in dando, quasdam in faciendo consistere; quibus etiam verbis continentur *non dare*, aut, *non facere*, l. ubi autem 73. §. 7. *cod.* At enim stipulationes illae, *dolum matum abesse, sanum esse, furem non esse*, necque in dando sunt positae, neque in faciendo. Verum in his stipulationibus tacite res inest, puta obligatio praestandi id, quod interest. Apposite Ulp. in l. 31. *de evict.* Sed ego, inquit, puto *verius hanc stipulationem, FUREM NON ESSE, VISPELLIONEM NON ESSE, SANUM ESSE, utilem esse, hoc enim continere quod interest, horum quid esse, vel horum quid non esse.* Ubi vero stipulatio factum continet, est diligenter observandum, quod jam. Cello placuisse tradit Pomponius in l. si in 14. h. t. non ante agi posse ex ea causa, quam tempus praeteriisset, quo res fieri posset: idque adeo verum esse, ut nec fideiussores dari ante diem teneantur. Eo tamen tempore elapso refert Celsus apud Ulp. in l. stipulationes 72. *cod. tit.* Tuberonem existimasse, si nihil fuerit factum, *pecuniam dari oportere*: secundum quem Celsus ait posse dici, *iusta estimatione facti* (1) *dandam esse estimationem*, uti subdit ibidem Ulp. Addit & illud Paulus in l. si insulam 84. b. t. quamdiu stipulator litem contestatus non sit, posse promissorem faciendo liberari, at contestata jam lite nihil ei prodesse, si faciat. Jam quod de estimatione facti dictum est, intellige de factis nudis; ut Ulp. loquitur in l. 52. §. 1. h. t. quae proprie facta appellantur, sunt enim facta quaedam *non nuda*, quae potius in re danda, quam in facienda consistunt, arg. d. l. 52. §. 1. ut si quis ex causa venditionis stipuletur, *rem sibi tradi*: quo casu non id, quod interest, sed rem ipsam recte petet, l. 11. §. 2. *de ad. emi.* Quoniam vero id, quod interest, seu, ut Paulus definit in l. 13. ff. *rat. rem hab.*, quantum nobis abest, quantumque lucrari possumus, incertum est, ac proinde ejus difficilis est estimatio & probatio, *luthi ff. si quis in iur. voc.* Senec. lib. 3. *de ben. vob. in fin.* ac plerumque ad exiguum summam reducitur, l. ult. *de Praetor. stip.* optimum erit utri consilio Tribonianum in h. §. ut si stipulemur aliquid fieri vel non fieri, poenam subijciamus ea formula, *Si ita factum non erit, tu poena nomine decem aureos dare spondes* vel hac, *si quaedam fieri, quaedam non fieri una conceptione stipulemur, Si adversus ea factum erit, si ve quid ita factum non erit, tunc poena nomine decem aureos dare spondes* V. l. quum quid 71. l. continuus 137. §. pen. h. t. Idem consilium multo aucte Tribonianum occurrit apud Plautum in *Pseud. act. 1. §. 1. v. 110.*

- Pl. *Satin' est si hanc hodie mulierem efficio tibi, Tua ut sis, aut si tibi do viginti minas?*
 Ca. *Satin' si futurum est. Pl. roga me viginti minas, Ut me effecturum tibi, quod promisi, scias. Roga, obsecro hercle; gestio promittere.*
 Ca. *Davis ne argenti mihi hodie viginti minas?*
 Pl. *Dabo,*

DE

vestito alearum lusu non licebat facere sponsones, ut aperte Marcianus: at licebat in ludis, qui pro virtute agebantur: qua de re suscipite Petrus Pantoja. Comm. in l. 3. *de aleat.* V. etiam Grac. lib. 2. *de jure D. & Po. §. 11. Pseud. de Off. hom. lib. 2. cap. 15. num. 13.* & ibi Ottonem.

(1) *Vulg. juxta estimationem.*

DE DUOBUS REIS STIPULANDI, & promittendi:

TITULUS XVI.

45. ff. 2.

S. C. 40.

Nov. 99.

ET stipulandi, & promittendi duo, pluresve rei fieri possunt. Stipulandi ita, si post omnium interrogationem promissor respondeat, *Spondeo*; ut puta quum duobus separatim stipulantibus ita promissor respondeat, *Utrique vestrum dare spondeo*. Nam si prius Titio sponderit, deinde alio interrogante spondeat, alia, atque alia erit obligatio, nec creduntur duo rei stipulandi esse. Duo, pluresve rei promittendi ita sunt: *Marci, decem aureos dare spondes? Sei, eosdem decem aureos dare spondes?* si respondent singuli separatim, *Spondeo*.

1 Ex huiusmodi obligationibus, & stipulantibus (a) solidum singulis debetur, & promittentes singuli in solidum tenentur. In utraque enim obligatione una res vertitur: & vel alter debitum accipiendi, vel alter solvendo, omnium perimit obligationem, & omnes liberat.

2 Ex duobus reis promittendi alius pure, alius in diem, vel sub conditione obligari potest: nec impedimento erit dies, aut conditio, quo minus ab eo, qui pure obligatus est, petatur.

(a) Alii legunt, stipulationibus, quia apud Theophilum est, *si vñ iur. peritum at Fabratius edidit, si vñ iur. peritum iudicet*. Et praestat quidem cum Cujacio legere stipulantibus: quod & Contio places & Charonda.

COMMENTARIUS.

PR. Tit. Reus etsi plerumque Actori opponatur; veteribus tamen Latinis is, de cuius re disceptabatur, *reus* dictus est. Cic. lib. 2. de Orat. c. 45. *Reos appello non eos modo, qui arguuntur, sed omnes, quorum de re disceptatur; sic enim olim loquebantur*. Gallus Alius Jurisconsultus apud Festum. *Reus est, qui cum altero litem contestatam habet, sive egit, sive cum eo actum est*. Idemque confirmat Pompon. in *stipulationum* §. pr. de V. O. ubi stipulationes conventionales esse ait, quæ ex conventionione reorum fiunt. In hoc etiam tit. §. 1. i. eod. & Debitor & Creditor æque *Reus* appellatur. Et creditor quidem, sive stipulator *reus credendi*, vel *stipulandi*; debitor autem sive promissor *reus debendi*, vel *promittendi*. Interdum duo vel plures fiunt rei stipulandi, quum duobus idem ab eodem in solidum separatim stipulantibus ea mente, ut una utriusque debeatur, ita promissor respondet, *Utrique vestrum dare spondeo*. Nam si primum uni, tum alteri interroganti sponderit, alia atque alia erit obligatio, nec duo erunt rei stipulandi. Contra duo pluresve rei promittendi ita fiunt, *Marci quinque aureos dare spondes? Sei eosdem quinque aureos dare spondes?* si respondent singuli separatim, *spondeo*. pr. h. t. Pomponius etiam in l. 4.

l. 4. ff. h. t. Duo, inquit, rei promittendi, sive ita interrogati, spondetis? respondeant, spondeo, aut spondemus, sive ita interrogati, spondeo? respondissent, spondemus, recte obligantur. Est tamen hic servanda ratio temporis, intra quod uterque respondeat, nam, ut Julianus tradit in *l. duos §. 9. cod. Modicum intervallum temporis, item modicus actus, qui modo contrarius obligatio non sit, nihil impedit, quominus duo rei sint. (a)*

§. I. Duo sunt hujusmodi stipulationum effectus. Unus est, ut quum duo eandem pecuniam aut promiserunt, aut stipulati sunt, ipso jure & singuli in solidum debeant, & singulis debeat. *l. quum duo 2. §. l. 3. §. 1. h. t.* Illud in disceptatione est positum, an reus, qui solidum solvit, partem repetere possit a conreo? Et ajunt plerique ob textum in *l. hereditor 2. C. h. t.* ubi dicitur, Et ideo si probaveris, te conventum in solidum exsoluisse, Restor Provincia juvare se adversus eum, cum quo communiter mutuum pecuniam accepisti, non constituitur. At qua actione? aut ex stipulatu, si stipulator ei cesserit actionem: aut actione mandati, si vice mutua fidejusserint: aut actione negotiorum gestorum, quod is, qui solidum solvit, conrei negotium gessisse videatur: aut actione pro socio, si societatem iurierint. Ita præter ceteros Papius in *Analyt. C. ad h. t.* Verum ego sic sentio, reum, qui solvit, nulla actione repetere posse partem a conreo. Non ex stipulatu, nam soluto solidum nulla superest actio, quæ possit cedi, quum tota obligatio perimatur, *l. Modestinus 76. ff. de solut. l. 2. ff. h. t.* Non actione mandati, nam de mandato non constat, quum singuli se obligaverint. Non actione negotiorum gestorum, nam qui solvit, negotium suum gessit, nempe id præstitit, ad quod se obligavit. Non actione pro socio, nam nulla inter conreos iuncta est societas; quæ demum iuncta inter socios divideuda est obligatio, quem sensum habet textus in *tit. l. 2.* ut liquet ex adverbio communiter. Neque enim adsentior Fabro, qui *lib. 2. conject. c. 17.* laudata verba dicit *l. 2.* abs Triboniano adfuta contendit. Eadem esse debet ratio conrei stipulandi: nam si is solidum a debitore accepit, jure civili non tenetur solidum inter conreos parti: quum enim singuli solidum stipulati sint, non videtur is, qui exigit, rem communem exigere. Hæc mire confirmat Ulp. in *l. 62. pr. ad leg. Falcid. In lege Falcidia hoc esse servandum Julianus ait, ut si duo rei promittendi fuerint, vel duo rei stipulandi, SI QUIDEM SOCII SINT, in ea re dividi inter eos debere obligationem, atque si singuli partem pecunie stipulati essent, vel promississent. Ergo ubi nulla inter eos fuit societas, nihil est, cur obligatio dividatur. Sed in utroque casu aliud æquitas suadet. De jure novissimo disputat Interpretes. Cujas ad Nov. 99, in *Parat. C. h. t. §. 26. obf. 26.* & alii non pauci putant, Justinianum in *d. Nov. 99.* unde desumpta est *Ausb. hoc ita, C. ead. abrogato iure Codicis in l. 2. §. 2.* cavisse, ut non essent conrei debendi, nisi qui disertis verbis se in solidum obligarent; atque ut posset reus in solidum conventus postulare.*

(a) Huc facit Vennest locus in *l. 12. pr. eod.* Si ex duobus, qui promissuri sint, hodie alter, alter postera die responderit, (prolatus) non esse duos reos, ac ne obligatum quidem intelligi eum, qui postera die responderat, quum actor ad alia negotia discesserit, vel promissor, licet peractis illis rebus responderit. Quid est apud Javolenum, prolatus? Haleander legit, probatur, alii promitto, alii proloquutus, alii prolatus, alii eam vocem librarii vitio abundare putant. Novissime legit Dyak. *l. Obf. 18.* Proculus, nempe, ait, scribit.

stulare beneficium divisionis, modo reliqui, conrei & præsentes & solvendo fiat. At Idemipse Cujac. ad *b. §. Donel. ad d. Auth. & alii rectius putant, stare adhuc jus vetus: in citat. autem Nov. abrogari tantum ab Justiniano legem 11. ff. de duob. reis. V. Rittershusi. ad d. Nov. 99. Bronchorst. censur. 2. Insuperquidam assert. 90. & Bachov. ad Treut. vol. 2. disp. 27. th. 9. lit. E. Alter effectus est, ut ubi duo rei facti sunt, possit vel ab uno eorum solvenda peti, & siue unus solvatur, omnes liberentur, siue solvatur ab altero, liberatio contingat. *l. in duobus 3. §. 1. h. t.* Neque id de solutione tantum accipi debet, sed de quibuslibet aliis modis, qui vim solutionis habent, quique actionem aut statim perimunt, aut per exceptionem submovent, ut acceptilatione *l. 2. h. t. jurejurando delato, l. iusjurandum 27. & l. 28. pr. de jurejur. novatione. Venulejus in l. si rem 31. §. 1. de novat. Obstat Paulus in l. si unus 27. pr. de pass. ubi, quum dixisset, Nec novare alium posse, quamvis ei velle solvatur, id addidit, Idemque in duobus reis stipulandi dicendum est. Multa quidem sunt ab Interpretibus ad hunc locum allata: ego vero apertum hic dissidium adgnosco, sed Venulejum sequor. *V. Wisenbachium 2. Pand. disp. 28. th. 10.***

§. II. Ex duobus autem reis promittendi, ait Florentinus in *l. 7. h. t.* ex eoque Trib. hic, alius pure, alius in diem vel sub conditione obligari potest: nec impedimento erit dies aut condicio, quominus ab eo, qui pure obligatus est; petatur. Sane ad coreos constituendos illud est necesse, ut res una sit, *l. si id 15. h. t.* ut autem sit omnino talis, non est opus, quemadmodum diversitas locorum, ubi solutio fiat, nihil efficit. *Leandem 9. §. ult. h. t.* Verum quid illud est, quod Papinianus scribit in *d. l. 9. §. 1. Si quis in deponendo penes duos paciscatur, ut ab altero culpa quoque præsaretur, non esse duos reos, a quibus impar suscepta est obligatio?* An non impar etiam suscipi videtur obligatio, ubi unus pure, alter in diem vel sub conditione obligatur? Verisimile est, quod putat Joh. Faber, eam esse discriminis rationem, quia etsi impar initio sit obligatio, quæ in uno pura est, in diem aut conditionalis in altero, tamen adveniente die vel conditione par erit in utroque; at ubi unus culpam præstat, alter non præstat, obligatio semper est impar. Juvat in fine hujus tit. monere, non tantum verbis stipulationis fieri duos pluresve reos promittendi, sed & ceteris contractibus, veluti emptione, venditione, locatione, condictione, deposito, commodato, testamento, ut puta si pluribus heredibus institutis testator dixit, Titius, & Maevius, Sempronio decem dato. *d. l. 9. pr. d. 4. §. 9. l. 13. d. 6. l. 35. l. 47. ff. de acq. d. l. 5. l. 4. l. 7. §. 31. ff. de pos. l. 5. in fin. l. 6. & 7. ff. de commod. l. 17. de testam.*

DE STIPULATIONE

servorum.

TITULUS XVII.

45. §. 3.

Servus ex persona domini jus stipulandi habet. Sed & hereditas in plerisque personæ defuncti vicem sustinet, ideoque quod servus hereditarius ante aditam hereditatem stipulatur, acquirit hereditati: ac per hoc etiam heredi postea facto acquiritur.

1. Sive autem domino, sive sibi, siue conservo suo, siue impersonaliter servus

servus stipuletur, domino acquirit. Idem jus est & in liberis, qui in potestate patris sunt, ex quibus causis acquirere possunt.

2 Sed quum factum in stipulatione continebitur, omni modo persona stipulantis continetur: veluti si servus stipuletur, ut sibi ire, agere liceat, ipse enim tantum prohiberi non debet, non etiam dominus ejus.

3 Servus communis stipulando unicuique dominorum pro portione domini acquirit: nisi iussu unius eorum, aut nominatim alicui eorum stipulatus est; tunc enim soli ei acquiritur. Quod servus communis stipulatur, si alteri ex dominis adquiri non potest, solidum alteri acquiritur: veluti si res, quam dari stipulatus est, unius domini sit.

COMMENTARIUS:

PR.Tis. Quemadmodum servus ex persona domini jus capiendi ex testamento habet, non minus 31. de her. inst. ita & jus stipulandi etiam extra causam peculiazem 1.1. & passim, ff. h. t., quum enim stipulatio juris civilis sit, ea in persona servi consistere non potest, nam, quod attinet ad jus civile, servi pro nullis habentur; ut Ulpianus scribit in l. 32. de reg. jur. et si vero servi naturaliter obligentur, ut idem Ulp. in l. servi 14. de o. & A. quia, quod ad jus naturale attinet, omnes homines aequales sunt. d. l. 32. Promittere tamen servus nisi ex causa peculiari non potest, ne per eum domini conditio deterior fiat. l. servus 19. de fidejuss. l. melior 133. de reg. jur. & l. 3. C. de pass. Et sano per jocum promittit Pseudolus servus a quo Plaut. Pseud. act. 1. sc. 1. v. 112.

--- Roga me viginti minas &c.

Jacente etiam hereditate servus hereditarius & heredi futuro & hereditas relicta stipulatur l. servus 35. ff. h. t. modo conjunctim utrique stipuletur: ceterum futuro heredi nominatim dari stipulatus nihil agit, quia stipulationis tempore (quod in stipulationibus spectatur) heres dominus ejus non fuit. Paulus in l. servus 16. ff. eod. Servus igitur hereditarius acquirit hereditati, eaque dum adita heredi, hanc enim habere conditionem hujusmodi stipulatio videtur, si adeatur hereditas l. interdum 73. §. 1. de V. O. In hac autem specie ex persona etiam domini stipulatur servus, quia hereditas in plerisque personarum defuncti vicem sustinet. l. hereditas 61. de adq. rer. dom. l. mortuo 22. de fidejuss. quia de re fute alibi.

§. I. Hinc fit, ut servus stipulando semper adquirat domino, unde Plaut. in Rud. act. 5. sc. 3. Quod, inquit, servo meo promissisti, meum esse oportet. Idque verum est, sive domino, sive sibi, sive conservo suo, sive impersonaliter dari stipuletur d. l. 1. pr. & §. 3. & l. siue 15. h. t. Eademque est ratio servi ac filii stipulantis, ob jus patris potestatis l. stipulatio ista 38. §. 6. & 17. l. quodcumque 45. pr. & §. ult. de V. O. ubi ait Ulp. videri filium patri suo stipulari, etsi hoc non adjiciat.

§. II. Quoniam vero qua facti sunt, non transeunt ad dominum l. qui heredi 44. pr. de cond. & dem. hinc potest servus facti stipulationem utiliter in suam personam concipere, veluti si servus stipuletur, ut sibi ire agere liceat, quo exemplo utitur hic Trib. post Ulp. in d. l. stipulatio ista 38. §. hi, qui 6. quumque in hac stipulatione non jus, sed factum versetur, ut Julianus inquit apud Ulp., ipse servus ire agere potest, non etiam dominus ejus. h. §. Obstat Pomp. in l. si communis 17. h. t. ubi ait, servo stipulante viam, vel iter, vel actum, domino adquiri. Verum duo hæc distinguenda sunt, jus, siue servitus viz, itineris, actus, & factum ipsum eundem agendi. Hoc servo coha-

ret: illud transit ad dominum: quod & monet Accursius. Quid si stipulatio us & factum contiueat, ut hæc, *habere licere*? Nam & cum habere dicimus, ait in §. 9. Ulp., *qui rei dominus est, & cum; qui dominus quidem non est, sed tenet*. Respondet Ulp., vires habere stipulationem, eamque sic esse accipiendam, ut in his, qui sunt in aliena potestate, puta filiosfamilias & seruo, actum esse videatur de possessione retinenda, aut non auferenda, ac proinde factum videatur, non jus in stipulationem deductum. Anne igitur stipulatio, quæ juris civilis est, quum factum agitur, in seruo subsistat? Id vero caute intelligendum est; nam etsi factum seruo adhæreat, stipulatio tamen facti vires habet ex persona domini, cujus interest, seruum pro suo commodo ire agere, & cui proinde, si seruus prohibeatur, actio competit in id, quod interest. V. Bachov. ad b. §.

§. III. Nunc de seruo communi. *Servus communis*, inquit Iulianus in l. 4. h. t., *sic omnium est, non quasi singulorum totus, sed pro partibus unque indivisus, ut intellectu magis partes habeat, quam corpora*. Et ideo si quid stipulatur, vel quaquam alia ratione acquirit, omnibus acquirit pro parte, quæ dominium in eo habens. Sed hoc perbelle sic distinguit Pomponius in l. 37. eod. Si communis servus ita stipuletur, *Dominis meis dare spondes?* pro ea parte debetur eis, quæ domini sunt. Si vero ita, *Lucio Titio & Cajo Seso dare spondes?* pro virilibus partibus debetur. Idemque post multam dubitationem placuisse addit Pomponius in ea formula, *Lucio Titio & Cajo Seso dominis meis dare spondes?* ea ratione, quod dominorum vocabula præ demonstratione habeantur. Tres tantum hoc loco casus excipit Tribonianus, quibus uni ex dominis solidam acquiritur. Primus est, quum servus communis iussu unius stipulatur. Secundus, quum stipulatur uni nominatim. d. l. 4. & l. 6. 7. & 8. Tertius, quum stipulatur id, quod uni ex dominis adquiri non potest, puta si servus duorum Titii & Maevii hominem, qui Titii erat, stipulatus fuerit; nam ei soli acquirit, cujus non fuit. Ulp. in litem si 9. ff. eod. His adde & quartum, de quo Scævola in l. si alienum 19., nempe quum stipulatur ex re unius. V. Cajum in l. si ex re 28. §. 1. eod.

DE DIVISIONE

Stipulationum.

TITULUS XVIII.

§. C. 39.

Stipulationum aliz sunt judiciales, aliz Prætoriz, aliz conventionales, aliz communes, tam Prætoriz, quam judiciales.

1. Judiciales sunt duntaxat, quæ a mero iudicis officio proficiuntur: veluti de dolo cautio, vel de persequendo seruo, qui in fuga est; restituendove pretio.

2. Prætoriz sunt, quæ a mero Prætoris officio proficiuntur, veluti damni infecti, vel legatorum. Prætorias autem stipulationes sic exandiri oportet, ut in his etiam contineantur Ædilitiz, nam & hæc a iurisdictione veniunt.

3. Conventionales sunt, quæ ex conventionem utriusque partis concipiuntur, hoc est, neque iussu iudicis, neque iussu Prætoris, sed ex conventionem con-

trahentium, quarum totidem genera sunt, quot pene dixerim rerum contrahendarum.

4 Communes sunt, veluti rem salvam fore pupillo: nam & Prætor jubet rem salvam fore pupillo caveri; & interdum judex, si aliter hæc res expediri non potest: vel de rato stipulatio. (a)

(a) Ita passim: sed nonnulli Crīdēs habent, stipulatio exigitur: nonnulli Cujacii & Charonda prorsus ignorant ea; vel de rato stipulatio, quæ etiam abfunt a d.l.5. de V.O. Continuo vero conjecturam facit, legendum hoc loco, vel duplæ stipulatio, ob l.1. de Prat. stip. Præstat tamen vulgatam lectionem sequi, & retinere exemplum stipulationis de rato ex auctoritate Theophili.

COMMENTARIUS.

PR.Tit. Tertia proponitur hoc tit. Stipulationum divisio ex Pomponio in d.l.5. de V.O. unde totus hic titulus descriptus est. Stipulationum alie sunt Judiciales, alie Prætorie, alie Conventionales, alie Communes tam Prætorie quam Judiciales. pr. h. t. Romæ alius erat Judex Pedarius, (a) (barbare enim plerique pro Pedariis Pedaneos appellant, inquit Gellius 3. Noct. 18.) alius Prætor. Hic erat Magistratus, & proprie jus dicebat. Ille judicabat, quamquam & ipse Prætor judicare diceretur, unde in 12. Tab. scriptum est, Qui judicet, judicarique jubeas, Prætor esto.

§. I. Judiciales stipulationes sunt, quæ a mereo Judicis officio proficiuntur: h. §. d.l.5. pr. Merum Judicis officium interpretatur Theophilus sejunctum ac solum, nam Latinis merum dicitur solum, ut ex Varrone Nonius in Assa; & Merum, vinum aqua non dilutum. Elegans est ad hanc rem locus Ter. in Phorm. Nihil habes, nisi spem meram: & locus Plinii lib. 6. ep. 14. Oportet omnia aut ad alienum arbitrium aut suum facere. Mei certe stomachi hæc natura est, ut nihil nisi totum & merum velit. Eodem sensu dixit Cic. Ep. fam. lib. 14. ep. 7. χαλκὸν ἀκράτῳ, meram bilem noctu ejeci: ad quem locum vide Victor. (b) Judicialium stipulationum exempla duo asserit hic Trib. Alterum, cujus etiam meminit Jurisconsultus in d.l.5. est Causio de dolo, quam in actione in rem, vel quod metus causa jussu judicis præstat is, qui ad rem restituendam damnatus est, eaque tævet, se rem cum omni causa sine fraude restitutum, l. praterca 20. l. si homo 45. de rei vind. l. metum 9. §. 5. & 7. ff. quod met. caus. Alterum est Causio de

(a) Pedarii Judices erant, qui ex delegatione causas audiebant, ut bene Ammianus Marcel. ad Paul. lib. 5. sent. tit. 28. Dicebantur Pedarii, non quod humilia negotia disceptarent, ut ex l. 3. C. de ped. judic. contendit Vultejus lib. 2. Jurispr. Rom. cap. 1. quem refellit Paganin. Gaudens Jurid. Expos. lib. 1. c. 22. & 23. sed vel quia judicantes in imo loco sedebant, ubi subsellia pedum magistratus habebant; vel quia non pro tribunali sedentes in curuli sella jus dicerent, ut magistratus, sed stantes judicarent; unde Cicin. Bruto 84. In comitium, inquit, vocant ad instantem judicem dicant.

(b) Hoc sensu dici Merum imperium contendo, maxime quum imperium merum mixto opponatur, quicquid contra molitur post Corasium, & Gerardum Gerard. Noode lib. 12. de jurisdict. c. 4. Sed hæc de re alibi.

de persequendo servus, qui in fuga est, restituendusve pretio, quam cautionem illustrat Theophilus ex *l. si a bona fidei 21. de rei vind.*, ex eoque Cujacius lib. 27. obs. c. 28. Spectat etiam huc *l. servo legato 69. §. 5. de leg. 1.* ubi, si dubium sit, an homo legatus vivat, placuisse inquit Cajus, agi quidem ex testamento posse, sed officio Judicis contineri, ut cautio interponeretur, qua heres caveret, eam rem persequuturum, & si nactus sit, legatario restituendum. Alia Judicialium stipulationum exempla videsis in *l. puto 16. l. heredes 25. §. 10. fam. ercisc. l. harum 7. & legi 12. ff. si serv. vind.* V. aliud exemplum in *l. item si 14. §. 11. ff. quod met. caus.*

§. 11. Prætoriz stipulationes sunt, quæ a mero Prætoris officio proficiuntur. *h. §. & d. l. 5. (c)* Hujusmodi sunt stipulatio damni infecti, & stipulatio legatorum, quæ duo exempla in hoc §. occurrunt. Damnum infectum est damnum non dum factum, quod futurum veremur. Cajus in *l. 2. de dam. inf.* Si igitur metueret vicinus, ut vicini domus rueret, ac suis ædibus damnum faceret, ab eo apud Prætorem stipulabatur, damaum, quod ex ruina contingeret, præstari. *l. Prætor ait 7. & passim. ff. eod.* Stipulatio legatorum est, quæ heres legatariis ac fideicommissariis stipulantibus cavet, ea, quæ sub conditione vel in diem relicta sunt, conditione vel die veniente præstaturum exsoluturumve. *l. 1. & passim. ff. ut leg. serv. caus.* Sunt & aliz stipulationes Prætoriz, earumque plures facit species Ulp. in *l. 1. de stip. Præst.* quem vide. Duo tamen hic moneo. Unum est, Prætoriarum stipulationum certam fuisse formulam Edicto propositam: quod probat Ulp. in *l. in conventionalibus 32. de V. O.* Prætoriz stipulationes legem accipiunt de mente Prætoris, qui eas proposuit, & Prætoris stipulationibus nihil immutare licet, neque addere, neque detrachere: quo referenda sunt verba Venuleji in *l. 9. de Præstip.* In Prætoriz stipulationibus si ambiguus sermo acciderit, Prætoris erit interpretatio, ejus enim mens assequenda est. Extat apud Cujac. 10. obs. 29. formula stipulationis Prætoriz judicatum solvi, unde alias facile est intelligere. QUOD FUNDUM TUSCULANUM, QUEM POSSIDET L. TITIVS, AB EO VINDICATURUS SUM, CUIUS REI C. AQUILIUS JUDEX DATUS EST, EAM REM RECTE DEFENDI, (d) AUT SI EA RES SECUNDUM ME HEREDEMVE MEUM JUDICATA ERIT, QUOD A C. AQUILIO EOVE QUI IN EIUS LOCUM SUBSTITUETUR, JUDICATUM ERIT, ID RECTE PRÆSTARI, DOLUMQUE MALUM ABESSE AB FUTURUMQUE ESSE, ET QUAMDIU RES NON DEFENDATUR AUT SI QUOD HUIUS REI JUDICATUM ERIT NON PRÆSTETUR, DOLUSVE MALUS NON ABERIT, QUANTI EA RES

ME

(c) Goveanus putat lib. 1. de l. c. 35. Prætorias stipulationes non recte dici, quæ a mero Prætoris officio proficiuntur, ut in *d. l. 5.* sed quæ jussu Prætoris interponuntur, ea ratione, quod stipulatio rem pupilli salvam fore, quæ communis dicitur in *d. l. 5.* hoc est, quæ etiam jussu judicis interponitur, Prætoriz appellatur in *l. 1. §. 1. de Præstip.* Verum hæc tanti non sunt, ut Pomponii in *d. l. 5.* definitionem rejiciamus, nam bene dici possunt a mero Prætoris officio proficisci stipulationes, quæ interdum judicis officio interponuntur; quod enim singulare est, non attendimus. V. Comm. nostr. ad §. 4. h. l.

(d) Recte defendi est pro viri boni arbitrari defendi, & utrumque eodem sensu usurpatum reperies *l. jam tamen 5. §. 3. l. si reus 12. l. vir bonus 18. ff. jud. solv. l. si cum hominem de fideiuss. l. recte de jud. V. Goshof. ad l. 11. de duobus reis, & l. 73. de V. S.*

EST, DARI SPONDES? SPONDEO. V. Briffon. *de Form. lib. 5. p. 393.* Alterum est, Prætorias stipulationes extra iudicium & non dum contestatas, lite adhiberi solitas, cumque eo, qui cavere detractasset, ita fuisse a Prætoris actum, ut vel iurisdictionem denegaret, vel adversarium mitteret in bonorum ejus possessionem, *l. 7. de dam. inf. sit. ff. ut leg. serv. caus. & tit. us in poss. leg. l. Pomponius 40. §. pen. de procur. §. 4. & §. inf. de fusiis l. 7. us fr. quemad. cau. Sane Prætoris erant ea omnia, quæ contestationem litis præcedunt: cetera ad iudicem datum pertinebant. Ulp. in l. Ediles 25. §. 8. de Edil. edict. Cujac. lib. 15. Obse. 10. Ad hoc Prætoriarum stipulationum caput spectare etiam inquit Trib. stipulationes Edilicias, nam & hæc a iurisdictione (e) veniunt. Et editum quidem Edilicium pars honorarii juris erat, ut fusc dictum ad §. 7. de jur. nat. lib. 1. Hæc stipulationes in emendo pecore plerumque usurpabantur, & de sanitate ut plurimum cavebant, unde Varro de emtione caprarum lib. 2. inquit, Capras sanas sanus nemo promittit, nunquam enim sine febris sunt. Ex eodemque Varrone constat, illud fuisse in formulis adjectum, recte sanum esse, ut ostendunt hæc, quas exhibet Varro, Illasce juvenes sanos recte, deque pecore sano esse spondes? Illasce oves sanas recte esse, ut pecus ovillum, quod recte sanum est, spondes? Atque huc certe respexit, observante Cujacio 9. obse. 3. Javolenus in l. 53. de Edil. edict. illis verbis, Qui tertiana aut quartana febris aut podagra vexarentur, quive comitiales morbum haberent, ne quidem his diebus, quibus morbus vacaret, RECTE SANI dicentur. (f)*

§. III. Conventionales sunt, quæ neque jussu iudicis, neque jussu Prætoris, sed ex conventionem reorum, hoc est utriusque partis concipiuntur. *l. 5. & d. l. 5.* quo fit, ut quemadmodum Prætoris stipulationes ex mente Prætoris, ita conventionales ex mente contrahentium interpretationem accipiant *l. in conventionalibus 52. de V. O. l. 1. §. ult. in Prætoris 9. de Præst. stip.* Ne vero contrahentes in formulis errarent, sæpe Jurisconsulti adhibebantur, ut ex Ciceroe probat Briffon. lib. 6. de Form. p. 490. Harum stipulationum tot esse genera, inquit Trib., quot fere rerum contrahendarum; ut enim supra dictum est, nullum prope negotium videbatur apud veteres recte geri, nisi stipulatione interposita. V. Cujac. ad lib. 59. Salvii Juliani l. 6. de suis & leg. & ad l. 2. de leg. 2. Erant

(e) Libri Accursiani habent, a iurisdictione Prætoris: sed Baro, Duarenus, Charondas, Ruffardus, & Donellus ad l. 5. de V. O. & Hotomannus, aliique ad h. §. 1. Prætoris, expungunt, abest enim a Theophrilo, & Pomponio in d. l. 5. Contius autem lib. 2. subsc. l. c. 19. & alii non pauci eam vocem retinent ea ratione, quod universa iurisdictionis sive ad Prætores, sive ad Ediles, sive ad ceteros pertineret, veteribus generaliter Prætoris dicebatur. Et vero Prætoris nomen latissime patebat, & Prætor dictus est, qui præiret jure & exercitu, ut sequitur Var. lib. 4. de L. L. V. Contius ibid. Verum bene Cujac. in scholiis ad h. §. Prætoris delendum contendit ex Pomponio, ac Theophrilo, jus enim Edilicium honorarium quidem jus est, sive juris honorarii portio, ut Trib. inquit in §. Prætorum de jur. nat., non vero jus Prætorium, sicut stipulationes, & actiones, Edilicia honoraria sunt, non Prætoris.

(f) Tribunitia stipulationis mentio est apud Ulp. frag. tit. 7. §. 3. his verbis Si maritus pro muliere se obligaverit, vel in rem ejus impenderit, divortio facto, eo nomine cavere sibi solet stipulatione Tribunitia: unde lucem accipis Pauli locus in l. si filiosum. 25. §. 4. sol. matrim. Tribunos enim jus Roma dixisse, tradit Pomponius l. 2. §. 31. de orig. jur. V. Gellium lib. 12. c. 12. & Juvenal. sat. 7. v. 227.

Erant tamen olim negotia nonnulla, quæ sine stipulatione recte geri consueverunt, de quibus ad *tit. de V.O.pr.*

§.IV. Communes sunt, quæ neque apud Judicem solum, neque apud solum Prætorum, sed modo apud unum, modo apud alterum interponuntur. *h. §. & d. l. §.* Communis est stipulatio, *rem pupilli salvam fore*, quæ & si *Prætor* dicatur Ulpiano in *l. §. 2. de stip. Prætor.*, tamen interdum Judicis officio interponitur. Theophil. ad *h. §.* Sane si velit tutor cavere, pignoribus captis coercetur *sup. de satisf. Tut. pr. & §. penult.* quod proprium Prætoris est. Sed pone, debitorem pupillarem a tutore conventum contestata jam lite, & inter judicii moras rescivisse, non satisfdatum a tutore, eoque nomine excipere in judicio; in hac specie Judex cavere tutorem jubebit; quæ enim propria sunt jurisdictionis, ea si in judicium incident, Judicis etiam propria fiunt, ut Severus, & Antoninus rescripserunt *l. 1. C. de ord. Judic.* Atque hic est sensus verborum Triboniani *h. §. Nam & Prætor jubet rem salvam fore pupillo cavere, & interdum Judex, si aliter hæc res (nempe judicium) expediri non potest.* Communis est etiam stipulatio *de rato*, quam ante contestatam litem Prætor exigit a Procuratore actoris, si de mandato ambigatur *l. 1. C. de procurat.*, unde etiam Prætoris accensetur in *d. l. §. 2. de stip. Prætor.* tamen si contestata jam lite dubitatio suboriatur, ad Judicis quoque officium pertinet *arg. d. l. 1. C. de ord. Judic.* Advertit hic Bachovius, debuisse Tribonianum utramque hanc stipulationem inter Prætorias referre, quum utraque Magistratus, & jurisdictionis propria sit, nec nisi uno casu ad Pedarium judicem spectet, Sed voluit Trib. Pomponium sequi in *d. l. §.*

DE INUTILIBUS

Stipulationibus,

TITULUS XIX.

§. C. 39.

OMnis res, quæ dominio nostro subijcitur, in stipulationem deduci potest, sive mobilis sit, sive soli.

1. At si quis rem, quæ in rerum natura non est, aut esse non potest, dari stipulatus fuerit: veluti Stichum, qui mortuus sit, quem vivere credebat, aut hippocentaurum, qui esse non possit: inutilis erit stipulatio.

2. Idem juris est, si rem sacram, aut religiosam, quam humani juris esse credebat, vel rem publicam, quæ usibus populi perpetuo exposita sit, ut forum, vel theatrum, vel liberum hominem, quem servum esse credebat, vel cujus commercium non habuerit, vel rem suam dari quis stipuletur. Nec inpendenti erit stipulatio ob id, quod publica res in privatum deduci, & ex libero servus fieri potest, & commercium adipisci stipulator potest, & res stipulatoris esse definire potest: sed protinus inutilis est. Item contra, licet initio utiliter res in stipulatum deducta sit, si postea in earum qua causa (a) de

(a) *Nonnulli Charonda*, in earum quam causam. *Vulg.*, in antiquam eorum causam,

de quibus supra dictum est, siue facto promissoris devenerit, extinguitur stipulatio. At uce statim ab initio talis stipulatio valebit, *Lucius Titium, quous se vus eris, dare spondes?* & similia: quæ enim natura sui dominio nostro exempta sunt, in obligationem deduci nullo modo possunt.

3 Si quis alium daturum, secturnumve quid promiserit, non obligabitur, veluti si spondeat, Titium quinque aureos daturum. Quod si effecturum se, ut Titius daret, sponderit, obligatur.

4 Si quis alii, quam ei, cuius juri subiectus sit, stipuletur, nihil agit. Plane solutio etiam in extraneam personam conferri potest: veluti si quis ita stipuletur, *Mihi, aut Sejo dare spondes?* ut obligatio quidem stipulatori adquiratur, solvi tamen Sejo; etiam invito eo, recte possit, ut liberatio ipso jure contingat, sed ille adversus Sejum habeat mandati actionem. Quod si quis sibi, & alii? cuius juri subiectus non sit, dari decem aureos stipulatus est, valet quidem stipulatio: sed utrum totum debeatur, quod in stipulationem deductum est, an vero pars dimidia, dubitatum est: sed placuit, non plus, quam dimidiam partem ei adquiri. Ei, qui juri tuo subiectus est, si stipulatus sit, tibi adquiris: quia vox tua tanquam filii sit, sicuti & filii vox tanquam tua intelligitur in iis rebus, quæ tibi adquiri possunt.

5 Præterea inutilis est stipulatio, si qui ad ea, quæ interrogatus fuerit, non respondeat: veluti si quis decem aureos a te dari stipuletur, tu quinque promittas, vel contra: aut si ille pure stipuletur, tu sub conditione promittas: vel contra: si modo scilicet id exprimas, id est, si tui sub conditione, vel in diem stipulanti tu respondeas, *Præsenti dno spondes?* Nam si hoc solum respondeas, *Promitto:* breviter videris in eandem diem, vel conditionem, spondidisse. Neque enim necesse est in respondendo eadem omnia repeti, quæ stipulator expreterit.

6 Item inutilis est stipulatio, si vel ab eo stipuleris, qui tuo juri subiectus est, vel si is a te stipuletur. Sed servus quidem non solum domino suo obligari non potest, sed ne alii quidem ulli: filii vero familias altis obligari possunt.

7 Mutum neque stipulari, neque promittere posse, iam est, quod & in furdo receptum est: quia & is, qui stipulatur, verba promittentis, & is, qui promittit, verba stipulantis audire debet: unde apparet, non de eo nos loqui, qui tardius exaudit: sed de eo, qui omnino non audit. (b)

8 Furiosus nullum negotium gerere potest: quia non intelligit, quod agit.

9 Pupillus omne negotium recte gerit: ut tamen scibi (c) tutoris autoritas necessaria sit, adhibeatur tutor: veluti si ipse obligetur; nam alium sibi obligare etiam sine tutoris auctoritate potest.

10 Sed quod diximus de pupillis, utique de iis verum est, qui jam habent aliquem intellectum; nam infans, & qui infanci (d) proximus est, non multum a furioso distat: quia huiusmodi ætatis pupilli nullum habent intellectum. Sed in proximis infanti, propter utilitatem eorum, benignior juris inter-

(b) In l. 1. §. 14. de O. & A., unde hic §. exscribens est, & in omnibus Charonda, exaudit. Sic in §. 3. sup. quib. non est perm. fac. test. Utique autem de eo furdo loquimur, qui omnino non exaudit, non qui tarde exaudit.

(c) Vulg. minus recte, ita tamen ut ubi.

(d) Theophilus, & Accursius, infantie; alii, infantibus.

interpretatio facta est: ut idem juris habeant, quod pubertati proximis: Sed qui in potestate parentis est impubes, ne auctore quidem patre obligatur.

11 Si impossibilis conditio obligationibus adjiciatur, nihil valet stipulatio. Impossibilis autem conditio habetur, cui natura impedimento est, quominus existat: veluti si quis ita dixerit, *Si digito calum attigero, (e) dare spondeo?* At si ita stipuletur, *Si digito calum non attigero, dare spondeo?* pure facta obligatio intelligitur, ideoque statim peti potest.

12 Item verborum obligatio inter absentes concepta inutilis est. Sed quum hoc materiam litium contentiosis hominibus præstabat, forte post tempus tales allegationes opponentibus, & non præsentibus fuisse, vel se, vel adversarios suos, (f) contententibus; ideo nostra Constitutio propter celeritatem dirimendarum litium introducta est, quam ad Cæsarienses advocatos scripsimus: per quam disposuimus, tales scripturas, quæ præsto esse partes indicant, omnino esse credendas, nisi is, qui talibus utitur improbis allegationibus, manifestissimis probationibus, vel per scripturam, vel per testes idoneos adprobaverit, toto eo die, quo conficiebatur instrumentum, sese vel adversarium suum in aliis locis fuisse.

13 Post mortem suam dari sibi nemo stipulari poterat: non magis, quam post ejus mortem, a quo stipulabatur. Ac nec is, qui in alicujus potestate est, post mortem ejus stipulari poterat, quia patris, vel domini voce loqui videtur. Sed & si quis ita stipuletur, *pridie, quam moriar, vel pridie, quam morieris, dare spondeo?* inutilis erat stipulatio. Sed quum (ut jam dictum est) ex consensu contrahentium stipulationes valeant, placuit nobis etiam in hunc juris articulum necessarium inducere emendationem; ut si post mortem, live, pridie, quam moriatur stipulator, siue promissor, stipulatio concepta sit, stipulatio valeat.

14 Item si quis ita stipulatus erat: *Si navis ex Asia (g) venerit, hodie dare spondeo?* inutilis erat stipulatio, quia præpostere concepta est. Sed quum Leo inelictæ recollectionis in dotibus eandem stipulationem, quæ præpostera nuncupatur, non esse rejiciendam existimaverit: nobis placuit & huic perfectum robur accommodare, ut non solum in dotibus, sed etiam in omnibus valeat hujusmodi conceptio stipulationis.

15 Ita autem stipulatio concepta, veluti si Titius dicat, *quum moriar, dare spondeo?* vel *quum morieris?* & apud veteres utilis erat, & nunc valet.

16 Item post mortem alterius recte stipulamur.

17 Si scriptum in instrumento fuerit, promississe aliquem, perinde habetur, atque si interrogatione præcedente responsum sit.

18 Quotiens plures res una stipulatione comprehenduntur, si quidem promissor simpliciter respondeat, *dare spondeo*, propter omnes tenetur. Si vero unam ex his, vel quasdam daturum se sponderit, obligatio in illis, pro quibus sponderit, contrahitur. Ex pluribus enim stipulationibus, una, vel quædam videntur esse perfectæ: singulas enim res stipulari, & ad singulas (h) respondere debemus.

19 Al.

(e) Attigero, non Attingero, quod nonnulli Codices habent.

(f) Al. adversariis suis.

(g) Constantinus post Theophilum inserit particulam, *etiam*; quæ præposteram stipulationem luculentius ostendit: eamque aut inferre, aut subaudi.

(h) Notomanus movit, non ad singulas, quia satis est dicere, promitto.

19 Alteri stipulari, ut supra dictum est, nemo potest. Invenit enim sunt hujusmodi obligationes ad hoc, ut unusquisque adquirat sibi, quod sua interest: ceterum ut alii detur, nihil interest stipulatoris. Plane si quis velit hoc facere, poenam stipulari conveniet: ut nisi ita factum sit, ut est comprehensum, committatur poena stipulatio etiam ei, cuius nihil interest. Poenam enim quam stipulatur quis, non illud inspicitur, quid intersit ejus, sed quæ sit quantitas in conditione (i) stipulationis. Ergo si quis stipuletur, *Tisio dari*, nihil agit, sed si adjecerit poenam, *Nisi dederis, tot aureos dare spondes?* nunc committitur stipulatio. (1)

20 Sed & si quis stipuletur alii, quam ejus interesset, placuit stipulationem valere. Nam si is, qui pupilli tutelam administrare ceperat, cesserit administratione (m) contutori suo, & stipuletur rem pupilli salvam fore, quoniam interest stipulatoris fieri, quod stipulatus est (quam obligatus futurus sit pupillo, si male res gesserit) tener obligatio. Ergo et si quis procuratori suo dari stipulatus sit, habebit vires stipulatio. Et si creditori dari stipulatus sit, quod sua interest, ne forte vel poena committatur, vel prædia distrahantur, quæ pignori data erant, valet stipulatio.

21 Versa vice, qui alium facturum promittit, videtur in ea esse causa, ut non teneatur, nisi poenam ipse promiserit.

22 Item nemo rem suam suam, in eum casum, quo sua sit, utiliter stipulatur.

23 Si de alia re stipulator senserit, de alia promissor: perinde nulla contrahitur obligatio, ac si ad interrogatum responsum non esset: veluti si hominem Stichum a te quis stipulatus fuerit, tu de Pamphilo senseris, quem Stichum vocari credideris.

24 Quod turpi ex causa promissum est: veluti si quis homicidium, vel sacrilegium se facturum promittat: non valet.

25 Quum quis sub aliqua conditione stipulatus fuerit: licet ante conditionem decesserit: postea existente conditione heres ejus agere potest. Idem est & ex promissoris parte.

26 Qui hoc anno, aut hoc mense dari stipulatus est: nisi omnibus partibus anni, vel mensis præteritis, non recte petet.

27 Si fundum dari stipuleris, vel hominem: non poteris continuo agere: nisi tantum spatium præterierit, quo traditio fieri possit.

COM.

(i) In l. 38. §. 17. de V. O. est, quæque conditio: quo factum, ut Hotomanus hoc loco legat, quantitas conditioque. Sed adversatur Theophilus.

(1) Hotomanus putat, vel id, committitur, per abusionem usurpari pro, contrahitur, aut addenda esse hæc, si non dederit. Verum quid veritas, quin hæc subintelligi dicamus?

(m) Omnes Charonda habent, cesserit administrationem. Utrumque loquendi genus in Latinis Autoribus, & Digestorum libris occurrit. V. Saneii Miner. v. l. 2. c. 3. ibique Perizon. p. 22.

COMMENTARIUS.

PR.Tis. Inutiles sunt stipulationes vel ratione rei, vel personæ, vel forme, deque eis omnibus agitur hoc titulo, in quo tamen enarrando Tribonianæum ordinem tenere, doctrinæ ratio verat. Et primum quod ad eas stipulationes attinet, quæ inutiles sunt ratione rei, ea est juris regula, eas res omnes venire in stipulatum posse, quæ in singulorum dominium cadunt, sive sint res mobiles, sive res fidei, (a) hoc est immobiles. *pr.ha.*

§.1. Inutiles est igitur stipulatio rei, quæ aut in rerum natura non est, ut hominis mortui, qui vivus putatur, aut esse non potest, ut hippocentauri. (b) *h. §. l. si stipuler 34. l. si homo 69. de V.O. l. 1. §. si id, quod, ff. de O. & A. quod adeo verum est, ut neque ejus æstimatio debeatur, l. liber homo 103. de V.O. nec poena committatur. d. l. si homo, quia impossibile nulla est obligatio, l. 135. de reg. jur. l. ult. C. qua sent. sine appellat. Ejus rei exceptio est, quod scribit Paulus in l. inter stipulantem 83. §. 7. de V.O. Stichum, qui decessit, si stipuler, si quidem venditor etiam mortuus posuit, ut fuit; (nempe si debebatur tanquam res futura) utiliter me stipulatum, Sabina ait. Idem ergo diceret, & si mora facta defunctum*

(a) Propria Jurisconsultorum loquutio hæc est. *Senec. lib. 2. Nat. Quæst. Ter. t. a. pars de agris, terris, latis, arbutis quærit, & ut Jurisconsultorum verborum, de omnibus, quæ solo continentur.*

(b) Hippocentauri exemplum solenne Stoicis fuit ad exprimendam rem, quæ in rerum natura non est, neque esse potest. *Laert. in Zenone, & Senec. ap. 58. est, quæ, ut in multis, s. quæti videntur Jurisconsulti. Scip. Claudium Cæsarem, test. Plinio lib. 7. Nat. hist. scriptum relinquit, Hippocentaurum olim in Thessalia natum, eodemque die interisse. Et nos, cum de se testatur Plin., principatu ejus allatum illi ex Ægypto in melle vidimus. Scio etiam Plutarchum in lib. An. brutis ratio insit, existimare videri, Minotauros, Ægipanes, Sphinges, Centaurosque ex promiscuo hominum cum brutis concubitu nasci. Verum Galenus lib. 3. de usu part. cap. 1. luculentissimè probat, impossibile esse Centaurorum præcreationem, & saniores Philosophi Centauros inter confecta Poetarum monstra referunt, & vbi ipse Ovid. eos esse fabulosos scribit lib. 4. Trist. El. 7.*

Quod precor esse liquet, credam prius ora Medusæ

Gorgonis anguineis cincta fuisse comæ

Esse canes utero sub Virginis, esse Chimæram,

A truce quæ flammis separat angue leam:

Quadrupedesque homines cum pectore pectora junctos,

Tergeminumque vicum, tergeminiūque canem.

& ante eum summus Poeta, & Philosophus Lucret. lib. 5.

Sed neque Centauri fuerint, nec tempore in nullo

Esse queunt duplici naturæ, & corpore bino.

Idem sentis Cic. lib. 2. de Nat. Deor. cap. 2. Vide plura apud Hieron. *Magium lib. 1. Mis. cap. 20. Quamvis autem deus, posse Hippocentaurum naturæ existere, absurdum quoque erit, eos in stipulatum deducere, nam vivere naturæ non possunt. Hoc spectare ait Servius sarmen illud Virg. Æneid. 6.*

Centauri in foribus stabulant, Scyllæque bifformes. Ubi, *Senec. Enquit, in foribus, quia quæ contra naturam possunt creati, statim pereunt.*

Hum stipularetur : Nam quicquid ex quacumque causa deberetur, in stipulationem deduci potest : at homo mortuus ex causa furtiva semper debetur, ut etiam ex alia, si post moram defunctus sit, fuit enim & morator æquiparatur. V. Horom. *Illust.* 28. Facit, quod idem Paulus inquit *Leum*, qui 30. de *iur. jur.* Si juravero, te *Stichum mihi dare oportere*, qui non sit in rerum natura, nec æstimationem mihi præstare reus debet, nisi ex causa furtiva, vel propter moram ; tunc enim etiam post mortem servi æstimatio præstatur.

§. II. *juncto* §. XII. Inutilis etiam est stipulatio rei, quæ in commercio non est, ut rei sacræ, aut religioſæ, rei publicæ, & hominis liberi. h. §. *Inter stipulantem* 83. §. *sacram* 5. de V. O. l. 1. §. si id, quod, ff. de O. & A. earumque rerum neque æstimatio debetur, nec poena committitur d. *liber homo*, l. si homo 69. *cod. l. quum servum* 39. *Sult. de leg. 1.* & §. 4. *sup. de leg.* est enim jani prope idem, impossibilia stipulari, atque ea, quæ in commercium non cadunt, quum & hæc & illa transferri in alium non possint. Inter hæc est etiam homo liber, cujus quum nulla sit æstimatio, nullum quoque commercium est, etsi quæ ex eo proveniunt, commoda, æstimationem recipiant. V. *Schilt. ad D. Ex. 19. §. 18.* Pertinet huc stipulatio rei nostræ, quam nobis, dari utiliter stipulari non possumus, l. *nemo* 82. de V. O. l. 1. §. 10. de O. & A. quia dari cuiquam id intelligitur, inquit Trib. in §. 14. *infra de act.* quod ita datur, ut ejus fiat, nec res, quæ jam alicujus est, magis ejus fieri potest. Et quamquam non est perpetuum, ut dare sit dominium, transſerre, quæ de re multa *Salmasii in Disquis. de mutuo* p. 346. & *segg.* tamen stipulatio dari id continet, ut dominium omnimodo efficiatur stipulatoris quocumque modo. Ulp. in *lubi autem* 75. §. ult. de V. O. (c) Hæc confirmantur ex eo, quod etiam sacra, profana fieri, & usus publicis reliquis, in privatorum usus reverteri, & ex libero servus fieri possit, tamen non pœdeat stipulatio, sed potius inutilis sit, h. §. & *dist. l. inter stipulantem* 83. §. *sacram* 5. ob regulam Catonianam, quæ ad stipulationes etiam producta est, arg. *l. cetera* 41. §. 2. de leg. 1. *Quod initio* 29. de *reg. jur.* Facit ratio Pauli in d. §. 5. nam de his rebus negotium recte gerimus, quæ subijci usus dominio nostro statim possunt. Contra sic inutilis stipulatio, quæ utilis initio fuit, si res profana facta sit sacra, vel in aliam quamlibet similem causam sive facto promissoris devenierit. d. §. 5. puta si promissor dolo culpave careat, ut inquit Ulp. in l. *is*, qui 51. de V. O. & consentit Pomp. in *l. si mihi* 92. & Paul. in *Leui res* 98. *Guaræm de solus*, placuit enim extinguere obligationem, si in eum casum inciderit, a quo incipere non potest. l. pluribus 140. §. ult. *cod.* Adde, inutilem quoque esse hujusmodi stipulationem, etiam si sub ea conditione fiat, quum res dari potuerit, h. §. & d. 183. Verum id non de omnibus æque stipulationibus, quæ res commercio exemptas continent, intelligendum est. Plane si res naturæ sui extra commercium sunt, ut res sacræ, publicæ, homo liber ; &c. super his rebus interpositæ stipulationes sive puræ, sive conditionales non valent, ac de his accipienda est ratio Tribonian. h. §. quia quæ NATURA SUI dominio nostro exemptæ sunt, in obligationem deduci NULO MODO possunt. (d) Si vero res non sui naturæ, sed ob aliud quidquam

(c) Ipsa quoque stipulatio, dari, interdum non adquirenda obligationis gratia, sed solutionis tantum causa adhibetur, veluti quum quis filio suo vel extraneo cuiuslibet dari stipulatur, nam filii vel extranei persona in hoc censetur adjecta, ut ei recte solvatur, *Leum*, qui 36. §. 2. de V. O. & §. 4. h. §. ad quem vide Comm. nostr.

(d) Accedit et ratio, quod mali rem esse omnino arbitrabantur veteres,

rim

quam, quod extrinsecus advenit, extra commercium sine potestate, ac proinde in stipulationum deducti nequeant; ut res nostra, & quæ ædibus juncta sunt, certe valent stipulationes sub ea conditione, quum res nostra esse desierit, aut si quando marmora vel columna separata fuerint ab ædibus. *l. si rem 31. l. existimo 98. de V. O. l. cetera 41. §. 1. de leg. 1.* fuisse tamen ea de re dubitatum, non obscure demonstrat Marcellus in *d. l. existimo 98.* Hinc etiam est, ut nemo possit rem alienam stipulari in eum casum, quo sua futura est. §. 22. *h. t. l. nemo 29. ff. de. quia tunc agere, ut sibi detur, non potest, §. 1. 4. infr. de act. l. & paria sunt, aliquid fieri tempore prohibito, & in illud tempus conferri, l. quod sponsa 4. C. de donat. ant. nupt.*

§. XXIV. Præterea inutilis est stipulatio rei turpis, veluti si quis homicidium, vel facilegium se facturum promittat. *h. §. l. generaliter 26. & l. seq. & l. si flagitii 123. ff. h. t.* Et bene rescriptum Imp. in *l. 4. C. de inu. stip.*, non ex solum, quæ aperte flagitiosa sunt, sed etiam quæ bonis moribus adversantur, cuiusmodi est stipulatio de futura successione, deduci in stipulationem non posse. Idemque scriptum est, si ob maleficium, ne fiat, promissum sit. Ulp. in *l. iurif. gentium 7. ff. de pænit.*, quia hoc ipsum turpe est, pecuniam pacisci, quo flagitio abstinere, ut bene hic Viuius.

§. IV. juncto §. XIX. & XX. Item inutilis est stipulatio ejus, qui alteri stipulatur, nam & alienum factum continet hæc stipulatio. Bene Ulp. in *l. stipulatio 38. §. alteri 17. de V. O. Inventa sunt, inquit, hujusmodi obligationes ad hoc, ut unusquisque sibi adquirat, quod sua interest: ceterum ut alii detur, nihil interest. Idemque de omnibus conventionibus scriptum est. Quæcumque gerimus, verba sunt Pauli *l. 1. de O. & A. quum ex nostro contractu originem trahunt, nisi ex nostra persona initium sumant, inanem adum nostrum efficiunt: & ideo neque stipulari, neque emere, vendere, contrahere, ut alter suo nomine recte agat, possumus: l. si ita 126. §. 2. de V. O. l. solum 11. §. pen. de pign. act. l. quo iure 73. de reg. jur.* Quod si is, cui alius stipulatur, omnino extraneus non sit, sed pro eodem fictione juris cum stipulatore habeatur, jure consistit stipulatio. Sic patri filius & servus domino recte stipulatur ob vim potestatis. §. 4. *h. t. d. l. 38. §. alteri, l. quodcumque 45. de V. O. sup. sit. de stip. serv. & infr. per quas pers. nob. ob.* Sic etiam nobis & heredibus nostris utiliter stipulamur, nam posse quemque sua persona adjungere heredis personam, scribit Ulp. in *d. l. 38. §. 14.* Hinc formæ illæ stipulationum Jurisconsultis familiares, *Usifrui licere sibi heredique suo, lre agere sibi heredique suo licere, d. l. 38. §. sed si quis 12.* Et quamvis olim nentini liceret solis heredibus stipulari, sed deberet sua persona heredis personam adjungere, ut agebat Ulp.; hodie tamen licet post Constitutionem Just. in *l. un. C. ut a filio. ab hered.* ubi & ab heredibus, & contra heredes incipere actiones, & obligationes, concessit Imp. Possunt & alii utiliter aliis stipulari, de quibus Iul. Viuius ad *h. §.* & nos suis locis. Ad hæc valet stipulatio, si quis stipuletur alii, quum ejus tamen interest, §. 20. *h. t.*, ubi Tribonianus tria ejus rei assert exempla. Primum tutoris, qui administratione cedens a contutore suo stipulatur, *rem pælli salvam fore*: quo casu valere stipulationem, ait Marcellus apud Ulp. *d. l. 38. §. 20.* ea ratione, quia stipulatoris interest, fieri, quod stipulatus est: quum obligatus*

rem sacram, & liberum hominem stipulari in eum casum, quo aut res sacra fieret profana, aut liber servus. Paulus in *l. si in emtione 34. §. 2. de contr. emt.*, Nec enim fas est, ejusmodi casus expectare. Et in *d. l. 83. §. sacram*, Casum adversamque fortunam spectari hominis liberi, neque civile, neque naturale est.

DE INUTILIBUS STIPULAE.

gatus futurus esset pupillo, si aliter res eorum. V. l. 46. §. 3. G. l. 15. de adm. int. Sequendum ejus, qui procurator suo dari stipulatur. Tertium ejus, qui dari stipulatur creditori suo, quia ejus interest, ne vel poena committatur, vel praedialia distrahamur, quae pignori dari erant. d. §. 10. G. d. l. 38. §. 23. Quibus exemplis patet, ideo stipulationem committi, quia stipulator non alienam, sed suam rem agit, quum, quod nostra interest, nostrum sit. Demum valet stipulatio, alii dari, poena stipulationis adjecta sic, Titio dare spondes? Nisi dederis; decem aureos dare spondes? in qua formula, inquit Trib. §. 19. h. r. committitur poena stipulatio etiam ei, cuius nihil interest, puta cuius nihil interest, alteri dari: ceterum poenae adjectionis ipse stipulatoris interest. h. §. Atque in hac specie poena stipulatoris, quanta quanta est, debetur; poenam enim quum stipulatur quis, non illud inspicitur, quid intersit, sed quae sit quantitas, quae conditio stipulationis, ait Ulp. d. l. 38. §. 17. quem transcripsit in d. §. 19. Trib. Hinc non obscure conficitur, labi eos, qui putant, poenam esse accessionem stipulationis, nam si id esset, certe ubi stipulatio est inutilis, poenae quoque adjectio esse inutilis debet; quod secus esse, ostendit in c. §. 19. Tribonianus. Duæ sunt igitur stipulationes inter se distinctæ, quarum una potest sine altera valere, neque vitium nullius per inutilem, ut in simili specie scribit Ulpianus in l. 1. §. 7. de V. O. nisi vero utraque idem vitium infert, quæ causa est, cur poena adjecta stipulationi turpi, & impossibili non debeat, ut superius dictum, tunc enim ipsa poenæ stipulatio turpis & impossibilis videtur. Hæc omnia confirmant quod in d. §. 4. Tribonianus agebat, neminem posse alteri stipulari. Verum id eo spectat, ne alteri adquiratur obligatio: ceterum uti solvatur alteri, recte stipulatur, nempe ea formula, mihi aut Sejo dare spondes? Quod si fuerit factum, obligatio quidem stipulanti acquiritur, solvi tamen Sejo, etiam invito eo, bene potest, ut liberatio ipso jure contingat: sed ille adversus Sejum habet mandati actionem. d. §. 9. l. cum, qui §. 6. h. r. l. ult. §. 4. cod. l. si mihi 23. de fidejuss. l. 9. G. l. 10. de solut. Hujus rei constanter esse illud, quod Julianus inquit apud Ulp. l. sed et si 7. §. 2. de const. pec. & Paulus in l. quod stipulator 10. de solut. & Tryphoninus in l. 1. qui 33. de pign. & Marcianus in l. si mihi 23. de fidejuss. Sejum non habere peritiam, ac proinde sibi confisui suo nomine non posse, neque enim donare, nec acceptum facere, nec pignus, nec fidejussorem accipere posse, quia solutionis tantum causa adjecta est. Quid si quis ita stipuletur, mihi & Sejo dare spondes? Valet quidem stipulatio, sed stipulatori non nisi dimidia ejus debetur, quod in stipulationem deductum est, l. si mihi 210. de V. O. G. h. §. Sane interest, num quis disjunctim, an conjunctim stipuletur. Si disjunctim, solidum stipulanti debetur, nam extraneus solutionis tantum gratia censetur adjectus, & vel ipsa disjunctivæ orationis proprietates satis ostendit, eum, qui sibi aut Sejo stipulatus est, voluisse solidum uni dari, si alteri non datur; etsi nihil veteri, quin promissor partem extraneo, quod reliquum est, stipulatori solvat, l. quum decem 71. pr. de solut. Si conjunctim, dimidium debetur, nam conjunctivæ orationis ea vis est, ut idem conjunctis communiter debeat, & ipsa personarum enumeratio partes faciat. Eum, qui ita stipulatur, inquit Julian. l. 46. pr. de V. O. Mihi & Titio decem dare spondes? Versimilius est, semper una (e) decem communiter sibi & Titio stipulari: sicuti qui legat Titio & Sempronio, non aliud intelligitur, quam una decem communiter duobus legare. Quumque in hac specie adjecto utpote extraneo acqui-

ri per

ri per alium obligatio non possit, §. 4. *h. t.* necessarium est dicere, stipulationem sibi dimidium adquirere, nihil autem adjecto deberi. *Si mihi & Titio*, in cuius potestate non sum, stipuler decem, verba sunt Pomponii d. l. 1. *co. de V.O.*, non tota decem, sed sola quinque mihi debentur, pars enim aliena deducitur, ut quod extraneo (f) **INUTILITER** stipulatus sum, non augeat meam partem. Quod si quis ei stipuletur, qui iuri suo subiectus est, puta pater filio, sibi adquirat, quia vox patris tanquam filii, sicuti & filii vox tanquam patris intelligitur, d. §. 4. Id tamen verum est in *his rebus*, quae patri adquiri possunt, ut subdit Tribi, ilque est Pauli sententia in l. *dominus 39. de V.O.* ibi, secundum quod leges permittunt. Quod uberior ac planius idem Paulus exequitur in l. 30. ff. *de off. iud.* his verbis: *Quod dicitur, patrem filio utiliter stipulari, quasi sibi ille stipularetur, hoc in his verum est, quae iuris sunt, quaque adquiri patri possunt; alioquin si factum conseruat in personam filii, inutilis erit stipulatio, veluti ut tenere ei, vel ut ire agere liceat.* Idem ius est, si dominus servo suo stipuletur. d. l. *dominus 39.* Et quoniam hæc ita scripta sunt ob ius potestatis, constat, patrem filio emancipato inutiliter stipulari, quo pertinet Diocletiani rescriptum in l. *si genero 26. Cod. de iur. dot.* quod hunc habet sententiam, ut ne ipsi quidem filio emancipato ex stipulatione patris obligatio nulla vel actio competat. d. l. *si genero.* Obstat videtur Ulpianus in l. *quodcumque 45. §. 2. de V.O.* *Si quis ita stipulatus sit, POST MORTEM MEAM FILIAE MEAE DARI?* (quæ formula de filia emancipata concepta est) *utiliter erit stipulatus, & filia utilis actio competit.* Verum id peculiare est, & in sola dotis causa locum habet. l. *Cajus 45. ff. solut. matrim. l. 7. C. de pact. conu.* nec, si recte pater filio etiam emancipato stipulari posset, Ulpianus filiae tantum emancipatae exemplum afferret. Douel. ad d. l. 38. §. *alter 17. n. 60.*

§. III. **INUTILITER** §. XXI. Huc denique pertinet stipulatio, qua quis alienum factum promittit, nam inter stipulantem & promittentem negotium contrahitur. Itaque alius pro alio promittens, daturum facturumve eum, non obligatur, nam de se quemque promittere oportet. Paulus in l. 83. *pr. h. t.* Idemque scribit Ulpianus in c. l. 38. ff. *cod.* & Paulus in l. *sicut reus 65. de fide ius.* Neque alium obligat, quia nemo ex contractu alterius obligatur l. 3. *C. de no. ux. pro mar.* Eo dumtaxat casu alieni facti promissor tenetur, quum penam quoque, vel quanti ea res sit, stipulanti promissit. §. 2. l. 3. *C. de l. 38. §. 2.* in hac enim specie promissor factum magis suum promittere videtur, quam alienum; quippe quum iam ipsius iuteretur. Obligatur etiam, si effecturum se promiserit, ut alius det, non enim factum alium spondet, sed operam suam, c. l. 3. *C. de l. 83. pr.* ubi Paulus, *Qui spondet, dolus malum abesse, abfuturumque esse, non simplex abnuntium (g) spondet, sed curaturum se, ut dolus malus abfi.* Idemque verum esse inquit in illis stipulationibus, *habere scire, item, neque per se, neque*

per

(f) Mirari satis non queo, Arnoldum Vinnium aliquantulo confidensius asserere in Comm. ad h. §. num. 9., in hac specie nihil fuisse de adjecto nominatum a veteribus definitum. Et vero eum abunde refellunt Pomponii verba, ut quod extraneo **INUTILITER** stipulatus sum, quibus nihil apertius.

(g) Glossæ abnuntivum interpretatur. Abnuntivum igitur est negans ab abnuntiare, quod Festus interpretatur, sæpe abnuntiare. Hinc oratio abnuntiva apud Marrianum Capel. & Florentinus Capel lib. de Orthographia, Confessiva, inquit, vox fit ex duplici voce abnuntiva, ut non nolo, (oscendo enim me velle) & non nescio &c. Cujas. ad l. 38. de V.O. §. 19. Obs. 26.

per heredem suum fieri, quo minus fiat. Advertendum est tamen hic discrimen inter curare, & facere, nam qui se facturum promisit, ut alius daret, ipse dare cogitur, nisi ille dederit, quia nemo facere potest, ut ego habeam, nisi mihi dederit, ut in re simili aiebat Cajus in l. si heres 73. de leg. 1. Non est igitur satis expromissorem dare. At qui se curaturum promisit, ut alius daret, eum Labeo ait apud Ulp. illa stipulatio 67. §. 1. de V. O. reum locupletem dando liberari. Idemque ex sententia Labeonis tradit Celsus in lult. §. 1. de reb. cred.

§. VI. Ratione personæ inutilis est stipulatio, si vel ab eo stipuleris, qui tuo juri subjectus est, vel is a te stipuletur; ut enim paullo ante dictum est, pater, & filius, dominus & servus in iis, quæ juris sunt, pro eodem habentur; nemo autem potest a se ipse stipulari, & sibi ipse obligari l. heres 21. §. 3. de fidejuss. Hinc scribit Pomponius in l. 6. de O. & A., actiones adversus patrem filio præstari non posse, dum in potestate est filius, nisi ex castrensi peculio, quæ est exceptio Caji in l. iis nulla 4. de jud. quia in eo filius pro patrefamilias est l. 3. de S. O. Maced. & fortasse idem est hodie dicendum de peculio adventitio, cujus proprietas ad filium pertinet. Nov. 117. cap. 1. Et tantum distant filiusfamilias, & servus, quod servus non domino solum, sed etiam aliis ex contractu civiliter non obligatur l. servi 14. de obl. & act.; at de cetero scribit Cajus in l. 39. ff. eodem tit., cum ex omnibus causis, tanquam patrefamilias obligari, & ob id agi cum eo, tanquam cum patrefamilias, posse.

§. VII. Inutilis quoque est stipulatio, si quis aut mutus sit, aut surdus h. §. Et de mutis quidem, inquit Cajus in l. 1. §. 14. de obl. & act., Mutum nihil pertinere ad obligationem verborum, natura manifestum est; neque enim interrogare potest, nec respondere: & generaliter sic scriptum est, frustra mutum ad ea omnia adhiberi, quæ non nisi verbis expediuntur, hoc est λόγῳ πρῶτον. Hinc non arbitrari, non judex dari, non auctor esse pupillo, non vindicta manumittere, non heredem nuncupare, non demum cernere hereditatem potest, quia in his omnibus verba, & solemnes olim formulæ requirebantur. l. 9. §. 1. de recept. qui arbit. l. quum Prætor 12. §. 2. de judic. l. 3. de auctor. tut. d. 10. de man. vind. Ulp. fragm. 20. §. 13. l. §. 5. ult. de adq. her. Ulp. frag. 12. Contra ubi non voce, sed presentia opus est, mutus si intellectum habet, potest videri respondere, ait Paulus in l. pupillum 111. de R. J. ideoque recte expedit ea, quæ nutu solo consistunt, ut Modestinus loquitur in l. obligamur 52. §. ult. de obl. & act. ad quem locum v. Gothofred. Appositæ Quintil. lib. 11. c. 3. Gestus pleraque etiam citra verba significat. Quippe nutus etiam declarant nostram voluntatem, & in mutis pro sermone sunt. Eadem hæc de surdo cauta sunt, quia non exaudit: qui vero non exaudit, respondere non potest l. 1. §. 13. de obl. & act. ubi subdit Cajus, unde apparet, non de eo nos loqui, qui tardius exaudit, (id est, de surdastro) sed qui omnino non exaudit; et si Jubeatius, seu, quod maluit alii, Juventius Celsus Jurisconsultus sive Pater, ut Pancirolus, sive filius, ut putat Merdrandus, testatam reliquerit apud Justinianum in l. discretis 10. C. qui test. fac. nullum esse, qui penitus non exaudiat, si quis supra cerebrum illius loquatur. Id quidem fabulosum existimat Vinnius hic, ut & illud, quod ibidem scriptum est, fieri posse, ut surdus natus articulatam vocem edat: at constare sibi exemplis pluribus, inquit Cl. Heineccius in Not. ad Vin. hic, surdos a nativitate articulatam vocem edere posse. V. Sam. Stryckii de Jure sensuum Diff. 4. cap. 1. §. 21. Multa pro Juventio Cello assert. Menag. Amoenicæ. 27.

§. VIII. Eadem est causa furiosi, cujus nulla est voluntas l. furiosi 40. de R. J. ipsa autem stipulatio, quæ verbis fit, nisi habeat consensum, nulla est, ait Peditus apud Ulp. l. 1. §. 1. de conventionis 3. de pact. Hinc bene Cajus in l. si a reo 70. §. 4. de fidejuss., Si a furioso, inquit, stipulatus fueris, non posse te fidejussorem accipere, certum est, quia non solum ipsa stipulatio nulla intercessit, sed ne negotium.

quidem ullum gestum intelligitur. Facit Pauli textus in l. 5. de reg. jur.

§. IX. & X. Nunc videndum de pupillis. Hi sic distinguuntur, aut *infantes* sunt, aut *infantia proximi*, aut *proximi pubertati*. Infantiam Stoici septimo anno (h) terminabant, ut muleis adstruit Merillius l. obs. 14. eoque sequenti Jurisconsulti. l. 1. §. 2. de adm. & per. ius. l. 8. C. Th. de bon. mat. l. si quis infans C. de jur. delib. Infantia proximi sunt non qui septimum annum agunt, quod arbitrarit Theophilus, sed qui nuper septimum excefferunt, octavum ingressi; hi enim etsi infantes esse desierint, quoniam vero non multum processere, ad infantiam proxime accedere Jurisconsultis dicuntur. Similis est loquutio Ulpiani in l. deinde 3. ff. de lib. exb., Proxime aetatem prætectati accedere eum dicimus, qui puberem (i) aetatem nunc ingressus est; ubi vides, proxime aetatem prætectati accedere eum dici, qui pupillarem aetatem nuper exceffit: prætectati autem erant pueri non dum puberes, ita dicti a toga prætecta, quam puerilibus vestimentis accenser Ulpianus l. vestis 23. §. 2. de aur. arg. quamque pueri, ac puellæ usque ad pubertatem gestabant. V. Plin. lib. 8. & Macrob. l. Sat. 6. Proximi pubertati (l), quos non multum a puertate atque hâsse, inquit Mæcianus l. 14. de Senatu consulto Silan. & prope pubertatem esse, Ulp. l. apud Celsum 4. §. 26. de deli. mal. excepti, sunt, qui sic distant a pubertate, ut tantummodo semestris tempus reliquum sit. Callistratus in l. non tantum 17. de excus. (m) (n) Jam infantis nulla est stipulatio, nam ejus nul-

(h) Septimus quisque annus ætati signum imprimit, ex sententia Stoicorum scribit Seneca lib. 7. de benef. c. 1., & Censorinus de die natali cap. 14. Fere enim, inquit, post septimum quemque annum articulos, & in his aliquid novi naturæ ostendit.

(i) Male nonnulli Codices, impuberem. V. Ant. Aug. lib. 3. Em. c. 9.

(l) Forsan hi sunt, qui Græcis prætectati dicuntur. Nonius Marcel. cap. 1. n. 341. Prætectati, ais; hi, qui de puertate veniunt ad pubertatem; a Græco vocabulum sumtum. Sane prætectatum Græcis est eniti, contendere. Usurparunt eam vocem Lucilius lib. 8. & 20., & Varro de Compositione Satyrarum apud Nonium ibid.

(m) Hinc intellige eum, qui proximus infantia dicitur, ad præteritum, qui vero dicitur proximus pubertati, eum ad futurum tempus accedere; ut frustra sit Johannes Robertus, qui lib. 3. Contr. 223. contra Cujacium contendit, pubertatis proximitatem non ex antecedente tantum, sed & subsequente quoque anno censi. De eo solliciti sunt interpretes, ut desiniant, quo præprie tempore desinat aliquis dici infantia proximus, & pubertati proximus dici incipiat. Accursus ad hunc locum C. ad l. 1. de novat. illud tempus, quod inter infantiam & pubertatem est medium, puta septennium in maribus, in feminis quinquennium, in duas partes æquales dividit, atque tunc primum aliquem pubertati proximum dici, quum est posteriorem partem ingressus; contra eoque dici proximum infantia, quumque in prioris parte consistit. Alii proximam infantia terminum statuunt annum duodecimum jam exactum; alii decimum tertium: inter quos tamen non est Hotomannus, quod Vinnius scribit; is enim Accursii opinionem suppresso illius nomine adoptat. Hanc opinionem confirmare videtur Servius Grammaticus ad illud Poeta

Alter ab undecimo tum me jam coeperat annus, ubi advertit Servius, describi vicinam pubertati, idemque visum Galeno 3. Aphor. 27. Alii rem, ut ille genus alia, quæ definita satis non sunt, iudicis arbitrio deferunt ad textum in l. 1. Sult. de jur. delib. sicque rem esse ex ingenio potius, quam ex aetate impuberis estimandam sonant. Ego sic iudico, infantia proximum dici, qui sex

nullus est sensus *l. quamvis 32. §. 2. de adq. vel amit. poss.* & in his, quæ animo geruntur, non minus distat a furioso. §. 10. *b. s. l. 1. §. 1. de obl. & ad.* Et quinquam infans proprie sit, qui fieri adhuc per ætatem non potest, jure tamen civili nemo fieri ante septennium intelligitur, quia ante id tempus, quod loquitur, non recte novit. Est id ex sententia Stoicorum. Varro *lib. 3. de l. l. de infante inquit.* Hunc Chrysippus negat loqui; sed ut loqui: quare ut imago hominis non sit homo, sic in cervicis, cornicibus, pueris primitus incipientibus fieri, verba non esse verba, quod non loquantur. Macrobi. *lib. 1. in somn. Scip. Eademque anno, id est septimo, plene absolvitur integritas loquendi.* (c) Hos etiam, qui infantia sunt proximi, non multum a furioso distare, inquit Trib. in *d. §. 10. at propter eorum utilitatem*, subdit Trib. *benignior juris interpretatio facta est, ut idem juris habeant, quid pubertati proximi*, hoc est, ut recte stipulentur. Idem habet Cujas *l. 1. §. 13. de O. & A.* Hic (furioso) proximus est, qui ejus ætatis est, ut non dum intelligat, quid agatur; sed quod ad hunc benignius acceptum est, nam qui loqui potest (nempe, qui major est infantia) creditur stipulari, & promittere recte posse. Ne quis tamen inde conficiat, parem in omnibus esse causam eorum, qui infantia sunt proximi, & eorum, qui proximi sunt pubertati, nam infantia proximus doli capax non est, at doli, & pœna capax est proximus pubertati. *d. l. 1. t. de R. J. l. 5. §. pen. ad L. Aquil. l. 3. §. 1. de sepulcr. vel impuberem 23. de furs. l. 13. §. de dol. mal.* Omnes igitur pupilli, qui supra septennium sunt, & alios sibi, & se aliis obligare possunt, modo, ubi se aliis obligant promittendo; tutorum autoritas accedat. Juxta textum Caji in *l. obligatio. de ant. tut. & §. 9. h. tit. (p)*. Quo differunt pupilli, qui sub tutore est, & filius familias impubes, nam hic, etiam si septennio major, ne patre quidem autore obligatur, §. 10. *h. t. & l. ult. §. 2. de V. O.* Quid ita? Quia tutor, inquit Hot., ob rem male gestam teneatur, pater non tenetur. A vero propius abest ea ratio, quod sui juris pupillus non tutori acquirit, sed sibi; quo fit, ut in ejus commodum, redundet, quod eo modo, quo possit, nempe autore tutore obligetur alteri, nam

alias

fax ab infantia minus nondum excessit, quemadmodum Callistratus inquit in *d. l. 17.* pubertati proximum esse, cui semestre tantum deest. Nec probo eorum sententiam, qui proximitatem infantia ad ares annex, & quarti dimidium, vel etiam ultra, producant; quemadmodum enim, cui plus quam semestre deest, eum pubertati proximum dici, vixit Callistratus, quia multum videtur a pubertate distare; ita qui plus quam semestre a septennio processit, infantia proximus dici non potest, quia nimis ultra videtur progressus. V. Cujac. sub nomine Antonii Mercatoris adversus Robensum hac super re differentem *lib. 3. c. 23.* & Jacobum Gerbad. *l. pupillum 121. de R. J.*

(n) In Cujacio Neapoli edito anno 1722, quo nostri videntur adolescentes, tom. 3. Comm. ad *b. s.* perperam hac lex reponitur sub tit. ff. de exerc. ad. & art. 17. obs. 4. ad titulum suum refertur. Quomodo autem Cujacius, & post eum Everardus Otto hic ex *d. l.* colligant, pubertati proximum esse, qui semestri, aut etiam anno a pubertate distat, quum tamen ea lex de semestri tantum loquatur; ego quidem ignore. Video eundem Cujacium 17. obs. 4. eandem legem de semestri tantum interpretari.

(o) Infantem Stoici non dum rationalem dicebant, cumque brutis animantibus ad similes habant. Senec. *ep. 121.* Quomodo intaus conciliari constitutioni rationali potest, quum rationalis non dum sit? & *ep. 124.* Non magis infans adhuc boni capax est, quam arbor, aut murem aliquod animal.

(p) V. dicta ad *lib. 1. tit. 21. pr.*

alias nemo esset cum eo contracturus, si obligare semper posset, nunquam obligari: ac filiusfamilias impubes patri acquirit, ac proinde nulla ejus utilitas facere potest, ut obligetur, autore patre, qui, quum e re sua futurum prospexerit, obligationem suscipere, ipse poterit promittere. In ea tantum specie pater filio recte autor erit, quum non patris, sed legitimi adventitiorum filii bonorum administratoris jure censeatur. *si infans 18. in fin. C. de jur. delib. l. ult. §. in autem 4. in fin. C. de bon. qua. lib.*

§. V. juncto §. XVI. l. Ratione formæ, ut ajunt; externæ, puta conceptionis verborum inutilis est stipulatio, si non sit apposite ad interrogata responsum. Potest autem responso ab interrogatione differre, vel qualitate ipsa stipulationis, vel quantitate rei in stipulatum deductæ. Si primum, tota inutilis est stipulatio: *Si quis simpliciter interrogatus, inquit Ulpianus l. 1. §. 3. de V. O., responderis, si illud factum eris, dabo: non obligari eum, constat. Aut si ita interrogatus, intra Kalendas quintas (q) 1 responderis, dabo idibus: aque non obligatur. Non enim sic respondit, ut interrogatus est. Et versa vice si interrogatus sub conditione, responderis pure, dicendum erit, eum non obligari. . . . nisi stipulatori diversa responsionis illico placuerit; tunc enim alia stipulatio contracta esse videtur. Sed bene monet hic Tribonianus, tunc viciari stipulationem, quum promissor diserte aliud exprimit ab eo, de quo interrogatus est, nempe si cui sub conditione, vel in diem stipulanti respondeat quis, *Præsenti die spondeo: nam si id solum respondeat, promitto, breviter videtur in eandem diem, vel conditionem spondisse; neque enim necesse est, in respondendo eadem omnia reperi, quæ stipulator expresserit. Eleganter Cic. pro Cæcili. c. 3. Si quis, ait, quod spondisse, quæ in re verbo se uno obligavit, (id est, spondeo) id non facit, maturo judicio sine ulla religione judicis condemnatur. Vide exemplum Plauti in *Pseud. act. 4. sc. 6. v. 15.* quod bene illustravit Perizon. ad Sautii Minerv. p. 414. Si alterum, inutilem quoque esse stipulationem, inquit Tribonianus eo exemplo, *Si quis decem aureos a te dari stipulatur, tu quinguo promittis, vel contra. At verò Ulp. in d. l. 1. §. 4. de V. O. non omnino inutilem hujusmodi stipulationem judicat: Si stipulanti mihi decem, inquit, tu viginti respondeas, non esse contractam obligationem, nisi in decem, constat. Ex contrariis quoque si, mo viginti interrogans, tu decem respondens, obligatio nisi in decem non erit contracta; licet enim oportet, congruere summam, attamen manifestissimum est, viginti & decem inesse. (r) Quis autem non videt, multo***

(q) Hoc est, intra menses quinque, ut apud Celsum, intra Kalendas tertias, id est, intra menses tres. *Libet homo §. si ita scriptum de her. inst. Est hac locutio a more fœneratorum ducta, qui in singulas Kalendas Roma stipulabantur auras l. l. de rebor. Fecit illud Horatii Epod. ad. 2.*

. fœnerator Alphius

Omnem relegit idibus pecuniam,

Quærit Kalendis ponere.

Et 1. ferm. 3. v. 86.

Odisti & fugis, ut Drufonem debitor æris,

Qui, nisi quum tristes misero venire Kalendæ,

Mercedem aut numos unde unde extricat.

Unde Kalendarium pro eo codice, ubi creditorum nomina inserlebantur l. pen. ff. si cert. per. l. ult. de pec. l. 88. de leg. 2. & Kalendarium exercere fœneratores dicebantur l. 33. §. 1. & l. 39. & l. 41. §. 5. de leg. 3. & in Kalendarium conversa pecunia erat pecunia fœnore occupata. l. 39. §. 14. de adm. tut. l. 62. de leg. 3.

(r) Ulpiano consentit Paulus in l. 83. §. 3. de V. O., ubi ait, Diversa causa est sum-

multo propius ad naturalem æquitatem accedere Ulpianum, quam Tribonianum : Apertissime inter se diffidit Jurisconsultos, ajunt Horomanus, Antonius Matæus, Wisembachius, & alii. Corasius dormitasse Tribonianum scribit ad d.l. 1. §. 4.; excusari tamen posse subdit ex communi illa Interpretum opinione, cum hujusmodi stipulationem non omnino inutilem dixisse, sed quatenus interrogatio, & responsio non concurrunt, & ita vitiari quidem pro excessu, hoc est pro majori summa, in qua dissensum est, non etiam pro ea, in quam partes utrinque consenserunt : quæ Ulpiani sententia est. Eodem fere modo Tribonianum explicat Vinnius, Huberus, & alii, inter quos novissime Everardus Otto ad h. §. inquit, Tribonianum Ulpiani responsum non pleue hoc loco exscripsisse, sed hunc *§. ex ff. suppleendum nobis reliquisse*. Ego sic sentio, non Ulpianum, quod putant plerique, sed Cajum fuisse a Triboniano descriptum. Cajus enim scribit lib. 2. Inst. tit. 9. §. 10., *vel si creditor decem solidos debitorem interroget, & debitor quinque promittat, hoc ordine integrum debitum vacillare cognoscitur*. Nec dubitandum est, quin hujusmodi stipulationem omnino vitiari, post Cajum crediderit Tribonianus, namque is primum generaliter ait, *Præterea inutilis est stipulatio, si quis ad ea, quæ interrogatus fueris, non respondeat*; tum duo subiungit exempla, *Veluti si decem aureos a te dari stipuletur, tu quinque promittas, vel contra: aut si ille pure stipuletur, tu sub conditione promittas, vel contra*. Quemadmodum igitur is omnino inutilem credidit eam stipulationem, in qua interrogatio qualitate ipsa differt a responsione, quod est alterum exemplum, ita & eam, in qua interrogatio rei quantitate differt a responsione. Præstat igitur dicere cum Jano a Costo ad h. §. & Oiselio ad Cajum loco cit., Veteres Jurisconsultos in diversas partes abisse, eorumque alios jus summum sequutos stipulationem hanc prorsus inutilem pronunciasse, summo enim jure nulla est, quum interrogatio, & responsio non exacte conveniunt; alios æquitatem sectatos stipulationem pro ea tantum quantitate inutilem putasse, quæ excederet; quum quia jam partes in aliquid æque consentiunt; tum quoniam minor summa inest majori, quæ est ratio Ulpiani in d. l. 1. §. 4.; quo fit, ut videatur promissor satis apposite respondisse. Tribonianus hoc loco subscribit Cajo: at sane is in eo peccavit maxime, quod contrarium Ulpiani locum (qui mos est hominis) in Paudectis reliquerit; & plane operam ludunt, qui Triboniani osecitantiam excusant. Unus restat amovendus obex, nam si quis plures res una verborum conceptione comprehendat; promissor autem unam ex his, vel quasdam se daturum spondeat, obligationem in his, pro quibus spoponderit, contrahi, scribat Tribonianus §. 18. h. l. 1. Ejusdem vero generis videtur esse ea stipulatio, in qua responsio ab interrogatione sola quantitate differt, ut proinde utraque stipulatio pro ea parte debeat consistere, in quam partes utrinque consentiunt. Verum hoc inter duas hæc stipulationes discrimen est positum. In specie, quam Tribonianus tractat §. 5. una est stipulatio, quia una est summa: at in specie, quam exhibet §. 18. tot sunt stipulationes, quot sunt res in stipulatum deductæ: ideoque in priore specie tota stipulatio vitiatur, quia responsio interrogationi non congruit: in posteriore recte contrahitur obligatio, quia videtur promissor ad aliquas stipulationes respondisse. *Scire debemus*, inquit Ulpianus l. 29. de V. O., *tot esse stipulationes, quot sum.*

summatarum: veluti, decem, aut viginti dari spondes? hic enim, etsi decem sponderis, recte responsum est: quia semper in summis id, quod minus est, sponderi videtur.

summa sunt, totque esse stipulationes, quot species sunt Si pecuniam quis, qua in conspectu est, stipulatus sit, vel acervum pecunia, non tot sunt stipulationes, quot numerorum corpora, sed una stipulatio, nam per singulos denarios singulas esse stipulationes, absurdum est (Hanc rationem illustrat Cofasius ad d. l.) Sed & familia, vel omnium servorum stipulatio una est. Itemque quadriga, aut leſſicariorum stipulatio una est. (Idem semper jus obtinet, quum plura corpora collectim, hoc est verbo uno generali, & communi significantur.) At si quis illud, & illud stipulatus sit, tot stipulationes sunt, quot corpora. Et rursus Ulpianus l. 86. eod. ait, Quod dicitur, tot stipulationes esse, quot res, ibi locum habet, ubi res exprimuntur stipulationi. Ceterum, si non fuerint expressa, una est stipulatio. Jam vero ubi plures nominatim res in stipulationem veniunt, qui verbo hoc uno, Spondeo, vel, Promitto, respondet, propter omnes teneatur, d. §. 18; poterat enim aliquas excipere, & non excepit, verbo usus generalis, quod vi sua refertur ad omnes. Exempli loco esse potest vetus deditionis Collatinorum formula apud Liv. lib. 1. cap. 37., ubi uno verbo deduntur omnia. Deditisne vos Populum Collatinum, urbem, agros, aquam, terminos, dolubra, mensilia, Divina humanaque omnia in meam Populique Romani ditionem? Dedimus.

§. XII. juncto §. XVII. Ex eodem capite inutilis est stipulatio inter absentes concepta, quia absentes verbo non exaudiri. b. §. & l. 1. pr. de V. O. l. 3. C. de contr. stip. l. 3. C. de inut. stip. Quod uberius enarrat Ulp. d. l. 1. §. 1. his verbis, Qui praesens interrogavit, si antequam sibi responderetur, discessit, inutilem efficit stipulationem. Sin vero praesens interrogaverit, mox discessit, & reverso responsum est, obligat; intervallum enim medium (s) non ratiavit obligationem; nisi extraneum negotium, & nihil cum stipulatione commune habens interpositum sit l. continuus 137. ff. eod. Non me movet Paulus in l. ea, quae 57. de domini. vir. ubi stipulationem vocat uxoris sponſionem Domino (t), nempe viro suo, per literas mis-

(s) Vulgata habet, modicum, quae vox continuum stipulantis, & promittentis actum explicat, qui aliqua naturae momento, ut Venulejus loquitur in l. 137. interruptus non censetur. Verum id non est ita intelligendum, ut longiuscula mora excludatur, nam, si promissor ad alia negotia non discesserit, jure potest altera die respondere; quod non obscure colligitur ex d. l. 137. ubi Venulejus, Ceterum, inquit, si post interrogationem promissor aliud acceperit; (vel, ut in vulgata est, aliud agere coeperit) nihil proderit, quamvis eadem die sponſionem dedit: Idemque aperissime irradit Venulejus idse in l. si ex duobus 12. ff. de duobus reis.

(t) Viri ab uxoriſ Dominii appellati. l. Lucius §. quae marito de leg. 2. luxorem §. sponſamento de leg. 3. si quaeant C. de inoff. donat. Virg. 4. Aeneid.

Counubia nostra

Reppulit, ac dominum Aeneam in regna recepit. Ovid. ep. 4.
Elige de vacuis, quam non sibi vendicet alter, consil. ad Cidippen.
Si nescis, dominum res habet ista suum.

Et apud eundem Ovid. Fast. 2. sic de viro suo Lucretia.

Mittenda est domino (nunc nunc properate puellae)

Quamprimum nostra facta lacerna manu.

Sic in Plutarchi libello De claris mulieribus Timoleontis uxor Aristotimi captivam maritum appellat Dominum. De hac re ita Chryſost. 1. ad Cor. c. 9., Quia uxores viris subditas esse oportet, apud veteres maritos dominos vocabant. Idem habes in Sacris Literis Genes. 18. Reg. 3. Judic. 19. Et generaliter Domini veteribus dicti sunt Paſcesfamilias, quae de re Macrob. 1. Sat. 2. Et Sane Dominus proprie Latinis est,

missam. Non enim ipsa epistola stipulatio est, sed stipulationem jam inter presentes factam continet. Plane scriptura, ubi verba præcesserunt, cautius lo-
co est, l. i. *C. de contr. stip.* Et consuevere olim Romani stipulationes probationis
caussa in scriptum redigere l. Titia 134. §. 2. & l. seq. §. penult. V. O. l. 700. 11. §. 1. *de*
duob. reis; unde Cic. pro Q. Roscio Comædo 1. 13. *Quis est*, inquit, *hujus stipula-*
tionis scriptor? testis? arbiter? quis? At quoniam hinc cavillandi dabatur occasio,
forte enim reus causabatur, se, vel adversarium suum stipulationi non adfuisse,
nec factis expedita res erat, uter probandi onus haberet, jure factam, aut non
factam stipulationem, actorne, an reus; sapienter quidem constituit Justinianus
inoptimam 14. *C. de contr. stip.*, si scriptum sit, inter præseutes rem fuisse actam,
id esse credendum, si tamen in eadem civitate utraque persona in eo die commanet,
in quo hujusmodi instrumentum conscriptum est; nisi is, qui dicit, sese vel adver-
sarium absuisse, tiquidem ac manifestissimis probationibus, & melius quidem si per
scripturam vel saltem per testes undique idoneos, & omni exceptione majores osten-
derit, se se vel adversarium suum eo die civitate absuisse. Quemadmodum autem
pro instrumento est præsumptio veritatis, puta verum esse, quod scriptum est, ita
& præsumtio solennitatis, nempe, quod gestum asseritur, id fuisse rite, & or-
dine expeditum. Sic si scriptum in instrumento fuerit, promississe aliquem; perinde
habetur, ac si interrogatio præcedente responsum sit. §. 17. l. 1. quæ verba de-
scripsit Tribonianus ex Paulo lib. 5. *sen. tit.* 7. §. 2.; eorumque non ea est sententia,
quam comminiscitur Salmasius de *Usur.* c. 6., si scriptum sit, aliquem promississe,
hoc perinde valere, ac si quis interrogatus respondisset; sed vero hæc, si scri-
ptum sit, aliquem promississe, idoneam hinc nasci præsumtionem, interrogatione
præcedente responsum fuisse; idque demonstrant ipsæ dicendi formulæ, quas
in hac specie adhibent Jurisconsulti; nam Paulus *loc. cit.* ait, perinde HABETUR,
Ulpianus in *l. sciendum* 30. de V. O., VIDERI omnia solenniter acta, & idem Pau-
lus in l. Titia 134. §. 2. *cod.*, INTELLIGENDUM, præcessisse verba stipulationis,
Supposita igitur præsumptio autoritate quidem juris firmata, sed quam tamen
contraria eludit probatio, l. *juris gentium* 7. §. *quod fore* 12. de pact. Pro Salmasio
videtur facere Modestini locus in l. Tutor 41. §. 2. de *usur.*, ubi quom ab Aulo
Agerio Caius Sejus mutuam quandam quantitatem accepisset hoc chirographo,
Illo scripsit, me accepisse, & accepi ab illo mutuos & numeratos decem, quos ei
reddam Kalendis illis proximis cum suis usuris placitis inter nos; quumque effect-
quæsitum, an ex eo instrumento usura peti possent, & quæ; Modestinus respon-
dit, si non appareat, de quibus usuris conventio facta sit, peti eas non posse. Ex
quo loco Salmasius conicit, uluras nudo pacto constitutas perinde valere, ac si
fuisset in stipulatum deductæ, nempe quia is, qui mutuum accepit, scripto
usuras promittit. Verum acute deprehendit Gerardus Noodt lib. 3. de *sanore* c. 2.,
in specie Modestini subjectam nudæ pactioui stipulationem fuisse, eam vero non
apparere, quia consultor non integrum chirographum Modestino proposuit, eam-

can-

est, qui domui præst: quo factum, ut honoris gratia Domini nomine salutato fio-
ret. l. *Nesennius* pr. ad leg. *Falcid.* V. *Marcel. Donat.* in *Lib. & Suet. tom. 6. Thef. Crit.*
p. 86. & 453. Inter eum uxores utri Dominas; & Domnas vocarunt, l. uxorem de
leg. 3. l. uli. §. 1. de auro & arg. leg. & l. Titia §. 1. de ann. leg. *Epist. Enchirid.* c. 62.
Quod a Græcis præsumptum scribit Servius, nam uno vocabulo uxores, ac Domi-
nas dicuntur dicunt. Nec prætereunda videtur mihi conjectura Panciroli *Var. Lect.*
lib. 1. c. 76. pro dignitate personarum conjuges his nominibus honoratas, ac forsan in-
adductis legibus libertos patronas suas habuisse uxores. V. *Meril.* l. 16. 36.

cautum parte contentus, quæ ad rem facere videretur. Quam conjecturam confirmat et ratio, quod primus omnium Justinianus induxit Nov. 136. c. 4. ut usuræ ex nudo pacto argentariis deberentur.

§. XI. Ratione formæ, ut ajunt, internæ inutilis est stipulatio sub impossibili conditione concepta. §. 11. h. t. l. 1. §. item 1. de O. & A. l. impossibilis 7. l. si stipulor 35. de V. O. Et non solum stipulationes, sed & cæteri contractus impossibili conditione vitiantur, quia in eare, quæ ex duorum pluriumve consensu agitur, omnium voluntas spectetur: quorum proculdubio in hujusmodi actu talis copitatio est, ut nihil agi existiment appposita ea conditione, quam sciunt esse impossibilem, verba sunt Mæciani in l. non solum 31. de O. & A. Secus se res habet in ultimis voluntatibus, quibus impossibiles conditiones nihil nocent, ac remittuntur, quæ de re dictum ad §. 10. de her. inst. Duo sunt autem genera impossibilium, unum eorum, quæ natura fieri non concedit, atque hæc proprie impossibilia sunt: alterum eorum, quæ leges fieri prohibent: atque hæc jure impossibilia dicuntur d. l. si stipulor 35. pr. & §. 1. ubi Gothofred. l. continuus 137. §. quum quis 6. ff. eod. Elegans est illud Papiniani dictum in l. filius 15. de cond. inst., Quæ facta contra bonos mores sunt, nec fieri nos posse, credendum est, Nec solum naturæ impossibiles, sed turpis etiam conditio vitiat stipulationem d. l. 35. & 137. & generaliter verum esse, ait Ulpianus l. 26., turpes stipulationes nullius esse momenti, velut isti quis homicidium, vel sceleris legium, vel aliquid simile se facturum promittat, l. 17. & 123. eod. l. 5. C. de cond. ob turp. caus. (u). Jam impossibilis conditio aut ait, aut negat; ait, veluti hæc,

si di-

(u) Non erit abs re illud hoc loco paucis disquirere, num qua mulieres turpem quæsum faciunt, ea possint jure petere, quod sibi ob usum corporis promissum est? Negat Glossa ad l. item si 4. §. sed & quod meretrici 1. de cond. ob turp. caus. Affirmant Antonius Faber ad d. l. 4. §. 1. & Covarruvias ad reg. petatum 4. de reg. jur. in 6. relect. 2. §. 1. eo tamen discrimine, quod Faber id de illis tantum meretricibus intelligendum contendit, quæ palam prostant, hoc est passim, & sine delectu, ut exponit Ulpianus ad Legem Juliam, & Papiam l. palam 49. §. 1. ff. de ritu nupt.; at vero Covarruvias de iis etiam, quæ occulte fornicantur. Ego sic rem jure civili transigendam judico. Si quid meretrici promissum sit, eaque nondum sit turpiter passa, neuter obligatur, quia in re turpi fidem servare, turpissimum est; nec ferendum. Si quid promissum sit, nec tamen datum, idem jus esto, etiam si corpore copula facta sit, quia tunc factum ipsum turpitudinem adauxit; quæ prodesse meretrici ad actionem non potest, nec publica judiciorum honestas patitur, hujusmodi actiones admitti. Si quid autem meretrici sit datum, id condici non potest, regula enim juris est, ubi vel dantis, vel dantis, & accipientis turpitudine versatur, solutum non posse repeti: at bene posse, ubi it tantum, qui accipit, turpiter facit. l. 3. & 4. §. 1. ff. l. 5. C. de condit. ob turp. caus. Jam meretrix est turpiter faciat, quod sit meretrix, non turpiter tamen accipit, quum sit meretrix, d. l. 4. §. 3. Hinc Lena apud Plautum in Asina act. 1. sc. 3. v. 121 . . . Quid me accusas, inquit, si facio officium meum? neque ex eo, quod meretrix non turpiter accipiat, recte colliges, eam non turpiter petere, nam quædam etsi honeste accipiuntur, inhoneste tamen petuntur, ajebat Ulpianus in l. 1. §. proinde 3. de extraord. cogn. Juris hic describere Ulpianus verba in d. l. 4. §. 3. Sed quod meretrici datur, repeti non potest, ut Labeo, & Marcellus scribunt, sed nova ratione, non ea, quod utriusque turpitudine versatur, sed solius dantis, illam enim turpiter facere, quod sit meretrix, non turpiter accipere, quum sit meretrix. Quæ ratio si minus forte arideat, (videtur enim multis non satis placere, ne ipsi quidem Ulpiano, qui eam novam appellat,

quam

si digito calum itigero (x) : negat, veluti hæc, *si calum non attigero*. Si con-
ditio affirmet, inutilis est stipulatio, si neget, pure facta intelligitur, & res peti con-
stitutum potest. d. §. 1. l. 1. de V. O., quo sensu inquit Ulpianus in l. *impossibilibus*
7. ff. cod., si talis conditio inseratur stipulationi, *si in Calum non adfenderis*,
utilem, & præsentem esse, & pecuniam creditam continere, nempe quia qui sub
condicione est, qua omnimodo extatura (y) est, pure videtur stipulari: quæ est
ejusdem Ulpiani ratio in l. *si pupillus* 9. §. 1. de novat. Atque hoc est, quod vulga
ajunt, quæ condiciones inserendo impossibiles sunt, eas negando necessarias esse.
V. Arist. de Interpret. lib. 3. c. pen.

§. XXXIII. Idem procul dubio judicium esto, quum de alia re stipulator sentit, de alia promissor, nam stipulatio ex utriusque consensu perficitur, d. l. 137. §. 1. ut & quælibet obligatio, l. 1. §. 3. de pact. lin omnibus §. 5. de O. & A.; at non continentur, qui errant: quid enim tam contrarium consensui est, quam error, qui imperitiam detegit, l. 6. per errorem §. 5. de jurisd. l. 5. de jud. Sunt tamen hoc loco multæ species distinguendæ; si enim in solo rei nomine erratum sit, quum de corpore constituterit, placere, ait Ulpianus in l. 32. de V. O., stipulationem valere. Facit l. 4. C. de testam. & §. si quis 29. sup. de leg. 1. si vero in persona ipsa, puta si quis Mævio stipulatur, spondeat, quæ esse Cajum putabat, tota inutilis est stipulatio, ex d. l. 15. de jurisd. & d. l. 2. de jud. juncta l. 9. pr. de heres. i., quia non in nomine solum, sed etiam in ipso corpore erratum est. Quod si error in materia sit, ut si id, quod aurum putabam, quum as esset, stipulatus de te fuero, valet, quod ætium est, ac tenebris mihi hujus avis nomine; (An zps ipsum tradere? Ita placuit Ferrato. An potius id, quod interest? Sic vidum Cujacio.) Ego nunc in medium relinquo; quoniam in corpore transferimus: sed ex doli mali clausula tecum agam, si sciens me sefelloris, l. 32. de V. O. eodemque jure censetur pignus l. 1. in fin. de pign. logatum l. 4. de leg. 2. l. 19. de cond. & dem., & donatio, arg. l. 63. de Edil. edict. l. 18. in fin. de don. At enim hujusmodi error emtionem vitiat l. 1. in venditionibus §. 9. l. 1. seq. de contrah. em. excepta specie Ulpiani in l. quid muner. 24. puta si coheredes viriolum, quæ aurea dicebatur, pretio exquisito uni heredi vendidissent; eaque inventa esset magna ex parte annia: nam venditionem esse constat idem, quia auri aliquid habuit, neque fuit omnino erratum in materia. Video, sed satis aperta est ratio.

Pro-

quam vocem saepe in malam partem accipiunt Jurisconsulti, l. 1. §. 1. ff. quod quisque
jur.) praesto est veluti, quod Respublica, quae sese proficiunt mulieres patiuntur
turperet eas moretriciis quatuor facere patiatur, ubi potius ea, quae
apud Grotium est lib. 2. c. 1. §. 11, quod id, qui dat, quum antequam daret, pro
arbitrio dare posset, ac non dare, tandem dando, dominum sponte sua transferre
videatur. V. Grot. lib. 2. c. 1. Puffendorf. lib. 3. c. 7. §. 8. Dominium Herald. obs. c. 32. Et
contra hunc frustra disputantem Salmasium obs. ad Just. Atr. 23.

(x) Hæc formula in libris juris frequentissima, in proverbium cesserat apud Romanos, Cic. lib. 3. ad Att. ep. 7. Nostri Principes digito se cælum putant attingere. Ovid. 3. de Ponto eleg. 3. . . . Tangam vertice cælum. Hor. lib. 1. od. 1. Sublimi feriam sidera vertice. Propert. lib. 1. eleg. 8. v. 43. Nunc mihi summa licet contingere sidera plantis. Symmachus lib. 1. ep. 46. Nec ego, ut ajunt, supra convexa tetigissem. Alia impossibilium conditionum occurrunt exempla, si in cælum ascendere Impossibile 7. de V. O., si mare ebibere apud Theophr. ad h. §. & §. 10. de her. inst., si terram movere apud Suidam. v. αὐτάρ, Vide Radulphum Forner. lib. 6. rer. quot. c. 29.

(y) : *Vulg.*, *exitura*.

Lib. II.

Prodest stipulatori, cujus dumtaxat commodum agitur, & saltem habere: non prodest autem emtori, qui pro rei æstimatione pretium offert. Eadem est ratio, cur in solutione, quum aurum tibi promissum, ignoranti, quasi aurum, & solverim, non liberer, *l. si quum s. de solut.* nempe quia tua interest, aurum potius habere, quam &. Denique si fuerit in ipsa persona erratum, quæ in stipulatum venit, ut quum de alia stipulator, de alia sentit promissor, quod proprium est hujus §., perinde nulla contrahitur obligatio, ac si ad interrogatum responsum non esset *h. §. l. inter 83. §. 1. l. continuus 137. §. 1. de V. O.*

§. XIII. juncto §. XV. & XVI. Ad hanc impossibilium stipulationum classem retulisse veteres Jurisconsultos hujusmodi formulas, arbitrantur nonnulli, *Post mortem meam dare spondes? Post mortem suam dare spondes?* quia neque accipere mortuus potest, neque dare: ut & has, *post mortem patris mei*, aut, *post mortem domini mei*, nam qui in alienius potestate est, patri vel domini voce loqui videtur, ut scribit in §. 13. Tribonianus: itemque has, *Pridie quam moriar, dare spondes? Pridie quam morieris, dare spondes?* quum enim pridianus dies non constet, nisi post mortem, hujusmodi stipulationum, id esse confectaneum videbatur, ut mortuus vel acciperet, vel daret. Verum si eas impossibilium loco veteres habuissent, cur non has etiam impossibiles judicabant? *Quum moriar, dare spondes? Quum morieris, dare spondes?* Solida igitur veteris juris ratio hæc potius erat, quod absurdum putabant, aut heredem, aut contra heredem obligationes, & actiones transmitti, quæ defuncto, & contra defunctum competere non potuerunt, *l. nam sicut 36. §. 1. ff. ad L. Aquil.* Quæ etiam fuit ratio, cur olim post heredis aut legatarii mortem inutiliter legaretur, §. 35. *sup. de leg.* Habebat tamen ea regula hanc exceptionem, quod si quis mandavit, ut post mortem suam sibi vel heredibus suis monumentum fieret, aut fundus emeretur: heres recte posset mandati agere, *l. si vero 12. §. ult. & l. idem est 13. ff. mandati.* Et Justinianus eam regulam abrogavit *l. un. C. ut ad. ab heredi.* & jam tres ante annos hujusmodi stipulationes valere jussit *l. 1. C. de contr. stip.* qui enim pridie, aut post suam, vel promissoris mortem stipulatur, non proprie sibi, aut ab ipso prohibuisse in id tempus videtur stipulari, sed heredi suo, aut ab herede promissoris; sicque exitum habebit contraheutium consensus, ex quo stipulationes valere, ait *h. §. Tribonianus.* Pati hoc loco non possum, quod Faber & Angelus apud Bachovium contendunt, id ipsum, quod ab Justiniano novissime constitutum, inquit hic Tribonianus, obtinuisse etiam jure Pandectarum ob Pauli locum in *l. centesimis 46. §. 1. de V. O.*; ut enim bene regerit Bachovius, loquitur ea lex de stipulatione concepta in tempus mortis, quum moriar, vel, quum morieris: quam stipulationem & apud veteres utilem fuisse, & nunc valere, scribit Tribonianus in §. 15. *h. l. Fac. l. quodcumque 45. §. 1. & pen. de V. O. l. nam si 17. de cond. indebl. l. 1. §. 1. l. heres 79. §. 1. de cond. & dem. Ulp. tit. 24. §. 15.*; quum enim ipsum moriendi momentum vitæ potius quam mortis darent Jurisconsulti, *l. si filius 28. de cond. inst. (2)* jam ab ipso defuncto; & contra ipsum coeperat obligatio & actio, proin-

(2) *Ea de re in varias partes disputarunt Philosophi.* Gravissimi Philosophorum, inquit Taurus apud Gellium *lib. 6. Noct. c. 13.*, super hac re serio quæsi-verunt. Alii moriendi verbum, atque momentum, manente adhuc vitæ, dici, atque fieri putaverunt: alii nihil in eo tempore vitæ reliquerunt, totumque illud, quod mori dicitur, morti vindicaverunt. Sed Plato noster neque vitæ id tempus, neque morti dedit. Vidit quippe, utrumque esse pugnavit, neque posse ex duobus contrariis ætero manente, alterum constitui. Et idcirco peperit ipse expressitque aliud quoddam novum in consuetudo tempus, quod verbis propriis, atque

proindeque ad heredem & contra heredem transmittitur. Utiles quoque olim fuit, & est adhuc stipulatio *post mortem alterius* concepta. §. 16. h. j. quia hic locum non habet ea ratio, quæ stipulationes post mortem stipulatoris, aut promissoris conceptas inutiles faciebat. Quid si ante mortem ejus, quem stipulator nominavit, stipulator ipse moriatur? Bachovius ait, *ipsum debitum iri ad heredem transmitti*, ut de stipulatione conditionali dictum est §. 4. sup. de V. O. Sed debitum ipsum transmitti, contendit Viunius, & recte, nam hæc stipulatio certum tempus habet, non conditionem. *V. comm. nostr. add. §. 4.*

§. XIV. Demum ratione formæ internæ inutiles sunt stipulationes, quas dicunt præposteræ, nempe quæ conditionem habent in futurum tempus, uti par est, conceptam; at præsentem vero obligationem, quod est, ut Græci ajunt, *ὁπὸν ὁπὸν*; id est enim conditionis proprium, obligationem, quousque existerit, continere §. 4. sup. de V. O. Præposteræ stipulationis exemplum est, *Si navis est Asia cras veneris, hodie dare spondes*? Quis autem non videt, eum, qui tam præpostere interrogatus spondet, nugari potius videri, quam consentire? Verum quoniam Leo Imperator hujusmodi stipulationes in dotibus ratas habuit peculiari Constitutione, quæ intercidit, ut recte Schollastes Theophili; (nam errare Accursium, qui eam in l. 10. C. de jure dot. extare ait, palam est ex ipsa l. 10.) ejus exemplo Justinianus præposteræ stipulationes admisit, perinde ac si, nulla habita præsentis est temporis mentione, aut in diem aut sub conditione factæ essent, & præposteræ 25. C. de test. (aa) Aliud jus est de stipulationibus perplexis, quæ habere exitum non possunt, ut hæc, *Si domum Cajo dederis, eandem domum mihi dare spondes*? Hæc certe conditio existere non potest, ac stipulationem vitiat, ut & heredis institutionem, l. si Titius 16. ff. de cond. inst.

§. XXV. XXVI. & XXVII. De §. 25. dictum ad §. 4. sup. de V. O. i. de §. 26. & 27. dictum etiam ad §. 2. sup. eod.

COM.

atque integris *ὅτι ἔστιν ὅτι* appellavit, id est, momentaneam naturam. Jurisconsulti primam *sen. ent. am* sequuti sunt. Ex hoc principio multa Jurisconsultorum responsa dependent. Emancipatus frater edicto Prætoris cavere debet fratribus, qui in potestate remanserunt, se bona collaturum, quæ moriente patre habuit, non quæ mortuo, Ulp. in fragm. tit. 28. §. 3. l. 6. C. de collat. l. pen. ff. & l. 13. & 15. C. de quo fit, ut si extraneus emancipato filio legat ea formosa, quum pater morietur, hoc quoque legatum conferre debeat, quia non mortuo, sed vivo adhuc patre habuisse intelligitur. Sic post mortem heredis legari non potest; in mortis autem heredis tempus legari potest, veluti, quum heres moriatur. Ulp. tit. 24. §. 15. Denique, ut alia id genus multa præteream, nec post mortem suam res scribitur heres aut legatarius, quum morietur, restissime, l. heres meus de cond. & dem. l. extraneum 9. C. de her. inst. Quod tamen bene Cujactus 2. Obs. 34. de extraneo tantum explicat, non de filio, institutio enim sic concepta, quum filius morietur, ob longiorem moram similis est præteritioni: & sanè nominatim de extraneo rescriptum Impp. in d. l. 9. Igitur ex veterum jurisconsultorum sententiâ sic habet, quæ post mortem inutiliter conferuntur, ea in ipsum moriendi tempus utiliter conferri, quia moriendi momentum vita est. V. plura apud Cujac. loc. cit.

(22) Quis seras Johannem Georg. Effor, qui in animadversionibus ad Heineccii Elementa ad h. t. p. 394. scribit, jure novissimo Justiniani promissorem ex præpostera stipulatione pure obligari ob textum in d. l. 25. i. Quum tamen ibi apertissime Justinianus caverit, in hujusmodi stipulationibus ipsum tempus præsentis reventis, exactione post conditionem vel diem competente.

DE FIDEJUSSORIBUS;

TITULUS XX.

46. ff. 1.

S. C. 41.

Nov. 4.

PRO eo, qui promittit, solent alii obligari, qui fidejussores appellantur: quos homines accipere solent, dant, ut diligentius sibi cautum sit.

1 In omnibus autem obligationibus adsumi possunt: id est, sive re, sive verbis, sive literis, sive consensu contractæ fuerint. At ne illud quidem interest, utrum civilis, an naturalis sit obligatio, cui adjicitur fidejussor: adeo quidem, ut pro servo quoque obligetur, sive extraneus sit, qui fidejussorem a servo accipiat, sive ipse dominus in id, quod sibi naturaliter debetur.

2 Fidejussor non tantum ipse obligatur, sed etiam heredem relinquit obligatum.

3 Fidejussor & præcedere obligationem, & sequi potest.

4 Si plures sint fidejussores, quotquot erunt numero, singuli in solidum tenentur. Itaque liberum est creditori, a quo velit, solidum petere. Sed ex Epistola Divi Hadriani compellitur creditor a singulis, qui modo solvendo sunt, litis contestatæ tempore, partes petere. Ideoque si quis ex fidejussoribus eo tempore solvendo non sit, hoc ceteros onerat. Sed si ab uno fidejussore creditor totum consequutus fuerit, hujus solius detrimentum erit, si is, pro quo fidejussit, solvendo non sit: & sibi imputare debet, quum potuerit juvari ex Epistola Divi Hadriani, & desiderare, ut pro parte in se detur actio.

5 Fidejussores ita obligari non possunt, ut plus debeant, quam debet is, pro quo obligantur. Nam eorum obligatio accessio est principalis obligationis: nec plus in accessione potest esse, quam in principali re. At ex diverso, ut minus debeant, obligari possunt. Itaque si reus decem aureos promiserit, fidejussor in quinque recte obligatur: contra vero obligari non potest. Item si ille pure promiserit, fidejussor sub conditione promittere potest: contra vero non potest. Non solum enim in quantitate, sed etiam in tempore minus, aut plus intelligitur. Plus est enim statim aliquid dare: minus post tempus dare.

6 Si quid autem fidejussor pro reo solverit, ejus recuperandi causa habet eum eo mandati judicium.

7 Græce etiam fidejussor ita accipitur, ὅς ἐστι πῶς καλῶς, λέγω, δῖον, sive ὁρῶμεν. Sed & si quis dixerit, pro eo erit, ac si dixerit λέγω.

8 In stipulationibus fidejussorum sciendum est hoc generaliter accipi: ut quodcumque scriptum sit quasi actum, videatur etiam actum. Ideoque constat, si quis scripserit se fidejussisse: videri omnia solemniter acta.

COMMENTARIUS.

P. Tit. Multa apud Latinos fuisse nomina eorum, qui se pro aliis obligabant. Dicebantur *Vindices*, *Vades*, *Subvades*, *Prædes*, *Subprædes*, *Fidejussores*, *Sponsorēs*, *Adpromissores*, *Fideipromissores*, *Auñores* secundi, de quibus sigillatim. *Vindex* ab eo, quod *vindicat*, quo minus is, qui *preñsus* est, ab aliquo teneatur, inquit *Festus v. Vindex*. De more enim veterum Ro-

ma-

manorum reus ab actore obtorto collo rapiebatur in jus, nisi daret fidejussorem, qui, quod eum ab actoris manu vindicaret, *Vindex* est dictus. (a) De hoc ita in *L.L. 12. Tab.*, *Affiduo* (b) *vindex affiduus* esto: *proletario cuique vales, vindex esto*. *Cic. in Top. c. 2. Gell. lib. 16. c. 10.* Et quoniam reus, ubi in jus venerat, facildare se dicto die adfuturum debebat; qui exhibituos se eum judicio cavebat, & *Vader*, (c) & *Prædes* (d) dicebantur eo tantum discriminare, quod perbellis sic prodit Aufonius *Idyl. 12.*

Quis subis in pœnam capitali judicior VAS.

Quis, quum lis fuerit numaria? Quis dabitur? PRÆS.

Ad

(a) *Videtur Boeth. ad Top. Cic. Vindicem interpretari Procuratorem. Scribit is, Vindex est, qui alterius causam suscipit vindicandam, veluti quos nunc Procuratores vocamus. Et nihil agit Cujacius §. Obf. 29. qui ex vet. lib. legis, Prædiatores, vel potius Prædicatores, nam Vindex nec Procurator est, nec Prædiator, aut Prædicator.*

(b) *Affiduus est locuplet.* *Cic. in Top. cap. 2.* Quum lex affiduo vindicem affiduum esse jubeat, locupletem jubet locupleti, locuples enim affiduus, ut ait *Ælius*, appellatus ab ære dando, vel, ut *marcellus Lambinus*, ab affe dando, quam emendationem sonus ipse vocis suadet. Sed & in eo peccat vulgata hujus loci lectio, quod initio sic habet, Quum Lex *Ælia Sentia*, seu *Sanctia*. Quid enim commune habet Lex *Ælia Sentia*, vel *Sanctia* cum affiduo vindice? Errori causam dedisse videtur ipse *Boethius*, qui tñ lex apud *Tullium*, de *Leg. Ælia Sentia* acceptis in commentario suo, unde tum incuria librariorum textus ipse *Ciceronis* corruptus est. *Alexander ad Cajum lib. 2. tit. 9. §. 2. putat, deceptum fuisse Boethium ex eo, quod Cicero Ælium memorat: quod & probabile est.* & in *Boethio* non ferendum; *Ælius* enim, qui libro *Tripartita* inscripto *Jus Decemvirale* interpretatus est, ut dictum in *Historia juris*, floruit jam multo ante *Augusti ævum*, in quod tempus incidit lex *Ælia Sentia*, de qua *lib. 1. tit. 6.*

(c) De vadis ætymologia sic *Acro* ad *Horatium*, *Vades* ideo appellati, quod qui eos dederit, vadendi habet potestatem; & subscribit *Porphyrinus* ibi, *Vades* autem sponsores dici, notum est, quod ei, qui eos dederit, vadere, id est, discedere interim liceat. *Salmasius de Mod. usur. 16.* hauc vocem Græcæ esse originis arbitratur, nam Græcis: *βάτης* est, qui incedit, ambulat: sed illud contendit, vadem proprie eum esse, qui vocatus in jus ire debet, etsi vas etiam dicatur is, qui fidejubendo ejus vicem subit, nam is pro vade spondet, eum in jus iuram. Probat id *Festus*, qui Prædem dici ait mancipem, qui aliquid a populo emit conducitve, eodemque nomine dici eum, qui spondet pro mancipe. Sic sponsores, & fidepromissores proprie sunt, qui aliquid se facturos soluturosve spondent, ac fide promittunt sua; sicque etiam vocantur ii, qui idem pro aliis promittunt. Ita denique auctor in venditione is esse debet, qui vendit, quia is primus auctor habetur, unde venditio ipsa quandoque auctio appellatur: sed & qui fidem suam pro venditore interponit, secundus auctor nominatur. *Salmasii* opinionem confirmat verbum, vadari, quod non solum est, pro alio se vadem dare, sed & in jus vocare, quo sensu explicandum illud *Horatii lib. 1. sat. 9.*

- - casu tunc respondere vadato

debebat

Vadato, inquit, hoc est et, qui in

jus vocaturus. V. plura apud *Salmas.*

(d) De Præde sic *Varro lib. 5. de L.L.*, *Præ*, qui a magistratu interrogatus, in publicum ut præstet: a quo & quum respondet, dicitur *Præ*. & *lib. 4.*

PRÆ:

Ad eandem sententiam Festus v. *Vadem*, inquit, *Vadem* sponsores significat datum in re capitali. Verum hoc discrimen, ut fieri soleret, perpetuum non fuit; nam Varro s. de L. L. *Vadem* generaliter eum esse ait, qui pro altero vadimonium promissus; & Festus v. *Præ*, *Manceps*, inquit, dicitur, qui quid a populo emit conducivæ, quia manu sublata significat, se auctorem emissionis esse, qui idem *PRÆ*s dicitur, quia tam debet præstare Populo, quod promissit, quam is, qui pro eo *PRÆ*s factus est. V. Sigon. de antiqu. jur. civ. Rom. 4. Biffon. de V. S. v. *Prædes*, & Salmas. de Mod. usur. 16. *Subvades* interpretatur Gothofredus ad 12. Tab. tab. 1. qui fidem suam pro actore interponebant, nam is etiam cavere in publico iudicio debebat, se certo die præsentem adfuturum. Sed longe versosimilius est, quod arbitratr Salmasius, *subvades* fuisse *vadium vades*; hoc est, qui pro ipsi vadibus spondebant, ut *subprædes* erant, qui pro ipsis prædibus fidejubebant; atque hos esse, qui sequentes; & secundi fidejussores in Pandectis dicuntur, ut hi, pro quibus intercedebant, *primi & principales*. L. 27. §. 2. ff. h. t. Sic præ morum similitudine Tertullianus *Subneronem*, & *Cicero Submarium*, hoc est, secundum Neronem, & secundum Marium, dixerit. Hæc erant eorum nomina, qui in iudicio pro alio suo periculo promittebant; qui vero extra iudicium, aut *Fidejussores* dicti, aut *Sponsores*, aut *Adpromissores*. Cl. Heinseus in *Antiqu. ad h. t.* post Salmasium scribit, eo differre *fidejussores*, ac *sponsores*, quod hi a debitore darentur, cui quis volebat credere: illi ultro se offerrent, iuberentque, pecuniam credi sua fide, suoque periculo. Ego vero *Sponsores* proprie eos esse aio, qui se se ultro dabant: quod jam putavit Accursius, & confirmat laudatus Festus, ibi, *Spondere* Verrius putat dictum, quod sponte sua, id est voluntate promittitur. V. Alcizium 1. *Parerg.* 2. Nisi malis eum Cujacio dicere ad Paul. 1. *senso*. *Fidejussores*, *Sponsores*, *Fidepromissores* solis formulis inter se diversos fuisse; qui enim interrogatus verbo, *FIDEJUBES*, respondebat, *FIDEJUBEO*, is erat *Fidejussor*; sicque *Sponsor* erat, vel *Fidepromissor*, qui verbo, *SPONDES*, vel *FIDEPROMITTIS* rogabatur. Ita etiam ex Cujacio sententia *Adpromissor* erat, qui, num *adpromitteret*, rogatus, eo ipso verbo respondebat. *Adpromissores* autem inde dicti, quod alienæ promissioni accedant, idem.

Prædia dicta item ut *Prædes* a *PRÆSTANDO*, quod per ea pignori data publici mancupes fidei præstent. Ex quo loco sic superiorem locum legit Salmasius, *Præ*s, qui a magistratu interrogatus, fidem publico ut præstet. Adde, quod fidem, qua quidem vox deesse videbatur. Pro in publicum substituit, publico; quia, in publicum præstare non putat Latinum esse. Ego vero labi Salmasium puto, si enim Latini elegantissime dicunt, probari aliquid in vulgus, & aliquid in vulgus gratum esse, ut loquutus est Cicero 1. *Parad.* 2. 1. & 2. ad *Attic.* 22. pro in vulgo; cur non etiam liceat dicere, in publicum præstare? De *Præde* sic Festi abbreviator, *Præ*s est is, qui populo se obligat, interrogatusque a magistratu, si *præ*s sit, ille responderet, *præ*s; ad quem locum vide *Scaligeri castigationem*. Ego, ne longum faciam, Salmasii opinionem probo, qui *PRÆ*s, inquit, idem quod idoneus, & locuples, compositum ex *PRÆ*, vel *PRO* & *Æ*s, quemadmodum assiduus est ab *asse* dando, ut supra ostendimus ex *Cicerone*. Ex *Præde* facta ea nomina, *Prædictus*, *Præda*, *Prædia*. Qui igitur populo se obligabat, a Magistratu rogatus, num *Præ*s esset, respondebat, *Præ*s, atque hinc *Prædes* pro *Fidejussoribus* dicti. Qui multa, & quidem rara cupit, adeat Salmas. *ibid.* p. 737. & seqq.

idemque promittant; ut *Adstipulatores*, qui stipulatoribus accedunt. Pomponius l.5. de V.O. *Satis acceptio est stipulatio, qua ita obligas promissorem, ut adpromissores quoque ab ea accipiantur, id est, qui idem promittant.* Sic enim ex autiquis, atque Hierusco Codice legit Alciatus, non, ut vulgo, *Expromissores*. Nam *Expromissores* proprie sunt pro eo promitteutes, qui ipse efficaciter obligatus non est, puta, si quis pro servo quid promittat domino, si eum esse liberum iusserit. Hinc proprie loquutum dices Ulpianum in l. 6. eleganter, *Servus, de dolo, ubi, Debitor, ait, mulieris jussu ejus pecuniam viro expromisit: & in libere jure de donat. ubi, Si quis servo pecuniam credideris, deinde de is liber factus eam expromiserit, non eris donatio.* Facit l.uli. de Senatusconsulto Maced. Erant quoque olim qui *Auctores secundi* dicebantur, nempe qui venditorum, quos *primos Auctores* vocabant, fidejussores erant, ut re evicta satis esset emtoribus consultum. Veteres Glossæ, *Secundus Auctor, & Scaevola*. Et qui a Justiniano Græce dicitur *συσταυτης*, eum Julianus, Antecessor in *Constit. venditionis confirmatorem* appellat. Salmast. *De. cit.* In libro juris, quos Tribonianus contexit, *Vadium* ac *Prædum* non extat mentio, nou quod in veterum Jurisconsultorum fragmentis non extaret, nam Scriptores eorum suppres eas voces meminere, sed quia Tribonianus ea nomina effasit, substituitque nomen Fidejussoris, observante ibidem Salmastio.

S.I. *Omini obligationi fidejussor accedere potest*, inquit Ulp. l.1. h.2. sive re, sive verbis, sive literis, sive consensu obligatio contrahatur, h.5. & l.8. §.1. *ead.* sive naturalis sit, sive civilis. h.5. & l. si stipulatus 6. §.2. & l.7. h.1. Jam quod de naturali obligatione dicitur, sic accipit Vinnius, *Hoc ita si naturalis obligatio etiam vim aliquam jure civili habet; nam si ex eorum genere sit, qua juris civilis auxilio penitus destituitur, nec fidejussor in eam accipi potest, veluti si pro eo, quod prodigus promisit, fidejussor interveneris, l.6. de V.O. (e)*

Quæ

(e) *Quod Ulpianus inquit in d.l.6. de V.O., nec pro eo, cui bonis interdictum est, nec pro furioso fidejussorem intervenire posse; apertissime videtur pugnare cum sententia Marcelli in l. Marcellus h.1. Si quis pro pupillo sine tutoris auctoritate obligato, prodigove, vel furioso fidejusserit; magis esse, ut ei non subveniatur, quoniam his mandati actio non competit. Accursus, Bartolus, & veteres ferme omnes Glossographi, quibus subscribit Vinnius, ajunt, fidejussorem in specie Marcelli obligari quidem suo nomine, non alieno, nempe, ut principalem reum, qui pro non idoneis personis alio intercedens, videtur donasse, non ut verum suum fidejussorem, cui locus non est, ubi principalis obligatio non consistit. Sunt, qui sic pugnantes Jurisconsultos componunt. Marcelli dictum, ajunt, historica narrationis, non legis vim habet. Ita Duarenus ad d.l.6., ubi considerasse Marcellum scribit, non modo nullum esse pupilli, prodigi, vel furiosi incommodum, si fidejussor teneatur, sed & nullam ipsius fidejussoris injuriam, qui sponte sua se pro eis exhibuit; nec nam ideo accusandum Justinianum, quasi pugnans in Pandectas retulerit, is enim, qui omnia Jurisconsultorum responsa vult ita accipi, ac si a se uno profecta essent, tit. C. de vet. jur. enucl., probat in cis. l.6. sententiam Ulpiani; sub sit. autem de fidejuss. Marcelli opinionem historice tantum narras: quod etiam factum, addit, l. quid de creditore, l. qui bona, & superficiarium de damn. inf. Scaevola de rer. div. l.3. de jur. fisc. l. si is, qui pro emore de usus. l.5. §. de arbore de R.V. Subdit quoque Duarenus generalem regulam interpretando juri accommodatam, quum Justinianus aliorum opiniones refert, ita demum eas probare, si alibi sententiam ipse contrariam non expresserit. Eam vero Marcelli opinionem*

si non

Quæ Vinnii verba ideo hic placuit transcribere, quia monitos volui adole-
scentes, quorum nemo est, qui non ejus Commentariis subsidio sibi ad In-
structiones pareat hoc tempore, hunc Vinnii locum sane tenebricosum esse,
nisi ei lux affulgeat ex iis, quæ *sup. ad tit. de Obligationibus* idem Vinnius ha-
bet. Ibi duas facit naturalium obligationum species, alteram earum, quæ
in ætuum juris civilis auxilio destituuntur: alteram earum, quæ non omnino hu-
jus auxilii sunt expertes. Ad priorem speciem refert ea omnia, quæ sine
ulla

ei non omnino placuisse, vel ex eo conficit, quod ex Ulpiano potius, quam ex
Marcello illud caput sumero volueris; ac verisimile est, si Marcelli sententiam
usquequaque probasset, eum descripturum illud caput fuisse cum inscriptione Mar-
celli, non Ulpiani lib. 2. ad Edictum, ubi Ulpianus Marcelli opinionem non ad-
misit. Interroganti autem tibi, unde sit, quod Justinianus Marcelli dictum jure
improbatum sub tit. de fidejuss. legendum proposuerit? respondet Duarenus, sen-
tentiam Marcelli veram esse, & ad tractatum de fidejussoribus multum per-
tinere, tametsi exempla de furioso & prodigo boua non sint. Nam si quis
pro pupillo fidejussit, non ideo subvenietur ejus fidejussori, quia nullum
periculum est, ne fidejussor, qui solverit pecuniam, postea actionem man-
dati adversus pupillum experiatur. Estque locus ille Ulpiani sumtus ex li-
bro ejus 2. ad Edictum sub titulo de minoribus in integrum restitueendis, in
quo similes quæstiones tractabantur in causis de minoribus. Duarenus igitur
in eo Justinianum accusat, quod minus idonea attulerit furiosi & prodigi
exempla, quæ erant certe prætereunda; sed cum in eo loco, aliisque ejusmodi,
quæ historicam tantum narrationem continent, contraria scripsisse negat. Hanc
solutionem rides Contius 2. Lect. 3., sexcentia enim, inquit, occurrunt in Pande-
ctis Jurisconsultorum responsa, quæ sub historica narrationis specie pro lege sunt.
Monet autem is, Marcelli locum corrupte & mendose referri etiam
in libris Florentinis. Nam quid est hoc, inquit, his mandati actio non com-
petit? Hæc quidem verba sic a nonnullis accipiuntur, his, idest, furioso, vel
prodigo mandati actio non competit, idest, actione mandati non tenentur. Sed
hanc interpretationem Latini sermonis proprietas non admittit. Suspiciatur igitur
Contius, duas voces, ei, & his, locum mutasse, legitque, Magis esse, ut
his (hoc est, pupillo, prodigo, furioso) non subveniat, quoniam ei (hoc
est, fidejussori) mandati actio non competit. Sane nihil est necesse, beneficio re-
stitutionis in integrum eis subvenire, quum non possit fidejussor in eos mandati
agere. Quod si quis nolit eas voces loco movere, pro, his, emendari posse sub-
dit, huic, eo sensu, in hac specie non solum pupillo, prodigo &c. non esse opus
restitutione, sed ne fidejussori quidem eorum, est enim satis ipso jure munitus.
Guilielm. Fornerius 3. Select. 24. Marcellum explicat de fidejussore, qui sciens
prudens fidejussit pro pupillo, prodigo, vel furioso jam obligatis, possunt enim
ex re teneri l. furiosus 46. de O. & A. l. si a reo 70. §. si a furioso 4. ff. h. i. Certe
qui sciens fidejussor accessit, quoniam nullus citandi potest error, qui fidejussi-
onem impediatur, l. 37. h. i. jure tenetur exemplo ejus, qui pro servo fidejussit l. 35.
ff. eod. Jacobus Ravara 2. Var. 9. pro non subveniat, legit, ideo subveniat;
erroremque ex notis orum suspicatur; veteres enim pro ideo, scribebant, ion,
quod librariorum vitio ablit in uon. Hæc si ita sunt, Marcelli sententia hæc
est, pupilli, prodigi, & furiosi fidejussoribus ideo subveniri, quoniam his, hoc
est pupillo prodigo vel furioso non competit adversus eos mandati actio, quum
ipsa principalis obligatio non subsistat, ac ne negotium quidem illius gestum
intet.

ulla veræ obligationis necessitate pudori & naturali honestati relicta sunt; cuiusmodi est, pro acceptis beneficiis memoriam & gratum aulum præstare, & id genus alia, quorum nomine si quid per errorem solum sit, iure civili repeti potest, l. 7. C. de cond. ind. l. 9. C. ad L. Fale. Ad posteriorem referre eas obligationes, quæ ex conventionibus descendunt, & quibus civile jus actionem denegat, præterea nihil, nam & compensationem recipiunt l. 6. de

com-

intelligatur juxta dictam Caji in d. l. 70. §. 1. Conjecturam confirmat Ravidus ex eo, quod non pro ideo librariis non semel obrepit, ut in l. 44. §. 6. quis sponte de furt. ubi vulgata habet, Et ideo, Florentinus Codex, Et non: Antonius Faber 8. conj. §. 6. vocem illam, obligato, quæ occurrit in textu Marcelli, tenebras offundere opinatur: ea igitur tanquam irreposita ex glossa imperiti alicujus interpretis expuncta, hunc esse ait sensum jurisconsulti, & quidem apertissimum, si pupillus aut naturaliter tantum, aut etiam civiliter obligatus fidejussorem dederit sine tutoris auctoritate, vel, si furiosus & prodigus ipsi per se fidejuberi mandaverint; obligari fidejussorem, nec ei subveniendum esse, quia illi mandati actio contra eos non competit; Sic Faber. At ego tamen vocem illam retineo, eamque aliquid lucis asferre consento. Ait Marcellus, Si quis pro pupillo sine tutoris auctoritate obligato, prodigove, vel furioso, subaudi, obligato, &c. Loquitur de pupillo, prodigo, furioso obligato. Quis autem negat, subsistere fidejussionem, ubi valet obligatio eorum, pro quibus fidejussor intervenit? Jam obligantur prodigus & furiosus vel ex dolis, vel ex quasi contrahit, d. l. furiosus 46; ac pro eis acceptus fidejussor tenetur, etiam si mandati actionem contra eos non habeat. Eamque interpretationem apertissimo probat Cujas in l. si a res 70. ff. h. s. ut jure mirandum sit, optimos quoque legum interpretes illa alia omnia abisisse. Si a furioso, inquit Cujas §. 4., stipulatus fueris, non posset te fidejussorem accipere, certum est, quia non solum ipsa stipulatio nulla intercessit, sed ne negotium quidem ullum gestum intelligitur. Quod si pro furioso jure obligato fidejussorem accepero, tenetur fidejussor. Sic Marcellum expenit Cujas ad l. 6. de V. O. ad quem videtur proxime accessisse Fornerius loc. cit. Patet hinc ea verba, quoniam his mandati actio non competit, ad fidejussorem referenda esse, non ad pupillum prodigum, & furiosum. At enim Marcellus de fidejussore loquitur numero singulari, Video, sed vel dic, quod Faber ibid. c. 5. n. 5., subjecisse Marcellum pluralem lectionem, quia is apud de fidejussore pupilli, aut prodigi, aut furiosi, perinde ac si de pluribus fidejussoribus ageretur, hoc est, de fidejussore pupilli, de fidejussore prodigi, & fidejussore furiosi; vel, quod faciunt alii, pro, quoniam his, lego, quamvis, levi emendatione: quam emendationem eo vel maxime arripimus nonnulli, quod illa verba, quoniam his &c. ineptam contineant rationem; quum potius contra idcirco subveniendum fidejussori videatur, quod nullam habeat mandati actionem. Ego vero & communem lectionem commodè retineri posse, ajo, & apertissimam esse Marcelli rationem existimo. Certe Marcellus plus sensit, quam expressit. Et duo quidem sensit, unum, in propozita specie fidejussorem teneri, alterum, ei, ut aliis fidejussoribus, non subveniri. Præter non expressit, quia quum dicitur, fidejussori non subveniri, eum teneri, satis intelligitur: quod videtur dictum per Metalepsin. Posterius, quod majus erat, expressit, eique rationem, subiecit, quoniam his &c. hoc sensu, fidejussoribus non subveniri, quoniam his deest actio, qua reos principales conveniant.

compens. & fidejussorem. h. 5. & pignus l. 5. de pign. & constitutum l. 1. §. pen. de const. pec. & novationem l. 1. in fin. de novat. & si quid earum nomine per errorem fuerit solutum, repetitio non datur, l. 10. de O. & A. l. 10. de cond. ind. l. 1. §. 17. ad L. Falcid. l. 3. C. de usur. Ac de huiusmodi obligationibus agere inquit Jurisconsultos, quum ajunt, aut uegant, naturaliter quem obligari, l. 13. l. si pœna 19. l. frater 38. l. quod pupillus 41. l. si quod 64. de cond. ind. l. 10. de O. & A. l. 1. de novat. l. 5. §. 2. de solut. Quod si civilis tantum sit obligatio; ego quidem probare non possum, quod Vinnius mavult, eam utpote a Prætoris improbatam, ad hunc locum non pertinere. Nam Tribonianus hic inter obligationes, quæ fidejussorem recipiunt, diserte enumerat eam, quæ *litteris* contrahitur, quam citulo sequenti mere Civilem esse contra ipsum Vinnium demonstrabimus. Placet igitur, quod Accursio & Bartolo placuisse subdit Vinnius, in hac specie fidejussorem utiliter dari, at eadem perpetua exceptione, qua reus ipse creditorem repellit, actionem ejus elidere ob regulam Pauli in *l. exceptiones 70. §. 1. de except.* Rei *cobarentes* exceptiones etiam fidejussoribus competere. Sed & si ex maleficio nascatur actio, magis est, teneri fidejussorem, d. l. 8. §. 5. puta pro pœna pecuniaria, ut in l. 1. §. segg. de cust. reor. Ceterum ut fidejussor eventum judicii, quod aut mortem spectat, aut cruciatum, in se nomine alieno recipiat, nec civilis, nec naturalis ratio suadet; quum quia Reip. interest, ut pœnæ suos teneant autores, l. 10. §. 26. ff. §. l. 22. C. de pœn.; tum quoniam nemo est membrorum suorum domini, l. liber homo 13. ad L. Aquil. Grot. lib. 2. c. 21. §. 11. §. 12., & si contraria non desint exempla, inter quæ illustre est illud, de quo Cicero lib. 5. de Off. c. 10. & Val. Max. lib. 4. c. 7. *Damohem & Rhiniam Pythagoræ*, inquit Cic., *serunt, hoc animo inter se fuisse, ut, quum eorum alteri Dionysius tyrannus diem necis destinavisset, & is, qui morti additus esset, paucos sibi dies postulavisset, vas factus est. alter ejus sistendi, ut, si ille non revertisset, moriendum esset ipsi.* Sed hoc apud Tyrannum; ceterum huiusmodi fidejussores, qui *vades mortis* elegantissime dicuntur, quanti vadimonium est, nisi siscatur reus, jure multantur, ut constat exemplo Q. Cæpionis apud Liv. lib. 3. V. Ant. *Matth. ad lib. 48. ff. tit. 16.* De dote restituenda illud jure novo cautum est, non probari fidejussorem dotis restituendæ gratia datum sive post, sive ante nuptias l. 1. §. 2. C. de fidejuss. dot.; inurbanum est enim, uxorem alienam potius, quam Viri sui fidem sequi.

§. II. Quoniam vero fidejussor *Rei locum oblines*, ut loquitur Ulp. in l. 4. §. 2. eod. hinc non ipse tantum obligatur, sed & heredem obligatum relinquit, d. l. 4. §. 2. b. 1. nam jure civili ex *contractibus* venientes *actiones* in heredes dantur, *lex contractibus* 49. de O. & A. licet nulla sit habita heredum mentio, l. 13. C. de constip. Ratio autem, quare heres fidejussoris teneatur, non etiam mandatoris, nempe ejus, qui alicui, ut pro alio intervenire; mandavit, *l. si rempnerandi 6. §. 4. ff. mandat.* eadem ipsa est, quam tradit Ulpianus in d. l. 4., quod fidejussor *Rei locum oblines*, quum tamen contra mandator se suo tantum nomine obligare velle videatur. Alicubi ex peculiari lege oblineat, ut fidejussorum obligatio in heredes non transeat. V. Cujac lib. 23. *Obs. 25.*

§. III. Et quamvis rei ordo postulet, ut fidejussio obligationem principalem sequatur, tanquam accessio, l. 93. §. 2. de solut.; quoniam vero interdum fit, ut qui crediturus est, prius fidejussorem requirat; hinc quandoque temporis ordo turbatur, & fidejussor præcedit; etsi ex natura rei fidejussio sequi intelligatur obligationem, sine qua non consistit. h. 5. §. l. 35. de judic. l. 50. de pecul. l. 6. §. 2. l. 37. ff. b. 1. Et novissime beneficium Justiniani fidejussor conventus solvere non cogitur, nisi excusso prius eo, pro quo intercessit. Nov. 4. c. 1. quod beneficium *ordinis*, vel *excussionis* vocatur, nisi debitor absit, aut palam sit

eum

eum non esse solvendo. V. Perez. *ad sit. Cod. de Fidejuss.* Quod quidem si deijussoris beneficium olim quoque obtinuit, ut constet ex *Quintil. Declam. 273.* sed in desuetudinem tamen abiit, quum creditores in fideiussore magis, quam in debitore considerent, more Ebraeorum, *Prov. 10. & 16.*, quo factum, ut neque in ff. neque in C. ulla ejus mentio occurrat.

§. IV. Alterum fidejussorum beneficium est, ut, si plures sint, non singuli in solidum conveniri possint, ut antea, sed ut compellatur creditor a singulis, qui solvendo sunt litis contestate tempore, partes petere: atque hoc beneficium divisionis appellatur, non quod inter fideiussores ipso jure dividatur obligatio, hoc enim aperte negat Cujas *l. 26. h. t.* sed quia fideiussores ipsi excipiendo partes offerunt: quod quidem non leve est, nam si singuli date partes ipso jure tenerentur, fieri nunquam posset, ut unus ex fidejussoribus solidum pro aliis deberet: quod secus est, ut mox. Hoc beneficium misertus periculum fidejussorum (f), primus omnium dicitur constituisse D. Hadrianus in *l. 26. ff. h. t. & l. fin. C. de const. pec.* Ar quid illud est, quod habet Paulus *1. sent. 30. Inter fideiussores EX EDICTO PRÆTORIS, si solvendo sint, licet singuli in solidum teneantur, obligatio dividitur?* Id non obstat; nam certe hoc jus in Edictum Prætoris conjectum fuit ex Epistola D. Hadriani, cujus auctoritate Edictum ipsum compositum est. Et vel ex hoc patet, errasse Cuiacium, qui ad *vis. Inst. de §. C. Tertulliano* hanc Hadriani Epistolam tribuit D. Pio Hadriani filio adoptivo: qua de re vide Comm. nostrum *sup. ad vis. tit.* Quis vero non irascatur Mureto, qui ad *h. §. pro his, Ex Edicto Prætoris*, reponenda hæc esse, ait, *Ex Epistola D. Fil.* erroremque ortum ex his notis, *ex E. D. P.* Sane est id temere factum. Scio, id jus Antonino Pio attribui in *l. 49. §. 1. ff. h. t.* Sed hinc illud solum recte colligi potest, fuisse ab Antonino repetitum, & Iulencius confirmatum. Quod si quis ex fidejussoribus litis contestate tempore solvendo non sit, partem hanc oneris ceteri suscipiunt. At si unus solidum solvit, ejus solius decrementum erit, si debitor solvendo non sit; & sibi imputabit, quod beneficio D. Hadriani non sit usus, *vis. §. 4.* Accedit & tertium beneficium cedendarum actionum, de quo Iust. in *d. Nov. 4.*

§. V. Illud commune est in universis, qui pro aliis obligantur, inquit Ulp. *l. Græce 8. §. 7. h. t.*, quod si fuerint in duriores causam adhibiti, placuit, eos omnino non obligari: non enim plus in accessione potest esse, quam in principali re, *h. §.* Durior autem causa esse potest vel re, vel tempore, vel causa, vel loco. *Ar in leviores causam accipi possunt. d. l. 8. §. 7. 10. & 11. & l. hi, qui 34. cod. (g)* Hæc satis expedita sunt: illud controversum, num fidejussor in ma-

(f) De fidejussoribus agebat Thales, Sponde, noxa præsto est, *Laert. l. 1. n. 73. & Ausonius de Judo sept. sap.* Per mille possum currere exempla, ut probent, prædes, vadesque poenitentis reos.

(g) Hinc si reo in fundum obligato fidejussor in usumfructum accipiat, quia ususfructus fondi jus est, luciville esse; inquit Cujas *l. si a reo 70. §. 2. h. t.* fideiussorem ex sua promissione non teneri. Sane ususfructus pars est fundi, quo factum, ut errore labi, scribit Modestinus *l. 19. de usufr. leg.* qui alii fundum, alii usumfructum ejusdem fundi legat, si eo proposito facit, ut alter undam proprietatem habeat: ac proinde ususfructum inter eos communiciari. Facit elegans illud Juliani dictum in *l. 9. de V. O.* Qui ususfructum fundi stipulatur, deinde fundum, similis est ei, qui partem fundi stipulatur, deinde totum. Duo hæc Digestorum loca placuit hic ascribere, ut unusquis-

maiorē quantitatem acceptus, omnino non obligetur, an saltem pro ea parte teneatur, pro qua reus ipse principalis tenetur? Prius visum Accursio, Bartolo, Connano, Hotomano, Bachovio, & aliis non paucis: posterius Cautiunculae, Baroni, Duareno, & ex modernioribus Heiueccio ad Vinnium hic. Magnus Cujacius varlavit, nam in *Recit. ad lib. 11. Resp. Pap. in l. 9. de usur. priorē sententiam propugnavit*; posteriore in Notis secundis *Inst. h. §. & ad l. 33. ff. mand.* Ego arbitor, in specie proposita fidejussorem omnino non obligari; Ulpianus enim in *d. l. 8.* & Tribonianus *h. §.* ajuunt, fidejussores in duriorē causam adhibitos *non obligari*: quæ verba quum ad omnes causas æque referantur, quibus durior est conditio fidejussoris, (nam & Ulpianus ait, *commune esse in universis* &c. & Tribonianus omnium causarum exempla pariter subiicit huic principio, *fidejussores, ut plus debeant, obligari non posse*) in omnibus nullam æque poni obligationem, significat. Sunt, qui apud Ulpianum legunt, *non omnino*, hoc est, *ex parte*, quia in Basilicis est, *aut d. l. 16.* Sic Alciatus 5. *Parerg. 17.* Haloander, & Fornelius 3. *Schol. 11*: seu eus. i. ustra esse, & vulgati omnes & Florentinus Codex evincunt, & ea vel maxime ratio, quam ego plurimi facio, quod sic Ulpianus Triboniano, & sibi ipse pugnaret: Triboniano, qui fidejussores NON obligari, hoc est, *nullo modo obligari*, scribit: sibi ipse, qui, quum de *universis* loquatur, si forte legas *non omnino*, jam de omnibus idem efferret, nempo obligari eos *ex parte* tantum: at is de fidejussore pure accepto, quum tamen reus sub conditione sit acceptus, pronunciat, *NON obligari*. Quæ huic sententiz obstat, ea sunt ut plurimum levia. Et leve quidem est axioma illud, quod opponit Heiueccius, *utile per inutile non vitiari. l. 9. de usur. l. 1. §. 4. de V. O. l. 35. §. ubi. C. de donat.* Nam id verum est, ubi inutile ipsam rei formam non vitiat: quod fit in hac specie: nam fidejussio accessio est, & accessionis illud est proprium, ut plus in ea, quam in re principali, esse non possit. Leve etiam est, quod vulgo ajuunt, *majori summa & minorem esse, l. 1. §. 4. l. i. m. 83. §. 3. de V. O.* Nam id non dicitur apposite ad rem, quia id non facit, ne creditor contra jus & contra ipsam fidejussionis formam in duriorē causam adhibuerit fidejussorem: quod creditoris factum, quia jure vetitum, pro nullo est, *l. non dubium, Cod. de leg.*, & de se ipse queratur, qui contra leges fecit. Leve demum est argumentum a constituto ductum, puta, eum, qui centum debes, duceutos aureos constituit, in centum tantummodo teneri, *quia ea pecunia debita est, l. 1. §. 1. de pec. const.* Nam quid constituto est cum, fidejussione? In hac jus summum spectamus, quia stipulatio est: in illo æquitatem: hinc in constitutum id tantum venit, quod debetur, & hoc naturali æquitati consentaneum est. Non igitur licet exemplo constitui de fidejussione decernere. Rem luculentissime confirmant aliquot Paudestarum loca. Scribit Paulus *l. 12. epd.*, *Si decem debeantur, & decem & Stichum constituas, potest dici, decem tantummodo nomine teneri.* Contra Ulpianus in *d. l. 8. §. 8.* *Si quis, inquit, Stichum stipulatus, fidejussorem ita acceperis, Stichum aut de-*
cem

quisque intelligat, quam temere facias Antonius Faber, qui 15. *conject. 8. con-*
tendit, in specie Cæsi fidejussorem nullo modo obligari, quod in usufructum acceptus, in rem profusus aliam acceptus videntur; addisque, fuisse eum locum Triboniani manu corruptum. Num qui, reo in totum obligato, partem fidejudei, in rem profusus aliam acceptus videtur? Sic visum Fabro, qui ut pluri-

cem fide tua juber? non obligari fidejussorem. Scribit Ulpianus l. 9. §. 2. de pet. conf. Quod ego debito tu constituendo teneberis, & quod tibi debetur, si mihi constituitur, debetur. Contra Julianus l. 16. pr. b. 1. *Fidejussor*, inquit, *obligari non potest ei, apud quem reus promittendi obligatus non est.* Unum illud me commovet, quod est in l. rogatus 33. ff. mandat., eum, qui majorem summam, quam rogatus erat, fidejussisset, hactenus mandati actionem habere, quatenus rogatus esset, quia id fecisset, quod mandatum ei est: nam usque ad eam summam, in quam rogatus erat, fidem ejus spectasse videtur, qui rogavit. Respondet ex Accursio & Bartolo Vinnius, hic non queri, an & quatenus mandati habeat actionem, forsitan quia videri potest mandati fines egressus, neque ulum hic verbum proponi, ex quo colligere possis, in ampliorem summam, mandatarium intervenisse. Conficta omnia, & absurda; eaque ita esse dicet, qui textum vel leviter percurrat. Respondet etiam Vinnius, dissimile esse causam fidejussoris, (verba ejus sunt) qui præcedit obligationem, de quo in d. rogatus, agitur, & ejus, qui post constitutam obligationem intervenit, nam antecedens fidejussio in suspensio est, eamque interpretatur & pro arbitrio limitat subsequens obligatio sic, ut ad illam quidem nihil possit addere, detrachere autem de ea aliquid aut deminueri valeat. Verum hujus rei apud Cajum nec vola nec vestigium. Mihi eum locum propius intuenti suppetit responsio ex iis verbis, *Julianus verius putat, quod a plerisque responsum est, eum, qui majorem summam, quam ROGATUS ERAT, fidejussisset.* Sic igitur est fingenda species, Creditor in eam summam rogavit, pro qua se reus obligaverat: fidejussor vero majorem promisit, quam rogatus erat. Certe in hac specie hæcenus mandati actionem habet, quatenus rogatus est; quum enim id ex fidejussoris liberalitate, non culpa creditoris acciderit, nihil est, cur dicas, fidejussorem fuisse in duriores causam adhibitum. Quod si ponas, creditorem in majorem summam rogasse, tunc verum erit, totam fidejussionem viciari. Est hæc distinctio ex mente Bachovii ad h. §. sed eam tamen, si fallor, Cajus ipse confirmat, & ea Cajum, quod nemo meo quidem judicio vidit, illustrat.

§. VI. Fidejussori contra reum competit actio mandati, h. §. & l. 10. §. 11. ff. mandati, modo mandatum ipsum præcesserit, hoc est, vel eum reus, ut fidejuberet, rogaverit, vel præente nec dissentiente reo alius, l. 6. §. 1. l. 18. & l. 20. §. 1. ff. & l. 6. Quod. V. Grot. lib. 2. c. 1. §. 6. Quod si quis pro absente fidejussisset, ei negotiorum gestorum est actio, d. l. 20. §. 1. nulla vero, si pro invito, l. ult. C. de neg. gest.

§. VII. Fidejussio, utpote stipulatio, non nisi Latinis verbis olim expediebatur ea formula, *Istum fide tua esse juber? fide mea esse jubro.* Cajus 2. Inst. §. 2. At postea factum est, ut Græce etiam recte conciperetur, l. 8. h. s. V. dicta ad tit. de V. O.

§. VIII. Quemadmodum etiam de stipulatione diximus ad §. 17. sup. de inut. stip., si scriptum in instrumento fuerit, promississe aliquem, periude haberi, atque si interrogatione præcedente responsum sit; ita hic de fidejussione, si quis scripserit, se fidejussisse, videri omnia solemniter acta,

DE LITERARUM OBLIGATIONIBUS.

TITULUS XXI.

4. G. 30.

Olim scriptura fiebat obligatio, quæ nominibus fieri dicebatur, quæ nomina hodie non sunt in usu. Plane si quis debere se scripserit, quod sibi numeratum non est, de pecunia minime numerata, post multum temporis exceptionem opponere non potest: hoc enim sæpissime constitutum est. Sic fit, ut hodie, cum quæri non potest, scriptura obligetur: & ex ea nascatur conditio, cessante scilicet verborum obligatione. Multum autem tempus in hac exceptione antea quidem ex Principallibus constitutionibus usque ad quinquennium procedebat: sed ne creditores diutius possint suis pecuniis forsitan defraudari: per constitutionem nostram tempus coarctatum est, ut ultra biennii metas hujusmodi exceptio minime extendatur.

COMMENTARIUS:

Literarum Obligationem veteribus ignotam fuisse, & Principum Constitutionibus, sive Justiniani, sive alterius auctoris ejus ævum introductam, putant Duarenus, Donellus; Wissenbachius, & alii, maxime quia in Pandectis, ubi contractuum nominatorum species enumerantur, nulla ejus habetur mentio *l. 52. pr. de O. & A. l. 1. §. 1. l. 8. §. 1. de fidejuss. l. 4. de V. O. l. 1. §. 1. de novat.* At plane cæciunt: Eam sic exprimit Cajus *l. 2. §. 1. de O. & A.* Ideo istis modis consensu dicimus obligationem contrahi, quia neque verborum, neque SCRIPTURÆ ulla proprietas desideratur. Et clarins *2. Inst. 9. pr.* Quæ ex contractu nascuntur, quatuor genera sunt, quæ singula hoc ordine distinguuntur: aut enim re contrahitur obligatio, aut verbis, aut literis, aut consensu. Video, eundem Cajum in *l. 1. §. 1. & l. 4. de O. & A.*, ubi genera obligationum recenset, ejus, quæ literis contrahitur, non meminisse: verum sufficit id fecisse alibi, neque enim Jurisconsulti semper exacte dividunt: quæ de re ad *lib. 2. tit. 1. pr.*; nisi velis id vitio vertere Triboniano, qui eam obligationis speciem ex iis locis expunxit, ut & ex *l. 1. §. 3. de pass. l. 52. pr. de O. & A. & l. 1. §. 1. de novat.*, quod opinatur Hotomanus. Vetus quoque testimonium suppetit ex Fragmento Regularum veteris cujusdam Jurisconsulti, quem alii Cajum, alii Ulpianum (a) volunt; scriptum est enim §. 7. *Vel si quid stipulabatur, vel si per SCRIPTURAM accepit* &c. Huc etiam accedit, quod in multis Digestorum locis nominum obligatio memoratur, *l. 4. de pecul. l. 1. de ann. leg. l. 4. in fin. de fidei. lib. 5.* quæ eadem erat cum obligatione literarum, ait enim hic Trib., *Olim scriptura fiebat obligatio, quæ nominibus fieri dicebatur, (b) quæ nominibus hodie*

(a) De hoc Fragmento v. Cujac. 13. Obs. 31. & 17. Obs. 20. Jac. Gorb. in Manuali juris, in Bibliotheca juris Romani c. 2. §. 4.

(b) Hanc his verbis exponit Theophilus ex editione Fäbroii, Si quum quis mihi centum aureos deberet ex emtione aut locatione, aut mutuo, aut stipulatione, (multis enim modis nobis aliquid deberi potest) voluissim, hunc milij

hodie non sunt in usu. Quod si velis extra libros juris vagari, hanc obligationem satis antiquam reperies. Cic. 4. ad Att. ep. ult. eam certe designat illis verbis, *Pactio non verbis, sed nominibus, præscriptionibus, & tabulis facta.* Et hæc quidem contra Duarenum, Donellum, & Wilsenbachium fatiscunt de ipsa obligatione. Tempore Justiniani, qui se, quod non debebat, debere scripsisset ex causa mutui, obligatione literarum tenebatur, ut & hodie tenetur. Sed olim

intra

mihi obligatum esse literarum obligatione: necesse erat, verba hæc dicere & scribere ad eum, quem literarum obligatione obligatum habere volebam. Sunt autem hæc verba, quæ dicebantur, & scribebantur: CENTUM AUREOS, QUOS MIHI EX CAUSSA LOCATIONIS DEBES, EXPENSOS TIBI TULI? Deinde adscribebatur ab eo, qui jam ex locatione obligatus erat, EXPENSOS MIHI TULISTI, & tunc prior obligatio extinguebatur, novaque ex literis nascebatur obligatio, quæ ex eo nomen habet, quod literis consistit. *Verisimile est, verba illa creditoris ac debitoris, quæ Fabroti habet editio, veterem, & germanam fuisse formulam, qua literarum obligatio inducebatur.* Dionysii Gothofredi editio hanc aliam Græce habet, τοὺς ἐμους χρῶτας, ἀδ' ἐμῶν τῶν αἰτίας μισθώσεως χρησθέντεσσι ἐν ἐμῶν τῶν ἐμῶν τῶν ἐμῶν χρῶτας, centum aureos, quos mihi ex causa locationis debes, tu mihi ex conventionione & pactione dabis propriarum literarum? ad quæ debitor, ἐν τῶν ἐμῶν τῶν ἐμῶν τῶν ἐμῶν χρῶτας, ex conventionione illas debeo mearum literarum. *Alterutra hæc formula probat, veterem literarum obligationem fuisse speciem novationis.* Facit locus Caji 2. Inst. 9. §. 12. Literis obligatio fit, aut a re in personam, aut a persona in personam. A re in personam, velut si id, quod ex emptione, aut conductione, aut societate debes, alii reddas. (*Qua tantum species Theophili formulâ continetur*) A persona in personam, velut si id, quod mihi alter debet, alteri personæ delegem, ut reddere debeat. *Qua delegatio est.* Et quamquam prior species expressi proprie debuisses per hæc verba, aut a re in rem, nemo tamen Cajum accuset, qui scias, multa in eo fuisse ab Auliano turbata; non pauca etiam corrupta. His omniū accedant verba l. pen. C. Th. de denunc. vel edit. rescrit. Si quis debitor, quod vel ex scenore vel mutuo datæ pecuniæ sumit exordium, vel ex alio quolibet titulo, in literarum obligationem facta cautione translatum est, &c. *Qua loca simul collata Theophili paraphrasim confirmant, ut eum in ea re falsum fuisse, non jure scribant Brissinius 6. de Form. & Salmasius 6. de Usur.* Et plane Theophilus enarrationem illam ex veteri aliquo Jurisconsulto, & quod verisimillimum est, ex ipso Cajo descripsit. Dicebatur autem hæc obligatio literis fieri, quia, ut idem Theophilus, solennia quadam verba scribi oportebat, quo sane modo consuevere olim quosumque contractus novando confirmare l. 17. de novat. Atque hæc est Caji sententia in d. l. 2. §. 2. de O. & A. ubi ait, Neque verborum, neque SCRIPTURÆ ullæ PROPRIETAS desideratur. V. Tullium 3. de Off. 14. At quo sensu eam nominibus factam, inquit hic Tribonianus? Plerique omnes hanc ejus rei causam statuunt, quod creditor nomen debitoris referebat in tabulis accepti & expensi, quas olim Roma Patresfamilias habebant domi, ac de quarum fide quinto quoque anno apud Censores jurabant, teste Halicarnas. lib. 4. Ego vero Ravardum sequutus ajo, eam loquutionem hanc habere originem, quod testium signatorumque nomina in tabulis adscribebantur. Colligit id Ravardus 3. Var. 1. ex Seneca lib. 2. & 3. de Ben. cap. 15. ubi prædictum est, nomina fieri interpositis paratis, hoc est, librariis, testibus, & signatoribus advocatis, quos Seneca lib. 3. Viros ornatos appellat, id est, Ro-

intra quinquennium, jure novissimo intra biennium continuum exceptione non numeratæ pecuniæ se defendere potest *l. in contrahib. 14. Cod. de non num. per.* Et elapso biennio debitor, etiam si pupillus, prætare cogitur, quod scripturæ continetur *l. 8. Cod. eod.* Et quoniam non agente intra biennium creditore debitor exceptionem opponere non potest, præsto sunt duo Juris subsidia, alterum, ut protestetur, se pecuniam non accepisse: qua protestatione in scripturam redacta, perpetua fit exceptio *l. 8. 9. & 14. §. 4. & Auth. sequ. Cod. eod.* Alterum ut Chirographum suum condicat *l. 7. Cod. eod. ult. Cod. de condic. ex l.*

ma Equites, aliosque clavi nominis, & integra fame viros; in Provinciis Duumvros, Decuriones, aliosque non ignobiles. Ad hanc obligationem adhibebatur stipulatio, unde Scaevola in l. ult. ff. mand.; Neque, ait, stipulatio literas sequuta est; & Seneca d. 15. Ille non est interrogatio (hoc est, stipulatio) contentus, nisi rem manu sua tenuit; & Theophilus ibid. Necessè erat, verba hæc dicere. Quæ quum ita sint, rectè absurdum videtur sibi, subdit Ruardus, quod addit Theophilus, Et scribere ad eum &c.; debitor enim præsens interrogatus respondebat. Est quidem id minus proprio dictum. Ex dictis collige, hanc obligationem juris Civitis esse. Successus denique nova literarum obligatio per quodvis Chirographum, quæ nulla requiris verba solennia, neque ex omnibus causis contrahi potest, ut vetus, sed ex professione pecunia debita munus accepta. V. Ruard, loc. cit. Oifel. & Schulting. ad Caj. & Heinec. in Antiqu. ad hanc.

DE OBLIGATIONIBUS

ex consensu. (a)

TITULUS XXII. (b)

Consensu sunt obligationes in emtionibus, locationibus, conductionibus, societatibus, mandatis (c) Ideo autem istis modis obligatio dicitur consensu (d) contrahi: quia neque scriptura, (e) neque presentia omnimodo opus est; at nec

(a) Ita in Vulgata. Alibi est, De consensu obligationibus, alibi, De consensu obligatione.

(b) Totus hic Titulus descriptus est ex l. 2. de O. & A.; atque hæc ex lib. 2. Inst. Caji tit. 9.; sed multa Anianus, multa etiam immutavit Tribonianus.

(c) Adde Emphyteusim ex Const. Xenonis in l. 1. C. de jur. emph.

(d) Si quando scriptura ad hoc contractus adhibetur, ea probationis loco est l. 4. de pign. & hyp. quæ repetita est in l. 4. de fid. instr.

(e) Apud Cajum in d. l. 2. §. 1. legitur, Quia neque verborum neque scripturæ ulla proprietas desideratur: in Inst. est, Quia consensus magis, quam scriptura, aut sollemnitas quaeritur. Sensus est plano idem; nihil enim differunt, Verborum proprietas, & Sollemnitas: Oifelius ad Cajum scribit, genuinum Caji, verbum fuisse, Sollemnitas, pro quo Tribonianus in Digestis reposuit, Verborum

nec dari quidquam necesse est, ut substantiam capiat obligatio: sed sufficit, eos, qui negotia gerunt, consentire; unde inter absentes quoque talia negotia contrahuntur, veluti per epistolam, (f) vel per nuncium. Item in his contractibus alter alteri obligatur in id, quod alterum alteri ex bono & æquo præstare oportet: quum alioquin in verborum obligationibus alius stipulecur, alius promittat. (g)

horum proprietas. Ego de asini umbra non dispo. Tribonianus hic nomina præsentia verborum obligationem expresse. Vetus quoque literarum obligatio præsentiam desiderabat, ut dictum sis præced.

(f) Hoc est, per solam epistolam, vel per solum nuncium; nam re quoque per nuntium contrahitur obligatio, data ei pecunia vel re: quo sensu Paulus l. 2. pr. de pact. duo hæc opponit, convenire re, & per epistolam vel per nuntium.

(g) In stipulationibus quidquid adstringendæ obligationis est, id, nisi palam verbis exprimitur, omissum intelligi, ait Celsus l. 99. pr. de V. O. At in his contractibus alter alteri obligatur de eo, quod alterum alteri ex bono & æquo præstare oportet. d. l. 2. §. 3. In emtis & venditis, inquit Pomponius l. 6. de contr. emt., potius id, quod actum, quam id, quod dictum sit, sequendum est. Aliter igitur ex his contractibus sic agit, Quantum æquius melius sit dari, vel, Quidquid re mihi ex bona fide dare facere oportet. V. Alexandrum ad Cajum, & Comm. nostr. ad §. ultimum 28. infr. de act.

DE EMTIONE, ET VENDITIONE:

TITULUS XXIII.

18. ff. 1. 4. C. 33. & 40.

Emtio & venditio contrahitur simulatque de pretio convenerit: quamvis pretium nondum numeratum sit, ac ne arrha quidem data fuerit. Nam, quod arrhæ nomine datur, argumentum est emtionis & venditionis contractæ. Sed hæc quidem de emtionibus & venditionibus, quæ sine scriptura consistunt, obtinere oportet: nam nihil a nobis in huiusmodi emtionibus & venditionibus innovatum est: in iis autem, quæ scriptura conscribuntur, non aliter perfectam esse venditionem & emtionem constituimus, nisi & instrumenta emtionis fuerint conscripta, vel manu propria contraheutium, vel ab alio quidem scripta, a contraheutibus autem subscripta: & si per tabelliones fuerint, nisi & completiones acceperint, & fuerint partibus absoluta. Donec enim aliquid deest ex his, & poenitentia locus est, & potest emtor, vel venditor sine poena recedere ab emtione. Ita tamen impune eis recedere concedimus, nisi iam arrharum nomine aliquid fuerit datum: hoc enim subsequuto, siue in scriptis, siue sine scriptis venditio celebrata est: is, qui recusat adimplere contractum, si quidem est emtor, perdit, quod dedit; si vero venditor, duplum restituere compellitur, licet super arrhis nihil expressum est. Pretium autem constitui oportet: nam nulla emtio sine pretio esse potest.

Sed & certum esse pretium debet, alioquin si inter aliquos ita convenerit, ut, quanti Titius rem æstimaverit, tanti sit emta, inter veteres satis, abunde

Lib. III.

S

deque

deque hoc dubitabatur, constaretne venditio, an non. Sed nostra decisio ita, hoc constituit, ut quotiens sic composita sit venditio, *Quanti ille aestimaverit*, sub hac conditione statet contractus: ut si quidem ille, qui nominatus est, pretium definiat, omnimodo secundum ejus estimationem & pretium persolvatur, & res tradatur, & venditio ad effectum perducatur: emtore quidem ex emto actione, venditore ex vendito agente (a). Sin autem ille, qui nominatus est, vel noluerit, vel non potuerit pretium definire, tunc pro nihilo esse venditionem, quasi nullo pretio statuto. Quod jus, quum in venditionibus nobis placuerit, non est absurdum, & in locationibus, & conductionibus trahere.

2 Item pretium in numerata pecunia consistere debet. Nam in ceteris rebus, an pretium esse posset, valde quaerebatur, veluti an homo, aut fundus, aut toga alterius rei pretium esse posset. Sabinus, & Cassius etiam in alia re putabant, pretium posse consistere; unde illud est, quod vulgo dicebatur, permutatione rerum emtionem & venditionem contrahi, eamque speciem emtionis, & venditionis venustissimam esse: argumentoque utebantur Graeci Poetae Homeri; qui aliquam partem exercitus Achivorum vinum sibi comparasse ait, permutatis quibuldam rebus; his verbis:

Νῆες ἐν Λήμνῳ παρίσταν ὄϊον ἄγναι.
 Ἐνθεν ἄρ' οἰνίζοντο καρήκομάωνες Ἀχαιοί,
 Ἄλλοι μὲν χαλκῷ, ἄλλοι δ' αἰθάνοι σιδήρῳ,
 Ἄλλοι δὲ ρινόϊς, ἄλλοι δ' αὐτοῖσι βόεσσιν,
 Ἄλλοι δ' ἀνδραπόδεσσιν.

Id est,

*Advena ex Lemno tunc vinum suum carinis.
 Hinc sibi certatum gentis de more comati
 Vina parant Graji are date, fulgenteque ferro,
 Tergoribusque, bubus sed & ipsis, mancipiisque.*

Diversae scholae auctores contra sentiebant: aliudque esse existimabant permutationem rerum, aliud emtionem, & venditionem: alioqui non posse rem expediri, permutationis rebus, quae videatur res vauisse, & quae pretii nomine data esse: nam utramque videri, & vauisse, & pretii nomine datam esse, rationem non patitur. Sed Proculi sententia dicentis, permutationem propriam esse speciem contractus, a venditione separatam, merito praevaluit, quum & ipse (b) aliis Homericis versibus adjuvabatur, & validioribus rationibus argumentabatur, quod & anteriores Divi Principes admisserunt, & in nostris Digestis latius significatur.

3 Quum autem emtio, & venditio contracta sit, (quod effici diximus simul latque

(a) Theophilus & omnes Charonda sic habent, venditore autem ex vendito, sique veteres pro actione emti aut venditi. Julianus l. 19. de her. vel ass. vend. Var. 2. de re vult. 2. Cic. 3. de Nat. Deor. 30.

(b) In omnibus Charonda legitur, ipsa, hoc est, sententia. Verum et, argumentabatur, magis proprie videtur dictum, si retineatur, ipse.

latque de pretio conueniret, quum sine scriptura res agitur) periculum rei venditæ statim ad emptorem pertinet, tamen si adhuc ea res emptori tradita non sit. Itaque si homo mortuus sit, vel aliqua parte corporis læsus fuerit, aut ædes totæ, vel aliqua ex parte incendio consumptæ fuerint, aut fundus vi humani torus, vel aliqua ex parte ablatu sit, siue etiam inundatione aquæ, aut arboribus turbine dejectis, longe minor, aut deterior esse cœperit, emptoris damnum est, cui necesse est, licet rem non fuerit nactus, pretium solvere. Quidquid enim sine dolo, & culpa venditoris accidit, in eo venditor securus est. Sed & si post emtionem fundo aliquid per alluvionem accesserit, ad emptoris commodum pertinet. Nam commodum ejus esse debet, cujus periculum est. Quod si fugerit homo, qui vœniit, aut subreptus fuerit, ita ut neque dolo, neque culpa venditoris intervenerit; animadvertendum erit, an custodiam ejus usque ad traditionem venditor suscepit. Sane enim si suscepit, ad ipsius periculum is casus pertinet; si non suscepit, securus est. Idem & in ceteris animalibus, ceterisque rebus intelligimus. Utique tamen vindicationem rei, & conditionem exhibere debet emptori; quia sane qui nondum rem emptori tradidit, adhuc ipse dominus est. Idem etiam est de turri, & damni injuriæ actione.

4. Emtio tam sub conditione, quam pure contrahi potest. Sub conditione, veluti, si Selebus intra certum diem tibi placuerit, eris tibi emptor aut vis tot.

5. Loca sacra, vel religiosa, item publica, veluti forum, basilicam, frustra quis sciens emit: quæ tamen si pro profanis, vel privatis deceptus a venditore quis emerit, habebit actionem ex emto, quod non habere ei liceat, ut consequatur, quod sua interest, deceptum non esse, idem juris est, si hominem liberum pro servo emerit.

C O M M E N T A R I U S :

P R. Tit. Origo emendi (a) vendendique, ait Paulus l. i. pr. ff. h. t., a permutationibus capis: olim enim non ita erat numus, neque aliud merx, aliud pretium.

(2.) Emera est in Græco, ἐμψι: quam originationem nescio an jure in Roberto reprehendat Cujacius lib. i. Contr. 8. Emera, inquit Festus, quod nunc est mercari, antiqui accipiebant pro sumere. Aliud est vendere, aliud emere, l. i. §. i. h. t. et si veteres in emtione venditioneque, ut & in locatione & conductione, appellationibus promiscue usos, scribat Cujus in l. 19. & 20. de off. em. & vend. Quæ verba hanc habere sententiam, arbitratur Cujacius 9. Obs. 15., veteres emtionem & venditionem promiscue conductionem & locationem appellasse; sique restituit initium legis 20., id est, pro, idem est. Ego contra Cujacium sentio, Cujum sic esse intelligendum, veteres sola emtionis, & sola venditionis appellatione utramque comprehendisse; sic etiam locationem pro locatione & conductione, & conductionem pro conductione & locatione usurpasse: quæ vis est relationis. Cujacium, ut alia desint, satis refellunt duæ illæ leges, quæ in omnibus exemplaribus sic describuntur,

19. Cujus ad Edictum Prætoris titulo de Publicanis.

Veteres, in emtione venditioneque, appellationibus promiscue utebantur.

pretium vocabatur, sed unusquisque secundum necessitatem temporum, ac rerum utilibus inutilia permutabat; quando plerumque evenit, ut, quod alteri superest, alteri desit. Sed quia non semper, nec facile concurrebat, ut quum tu haberes, quod ego desiderarem, invicem haberem, quod tu accipere velles, electa materia est, cujus publica ac perpetua aestimatio difficultatibus permutationum aequalitate quantitatis subveniret; eaque materia forma publica percussa usum dominiumque non tam ex substantia praeberet, quam ex quantitate; nec ultra merx utrumque, sed alterum pretium vocatur (b). Est igitur emptio venditio iurifigentium, ut ipsa permutatio. l. 1. §. 2. h. t. Seneca lib. 1. de Benef. c. 9. Qua emeris vendere, gentium jus est. Constat merce & pretio. d. l. 1. §. 1. in fin. & contracta intelligitur simulatque de pretio convenerit, quamvis nondum pretium numeratum sit, neque arrha venditori data. pr. h. t. l. 2. §. 1. eod. l. 1. §. 2. de rer. perm. l. 8. de petic. & com. rei vend. Arrha enim non obligationis inducendae causa datur, sed probandi gratia, venditionem fuisse contractam. h. pr. & l. quod saepe 35. ff. h. t. quum ipsa sit pars pretii. Arrabo, scribit Varro lib. 4. de L. L., sic dicta, ut reliquum reddatur. Hoc verbum a Græco ἀρραβών, reliquum, ex eo quod debitum reliquit. (c) Duas hinc species excipe, quarum, etiam si de pretio convenerit, non est tamen perfecta venditio: alteram, si quid fuerit sub conditione venditum l. 7. h. t. l. 8. de resc. vend.; alteram, si placuerit, ut scripto fieret, cujusmodi emtionis formula extat apud Balduinum hic: nam non ante perfecta intelligitur venditio, quam rite confecto instrumento ex Constitutione Justiniani in l. contractus 17. C. de fid. instr., cujus meminit hic Tribonianus. Rite autem confectum censetur instrumentum, si vel manu contrahentium conscriptum sit, vel ab alio quidem privato homine scriptum, & a contrahentibus (d) subscriptum, nihil namque interest, num quis manu sua scribat, an alterius scripturæ subseribat, l. 1. ff. quod iussu, l. fidei iussor 26. §. pater, de pign. (modo suum ipsius negotium agatur, non alienum d. l. 1. & 26. juncta l. Cajus 39. de pign. ab. l. Titia 34. §. Lucia, de leg. 2. & l. Titius 8. de resc. vend.) vel denique a

Ia-

20. Idem libro vicesimoprimo ad Edictum Provinciale.

Idem est & in locatione & conductione.

Cujaciana autem emendatio & contra omnium Codicum fidem est, & inepta. Vide Job. Robertum lib. 1. Contr. c. 8. & 9.

(b) De inventione & usu numi v. Arist. 1. Politic. 6. & 5. Ethic. 5. & Polyd. Vergil. lib. 2. c. 20.

(c) Arrha in emtionibus venditionibus frequentissima; nec solum numi, sed vel annulus, vel aliquid aliud arrha nomine datum. Sic insinor apud Ulp. l. 5. Si item fiff. de instr. ab. oleum venderat annulo arrha nomine accepto. Hinc Arrha Spoualitate quandoque erant annulus pronubus, de quo Paulus l. 36. de don. int. vir. & Juvenalis sat. 6. v. 25.

— jamque a tonsore magistro

Pectetis, & digito pignus fortasse dedisti,

quandoque etiam alia, Capitolin. in Maximin. jun. c. 1., Desponsata, inquit, illi erat Junia Fadilla, proneptis Antonini. Manserunt apud eam Arrha Regia, quæ tales fuerunt, Monolium de albis novem, Reticulum de prasiis undecim &c. Hujusmodi Arrha forsitan a veteri Coemtionis ritu originem habuere, de quo lib. 1. tit. de Nupt.

(d) Errant profecto Græci Scholiasta ad lib. 22. Basilic. & Harmenop. lib. 3. tit. 3., qui Theophilum sequuti ajunt, sufficere, si venditor subseribat.

Tabellione confectum, & contrahentibus adfentientibus recitatum *d. l. contra-*
bus 17. Verum si quid ex his deficiat, nihil factum intelligitur, & recte alteru-
 trum facti pœnitebit, *d. l. contra-*
bus, *l. b. in fin. de contr. emt.*, nisi quid arrharum
 nomine datum sit: hoc enim casu, quoquo modo contrahi venditionem pla-
 cuerit, qui adimplere contractum & stare pacto recusat, si quidem is est em-
 tor, arrhas datas amittit, si venditor, duplum reddit. *pr. h. i. & d. l. 17.* quod
 & in locatione & sponfalibus idem fuisse, probat Cujac. 11. *Obs.* 17. & *ad cit. l.*
contra-
bus.

§. I. Pretium debet esse certum: unde Cujas *l. quod sape* 35. §. 1. *h. i.* illud
 constare, inquit, imperfectum esse negotium; quum emere volenti sic vendi-
 tor dicit, *quanti velis, quanti equum putaveris, quanti aestimaveris, habebis*
emtum. Quid si pretium non in contrahentis, sed in alterius arbitrium conse-
 ratur sic, *quanti ille*, nempe, *Titius aestimaveris*? Et dispucasse veteres, ait
 Trib., constaret necne venditio. Affirmabant nonnulli, etiam si Titius nihil
 vellet, aut posset arbitrari, ea ratione, quia Titii arbitrium non tam Titii, quam
 boni viri arbitrium videbatur: pretium autem boni viri arbitrio relictum, esse
 certum aiebant in bonæ fidei judiciis, *l. si in lege, ff. locat. l. b. ff. pro soc. l. in perso-*
nam 22. de *R. J.* & in testamentis *l. 1. de leg. 2.*, hoc est, quanti res esset ex commu-
 ni hominum æstimatione. Aiebant præterea, nullam huic venditioni condi-
 tionem inesse, quæ, nihil arbitrans Titio, deficeret, quia neque conditio inest
 boni viri arbitrio, neque mora. *d. l. 1. §. 1. de leg. 2.* Alii vero constare venditio-
 nem negabant, nisi Titius arbitrareretur, quasi tacita inesset conditio, si is pre-
 tium definiret. Prioris sententiæ supersunt adhuc vestigia in *l. hæc venditio* 7.
h. i. l. in compromissis 45. de *recept. qui arbit. l. stipulatio* 17. de *V. O. d. l. 2. de R. J.*:
 posterioris in *l. si ita* 75. *ff. pro soc. l. si pater filia* 43. de *leg. 3.*, ubi tamen favore
 dotis aliud respondet Ictus, *l. quod sape*, §. 1. *h. i. & l. si merces, ff. locat. (e)* Postero-

rem.

(e) *Lex, si merces 25. sic habet*, Si merces promissa sit generaliter alieno
 arbitrio, locatio & conductio contrahi non videtur: si autem, quanti Titius
 æstimaverit, sub hac conditione stare locationem, ut si quidem ipse, qui no-
 minatus est, mercedem definierit, omnimodo secundum ejus æstimationem &
 mercedem persolveri oporteat, & conductionem ad effectum pervenire: si autem
 ille vel noluerit, vel non potuerit mercedem definire, tunc pro nihilo esse
 conductionem, quasi nulla mercede statuta. *Quæ Proculi sententia fuit*. Num-
 igitur Cujas ex Proculianis fuit? Ita eum arguunt hæc verba. Sed certe is fuit
 Sabinianus, & Sabinianorum sententiam de nova specie ex aliena materia educta
 probavit *lib. 2. Inst. tit. 1. §. 5. etsi medianus* sequatur *l. 7. §. 7. de adq. ver. dom.* Emptio-
 nem rebus contrahi posse, quod Sabiniani consentiebant, *l. 1. ff. h. i. ex Homericis ver-*
sibus affirmavit, Servio teste ad 3. *Georg. v. 307 ibi*, quod & Cujas Homericis exem-
 plo confirmat, nisi hæc velis de Cajo Cajo accipere. Denique Sabinianos certe vocat
 præceptores suos in *l. si adibus* 32. de *damn. inf.* Ita Merillus ad *Lult. C. de contrah.*
emt. ubi hinc inferri, descripta verba Tribonianum habere autorem; qui contra-
 riam Cajo opinionem adfixit. Ego vero potius contendo, non fuisse ea verba Cajo per
 Tribonianum adscripta, sed contra illi usum in *d. l. ult. Tribonianum*. Quodque ibi
 Cujas Proculi pariter sequatur, nihil est, cur miremur. Non enim is fuit vel Sa-
 binianorum, vel Proculianorum schola additus, sed inter utrosque medius, ut &
 alii ex jurisconsultis non pauci, quos proinde Herciscundos vocant: ejusque
 ingenium nullo partium studio abreptum satis produxit *l. 7. §. 7. ubi aperte ME-*
DIAM sententiam amplectitur, *l. 4. ff. mand. ubi opinionem Proculi benigniorem*
appet.

rem hanc sententiam comprobavit Justinianus in *l. super rebus ult. C. h. s. & h. n. s. §. ubi idem statuit de locatione conductione*, quæ multam habet cum emptione venditione adsignatam: qua de re commodiore loco. Hic illud moneo, quamquam Justinianus harum opinionum auctores non laudet, credendum tamen esse, priorem Sabinianis, posteriorem Proculianis placuisse. Sabiniani enim in verba veterum jurabant, ut bene Merillius *l. 1. obf. 3.* & veterum quidem fuit ea regula, quæ prioris opinionis ratio est, quod in certi hominis arbitrio datur, *magis in viri boni arbitrium id collatum videri*, ut in simili specie ex veterum sententia loquitur Ulpianus *d. l. 7. b. 1.*

§. II. De eo quoque disputarunt veteres, num sine numis venditio consistere, veluti si quis togam daret, ut tunicam acciperet. Sabinus & Cassius esse emtionem & venditionem putabant: Nerva & Proculus permutationem. Sabinus Homero (f) teste utebatur, qui exercitum Græcorum ære, ferro, hominibusque emisse vinum refert versibus in textu descriptis. *Sed hi versus, inquit Paulus l. 1. §. 1. h. s. permutationem significare videntur, non emtionem.* Certe verbum *emisse* male Sabinus de emtione accipiebat, nam *emissum* Græcis est *vinum parare*, quod recte potest de permutatione intelligi. Alciat. 9. *Parerg. 17.* Rudz. ad *d. l. 1.* Cujac. ad *lib. Pauli ad Edict. b. 1. Salmat. de usur. 13.* Magis pro Sabino facere subdit Paulus, quod ipse Homerus ait. *Od. a. v. 436.* *μπίστει ἀνθρώποις πότιν, emir possessionibus suis*; sed tamen vetiorem esse addit Nerva & Proculi sententiam, nam ut aliud est vendere, aliud emere: aliud emtor, aliud venditor; sic aliud est pretium, aliud merx, quod in permutatione discerni non potest, uter emtor, uter venditor sit. Ad hæc inquit Tribonianus, fuisse Nervam & Proculum aliis Homericis versibus adjuutos, forte illis, quos laudat Paulus ex *lib. 6. Iliad.*, ubi Glaucus centum boum arma aurea cum æreis Diomedis armis novem boum dicitur permutasse. At frustra utrinque Homerus testis producit, quum quia solent Poetæ metri causa verbis abuti, tum quoniam Homeri tempore non dum secreta erat a permutatione venditio, teste Plinio *lib. 33. c. 1.* ubi, *Quantum, scribit, feliciore ævo, quum res ipsæ permutterentur inter se, sicut Trojanis temporibus suffragum, Homero credi convenit.* Ita enim, ut opinor, commercia visus gratia inventa. Mirantur nonnulli, etiamdem Plinium emittendi vocabulo mox uti, *Allos cortis boum, allos ferro captivosque rebus emississe tradit*; sed, ni velis restituere *mutasse* ex MSS. Codicibus, quod testantur Cujacius, & Dalechambius; dic, Plinium emendi verbum late accepisse, quomodo accepere veteres, ut ex Festo probavi ad *pr. h. s.* Ut ut hæc se res.

appellat, & *L. 19. ff. de usur.*, ubi eundem Proculum laudat auctorem: contra Sabinum habet *L. 4. ff. de noxal. caus.* & *L. 39. de dol. mal.* & Cassio *L. 14. ff. de positi. l. 39. §. 5. de contrah. emt.* & *L. 15. de noxal. acti.*

(f) Summa fuit apud Jurisconsultos Homeri, & Vergilli auctoritas, ut late Scipio Gentili *2. Parerg. ad Pand. 3.* Sane Homerum laudat Marcellianus *l. leg. 1. §. 5. Speculorib. 4. de leg. 3.*, Papinianus *l. 9. §. 1. de superleg.*, Modestinus *l. non facile 4. §. 6. de grad. & adn.*, Ulpianus *l. si uxor 13. §. 1. ad L. Jul. de adult.*, Saturninus *l. aut facta 16. §. 2. de pæn.*, Cuius *l. qui venerunt 236. de V. S.*, & Justinianus ipse in *promiss. fin. fin. de rat. dec. jur.*, ubi cum patrem omnis virtutis appellat. Nec mirandum, quod Romani Jurisconsulti tantum ei tribuant, cujus uno versiculo Athenienses Salaminam insulam a Megarensibus judicio vindicarent, Sirabo *lib. 9. pr.*

se res habeat, illud sciri refert, tandem Proculi sententiam pravaluisse (g). Paulus d.l.1. §.1. Diocletianus & Maximianus in l.pen. de ver. perm. quos Divos Principes vocat hic Tribonianus. Quod si pro re partim pecunia, partim res alia datur, cum si major sit pecunia, venditio erit, si major res, erit permutatio. In dubio prælumitur potius venditio, utpote quæ frequentior est. Huber. ad h. §.

§. III. Nunc de periculo & commodo rei venditæ. Sexcenta sunt juris loca, quibus cavetur, perfecta jam venditione, hoc est, ut primum de pretio convenit, si pure, & sine scripto contrahatur: Instrumento confecto, vel conditione existente, si aut scripto fieri placuerit, aut sub conditione, l.7. §. 34. b.s. §. l.3. de per. & com. rei vend. etiam si res adhuc tradita non sit, periculum omne & commodum ad emptorem pertinere. h. §. l.7. §. 8. de per. & com. l.1.4. pen. C. ult. Cod. eod., d. l. quod sape 35. §.4. de contr. emt., l.5. §. ult. de rest. vend., ubi Julianus scribit, mortuo homine periude habendam esse venditionem, ac si traditus fuisset, utpote quum venditor liberetur, & emptori homo pereat. Et e contrario quod post emtionem fundo accessit per alluvionem, ad emptoris commodum pertinere, ait Paulus d.l.7., ea ratione, quod est totus ager post emtionem flumine occupatus esset, ejus quoque esset periculum. l.10. de R. J. Neque est hoc a naturali ratione alienum, quum quia venditor, simul ac perfecta est venditio, rem animo abicit, & abalienat, eamque emptori detinet, non sibi: tum quoniam jure naturæ emptor, re adhuc non tradita, jam est dominus, cui proinde sua res perit & adcrevit. Verum non desunt, qui hæc ita esse summo quidem jure affirmant: at ea tamen esse contra regulas æquitatis, quæ non patitur, rem venditam, nec dum traditam, emptori perire, quum jure civili venditor adhuc ejus sit dominus: ut diserte hic Trib. Sic sensit Cujacius ad h. §. & trañ. ad Afric. l. si fundus ff. locat., quo nomine eum nonnulli aliquantulum acerbius notant, contra quos v. Fabrot. ad Cujac. Param. C. lib. 4. tit. 48. de per. & com. rei vend. Oblat dictum illud juris, rem perire domino, quod aperte probant Imppp. in l.9. C. de pign. ass. his verbis, Pignus in bonis debitoris permanere, ideoque ipsi perire, in dubium non venit. Sed hinc male colligitur, rem domino semper perire, ut recte Vinnius. Perit quidem res domino, si idem sit dominus & creditor, cujusmodi est debitor in d.l.9.; qui enim pignus creditori dedit, quamvis ratione sortis debitor sit; ratione vero pignoris & dominus est & creditor, illudque a creditore suo repetit; proindeque si res sine culpa hujus pereat, domino perit; sic enim traditum est, ubi res debita sine facto debitoris perit, domino perire, & omnino liberari debitorem l.5. de pign. cred. l.23. de V.O. Contra res quandoque perit non domino, si ei a domino debeat, quia tunc non dominus creditor est, dominus debitor. Hanc ob causam res legata vel promissa, licet non tradita, legatario vel stipulatori perit, non domino. Magis obstat Africani locus in l. si fundus 33. ff. locat. qui locus Cujacium, & nonnullos alios transversos egit. Ait is, Si vendideris mihi fundum, isque prius, quam vacuus traderetur, publicatus fuerit, tenebis ex empto: quod si alienus verum eris, ut pretium restituas. Scribit Burgius Eleñ. 13., fuisse hac de re a veteribus disceptatum, & frustra interpretes laborare in destru-

(g) Hæc ita jure Civili scripta sunt. Ceterum Hotemannus ad hunc §. Salmasius de usur. c. 13. Vinnius hic, & alii nonnulli magis consonum rationi esse affirmant, quod Sabinius aiebat. Sed hoc novissime rejecit Gotsfridus Mascardus de Sent. Sabini, & Proculi c.9. n.4.

strenua antiuonia, quæ potius adstruenda est. Accursius id peculiare esse, inquit, in fundo publicato. Et certe hoc Africanus responsum aliquid peculiare habet, nam idem ipse Africanus in *l. si soluturus 39. de solut. in fin.* scribit, mercedem nouum traditam periculo emtoris esse, quia emtio perfecta sit. At quid illud sit, quod in *d. l. si fundus 33.* aliam Africano mentem dedit; non expresse Accursius. Antonius Faber *2. cons. l. 4.* sic distinguit. Si res vendita suo ipsius viro in ea caussa est, ut tradi non possit, puta, si omnino intercidit; periculum est emtoris, qui pretium venditori debet; & sibi is damnum tribuat, quod, quum possit dato pretio rei possessionem & dominium continuo nancisci, antequam periret, moras necdere maluit. Quod si vero res vendita extet adhuc, sed ex aliqua caussa extrinseca præstari non possit, puta si fundus publicatus sit, vel servus furto substractus, recte petet emtor, rem sibi tradi: sed liberatur tamen venditor, actiones suas cedere paratus, si quas habet, nam si nullas habet, ut in specie fundi publicati, vel serui alieni furto substracti, quem is vendiderat, restituere pretium tenetur. Huic distinctioni pondus accedit ex hoc §., ubi Trib. primum affert exempla rei deperditæ, aut deterioris factæ ita ut præstari, qualis venerat, non possit; tum subdit, si homo si gerit, qui veniit, aut subreptus fuerit, (nempe si res non desierit esse in natura) venditor rem non omnino liberari, sed actiones suas cedere compellendum. Omisit quidem Tribonianus eam speciem, qua venditor actiones cedere non potest; sed de ea sic in Digestis Cajus *d. l. 35. §. 4.* Unde videbimus in personam ejus, qui alienam rem vendiderit, quum is nullam vindicationem aut conditionem habere possit. Ob id ipsum damnandus est, quia si suam rem vendidisset, potuisset eas actiones ad emtorem transferre. Quæ verba hoc sensu interpretatur Faber, ut venditor: pretii iacturam faciat, non ut præstare id, quod emtoris interest, compellatur, arg. *l. si fundus*; rei enim alienæ venditor non ideo statim tenetur ad id, quod interest, quia rem alienam vendidit, sed ita demum si evicta res sit, *l. si plus 74. §. 1. de evict.* *l. 3. §. de evict.*; quumque id non nisi re tradita contingat, dicendum est, venditorem, qui re vendita ante traditionem subtrahit, cedere actiones non potest, ad pretium dumtaxat teneri. Accedere possit hic, quod fundus, de quo loquitur Africanus, aut culpa venditoris publicatus est, & merito is pretium reddet, ne culpa ejus emtori noceat; aut ob usus publicos, & quoniam is fundi pretium a Fisco recipit, æquissimum est etiam, reddi pretium emtori. Ita Vinnius hic. Verum Cl. Vir Gerardus Noodt ad lib. 18. Pand. tit. 6. fundum sola bellorum injuria, nulla venditoris culpa publicatum, supponit, qualia exempla sunt apud Virgilium *Ecol. 1.*; Paulum *l. 11. de evict.*, & Ulpianum *l. 15. de R.V.*; (V. Burgium *loc. cit.*, & Osium Aurelium *Disposit.* ad Merill. *disposit.* 26.) Ideo autem saluum esse ait emtori pretium, quia nec naturalis, nec civilis ulla ratio permittit, ut injuria venditori facta personam ejus egrediat, & noceat emtori. Jam vero quam culpam venditor præstat? Quia in hoc contractu utriusque contrahentium utilitas agitur, is de levi tantum tenetur, *l. 5. §. 2. ff. de commod. d. l. 35. §. 4. h. t.* Neque id conuelliur Cajus & Paulus *l. 1. §. 3. ff. de per. & comm.*; loquuntur enim de venditione earum rerum, quæ numero, pondere, mensura constant. Ait Cajus *d. l. 1. §. 1.* Custodiam autem ante ADMETIENDI diem, qualem præstare venditorem oporteat, utrum plenam, ut & diligentiam præstet, an vero dolum dumtaxat, videamus. Et puto, eam diligentiam venditorem exhibere debere, ut fatale damnum, vel vis magna, sit excusatum. Hæc Caji verba excipit Pauli dictum *l. 3.* quod cum iis coniungendum est, in eandemque sententiam accipiendum, Custodiam venditor tantum præstare debet, quam præstant hi, quibus res commodata est, ut diligentiam præstet exaltorem, quam in suis rebus adhiberet. Eorum vero, quæ numero,

mero, pondere, mensurave constant, ea est natura, ut si uno pretio & *averfione* (h) vendantur, idem juris sit, quod in ceteris rebus, hoc est, ut *funus* atque *de pretio conveniret*; videatur *perfecta venditio*; si autem veniant in singulas amphoras, in singulos modios, in singulas libras, non aliter videatur *perfecta venditio*, quam si *admensa*, *adpensa*, *adnumerataque sint*. d. l. 23. §. 4. l. 2. *Code per. & comm.* Quæ quum ita sint, patet, cur in d. l. 23. §. 4. venditor non levem duntaxat culpam præstet; quia venditum proponitur vinum non admensum, ibi, ante admensandi diem: quo casu periculum venditoris est, quasi non dum perfecta venditione; l. 1. §. 6. d. l. 2. *Code per. & comm.* Quod si venditor *custodiam rei usque ad traditionem susceperit*, ut loquitur hic Trib., in ea specie is ex peculiari conventionione *exaltissimam diligentiam præstare compellitur*, *contrahens* 23. de R. J. *Custodiam dixit* Tribonianus, hoc est præstationem periculi, & casuum fortuitorum: quod est minus proprie dictum, etsi non desint exempla. *Custodia proprie diligentia est*. V. burgium *Elect.* 1. Recte igitur Theophilus Triboniani locum. Græce sic est interpretatus, *ὅτι ἀρρητοῦ τοῦ ἀπορρητοῦ ἀπορρητοῦ*.

at §. 1. V. Emptio & pure, & sub conditione contrahi potest, l. 7. h. e. l. 8. de per. & comm. §. h. §. ubi venditionis sub conditione contractæ hoc exemplum adducitur, si Stichus intra certum diem tibi placuerit, eris tibi emptus aureis tor. Nihil obstat, quod Cajus scribit *quod saepe §. 5. h. e. b. s. imperfectum esse negatum*, quum emere volenti sit venditor dicte, quanti velit, quanti equum putaverit, quanti astimaverit, habebis emptum. Nam diversæ sunt species. Quam dico, si Stichus intra certum diem tibi placuerit; perpetuum non est emptoris arbitrium. Quum dico, quanti volens, nullo adjecto tempore, perpetuum est arbitrium, quod leges non admittunt. Ita vulgus interpretetur. At vera discriminis ratio ea videtur esse, quod in prior formula certum, ac definitum est pretium: in posteriore non solum consensum in incertum tempus differtur, sed & pretium ipsum arbitrio contrahentis relinquitur, adeoque, quum certum non sit, jure non consistit venditio. Interdum pura venditio sub conditione resolvitur adjectis quibusdam pactis; quorum præcipua tria sunt. Unum est pactum additionis in diem, cujus hæc est formula, *Ille fundus centum esto tibi emptus, nisi si quis intra kalendas Januariæ proximas meliorem conditionem fecerit*, quo res a domino abeat. l. 1. §. 6. de in diem additi. Utrum vero pura esset hujusmodi emptio, quæ sub conditione resolveretur, an potius conditionalis, quaesitum fuisse a veteribus, tradit Paulus l. 1. §. 4. ff. pro empt., & Ulp. l. 2. de in diem add. ubi addit, Et mihi videtur verius, interesse, quid actum sit, nam si quidem hoc actum est, ut meliorem nullam conditione discendatur, erit pura emptio, quæ sub conditione resolvitur: sin hoc actum est, ut persciatur emptio, nisi melior conditio asseratur, erit emptio conditionalis. Idemque visum Paulo ibid. Alterum est pactum Legis Commissoriæ, cujus formulam dat Pomp. l. 2. & Ulp. l. 4. ff. de leg. comm. Si intra certum diem pecunia soluta non sit, fundus inemptus esto. Hanc quoque venditionem magis esse, inquit Ulp. l. 1. eod., ut sub conditione resolvatur, quam sub conditione contrahi videatur. Tertium est pactum de retrovendendo, nam venditori, hereditæ ejus, quum volens, aut intra certum tempus liceat pre-

tio

(h) *Averfione vendere* in l. 1. §. exercitorem, de exerc. act. lib. 13. Basilic. Græci interpretantur *ἀπορρητοῦ*, in universo, & in l. 4. §. si averfione, de per. & comm., *ἀπὸ τοῦ*, alca. Qui enim in universum vendunt, locantive, quasi averfi vendere, & locare intelliguntur. Cujas. 8. Obs. 15.

tio reddito rem ipsam recipere l.2. C. de pact. int. emt. & vend.

§. V. Et quoniam in emtione venditione id agitur, ut dominium transferatur, patet, omnium rerum, quas quis habere, vel possidere, vel persequi potest, venditionem recte fieri, quas vero natura, vel gentium jus, vel mores Civitatis commercio excernerunt, earum nullam venditionem esse. Paulus l. 34. §. 2. h. t. Hinc loca sacra, vel religiosa, vel publica, vel hominem liberum frustra quis sciens emit: quæ tamen si pro profanis, vel privatis, vel liberum pro servo deceptus a venditore quis emerit, habebit actionem ex emto, quod non habere ei liceat, ut consequatur, quod sua interest, deceptum non esse. Trib. h. §. Hac de re Modestinus l. 6. §. 1. h. t., Qui nesciens loca sacra vel religiosa vel publica pro privatis comparavit, licet emtio non teneat, ex emto tamen adversus venditorem experietur, ut consequatur, quod interfuit ejus, ne deciperetur. At Pomponius intelligi emtionem scribit, l. 4. eod., Et liberi hominis, & loci sacri, & religiosi, qui haberi non potest, emtio intelligitur, si ab ignorante emitur. Quæ duo loca non sunt contraria. Modestinus inquit, summo ac directo jure emtionem non valere, ac proinde directam ex emto actionem emptori non competere. Pomponius non ait, emtionem proprie valere, sed intelligi, adeoque dari emptori actionem utilem, ut consequatur, quod sua interest, non fuisse deceptum. V. Gerard. Noodt de form. emend. dot. mal. c. 12. Valet tamen interdum venditio loci sacri aut religiosi, uti dictum lib. 2. ad tit. de ver. div. Pertinet huc is casus, quum locus sacer aut religiosus emtioni majoris partis accessit, ut loquitur Ulp. l. in modicis 24. h. t., nempe si ager, aut domus veneat, quæ templum aut sepulcrum habebat. Quædam, (apposite Paulus l. 62. de adq. ver. dom.) qua non possunt sola alienari, per universitatem transiunt, ut fundus dotalis, & ejus quis commercium non habet. Facit locus Taciti 1. Annal. c. 73., Nec contra religionem fieri, quod officior ejus, (Augusti) ut alia Numinum simulacra venditionibus horrorem, & demum accedant.

DE LOCATIONE, ET

Conduzione.

TITULUS XXIV.

19. ff. 2. 4. C. 65. & 11. C. 70.

Locatio, & conductio proxima est emtioni, & venditioni, iisdemque juris regulis consistit. Nam ut emtio, & venditio ita contrahitur, si de pretio convenierit: sic & locatio, & conductio ita contrahi intelligitur, si merces constituta sit: & competit locatori quidem locati actio, conductori vero conducti.

Et quæ supra diximus, si alieno arbitrio pretium permixtum fuerit, eadem & de locatione, & conductione dicta esse intelligimus, si alieno arbitrio merces permixta fuerit. Quæ de causa si fulloni polienda, curandave, (a) aut

(a) curandave Theophrastus non habet, ac rejiciunt nonnulli: sed fullonem quoque partes fuisse curare, probat Fabrot. ad Theophr.

farcinatori farcienda vestimenta quis dederit, nulla statim mercede constituta, sed postea tantum daturus, quantum inter eos convenerit: non proprie locatio, & conductio contrahi intelligitur, sed eo nomine actio præscriptis verbis datur.

2 Præterea sicut vulgo quærebatur, an permutatis rebus emtio, & venditio contraheretur; ita quæri solebat de locatione, & conductione, si forte rem aliquam utendam, sive fruendam tibi aliquis dederit, & invicem a te utendam, sive fruendam aliam rem acceperit. Et placuit, non esse locationem, & conductionem, sed proprium genus contractus: veluti, si quum unum bovem quis haberet, & vicinus ejus unum, placuerit inter eos, ut per decem dies invicem boves commodarent, ut opus facerent, & apud alterum bos periret, neque locati, neque conducti, neque commodati competere actio: quia non fuit commodatum gratuitum: verum præscriptis verbis agendum est.

3 Adeo autem aliquam familiaritatem inter se videntur habere emtio, & venditio, item locatio, & conductio, ut in quibusdam causis quæri soleat, utrum emtio, & venditio contrahatur, an locatio, & conductio. Ut ecce de prædiis, quæ perpetuo quibusdam fruenda traduntur, id est, ut quandiu pensio, sive redditus pro his domino præstetur, neque ipsi conductori, neque heredi ejus, cuius conductor, heresve ejus id prædium vendiderit, aut donaverit, aut dotis nomine dederit, aliove quocunque modo alienaverit, auferre liceat. Sed talis contractus, quia inter veteres dubitabatur, & a quibusdam locatio, a quibusdam venditio existimabatur: lex Zenoniana lata est, quæ emphyteusicos contractus propriam statuit naturam, neque ad locationem, neque ad venditionem inclinantem, sed suis pactionibus fulciendam: & si quidem aliquid pactum fuerit, hoc ita obtinere, ac si natura talis (b) esset contractus: sin autem nihil de periculo rei fuerit pactum: tunc si quidem totius rei incertus accesserit, ad dominiū super hoc redundare periculum: sin autem particularis, ad emphyteuticarium hujusmodi damnum venire: quo jure utimur.

4 Item quæritur, si cum aurifice Titius convenerit, ut is ex auro suo certi ponderis, certæque formæ annulos ei faceret, & acciperet, verbi gratia, decem aureos, utrum emtio, & venditio, an locatio, & conductio contrahi videatur? Cassius ait, materiz quidem emtionem, & venditionem contrahi, operæ autem locationem, & conductionem. Sed placuit, tantum emtionem, & venditionem contrahi. Quod si suum aurum Titius dederit, mercede pro opera constituta, dubium non est, quin locatio, & conductio sit.

5 Conductor omnia secundum legem conductionis facere debet, & si quid in lege prætermisum fuerit, id ex bono, & æquo præstare. Qui pro usu aut vestimentorum, aut argenti, aut jumentorum mercedem aut dedidit, aut promisit: ab eo custodia talis desideratur, qualem diligentissimus paterfamilias suis rebus adhibet, quam si præstiterit, & aliquo casu rem amiserit, de restituenda ea non tenebitur.

6 Mortuo conductore intra tempora conductionis, heres ejus eodem jure in conductione succedit.

COM.

(b) Primus omnium Forestus sic restituit hunc locum, ubi legebatur, naturalis. Fawet Theophili Paraphrasis.

COMMENTARIUS.

PR.Tis. Consensu etiam constat Locatio Conductio, de qua Isid. *orig.* 25. Locatio est res ad usum data cum diffinitione mercedis: conductio est res in usum accepta cum constituta mercede. Locare igitur est utendum dare certa mercede, conducere est utendum accipere, etsi veteres his vocibus promiscue usos, scribat Cajus l.20. de *ass. emt.* ex natura relatorum, ut *precedat.* dictum est, quemadmodum actio ex vendito pro, ex emto, & vicissim actio ex emto pro, ex vendito in libris juris occurrit, l. sed hoc nomine 26. l. si quum venditor 66. §. 2. de *vi. lib. lex* conventionione 11. C. de *pass. l. 6.* eleganter 7. pr. de *dolo. l. un. C. si se rrv. ext. se emi manda. §.* & fidejussor emtionis pro, venditionis, l. Latinus 36. de *Edil. edict.*; & illa verborum conceptio, quæ interrogatione constat, ac responsione, quandoque stipulatio, quandoque etiam sponsio appellatur, l. stipulationum §. 1. de *V. O. l. sponsio 7. de V. S.* Hinc actio ex conducto pro, ex locato, & contra l. ex conducto 1. §. ult. l. sed adder 19. §. illud 2. C. l. dominus 55. §. ult. ff. locat.; & vetita rei suæ locatio, idest, conductio, l. neque pignus 45. de *R. J.* Forner lib. 4. *Quotid. c. 9.*

(1) Locationem facere duplicem videtur Nonius, rerum unam, alteram operarum, Locandi manifesta significatio est, ut aut operis locandi, aut fundi. Utriusque diversa est ratio. Et locari quidem possunt res omnes, quæ in commercium cadunt, sive mobiles, sive immobiles, ac res etiam incorporales, ut usufructus & habitatio, *sup. de usu, & habit. §. 1. C. pen. excepta servitute*, quam dicunt realem, quia quum sit jus prædii, §. 3. *sup. de reb. corp. l. 86. de V. O.*, intelligi extra prædium non potest, l. 20. §. ult. de *serv. prad. rust. l. 6. §. 2. C. 3. ff. serv. vind.* Sic accipe Ulpiani verba l. 44. *bit.*, Locare servitutem nemo potest; nam, quæ prædiis debentur, ex servitutes sine alio addito interdum vocantur, d. §. 3. C. l. 44. de *servit.*; quo factum, ut in titulo Digestorum, de servitutibus, & in titulo Codicis, de servitutibus, & aqua, solæ prædiorum servitutes exponantur. Locari etiam recte possunt facta, quæ communi judicio mercede æstimantur, veluti, tabulam pingere, quo exemplo utitur Paulus in l. naturalis §. 2. de *prescript. verb.*; unde quia servum manumittere nulla æstimari mercede solet, nullam ejus facti locationem esse, addit Paulus d. §. 2. idemque dicas

de

(2) Hinc locum accipit obscurus Ulpiani locus in l. si quis domum 9. §. si colonis 3. ff. h. r. *dis Ulp.*, Si colonis prædiorum lege locationis, ut innocentem ignem habeant, denunciaturum sit, si quidem fortuitus casus incendii causam intulerit, non præstabit periculum LOCATOR: si vero culpa LOCATORIS, quam præstare necesse est, damnum fecerit, tenebitur. Sic Florentinus Codex. Tenebras facit illud, quod Ulpianus de colonis, hoc est, conductore quærit, num ex ea denunciatione præstare casum fortuitum teneatur: at de locatore tamen respondet. Multi pro iis, non præstabit periculum locator, legunt; non præstabitur periculum locatori, ut habet vulgata Accursii editio, subaudi, a colonis: ac pro iis, Si vero culpa locatoris, quam præstare necesse est, damnum fecerit, tenebitur, legunt, Si vero culpa, (etiam voce, locatoris) quam præstare necesse est, damnum fecerit, tenebuntur, puta, coloni. Ita Antonius Faber, quem probat Gerardus Noodt ad h. l. ff. Tu, si sapias, emendatrices manus abstine, & locatorem pro conductore positum puta, ac salva res erit. V. Jacob. Corb. *Animadv. jur. c. 12.*

de his factis, quæ opinione hominum non recipiunt æstimationem, nec tunc quidquam intersunt. In locatione rerum id perpetuum est, cum esse locatorem, qui utendum dat, eum conductorem, qui utendum accipit mercede præstita. In locatione operarum expedita res non est; modo enim locator est etiam is, qui mercedem præstat, & conductor, qui accipit. Et quidem locator est, qui dat utendam domum, & qui dat opus faciendum, locator quoque est: at hic mercedem dat, ille accipit: & qui domum utendam, quique faciendum opus suscipit, conductor est: at hic mercedem accipit, ille dat. Non est igitur merces, quæ locatorem a conductore distinguit: sed qui dat utendum vel faciendum, locator est, qui accipit, conductor. V. Cujac. 2. *Obf.* 28. Juvat hic & illud monere, in locatione operarum eundem diversæ ratione & locatorem & conductorem censerī, nam qui opus conducit, is eodem tempore operas locat; & qui operas conducit, is idem opus locat, *Item ff.* 22. §. 2. *h. a. d. de assim. act.* Nunc ad Tribonianum veniamus. Ait is ex Cajo in *l. 2. h. t.* locationem conductionem proximam esse emtioni venditioni, iisdemque regulis consistere. Sane ut emtio venditio contrahitur, si de pretio convenuerit, ita locatio conductio, si merces constiterit sit. In emtione res ipsa æstimatur, quia id agitur, ut pretio dato dominium traditione adquiratur: in locatione rei usus: & proprie dicitur *pretium* de emtione, *merces* de locatione, & si hæc, quum nihil sit aliud, nisi pretium usus, quandoque *pretium* vocetur. *Liquet ff.* 28. §. 2. *l. 51. §. 2. l. insulam 58. pr. h. t. l. ult. §. ult. de L. Rhod. l. 10. in fine adq. poss.* Dicitur interdum *pensio*, *reditus*, vel *redactus*, & proprie tunc dicitur, quum locantur prædia (b), *lex conducto 15. §. 4. sed adder 19. §. 1. §. 4. h. t.* Cujac. 4. *Obf.* 26.

§. 1. Et quemadmodum in emtione pretium, ita & in locatione merces conferri potest in arbitrium alterius, modo tamen, juxta ea, quæ de emtione dicta sunt suo loco, merces certa sit. *l. 52. pr. de donat. int. vir.* Nam si opera gratis præstetur, mandatum est, *§. ult. inf. de mand.*, si gratis detur rei usus, commodatum; §. 2. *sup. quib. mod. re contr.*, si quid faciendum detur, ut fullo-ri polienda curandave, aut sarcinatori sarcienda vestimenta, (c) quæ sunt

exem-

(b) Pro rusticis prædiis *pensio* Kalendis Martiis solvebatur, *Scavola l. de fun. h. 58. pr. de usufr. Macrob. lib. 1. c. 12.*; pro adibus Kalendis Quintilibus, id est, Julii, qui primus erat conductionum dies, & quo die migrare inquilini dicebatur. *Cicero Ep. ad Q. Fratrem*. Domus tibi ad lucum Pisonis Luciniam conducta est, sed, ut spero, paucis mensibus post Kalendas Quintiles in tuam commigrabis. *Martialis lib. 12. ep. 32.*

O Juliarum dedecus calendarum!

Vidi, Vacerra, sarcinas tuas, vidi:

Quas non retentas pensione pro bima

Portabat uxor rufa.

Nec solum domus, sed etiam agri kalendis Juliis locabantur. *Julianus l. 41. de contr. emt.* Quum ab eo, qui fundum alii obligatum habebat, quidam sit emtum rogasset, ut esset is sibi emtus, si eum liberasset, dummodo ante kalendas Julias liberaret &c. *V. Ant. Aug. 4. Emend. 14. Panciroli. 1. Var. lect. 96.*

(c) Frequentissima Fullonum mentio in Libris Juris, quia multus Romanorum numerus. De his lata *lex Metella*, de qua *Plinius lib. 35. cap. 17. Foris* præscribebat ea lex modum & ordinem, quo fullones perficatis creta vestibus sordes eluerent, eorum enim munus erat vestimenta emaculanda conductore, unde

de

exempla hujus §., mercede deinceps inter contrahentes constituenda, est contractus innominatus, *Factio, ut des*, ex quo competit actio præscriptis verbis. *h. §. l. si sibi 22. de præscript. verb.* ob Celsi regulam in *l. 2. cod.*, *Quum deficiant vulgaria, atque usitata actionum nomina, præscriptis verbis agendum est. Fac. l. 3. d. a.* Cur vero hujusmodi actiones præscriptis verbis dicebantur? Quia earum (inquit Hotomanus) non erant certæ & solennes formulæ a Prætoribus propositæ Edictis suis, sed ab ipsis litigatoribus præscribebantur verba; secundum quæ judicium dabatur. Eadem actiones in factum dictæ sunt, unde *tit. ff. de præscriptis verbis §. in factum actionibus*, quia factum ipsum exponebatur, ex eoque verba concipiebantur. Accidebat id, quum non ex communibus causis, & usuratis controversiis nascebatur actio, puta, ex emto vendito, locato conducto, & omnibus iis conventionibus, quæ certum nomen habent, quarumque actiones certis expressæ formulæ Edictis Prætorum describebantur, sed ex novis & inusitatis, quæ quum certo delituerentur nomine, ex ipso facto appellationem acceperit, & innominati contractus dicti sunt: Addunt alii, hujusmodi actionum formulæ non a litigantibus, sed ab aliquo Jurisconsulto præscribi solitas: quo referunt illud Veterii Max. *lib. 7. c. 2. de Cessellio Jureconsulto*, *Nullius aut gratia aut auctoritate compelli potuit, ut de aliqua earum rerum, quas triumviri dederant, formulam componeret: Brillon. §. de Form. p. 325.* Putat Merillius *2. Obs. 16.*; in contractibus innominatis, quoniam incerta erat actio, præscribi, hoc est, ante scribi consuevisse negotii verba, ex eisque actorem egisse, dicendo, agere se præscriptis verbis, id est, ante scriptis & propositis scriptura. Verosimilius est ea opinio, ex eo factum hujus actionis nomen, quod, quum proprio careret nomine, præscriptis verbis rem gestam demonstraret. Quam opinionem confirmat Alexander Imp. *l. 6. C. de transact.*, *Aut enim stipulatio conventioni subiecta est, & ex stipulatu actio competit: aut si omnia verborum obligatio est, utilis actio; quæ præscriptis verbis rem gestam demonstrat, danda est.*

§. II. Præterea quemadmodum in emtione venditione debet pretium in numerata pecunia consistere, ita & merces in locatione conductione, & quemadmodum re cum re mutata non venditio est, sed permutatio, ita nec locatio est, mutuo rerum usu ad tempus dato, sed proprium genus contractus, ex quo actio nascitur præscriptis verbis, ut dicitur *h. §.*, ubi tamen fuisse id in questione positum apud veteres, inquit Tribonianus; nec sententiæ, quæ eandem obtinuit, alia subesse potuit ratio, quam hæc, quod & pretium & merces eodem jure censentur, ut utrumque sine pecunia numerata non intervenire intelligatur. Paulus *l. naturalis §. 2. de præscript. verb.* *Quum do, ut facias, si tale sit factum, quod locari solet, puta, ut tabulam pingas, pecunia data, locatio erit, sicut superiore casu emtio: si verò, non erit locatio. V. l. 1. §. 2. ff. de pos. l. quod si 23. §. 2. l. si quis 46. l. si decem 72. l. insulam 38. h. d. 1. in fin. mand. C. c.* Obstat *l. 1. C. h. r.*, *Si olei certa ponderatione fructus anni locasti, de contractu bona fide habito propter hoc solum, quod aliter majorem obtulis ponderationem, recedi non oportet.* En fructus oleo locatos. Fabularum Accursius, quum ait, nullam hic esse locationem conductionem, sed contractum innominatum.

Quis

de falsis ille Fausti focus apud Macrobius, *2. sat. 2.*, Faustus Sullæ filius, quum soror ejus eodem tempore duos haberet mæchos, Fulvium Fullonis filium, & Pompejum Maculam, miror, inquit, forem meam Maculam habere, quum Fullonem habeat. *V. Cujac. 11. Obs. 8. Celer. 14. Parerg. Lipsi. Alstedius.*

Quis enim non videt, subijci eam legem titulo, *De locato & conducto*? Aut quis non intelligit, quod ibi dicitur, non posse locatorem mutare factum, si alter plus offerat, id frustra accipi de contractu innominato, cui poenitentiae locus esset, observantia Noodotio ad *h. tit. ff. 2*. Quid? quod in *l. 8. C. eod.* locationis exemplum adducitur in fundo *certis annuis quantitatibus* conducto. Idem habes in *l. 18. Quod. Suavis Salicetus*, ubi speciem *d. leg. 21. sic* statuit, locatum fundum certa quantitate fructuum in eo nascentium, puta olivetum *certa olei ponderatione*. Quid enim refert, num alibi fructus, an in eo ipso fundo nascantur? num fructus in locato fundo nascentes propius ad pecuniam numeratam accedunt? Divinant Bartolus, Fachinus, Vinnius, & alii, quum in casu *d. legis 21.* certam fuisse constitutam pecuniam supponunt, tum pro ea constitutos fructus ex peculiari pacto, quod fieri posse salvo contractu, traditum est, *l. 9. Cod. de resc. vend. l. 19. §. 3. l. 1. & hac 35. in fin. h. tit.* Quod vero nulla ibi mercedis sit mentio, ex eo nullam intercessisse, perperam colligi ajunt, quum non sit in jure novum, ut quod postremum placuit, solum exprimat. Verum ego adduci non possum, ut credam, in *l. 21. in. l. 8. & in l. 18.* fructus semper ex pacto deberi, & semper mercedis mentionem omitti. Cujacius *trakt. 8. ad African. ad l. 35. ff. locati*, ait, in emptione venditione pretium in numis debere consistere: at in locatione conductione etiam in alia quantitate, si contrahenda locationis animus fuit. Cujacio subscribit Osius *Disputat. ad Merill. 24.* Verum quis est, quem fugiat, non solo animo locationem distingui, sed etiam merce, quae pecunia numerata esse debet; nec aliam esse rationem emtionis, ac locationis juxta descripta Pauli verba in *d. l. naturalis 9.?* Ego arbitror, (quod nonnulli tradidere) peculiare id esse in agris locatis, ut fructus loco mercedis praestentur: idque evinco ex *dd. l. 8. 18. & 21. Cod. h. tit.* Si frumento *locare* apud Cic. *3. in Ver. & Liv. lib. 27. c. 3. & non numo, sed paribus locare* apud Plin. *lib. 9. ep. 37.* Spectat huc, quod apud Appianum scriptum est *lib. 1. de Bello Civ.* veteres colonos parte decima sativa praedia, arboribus constituta parte quinta; saltus vero certo pretio in pecorum casita conduxisse. Etsi facile possit hoc negotium in societatem abire, si communis sit fundus. *l. 25. §. 6. ff. h. tit. l. 52. §. 1. ff. pro soc.*

§. III. Summam vero emtionis & conductionis adspicitatem maxime arguit vetus illa Jurisconsultorum disceptatio, num, si cui praedia perpetuo fructuanda traderentur, id est, ut quamdiu pensio sive redditus pro his domino praestaretur, neque ipsi conductori, neque heredi ejus, cuive conductor heresve ejus praedia vendidisset, aut donasset, aut dotis nomine dedisset, aliove quoque modo alienasset, auferre liceret; num, inquam, locatio esset, an venditio. Multi locationem esse affirmabant, quia eo contractu transferbatur usus, apposta lege pensionis annuae: quum contra traditione rei venditae dominium transeat in emtorem, semel persoluto certo pretio. Multi venditionem esse contendebant, quia res a domino in perpetuum abibat, translato in accipientem non plenissimo solum jure utendi, sed & in heredem, & in alium quemlibet transferendi, data ei utili in rem actione contra quemcumque possessorem, *l. 1. §. 1. si ag. veli.* Sed certe neque erat locatio, quia Romani in perpetuum non locabant, (d) nec venditio, quia dominium non

transi-

(d) Romani locabant ad diem certum, & plerumque ad quinquennium, sive publica locarent, sive privata. Plinius *lib. 8. ep. 36.* Tuscani praedia se in lustrum locasse, scribit. Callistratus *l. 3. §. quum quinquennium, de jur. fisci*, quum quinqu-

transibat. Et bene Imperator Zeno Constitutione sua in l. 1. c. de jur. emphyteus. proprium hoc esse genus contractus voluit, quem Emphyteusum dicunt. Erant vero, qui putant, fuisse Emphyteusum a Zeonone institutum. Zeno dubitationem duntaxat sustulit, & eam a locatione & venditione secrevit: ceterum eam primi mortaliū novere. *Genes. 27. v. 24. Thueyd. lib. 3. Aris. 2. R. e. nom. Joseph. 2. Antig. Judaic. 4.* Et Romæ ab agris vectigalibus origo ejus repetenda est. Vectigales agri aut publici erant, aut privati. Publici erant, quorum proprietas ad Remp. pertinebat; si quando populus se se Romanis dederet, aut bello subactus agro multaretur. Sic, quum Campani Samnitico bello in angustias coniecti se se, suaque omnia Populo Romano dedidissent, factus est ager eorum caput patrimonii publici, pulcherrima P. Romani possessio, subsidium annonæ, horreum belli, sub signo claustrisque Reipublicæ possum vectigal, ut eloquentissime Cic. 2. Agrar. 7. Privati erant, qui privati concedebantur. De his ita Hygin. de Limib. Vectigales agri sunt obligati, quidam Reip. P. Romani, quidam edoniarum, aut municipiorum, aut civitatum, qui & ipsi plerique ad P. Romanum pertinentes, ex hoste capiti, partitque ac divisi sunt per centurias, ut assignarentur militibus, quorum virtute capiti erant, amplius quam destinato modis, quomodo Romanorum militum exigebat numerus. Nam qui superfluerant agri, vectigalibus subiecti sunt. Hi summis Reip. temporibus vendebantur. Liv. lib. 38. c. 46. Quia pecunia ad bellum deerat, agri Campani regionem vendere Suesteres iussi. Vendebantur imposito vectigali. Idem lib. 31. c. 13. Ut agri publici, qui intra quinquagesimum lapidem esset, compia his fieret. Consules agrum estimatores, & in iugera asses vectigales, restandi causa publicum agrum esse, imposituros, ut si quis, quum solvere posset populari pecuniam habere, quam agrum mallet, restitueret populo. Dicti igitur vectigales agri a vectigali, hoc est pensione annua. Atque hi tractu temporis agri Emphyteutarii dicti sunt, unde titulus Digestorum, Si ager vectigalis, id est, emphyteuticarius, petatur: sed eo inter se differebant maxime, quod vectigales dicerentur agri etiam culti, qui aliis fruendi dabantur, emphyteuticarii vero inculti & novales a Græco *ἐμphyτεῦμα*, quod est *insero*, implanse nam agri in emphyteusum dantur, ut Industria meliores fiant: atque hanc ob causam Græci Emphyteusum dicunt quoque *ἐμphyτεῦμα* ab *ἐμψυον*, laboro. Quamquam autem initio emphyteusis pro agris, & quidem incultis instituta esset, tamen successu temporis pro urbanis etiam prædiis, quibus nihil potest inseri, & pro cultis agris contrahi coepit. Hinc Ulpianus l. 15. §. 26. de damn. inf. Vectigales ades, & Justinianus Nov. 120. §. 2. domum emphyteuticam meminit: quod de ædibus aut vetustate aut alio naturæ vitio laborantibus intelligendum est, d. Nov. c. 1. §. ult. Hæ sunt Emphyteutici contractus originis & progressus: nunc ejus proprietates inspiciendæ. I. Eo contractu præ-

quinquennium, aut, in quo quis pro publico conductore se obligavit, excessit. Et mox, Divus etiam Hadrianus in hæc verba rescriptit: Valde inhumanius est mos iste, quo retinentur conductores vectigalium publicorum, & agrorum, si tantem locari non possint; nam & facilius invenientur conductores, si sciverint fore, ut si peracto lustro discedere voluerint, non teneantur. Ulpianus l. si quis nec causam 4. §. 1. si cert. per. Si colonus post lustrum completum fructus perceperit, condici eos constat. V. l. 4. §. 1. de adm. rer. ad civit. pert. l. qui quatuor, §. 1. de leg. 3. l. si filiofamilias 23. §. ult. sol. matr. l. 6. de leg. d. 27. de V. O. Var. lib. 5. de L. L. Sicut Elac. de cond. agr. & Rancir. 1. Var. 25.

dia traduntur perpetuo fruenda, inquit Tribonianus: hinc jus emphyteuticum perpetuum vocatur, *l. 1. C. de offic. com. sac. pal. & emphyteut. perpetua. rit conductores, l. 1. §. 3. Cod. de locat. pr. ad. civil. lib. 11. v. Aleiat. l. Forer. 37.* Quandoque etiam traduntur ad tempus, Paulus *l. idem 3. ff. si ager velt.*, dummodo non ad modicum tempus, Ulpianus *l. 1. §. 3. de superfic. II.* Constituenda est pensio, quæ si per triennium non præstetur, emphyteuta jus suum amittit, proindeque licet domino auferre, nisi quid inter eos contraxerit placuerit, *l. 1. si ager velt. l. 2. C. de jur. emphyt.* idemque est in emphyteusi Ecclesiastica, si emphyteuta per biennium solvere cessaverit, *aut. qui rem, C. de SS. Eccl. l. III.* Emphyteuta omnem fructum percipit, seu quidquid ex fundo & ejus occasione provenit, *l. 1. C. de jur. emphyt.* Sed num thesaurus ad emphyteutam pertinet, an potius ad dominiū? Multi, pro quibus late disserit Vinnius ad §. 39. lib. 2. tit. 1., thesaurum integrum tribuunt Emphyteutæ. At post nonnullos Wissenbachius ad tit. ff. de A.R.D. thesaurum dividit inter dominiū & inventorem. Hac de re pluribus disputare non est animus: satis esse duco Vinnio opponere Ulpianum *l. 7. §. 12. ff. sol. matr.* Certe maritus plus jure habet in fundo dotali, quam emphyteuta in prædio emphyteutico, nam non uno loco maritus dicitur dominus, ut dictum ad tit. Inst. quib. alien. lit. lib. 1., qualis non dicitur emphyteuta. Hic utilem actionem habet, ille directam rei vindicationem: tamen ait Ulpianus, thesaurum inventum in fundo dotali non pertinere ad maritum ea ratione, quia *in fructum non computatur*, sed partem ejus dimidiam uxori tanquam dominæ restituendam. V. Huber. ad tit. ff. si ager velt. IV. Potest emphyteuta prædium aut vendere, cui velit, modo, nisi velit jure suo cadere, id domino denuntiet, ut sciat, num malit is emergere, quo casu tenetur dominus intra duos a denuntiatione menses tantundem offerre, *l. 3. C. de jur. emphyt.*, aut permutare, vel donare, modo id domini significet, non quod is possit, ut in venditione, præferri, sed quia debet novum emphyteutam accepto laudimio, hoc est, quinquagesima pretii parte, in possessionem admittere, *d. l. 3. in fin. Vinn. hic, & late lib. 3. Select. c. 2.* De eo disputat, num ad constituendam emphyteusim scripto sit opus Affirmant nonnulli, quibus se se addit comitem Gothofredus ad *d. l. 1. C. de jure emphyt.* ob ea Zenonis verba, *passionibus SCRIPTURA INTERVENIENTE habitis*: constat autem apud interpretes, duos ablativos, quos dicunt absolutos, necessariam conditionem indncere; ut in §. 44. Inst. de nupt. & Rubrica ff. soluto matrimonio. Sed magis est, ut emphyteusis recte sine scriptura contrahatur. Primum enim Tribonianus *b. §.* ejus non meminit. Deinde emphyteusis bonæ fidei est, in quo genere contractuum scripturæ solennitas nullquam est recepta, Paulo teste *lib. 2. sent. tit. 17. §. 14.* Nec perpetuum est, quod de ablativis absolutis, vulgo jactatur, nam quandoque solum factum designant, *l. 24. de test. mil. l. 2. §. 16. de orig. jur.* Quod spectat ad rei periculum, sic jure cautum est in *d. l. 1.* Si res tota pereat, perit dominiū: si pars, perit emphyteutæ, qui nihilominus integrum canonem pendere compellitur *d. l. 1.* Quod vero contrarium in locatione placuerit, *Lex conditio 15. §. 2. C. 3. ff. locat.*, id hanc habet causam, quod in emphyteusi pensio non pro fructibus datur, ut in locatione, sed in dominiū, ut ajunt, recognitionem.

§. IV. De eo etiam quæsitum fuit, si cum aurifice mihi convenerit, ut is ex auro suo annulos mihi faceret certi ponderis certæque formæ, & accepit, verbi gratia, trecenta, num emptio venditio esset, an locatio conductio? Ajebat Cassius, materix quidem emtionem & venditionem contrahi, operæ autem locationem & conductionem; quod & visum Grotio *lib. 2. c. 12. §. 5.* Sed placuisse, ait Cajus *l. 2. §. 1. ff. locat.*, & Trib. *b. §.*, unum esse negotium, & ma-

gis emtionem venditionem esse. Et merito, regula est eum juris a Sabino tradita. *l. 20. de contr. emt.* Si quam rem nobis fieri volumus, ut nihil aliud quam pecuniam daremus, emtionem videri, nec posse ullam locatorem esse, ubi corpus ipsum non detur ab eo, cui id fieret. Adde regulam Javolenti in *l. 6. §. 1. cod. Toties conductio alicujus rei est, quoties materia, in qua aliquid prestatur, in eodem statu ejusdem manet: quoties vero & immutatur & alienatur, (quod sit de auro in specie nostra) emtio magis intelligi debet. Ex quibus regulis conficitur, quod ait in fine *h. §. Trib.*, si suum aurum quis dederit, mercede pro opera constituta, dubium non esse, quin locatio conductio sit. *d. l. 2. l. in nave 31. h. t.**

§. V. Reliquum est, ut videamus, quid prestare debeat conductor. Hinc omnia secundum legem, hoc est, pactum conductionis facere debere, ait Cajus in *l. 25. §. 3. h. t. & Trib. hic*; etiam si quid contra morem specialiter actum, sit. *Ulp. l. 19. §. 1. cod.* Praestat quoque levem culpam, quum utriusque commodum agatur, *l. 60. §. 7. citat. l. 5. §. 2. ff. commod. & passim dicitur*, a conductore culpam praestare. *l. 19. §. 3. l. 1. §. 3. litem queritur 13. §. 1. l. in nave 31. h. t.* At quid est, quod scribit hoc loco Tribonianus, talem custodiam esse a conductore desiderandam, qualem diligentissimas paternae familias suis rebus exhibet? Idem habet Cajus *l. 25. §. pen. h. t.* Hic Jurisconsultorum dissensus interpretum exercet ingenia. Vetus Glossator Martinus distincta inter rem, quae acteri & frangi facile potest, cujusmodi sunt columna, dolium, tignum &c., & rem, quae difficile atteritur, cujusmodi sunt fundus, aedes &c.: in his levem tantum, in illis levissimam quoque culpam praestari. Martinum sequuntur Alciatus, Carolus Molinæus, alique non pauci. Decius, Contius, Hotomanus, & novissime Gerardus Noodt ad *D. h. t.* ajunt, conductorem rei de levi tantum, conductorem facti, sive operae, de levissima etiam teneri, quia videtur hic periciam & diligentiam artificis profiteri, hoc est non communem & vulgarem: quo refert Noodtius illud Tullii *lib. 1. de Orat. c. 38.* Aliud est, esse artificem in ejusdem generis atque artis, aliud in communi vita, & vulgari hominum consuetudine nec habetorem, nec rudem; & illud Ulpiani *l. 9. §. 1. Celsus etiam imperitiam culpae adnumerandam*, libro octavo Digestorum scripsit: si quis vitulos pascendos vel foveendum quid poliendumve conduxit, culpam eum praestare debere: & quod imperitia peccavit, culpam esse; quippe ut artifex, inquit, conduxit. Sed utraque hæc distinctio locum habere non potest. Praetorem rejicit Cajus ipse in *d. §. pen.* ubi, adductis columnæ, dolii, ac tigni exemplis, subdit, Idemque ad ceteras res transferri potest. Posteriores rejiciunt omnia ea juris loca, ubi generaliter scriptum est, conductorem de levi culpa teneri; & ad hæc Ulpianus *l. 9. §. 3. & l. 13. §. 1.* ubi ait, eum, qui vinum de Campania transportandum, & qui onus vehendum conduxit, (quæ duo facta sunt) ex locato teneri, nisi absque culpa, puta levis, nam levis intelligitur culpa, quæ sine ullo addito culpa appellatur. Sed & eam distinctionem aperitissime repellit Alphenus *l. in nave 31. h. t.* ubi de nauta, qui avehendum frumentum conduxerat, ait; eum culpam dumtaxat debere, addita generali illa ratione; in re, quæ utriusque causâ contraheretur, culpam debere. Præterea Tribonianus ipse *h. §.* non esse distinguendum inter conductorem rei, & operæ, luculenter ostendit, nam debere conductorem aut diligentissimi patrisfamilias custodiam præstare, sive vestimentum, sive argentum; sive jumentum conduxit. Denique idem Ulpiani locus in *l. 9. §. 1.* quo Noodtius utitur, contra Noodtium facit; nam loquitur ibi Jurisconsultus de eo, qui aliquid foveendum poliendumve conducit, atque debere eum culpam præstare, puta levem ex dictis. Jacobus Cujacius ad *h. §.* scribit, Cajum ac Tribonianum

obi-

obitor dixisse, *diligentissimus*. Nec novum est, superlativum pro positivo, utriusque pari, & contra. §. ult. *Inst. de testam. ord. l. 5. §. custodiam §. ff. commod. l. heredes 27. §. non tantum 26. fam. ariste. §. 2. sup. quibus mod. re contrah. Confer l. in rebus 12. commod. l. 1. §. 4. de O. & A. §. 1. inf. de obl. que quasi ex contr.*

Jacobus Gothofredus ad l. contrahens 23. de R. J. discrepasse veteres Jurisconsultos opinatur, & Ulpianum ipsa variasse. Ego mihi non liquere pronuncio: sed potius ad Cujacium accedo.

§. VI. At hic Trib., mortuo conductore intra tempora conductionis, heredem ejus eodem jure in conductione succedere. Facit l. sed addit 19. §. pen. h. s. l. i. 10. C. de Id ipsum dices de herede locatoris. d. l. 19. §. 5.

DE SOCIETATE.

TITULUS XXV.

7. ff. 2.

4. C. 37.

Societatem colere solemus aut totorum bonorum, quam Græci specialiter *κοινωνία* (α) appellant; aut unus alicujus negotiationis, veluti mancipiorum vendendorum, emendorumque, aut olei, aut vini, aut frumenti emendi, vendendique.

1 Et quidem si nihil de partibus lucri, & damni nominatim convenerit: æquales scilicet partes & in lucro, & in damno spectantur. Quod si expressæ fuerint partes hæc servari debent. Nec enim unquam dubium fuit, quin valeat conventio, si duo inter se pacti sunt, ut ad unum quidem duæ partes & lucri, & damni pertineant ad alium tertiam.

2 De illa sane conventionē quæstio est, si Titius, & Sejus inter se pacti sint, ut ad Titium lucri duæ partes pertineant, damni tertia: ad Sejum, duæ partes damni, lucri tertia: an rata debeat haberi conventio? Quintus Mucius contra naturam societatis talem pactionem esse existimavit, & ob id non esse ratam habendam. Servius Sulpicius, cujus sententia prævaluit, contra sensit: quia sæpe quorundam ita pretiosa est opera in societate, ut eos justum sit conditione meliore in societatem admitti. Nam & ita coiri posse societatem, non dubitatur, ut alter pecuniam conferat, alter non conferat, & tamen lucrum inter eos commune sit, quia sæpe opera alicujus pro pecunia valet. Et adeo contra Quinti Mutii sententiam obtinuit, ut illud quoque confiteri possit convenire, ut quis lucri partem ferat, de damno non teneatur, quod & ipsius Servius convenienter fieri existimavit. Quod tamen ita intelligi oportet, ut si in alia re lucrum, in alia damnum illatum sit; compensatione facta, solum, quod superest, intelligatur lucro esse.

3 Illud expeditum est, si in una causa pars fuerit expressa, veluti in solo lucro, vel in solo damno, in altera vero omissa: in eo quoque, quod prætermisum est, eandem partem servari.

4 Manet autem societas eo usque, donec in eodem consensu perseveraverint. At quum aliquis renunciaverit societati, solvitur societas. Sed plane si quis callide in hoc renunciaverit societati, ut obveniens aliquod lucrum

solus

(α) Cujacius ex Theoph. & MS. *κοινωνία*, *κοινωνία*.

solus habeat, veluti si totorum bonorum socius, quum ab aliquo heres esset relictus, in hoc renunciaverit societati, ut hereditatem solus lucrificaret, cogitur hoc lucrum communicare. Si quid vero aliud lucrificat, quod non captauerit, ad ipsum solum pertinet. Ei vero, cui renunciatum est, quidquid omnino post renunciatam societatem acquiritur, soli conceditur.

5 Solvitur adhuc societas etiam morte socii: quia qui societatem contrahit, certam personam sibi eligit. Sed & si consensu plurium societas contrahita sit, morte unius socii solvitur, et si plures superint: nisi in coeunda societate aliter convenerit.

6 Item si alicujus rei contracta societas sit, & finis negotio impositus est: finitur societas.

7 Publicatione quoque distrahi societatem, manifestum est: scilicet si universa bona socii publicentur: nam quum in ejus locum alius succedat, pro mortuo habetur.

8 Item si quis ex sociis mole debiti pręgravatus bonis suis cesserit, & ideo propter publica, aut privata debita substantia ejus veneat, solvitur societas: sed hoc casu, si adhuc consentiant in societatem, nova videtur incipere societas.

9 Socius socio utrum eo nomine tantum teneatur pro socio actione, si quid dolo commiserit, sicut is, qui deponi apud se passus est: an etiam culpa, id est, desidiz, atque negligentiz nomine, quzicum est: pręvaluit tamen, etiam culpę nomine teneri eum, Culpa autem non ad exactissimam diligentiam dirigenda est. Sufficit enim talem diligentiam communibus rebus adhibere socium, qualem suis rebus adhibere solet. Nam qui parum diligentem socium sibi adsumit, de se queri, sibi que hoc imputare debet.

COMMENTARIUS.

PR.Tit. Societas est contractus juris gentium, bonę fidei, quo res aut operę duorum vel plurium in commune conferuntur, ita ut commune sit lucrum, aut damnum. Dissert a rerum communione, quia hæc verus contractus non est, & quandoque etiam fortuito contingit: societas autem verus contractus est, & sine consensu non constat, unde eam Papinianus *voluntarium consortium* eleganter appellat, l. quum duobus 52. §. idem 8. ff. pro socio. (a) Tribonianus *pr. b. t.* duas proponit societatis species, alteram totorum, hoc est omnium bonorum, (in libris juris totum non ratio idem est, atque omne, b. pr. & l. 63. de procur.) alteram *unius alicujus negotiationis*, veluti *manipulorum emendendorum vendendorumque* &c. (b) Poterat inter utramque hæc

{ a } V. Cujac. 10. Obs. 25.

{ b } Hæc societas Romæ olim frequentissima, ob ingentem servorum numerum, qui venales idcirco vocabantur, l. 60. ff. pro soc. Plaut. Aulul. act. 3. sc. 3. v. 4. Etiam huc introduceb. si vis, vel gregem venalium. Hi erant *mercis loco*. & legato servorum suorum non cedebant, quia possidebantur in horas, atque adeo in momenta, l. fuer 73. §. cum 4. de leg. 3. Romani *venditores venaliciarum* dicit Paulus l. 44. §. 1. de Edil. edict., unde venaliciariam vitam exercere in d. l. 73. §. 4. V. Goshof. ad l. mercis 207. de V. S.

hanc speciem duas alias interficere, alteram, cuius meminit Ulp. l. 7. *cod. de universorum, qua ex quaestu veniunt*; alteram partis bonorum tantum. De societate omnium bonorum sic Paul. l. 3. §. 1. *h. t.*, *Quum SPECIALITER omnium bonorum societas coita est: tunc & hereditas, & legatum, & quod donatum est, aut quacumque ratione adquisitum, communioni acquireretur.* Ait, specialiter, hoc est *expresse*, ut bene Accursius, non enim omnium bonorum societas inita intelligitur, nisi nominatim id actum sit, ut omnes fortunæ conferantur, omnes casus misceantur, & compositum patrimonium habeat conditionem unius, ut elegantissime Autor Declamationum *Declam. 320.* Quod si non specialiter contracta societas sit, sed simpliciter, ut Ulpianus loquitur l. 7., hoc est, re non expressa, tunc videtur coita esse universorum, qua ex quaestu veniunt. d. l. 7. Quid autem venit ex quaestu? Quod ex opera cuiusque descendit, Paulus l. 8. & ideo subdit in d. l. 7. Ulp., hoc est, si quod lucrum ex emtione, venditione, locatione, conductione descendit. In hanc igitur societatem veniunt quæcumque per industriam comparantur: quæ vero sine hominis opera, sed ob meritum aliquod accedunt, cuiusmodi sunt hereditates, legata, donationes, ea non veniunt, l. 9. *cod.*; imo etiam adiciatur, ut & *quæ sine & loci socii sint*, verum esse, inquit Paulus l. 13., non ad aliud iterum, quam quod ex quaestu venit, hanc quoque adjectionem perscrutemur.

§. I. Diximus, in societate id agi, ut commune sit sive lucrum, sive damnum. Quid si nihil de partibus lucri & damni nominatim convenit? *Æquas eas esse constat.* Ulp. l. 29. *h. t.* Idem habet Trib. §. 1. Id sit accipiunt nonnulli, æquas eas esse, etiam si impar sit rerum collatio. Connan. 7. *comm. 13.* Tuldenus hic, alique. Movetur ex eo, quod societas species est amicitia, quæ pares aut accipit, aut facit, ut est in *Sententiis P. Syri vers. 25.* Hinc socii dicuntur *fratres Apulejo Met. 10.* & bonorum conjunctio *sera vox, & quadam fraternitas* Autori *Declibid.*, quem locum restituit Gronov. Ad rem est, quod ait Ulp. l. 63. *h. t.*, *Quum societas iur. quodammodo fraternitatis in se habeat.* Sed bene Grot. lib. 1. c. 1. §. 2. *h. t.* Geometricam, seu comparatam proportionem in societate spectandam esse contendit, quod & vulgo receptum est; & late ostendit Coccejus *Disp. de Proporti.* Jetos fere nunquam fuisse arithmeticis proportionibus usos. Et sane conveniens est viri boni arbitrio, ut qui plus contulit, plus ferat, l. 80. *ff. h. t.* Neque obstat, quod de societatis & amicitia natura differunt adversarii, nam id verum est de amicitia, quæ virtutis, & sapientia causam habet, quam respiciunt Philosophi, non de ea, quæ lucrum, atque utilitatem sibi propositam habet. De hac ita Aristoteles lib. 3. de Rep. c. 9., *Non iustum esse, aquam partem ferre centum minarum enim, qui unam minam attulit, atque eum, qui reliquum omne contulit, neque eorum, qui in societate initio tollata sunt, neque eorum, qui postea accesserunt, & lucri facta sunt.* Et lib. 8. de morib. c. ult., *In societate pecunia plura auferunt, qui plura in societatem attulerunt.* V. Noode ad h. l. ff. Quod si expressæ fuerint partes, ait Tribonianus, hæc servari debent; nec enim unquam dubium fuit, quia valeat conventio, si duo inter se pacti sint, ut ad unum quidem duæ partes & lucri, & damni pertineant; ad alium tertia. d. l. 29. *h. t.*, quæ de re mox uberius.

§. II. Pertinet huc vetus illa Jurisconsultorum controversia, num rata esset conventio, ut unus ex sociis duas lucri partes, damni tertiam haberet, alter duas damni partes, tertiam lucri? Negabat Mucius Scaevola, quod contra naturam societatis ea pactio videretur. Affirmabat Servius Sulpicius, quia sæpe quorundam tantum est opera in societate, ut eos iustum sit condi-

ratione meliore in societatem admitti (c). Quæ Sulpicii ratio argumentum esse potest, eum non omnino Mucianam sententiam reprobare voluisse, neque in omni societate controversam illam passionem admisisse; sed in ea tantum, ubi alter ex sociis pecuniam, alter cum pecunia operam simul conferret. Quod confirmare videtur Ulpianus d.l.29. his verbis, *Si placuerit, ut quis duas partes, vel tres habeat, alius unam, an valeant Placet, valere, si modo aliquis plus consulit societati, vel pecunie vel operæ, vel cuiuscumque alterius rei.* Arque hoc sensu Sulpicii opinionem prævaluisse ajebat Azo contra Johannem; sicque ego optimos quosque interpretes sequutus hunc locum accipio, quidquid contra obstat Vinnius. Valere quoque societatem ex Servii sententia, subdit Tribonianus, ut alter pecuniam conferat, alter operam, & tamen lucrum inter eos commune sit, quia sæpe opera alicujus pro pecunia valet. l.1. C.de Procritum est illud Plauri *Asp. d.l.1. §.3. Kar pari datum hospitium est, opera pro pecunia.* Simile habes apud Ulp. *l. quum duobus §.2. §.2. h. s. (d)* Sic Cic. pro *Rose Amer.* non esse captiosam aut iniquam societatem, dixit, ubi alter corpus, alter disciplinam in societatem adfert. Denique & illud, quod magis mirere, obtinuisse inquit Trib., ut constaret societas, ubi unus lucri partem ferat, de damno non teneatur: quod & Sabino & Cassio placuisse, refert Ulp. d.l.29. modo tanti sit opera, quanti damnum est, plerumque enim tanta est industria socii, ut plus societati conferat, quam pecunia. Ceterum iniquissimum genus societatis est, si ita ineatur, ut alter lucrum tantum, alter damnum sentiat; & hanc societatem Cassium *Leoninam* appellare solitum, narrat Aristo apud Ulp. d.l.29., certe ab apologo Leonis & Vulpis apud *Phædr. fab.5. (e)* Hinc vulgatum jus dicitur, non posse donationis causa contrahi socie-

(c) De Servio Sulpicio ita Pomponius l.2. de O.J. §. 43., Servitus quum in causis orandis primum locum, aut pro certo post Marcum Tullium obtineret, traditur ad consulendum Q. Mucium de re amici sui pervenisse: quumque eum sibi respondisse de jure Servius parum intellexisset, iterum Quintum interrogasse, & a Q. Mucio responsum esse, nec tamen percepisse: & ita objuratum esse a Q. Mucio, TURPE ESSE PATRICIO, ET NOBILI, ET CAUSSAS ORANTI JUS, IN QUO VERSARETUR, IGNORARE. Addit Pomponius, Servium ea veluti consumelia tantum operam dedisse juri Civilis. Summa autem fuit inter eos simulatio, cujus vestigium extrat hoc loco. Scripsi in libros Reprehensorum Saxvolz, quos laudat Gellius lib.4. cap.2. Quodque hic Servius contra Saxvolam affirmat, ex Notatis Mucii desumptum testatur Paulus l.30. de V.Ulp. l.3. §.6. de pen. leg.

(d) At Ulpianus, Precium enim operæ, artis est velamentum. *Budaus* de hoc loco valde laboravit, cum inquit: Nisi quis hunc sensum esse putavit, operæ precium enim artis est velamentum, pro eo quod est, magni æstimandum est, & magni pendendum. *Dura sane interpretatio!* Perit *Avellanus* loc. rest. cap.24. se ita legisse alii in Codice MS. Precium enim operæ artisve æquamentum: quorum verborum hæc est sententia, precium opera vel artis & hoc est æstimationem rem ipsam æquare. Quam læsionem eo vel maxime arripit *Avellanus*, quod velamentum latine non dici opinetur. In quo tamen is facile errorem suum emendasset, si distinctionem *Latinarum* libris, qui ubique præstant, consulisset. *Haloander* legit; Operæ & artis, Faber, partis; Cujus, levamentum.

(e) V. Sulpionem *Gemilem* lib.2. Parerg. ad Pand. c.34.

societatem l. 5. §. 2. h. l. 3. §. 24. de don. int. viri. Ideoque, si donandi addit animus, donatio erit. l. 38. de contr. em. l. 9. C. de d.

§. III. Illud expeditum esse, ait hic Trib., si in una causa pars fuerit expressa, veluti in solo lucro, vel in solo damno, in altera vero omissa, in eo quoque, quod pratermissum est, eandem partem servari. Certe utriusque par est ratio; & secundum naturam est, ut qui sentit damnum, sentiat & lucrum. l. 10. de R. J.

§. IV. Jam certis modis dissolvitur societas, de quibus Modestinus l. 4. §. 1. Ulp. l. 63. §. 10., & Trib. §. 4. §. 6. 7. & 8. h. l. Primus est sociorum dissensus, h. §., vulgatum est enim, nudi consensus obligationem, cuiusmodi est societas, contrario consensu dissolvi, quum nihil tam naturale sit, quam eo genere quidque dissolvere, quo colligatum est. Ulp. l. nihil §. 5. de R. J. Habet tamen societas aliquod proprium & peculiare. Nam ceteri contractus cum demum contraria voluntate dissolvuntur, quum eadem est voluntas omnium, & res adhuc est integra, hoc est, quum nihil eorum, quae praestari debent, est adhuc praestitum, l. 73. adeo 6. l. ab emptione §. 8. de pati. l. 3. & §. 5. l. de refe. vend. l. 1. & 2. C. quando lic. ab em. disc. & Sub. infr. quib. mod. toll. obl.; at etiam si res delierit esse integra, id est, iam collata sint bona, potest vel unus ex sociis a societate discedere: unde illud Senecae ep. 65., Quum visum fuerit, disrumpam cum illo societatem. Sane quemadmodum consuevere veteres tum Romani, tum etiam Graeci, publice, ac privatim amicitias renunciare, & inimicitias indicere, quod Riezard. §. Var. 1. §. 8. & Lipsius Encurs. in Titul. lib. 2. Annal. cap. 70. ex Livio, Tacito, Suetonio, Seneca, & aliis adstruunt, & ex Graeco Oratore Lyfia Boethornius ad Tacit. ibid.; ita & dedere focio, ut a societate, quae species amicitiae erat ad utilitatem comparata, quum eae sua suorum prospiceret, resilire; & quemadmodum nemo potest invitus compelli, ut maneat in amicitia, ita nec potest ad societatem adstringi; hinc Caecina. di. vid.; nec ceteris expedit eum focium pati. (f) Quid enim ab eo expectent, nisi contentiones ac turbas, quas materia communionis soles excitare? Papin. l. 77. §. 20. de leg. 2. Hanc ob causam scripsit Paulus l. 70. h. l., Nulla societatis in aeternum coisio est, & Ulp. l. 14., Est convenit, ne intra certum tempus societate abeat, potest rationem habere renunciatio, nec tenebitur pro focio, qui ideo renunciavit, quia conditio quadam, qua societas erat coisio, ei non praestatur; aut quid, si ita iniurius & damnosus focius sit, ut non expedit eum pati? Quod enim Paulus ait l. 1. h. l., societatem coiri posse in perpetuum; id est, ut idem Paulus explicat, dum vivunt; id non facit, ne focius possit a societate, quum voluerit, resilire, sed ne societas solo tempore finiatur. Renunciatio hae docti expers esse debet; nam si dolo malo facta sit, verum est, quod Cassius scripsit apud Paul. d. l. 175. §. 3., eum, qui sic renunciavit, a se quidem liberare focior suos, se autem ab illis non liberare, veluti, si quum omnium bonorum societatem inisset, deinde quum obvenisset uni hereditas, propter hoc renunciavit; ideoque si quidem damnum attulerit hereditas, hoc ad eum, qui renunciavit, pertinere; omnimodum autem communicare cogetur actione pro focio. Quid si quid

(f) V. Petron. Arbitr. Satyr. & Apul. Met. 10., ubi hanc habes renunciatio-
nis formulam, Intelligo nobis convenire non posse: itaque communes farci-
culas partiamur, & paupertatem nostram privatis quæstibus centemus ex-
pellere, vel, Si tibi societas ista displicet, possumus omnia quidem cetera
fratres manere, ab isto tamen nexu communiquis discedere.

si quid post renunciationem adquisiverit, non erit communicandum, quia nec deus admittitur in eo. Idem habet h. §. Trib. Dolosa etiam existimanda est renuntiatio, si quis renunciaverit eo tempore, quo societatis interit, non dirimi societatem, puta eo tempore, quo res in commune coemtas vendere non expedit. Societatis, inquam; spectatur enim, quid societati, non quid uni aut alteri sociorum expediat; ut sic privata utilitas cedat communi, d. l. 65. §. 5. Præterea callide facta renunciatio intelligitur, quæ ante præstitutum tempus facta est, l. 65. §. 6., nisi tamen iusta suppetat causa, l. 14. §. 16. h. t. Denique si absenti renunciata societas sit, quoad is scierit; quod is adquisivit, qui renunciavit, in commune redigi, detrimentum autem solius ejus esse, qui renunciaverit, Paulus scribit l. 17. §. 1. eod. contra ei, cui renunciatum est, quidquid omnino post renunciationem societatem adquiritur, soli conceditur, inquit hic Trib. & consensit Paul. d. l. 17.

§. V. & VII. Morie quoque socii finitur societas, h. §. l. societatem 4. §. 1. l. nemo 35. l. quum ductus 52. §. 9. l. adeo 59. l. rerum 63. §. ult. d. l. 65. §. 9. h. t. Ceteris id juris civilis proprium esse ait lib. 2. c. 16. §. 16. n. 4. Sane vulgo receptum est, ad heredes in ius universum succedentes ipsas etiam obligationes transmitti, liberes in omne 37, de adq. her. l. hereditas 62. de R. j. Verum naturalis ratio non deest, cur societas ad heredem non transeat; plerumque enim in societate coeunda certi hominis fides & industria spectantur, quæ cum ipso homine pereunt, qui est sensus verborum Tribonianus, quia qui societatem contrahit, certam personam sibi eligit. (g) Tenetur autem heres socii, quamvis ipse

(g) Sunt, qui excipiunt societatem vestigialium, quam publica utilitatis ergo transire inquit ad heredes ob textum Pomponii in l. 9. h. t. Adeo morte socii solvitur societas, ut nec ab initio pacisci possumus; ut heres etiam succedat societati. Hæc ita in privatis societatibus, ait. (Sabinus) (desumptus enim est is Pomponii locus ex lib. 12. ad Sabinum) In societate vestigialium nihilominus manet societas & post mortem alicujus. Subdit autem Pomp. Sed ita demum, si pars defuncti ad personam heredis ejus adscripta sit. Satis est igitur communi consilio heredem adsciscere, & adsumere in eam partem vestigialis exercendi, quam defunctus administrabat, mor enim fuit publicanorum, per partes inter se scribere vestigialium exactionem communi tamen commodo & incommodo, l. locatio, §. socii, ff. de publ. Idem est Ulpiani sensus in l. 63. §. 8. h. t., ubi ait, Circa societates vestigialium, ceterorumque idem observamus, ut heres socius non fit, nisi fuerit adscitus, sum addit. Quod non similiter in voluntaria societate observatur. Ait, voluntaria, nam vestigialium ceterorumque societates voluntariae quidem sunt cum defuncto, non cum herede: ideo voluntariam societatem illis opponis. Hac omnia ex mente Jacobi Cujacii lib. 10. Obs. c. 25. Sed ab eo discipulus ejus discipulus Janus a Cesta ad h. §. Ant. Faber in Rat. ad d. 59. Oisel. ad Cajum lib. 2. tit. 9. §. 17. & plerique omnes, qui idem esse in societate vestigialium, ac in ceteris privatis contendunt, neque heredem ejus, qui vestigialium societatem inivit, socium esse, nisi novo consensu cum eorum societur societas, quam esse ajunt eorum verborum sententiam, si pars defuncti ad personam heredis ejus adscripta sit, item eorum, nisi heres fuerit adscitus. Verum si hæc ita essent, jam nihil distaret vestigialium societas a ceteris, & falsa esset illa Pomponii enunciatio, Hæc ita in privatis societatibus: in societate vestigialium nihilominus manet societas & post mortem alicujus; item illa

ipse socius non sit, ea, quæ per defectum inchoata sunt, expeditæ & perhibere, l. 40. h. t. ac proinde competit in eum actio, ut bonam fidem præstet & culpam, l. 35. §. 36. eod. (b) Ceterum adeo verum est, societatem ad heredes non descendere, ut, quod subdit Trib., si consensu plurium societas contrahita sit, morte unius socii solvatur, esse plures superstiti; (quia potuit societas contemplatione ejus, qui mortuus est, a pluribus coiti) nisi aliter convenisset. Quæ postrema verba hanc habent sententiam, conveniri posse, ut, qui superlunt, in societate maneat; ea enim conventio, ut socii heres in societatem succedat, tanquam naturæ societatis contraria non valet, l. 39. h. t. atque hoc est, quod Ulpianus inquit, Nemo potest societatem heredi suo sic parere, ut ipse heres socius sit, d. l. 35. h. t. Nec naturali tantum socii morte, sed etiam civili dirumpitur societas, hoc est minutione capitis maxima, & mediante, l. 4. §. 1. l. 63. §. ult. quum enim unus ex sociis publico judicio damnatus aut servus sit, aut deportatur, bona ejus publicari solent, l. 1. de boni. damn. l. 8. §. 1. & 2. qui test. fac., quumquæ sic ei fiscus succedat, societatem dissolvi, necesse est. Hoc sensu ait Paulus d. l. 65. §. 12. & post eum Trib. §. 7. h. t. publicatione distrahunt societatem.

§. VI. Præterea finitur societas, quum finis negotio imponitur, si certæ rei contracta societas sit. h. §. l. 63. §. ult. l. 65. §. 10. eod.

§. VIII. Egestate demum unius dissociari socios, inquit Ulp. l. 4. pr. §. 1. hoc est, bonis ejus a creditoribus venditis, ut ait Paulus d. l. 65. §. 1. seu, bonorum cessione, ut explicat hic Trib. Quid enim in commune conferat is, qui bonis cessit, eaque distrahenda creditoribus dedit? Nihil tamen vetat, quin possint socii cum eo novam societatem contrahere, quum quia tanta esse potest ejus industria, ut aliorum bona æquet, cum quoniam, non amisso cum bonis jure civitatis, potest is vel opera sua, vel beneficio alieno locuples fieri, l. 6. de cess. bon. Hæc bonorum cessio erat olim famosa, nunc salva existimatione contingit. V. dicta ad lib. 1. tit. 6. §. 1. & Gronov. 4. Observ. 24.

§. IX. Nascitur ex hoc contractu actio pro socio utrinque directa, nec datur, ut in aliis contractibus, ulla actio contraria, quum omnium sociorum par sit conditio, l. 148. de R. J. Unde Titulus §. pro socio, neque additur, & contra. Quid autem veniat in hanc actionem, tradit Ulpianus l. 43. Pro socio & nominum rationem habet, & adjudicationem non admittit. Nomina recte interpretatur Vinnius l. Soleli. 36. præstationes personales: Adjudicatio est bonorum divisio adjudicatione fieri solita. Rem luculentissime expositam habes apud Paulum l. 1. com. divo., Pro socio actio magis ad personales inveniæ præstationes pertinet, quam ad communium rerum divisionem; (hoc est, ut id obiter moneam & ad personales præstationes pertinet, non ad communium &c. Interdum quod comparative dicitur veram comparisonem non facit, 14. de jurisd.

illa Ulpiani, Quod non similiter in voluntaria societate observatur. Ego Cæciliam sequor.

(h) Ait Ulpianus l. 35., In heredem autem socii proponitur actio, ut bonam fidem præstet, Subdit continuo Paulus l. 36. eodem pendente sensu, & acti etiam culpam, quam is præstaret, in cujus locum successit. Hunc Pauli locum mendosum esse inquit Nicolaus Catharinus Obs. 29. & ex Basilicis legit, Defuncti etiam culpam. Male. Si enim is expungit ea omnia, quam is præstaret &c. quæ defunctum designant; facit certe contra omnium Codicum fidem: si retinet, jam sunt superflua, ubi semel initio defunctum expressit. Frustra re-

risd. l. 12. §. 12. l. 26. §. 6. ff. mand. l. 6. §. 3. si serv. vind.) Ad res igitur dividendas præsto est actio communi dividundo, quæ mixta est, §. 20 *infra de act. lib. 4.* Actio pro socio, quæ in personam est, personales tantum præstationes intendit, puta, quidquid socium socio bona fides præstare jubet, l. 52. §. 2. h. s. Jam personales præstationes in tribus versantur, lucro, damno, & impensis, de quibus late Nooodt. ad lib. 17. ff. h. s. Nos hoc loco in illud inquiramus, de quo Trib. §. 9., num socius socio eo tantum nomine teneatur, si quid dolo commiserit, sicut is, qui deponi apud se passus est, an etiam culpa. Id olim fuisse quæsitum, ait Trib., & autem cum Ulp. l. 52. §. 2. Qui socium de dolo tantum teneri arbitrabantur, id, puto, urgebant, quod socius non invitus socium accipit, sed cum prudens deligit, & quod plurimi est, pro parte dominum, cui proinde in re sua licet esse negligentem: quare si quid socius culpa peccavit, de se queri debeat, qui desidem socium elegit. Hanc vero fuisse hujus opinionis rationem, patet ex nostro §., ubi depositarii exemplum adfertur. Qui præter dolum levem quoque culpam præstari a socio, aiebant, ipsam societatis naturam spectabant, quæ ad utriusque utilitatem comparata est, ad eamque rem utebantur communi regula in l. 5. §. 2. ff. commod. Prævaluit tandem sententia Celsi, qui lib. 7. Digestorum scribit, *socios inter se dolum & culpam (levem) præstare oportere. d. l. 52. §. 2.* Quod & sentit Cajus l. 72. unde hic §. descriptus est. Culpam autem (pergit Cajus, & ex eo Trib.) non ad exactissimam diligentiam dirigenda est. Sufficit enim talem diligentiam communibus rebus adhibere socium, qualem suis rebus adhibere solet. Obstat videtur Celsus l. quod Nerv. va 32. ff. de pos. ubi ait, culpæ latioris, quæ dolus est, reum esse eum, qui non ad suum modum curam in deposito præstat, hoc est, qui minus est in alienis diligens, quam in suis. Contra Cajus ac Tribonianus quum eandem desiderent socii diligentiam in suis & alienis, & socium tamen de levi tantum culpa teneri, affirmant, si minus diligens in alienis sit, quam in suis, id sane videtur velle, non latam, ut Celsus, sed levem esse culpam, minus diligentem in alienis, quam in suis adhibere. Nonnulli, quos sequitur Harprechtus, respondent, aliud esse, quum communia sunt bona: aliud, quum prorsus aliena; neque enim facile videri quis potest dolose versari in rebus, quæ pro parte suæ sunt, atque hinc, quod lata culpa est in deposito, levem esse in societate. Satis est cum Bachovio dicere, quum leges eam diligentiam exposcunt, qualem in rebus quisque suis adhibere solet, tunc non eam diligentiam indigitari, quæ ille aut ille adhibet in rebus suis, sed qualem diligens paterfamilias adhibet pro communi hominum consuetudine. Porro hanc diligentiam omittere, levis est culpa, quam præstari a socio, inquit Cajus.

At si

ro is ad Basilicorum libros provocat; cui namque temperum non est, auctores Basilicorum hunc sibi præcipue finem habuisse proposuim, ut, quod in Pandectis pluribus enarratum fuerat, id paucis offerrent? Et quidem sane ea omnia, Et acti etiam culpam, quam is præstaret, in cuius locum successit, eodem sensu recte contrahuntur ad hæc, Desuncti etiam culpam. Unde si statuo, perperam eos facere, qui Pandectas ex Basilicis emendant, nisi quid tamen diffini in Pandectis occurrat, quod restitui ex Basilicis possit. At vero quid diffini est in illis, Et acti etiam culpam? Ego nihil deprebendo, imo et acti, quod forsitan Catharino displicuit, momentosum esse verbum contendendo ex eodem Paulo in l. 65. §. morte 9., item dolus & culpa in eo, quod ex ante gestopendit, tam ab herede, quam heredi præstandum est.

At si quis non adeo est in rebus suis diligens, ut ex vulgari usu res suas curare videatur, is, si minus sit in alienis diligens, quam in suis, latioris culpe reus est. Hunc vero designat Celsus d.l.32., quod ostendunt ea verba, Si quis non ad eum modum, QUEM HOMINUM NATURA DESIDERAT, diligens est &c. Vetus si socius in quibusdam negligentia nocuit, in quibusdam profuit diligentia, num locus erit compensationi? Respondet Paulus l.23.cod., Non ob eam rem minus ad periculum socii pertinet, quod negligentia ejus perisset, quod in plerisque aliis industria ejus societas aucta (i) fuisset. Et hoc ex appellatione Imperator pronuntiavit. Idemque Marcellum scripsisse lib.6. Digestorum, refert Ulpianus l.16. Quod hanc rationem habet, quia, ut recte fieri dicatur compensatio, utrinque debet creditum ac debitum inter se contribui, ut in specie Ulpiani l.10. de compens., Si ambo socii parem negligentiam societati adhibuimus, dicendum est, definire nos invicem esse obligatos, ipso jure compensatione negligentia facta.

(i) Sic libri Accursiani. In Florentini deest et aucta. Nicolaus Cathari-
nus Obs. 2. Florentinam lesionem mendosam esse, inquit, tum legis, societatis
profuisset, ut legisse videtur. Graci in Basilicis. Praclarum vero interpretem
Ego Accursianam lesionem retineo, quam Ulpianus l. seg. eadem locutione con-
firmat, Et ideo si socius quaedam negligenter in societate egisset, in pleris-
que autem societatem auxisset, non compensatur compendium cum negligentia.
Florentinus Codex videtur manere. De Basilicis modo dictum.

DE MANDATO.

TITULUS XXVI

17. ff. l. 4. C. 35.

Mandatum contrahitur quinque modis: sive sua tantum gratia aliquis tibi mandat, sive sua, & tua, sive aliena tantum, sive sua, & aliena, sive tua, & aliena. At si tua tantum gratia mandatum sit, supervacuum est, & ob id nulla obligatio, nec mandati inter vos actio nascitur.

1 Mandantis tantum gratia intervenit mandatum: veluti si quis tibi mandat, ut negotia ejus gereres, vel ut fundum ei emereres, vel ut pro eo sponderes.

2 Tua gratia, & mandantis: veluti si mandat tibi, ut pecuniam sub usuris crederes ei, qui in rem ipsius mutaretur, aut si volente te agere cum eo ex idessuoria causa, mandat tibi, ut cum reo agas periculo mandantis, vel ut ipsius periculo stipuleris ab eo, quem tibi deleget in id, quod tibi deberat.

3 Aliena autem causa intervenit mandatum, veluti si tibi mandat, ut Titii negotia gereres, vel ut Titio fundum emereres, vel ut pro Titio sponderes.

4 Sua, & aliena: veluti si de communibus suis, & Titii negotiis gerendis tibi mandat, vel ut sibi, & Titio fundum emereres, vel ut pro eo, & Titio sponderes.

5 Tua, & aliena: veluti si tibi mandat, ut Titio sub usuris crederes: quod si ut sine usuris crederes, aliena tantum gratia intercedit mandatum.

X

6 Tua

6 Tua gratia intervenit mandatum, veluti si tibi mandet, ut pecunias tuas in emptiones porcius prædiorum colloques, quam fræneres: vel ex diverso, ut fræneres porcius, quam in emptiones prædiorum colloques. Cujus generis mandatum magis consilium, quam mandatum est, & ob id non est obligatorium: quia nemo ex consilio obligatur, etiam si non expediat ei, cui dabitur; quum liberum cuique sit apud se explorare, an sibi expediat consilium. Itaque si otiosam pecuniam domi te habentem hortatus fuerit aliquis, ut rem aliquam emereres, vel eam crederes: quamvis non expediat tibi eam emisse, vel credidisse, non tamen tibi mandati tenetur. Et adeo hæc ita sunt, ut quæsitum sit, an mandati teneatur, qui mandavit tibi, ut pecuniam Titio frænereres? Sed obtinuit Sabini sententia, obligatorium esse in hoc casu mandatum, quia non aliter Titio credidisses, quam si tibi mandatum esset.

7 Illud quoque mandatum non est obligatorium, quod contra bonos mores est: veluti si Titius de furto, aut de damno faciendo, aut de injuria facienda mandet tibi: licet enim poenam istius facti nomine præstiteris, non tamen ullam habes adversus Titium actionem.

8 Is, qui exequitur mandatum, non debet excedere fines mandati: ut ecce, si quis usque ad centum aureos mandaverit tibi, ut fundum emereres, vel ut pro Titio sponderes; neque pluris emere debes, neque in ampliorem pecuniam fidejubere, alioqui non habebis cum eo mandati actionem; adeo quidem, ut Sabino, & Cassio placuerit, etiam si usque ad centum aureos cum eo agere volueris, inutiliter te acturum. Diverse scholæ auctores recte usque ad centum aureos te acturum existimant: quæ sententia sane benignior est. Quod si minoris emeris, habebis scilicet cum eo actionem: quoniam qui mandat, ut sibi centum aureorum fundus emeretur, is utique mandasse intelligitur, ut minoris, si possit, emeretur.

9 Recte quoque mandatum contractum, si, dum adhuc integra res sit, revocatum fuerit, evanescit.

10 Item si adhuc integro mandato, mors alterutrius interveniat, idest, vel ejus, qui mandaverit, vel illius, qui mandatum suscepit, solvitur mandatum. Sed utilitatis causa receptum est: si eo mortuo, qui tibi mandaverat, tu ignorans eum decessisse, exequutus fueris mandatum, posse te agere mandati actione, alioqui iusta, & probabilis ignorantia tibi damnum adferret. Et huic simile est, quod placuit, si debitores manumisso dispensatore Titii, per ignorantiam liberati solverint, liberari eos, quum alioqui stricta juris ratione non possent liberari, quia alii solvissent, quam cui solvere debuerint.

11 Mandatum non suscipere, cuilibet liberum est: susceptum autem consummandum est, aut quam primum renunciandum, ut per semetipsum, aut per alium eandem rem mandator exequatur. Nam nisi ita renunciatur, ut integra causa mandatori reservetur eandem rem explicandi, nihilominus mandati actio locum habet: nisi iusta causa intercesserit aut non renunciandi, aut intempestive renunciandi.

12 Mandatum & in diem differri, & sub conditione fieri potest.

13 In summa sciendum est, mandatum, nisi gratuitum sit, in aliam formam negotii cadere. Nam, mercede constituta, incipit locatio, & conductio esse. Et, ut generaliter dicamus, quibus casibus sine mercede suscepto officio, mandati, sive depositi contrahitur negotium, iis casibus interveniente mercede locatio, & conductio intelligitur contrahi. Et ideo si fulloni poliendam, curandave quis dederit vestimenta, aut farinatori faciendam, nulla mercede constituta, neque promissa, mandati competit actio.

COMMENTARIUS.

PR.Tit. §. I. II. III. IV. & V. Mandatum est contractus juris gentium, bonæ fidei, consensu solo constans, quo aliquid gerendum gratuito suscipitur. Originem trahit ex officio atque amicitia, inquit Paulus l. 1. §. 4. ff. mand. & probabilis est conjectura Noodtii 4. Probabil. 12., mandatum diu Romæ pudore solo sterisse, (a) tum, quia cœpere mores hominum in pejus rueret, in civile negotium abiisse, data ex eo actione, ut de Precario etiam testatur Paulus l. 14. de precar. Adhuc tamen inter amicitia fines consistit, unde, quum verbis exprimitur, nisi ea precaria sint, nihil agitur. Inter precaria autem verba recenset Paulus hæc, *rogo, volo, mando, d. l. 1. §. 2.* Mandare non est imperare, sed commendare & committere: hinc illud Grammaticorum, mandamus libero homini, imperamus villico, aut servo. Virg. 3. *Æneid.*

- - - furtim mandatas alendum

Threicio Regi.

Et lib. 6.

- - - Orans mandata dabis.

Et lib. 8.

Multa patri mandata dabis portanda. V. Nonium c. 8. 305. Jam mandare plus est, quam commendare. Hinc quum quidam talem epistolam scripserit amico suo, *rogo te, commendatum habeas Sextilium Crescentem amicum meum*, nullam esse ejus epistolæ obligationem, respondit Ulp. l. 12. §. 12. quia commendandi magis hominis, quam mandandi causa scripta est; quemadmodum non continere fideicommissum ea verba, *illum tibi commendo*, Divus Pius rescripsit l. 11. §. 2. de leg. 3. Sane verbum commendo, quum ad homines refertur, est laudare, & gratiam alicui apud aliquem colligere, quum ad res, est deponere, l. 24. pr. ff. de pos. At mandare est aliquid alicui periculo ejus gerendum committere. Mandatum quinque modis contrahi, ait pr. h. Tribonianus, sive sua tantum gratia aliquis tibi mandet, sive sua & tua, sive aliena tantum, sive sua & aliena, sive tua & aliena. Hæc satis se produunt: aliqua tantum Triboniani exempla sunt aliquanto diligentius enarranda. Secundæ speciei exempla tria profert Tribonianus §. 2., *Veluti, si mandet tibi, ut pecuniam sub usuris crederes ei, qui in rem ipsius mutaretur.* Primum hoc exemplum est apud Cajum l. 2. §. 4., *Aut si volente te agere cum eo ex fidejussoria causa mandet tibi, ut cum reo agas periculo mandantis.* In secundo hoc exemplo commodum utriusque versatur; & ejus, qui mandavit, nam poterat is jure antiquo, non prius excusso principali reo, a creditore conveniri, l. 5. C. de fide-

(2) *Per id tempus verisimile est, consuevisse homines fidem adligare manu data, fuit enim manus fidei sacra, qua de re multa eruditè Everardus Otto in Jurispr. Symb. Exerc. 2. Et ego quidem laudo Iphid. i. aymelegiam 4. Orig. 24. Mandatum dictum, quod olim in commisso negotio alter alteri manum dabat. Hinc mandare Græcis dicitur ἰσχυρίζω, & manualis promissa in sequentiis aut latinitate possum occurrir. Facit Plauti locus in Captiv. act. 2. sc. 3. v. 82.*

Hæc per dexteram tuam, te dextera retinens manu,
Obsecro, infidelior mihi ne tuas, quam ego sum tibi.
Tu hoc age, tu mihi herus nunc es, tu patronus, tu pator.
Tibi commendo spes opelque meas. PHI. Mandavisti satis.
Satin' habes, mandata quæ sunt, facta si recito?

fidejuss., post mandatum autem iudicio liberatur; & creditoris, qui mandatum suscepit, nam is periculo mandantis cum reo agit, ita ut, si quid non fuerit servatum, recte possit cum fidejussore mandati agere; quum tamen, nisi mandatum intercessisset, reo electo salva res esset fidejussori ante Iustinianum *Luls.C.cod.* Itz intelligitur Pauli locus in *l. si mandavero 22. §. 1. Interdum* evenit, ut meum negotium geram, & tamen utilem habeam mandati actionem, veluti, quum rogatus fidejussor cum reo expartor: nam quamvis debitum meum persequar, nihilominus & illius negotium gero. Igitur quod minus servatum, consequar mandati actione. Hæc debentur Cuiacio *lib. 3. Obs. c. 25. Vel ut ipse* hoc exemplum ex secundo lucem accipit, nam hic utilitas mandantis agitur, quia prior obligatio novatione tollitur, de qua infra suo loco: agitur etiam utilitas creditoris, quia & cum novo debitore expartur; & si quid non servaverit, integra ei est mandati actio. *d. d. 22. §. 2. l. 4. §. 7. & 8. h. i. V Janum* a Costa hic. Tertiz speciei hæc sunt exempla apud Trib. *§. 3. & Cajum l. 2. §. 2. Veluti si tibi aliquis mandet, ut Titii negotia gereres, vel ut Titio fundum emeret, vel ut pro Titio sponderes.* Verum quid genus mandati hoc est? Apertissime quidem scribit Ulp. *l. §. 6. h. i. Mandati actio tunc competit, quum capis interesse ejus, qui mandavit: ceterum si nihil interest, cessat mandati actio, & eatenus competit, quatenus interest.* Et protitutum est, neminem posse ex quavis causa agere, nisi eum, cujus interest, *l. qui fundum 32. ff. locat. s. alteri, sup. de iust. stip.*, & incivile esse, alienis se rebus immiscere, ut intorqueri in eum recte possit Terentianum Illud Heaut. *act. i. §. 1. v. 13.*

Aliena ut cures, eaque, nihil qua ad se attinent

autem ejus interest, qui mandat, te negotia Titii gerere, ei fundum emere, pro eo sponderet. Varie se se torquent Interpretes, ut hoc se laqueo extricent. Ait Hotomanus, intelligendum esse hunc locum de ea specie, quum mandantis quidem nihil interest, rem mandatam fieri, propter ipsum mandatum principaliter; interest vero propter accipientis causam. Et quod Ulpianus *l. §. 4.*, esse mandati actionem, si tibi mandavero, quod mea non intererat, sic intelligit, quasi scriptum esset, quod mea principaliter non intererat. Simile est interpretatio Bachovii, qui hunc locum accipit de eo, cujus alienum negotium curari quodammodo interest, licet proximo & immediate alterius intersit, additque exemplum ejus, qui mandat, curari negotia alterius, cui tamen ipse mandati iudicio tenebatur. Bachoviam aliquantulum remoratur particula *tantum*, quæ apud Trib. occurrit, ibi, *aliena tantum causa intervenit mandatum*; ait tamen, admitti non posse sententiam, quæ principia juris offendit: at non remoratur Hotomanum, qui eam particulam delet, maxime quum eam neque Cajus habeat, nec verus liber. Sed hi longe absunt a vero: nam si ea mens esset Triboniani, frustra duas hæc mandati species distinxisset, alteram, quæ aliena, alteram, quæ mandantis & aliena gratia contrahitur, prior enim species nihil a posteriore distaret. Hotomanum vero falsum esse evincit Theophilus, in cujus paraphrasi vox, *tantum*, extat, & diserte Cajus, qui *l. 2. pr.* inquit, *Mandatum inter nos contrahitur, siue mea tantum gratia tibi mandem, siue alia TANTUM, & §. 2. Aliena TANTUM, veluti si tibi mandem, ut Titii negotia gereres, vel ut fundum ei emeret*: quæ ipsissima sunt hujus §. verba. Hotomanum præterea & Bachovium satis rejicit Ulpianus *d. l. 6. §. 4.* his verbis, *Si tibi mandavero, quod mea non intererat, veluti, ut pro Sejo intervenias, vel, ut Titio credas, erit mihi rectum mandati actio; & ego tibi sum obligatus.* Nec ferendi sunt Hotomanus

s. Obs.

l. 10. §. 10. & Noodtius 4. Probabil. 12., qui negativa particula ex d. §. expuncta legunt, quod mea intererat: est enim hæc expunctio contra Florentium, & ceteros plerumque Codices. Accedit, quod Græci hunc locum sic reddunt: Si tibi mandavero, ut pro alio aliquid agas, mandati actio inter te & me nascitur. Rem acn, ut ajunt, tetigit M. Cujacius ad h. §. ubi ait, hoc casu agere non posse mandantem, ut mandatum impleatur, quia ejus id iuhil interest: at impleto tandem mandato utrinque actionem nasci, quia is, qui Titii negotium curari mandavit, ei negotiorum gestorum nomine tenetur, l. nam & Servius, §. ult. l. si quis mandato, de neg. gest. sicque quum ejus interfit, jure mandati actio competit. Non igitur est opus, ut initio mandantis interfit, alienum negotium geri, sed satis est, aliquo tempore etiam post contractam mandatum incipere interesse. Huc refero Ulpiani locum l. 8. §. 6. Mandati actio tunc competit, quum capis interesse ejus, qui mandavit. Quartæ speciei exemplum hæc habes in §. 4., veluti si de communibus suis & Titii negotiis gerendis tibi mandes, vel, ut tibi & Titio fundum emeret, vel, ut pro eo & Titio sponderes. d. l. 2. §. 3. Quintæ demum speciei exemplum hoc adducitur in §. 5., veluti si tibi mandes, ut Titio sub usuris crederes, quia si sine usuris pecuniam crederes, aliena tantum gratia intercedis mandatum. d. l. 2. §. 5. At enim in hac specie nihil interest mandantis, pecuniam credi. Vide dicta ad §. 3.

§. VI. *Consilii nulla est obligatio, l. 47. de R. J. (b) Quod adeo verum est, ut nulla ejus sit obligatio, etiam si non expediat ei, cui datur, quia liberum est cuique, ait Cajus d. l. 2. §. ult., apud se explorare, an expedit sibi consilium. Ratio autem ea videtur esse, quod is, qui consilium dat, futurum eventum respicit, quem humanæ prudentiæ vicio nemo debet præstare; & satis est cordato viro consilium ex voluntate, non ex eventu æstimare, ut jure Balbus apud Cic. 9. ad Atticum irascatur iis, qui consilia ex eventu, non ex voluntate probare solent. Et sapienter Agrippa ad Dionem lib. 52. Augulum admonuit, ne iis, a quibus consilium petisset, vitio daret, quod res non ex sententia cecidisset. Excipe consilium fraudulentum, quod nec civile, nec naturale jus excusat, d. l. 47. de R. J. l. 8. 23. & 31. de dol. mal. l. 2. de proxen. Apposite Cicero 16. ad Atticum 8., Qui consilium dat fidem præstare tenetur. Hinc non obscure colligitur, nullam quoque esse mandati obligationem, si ejus tantum causa interveniat, cui datur, puta si quis tibi manderet, ut pecuniam tuam in emptione potius prædiorum colloces, quam sceneres, vel ex diverso; nam hujus generis mandatum magis consilium est, quam mandatum. d. l. 2. §. 6. Quid si cui alias non contracturo ejus dumtaxat gratia mandem? Hoc quoque consilium esse ajo, non mandatum. Moveor Ulpiani loco in l. 2. de proxen. Si proxeneta interveneris faciendi nominis, (c) ut multi solent: videamus, an possit quasi*

(b) *Hic Ulpiani locus hanc habet inscriptionem, Ulpianus lib. 30. ad Edictum. Sed omnino legendum, lib. 31., ut acute deprehendit Jacobus Labiatus in Usu Indicis primo, quum quia Ulpianus lib. 30. fere de deposito agit, non de societate, ad quam certe is locus spectat, dicitur enim §. 1., Socii mei socius meus socius non est; tum quoniam eadem hac numero verba repetuntur in l. 20. ff. pro soc., qua tamen hanc habet inscriptionem, Ulp. lib. 31. ad Edictum i quo proprie libro 12 de mandato tantum, & societate disputavit.*

(c) *Subaudi causa, vel gratia, vel nomine. Gratum est dicendi genus, quod & Priscianus, & Budæus Gracis & Latinis exemplis illustrarunt. Sapissime etiam occurrit in libris juris: quod late persequitur Ant. August. 2. Emend. 1.*

quasi mandator teneri. Et non puto teneri, quia hic monstrat magis nomen, quam mandatum, tamen si laudes nomen. Proxenetæ igitur faciendi nominis causa interveniebant, unde Seneca ep. 119. *Et alienum facias oportet, sed nolo, per intercessorem mutueris, nolo proxenetæ nomen tuum jactans, paratum tibi creditorum dabo.* Quis autem non videt, proxenetarum partes præcipuas fuisse aliter non teneri, scribit Ulpianus, quia nomen magis monstrabant, non mandabant, tamen si laudarent nomen. Verum ob stare videtur idem ipse Ulp. l. 6. §. 5. h. s., *Plane si tibi mandavero, quod tua intererat, nulla erit mandati actio, nisi si mea quoque interfuit, aut (d) SI NON ESSES FACTURUS, NISI EGO MANDASSEM, et si mea non interfuit, tamen erit mandati actio.* Respondet cum nonnullis Vinnius, non esse Ulpiani verba late accipienda, uti sonant alioqui nullum ferme consilium esset, quod non facile posset pro mandato haberi: intelligi vero Ulpianum debere non de simplici consilio, sed de mandato: quale exemplum esse inquit in l. 31. h. s., ubi Julianus, *Si hereditatem aliter aditurn non essem, quam cautum mihi fuisset, damnum præstari, & hoc mandatum intercessisses, fore mandati actionem existimo.* Dura sane interpretatio, quam Ulpianus ipse cum Juliano collatus refellit. Gerardus Noodt 4. *Probab.* 12. sic nodum solvit. Ea verba, *Si non esses facturus, nisi ego mandassem, & si mea non interfuit, tamen erit mandati actio,* interpretatur de eo, qui neque sua, neque mandatarii, sed aliena tantum gratia mandavit: suamque interpretationem confirmat Tribonianus verbis h. s., *Et adeo hæc ita sunt, ut quæsum sit, an mandati teneatur, qui mandavit tibi, ut pecuniam Titio foverares; sed obtinuit Sabini sententia, obligatorium esse in hoc casu mandatum, quia non aliter Titio credidisset, quam si tibi mandatum esset.* Verum, quominus clarissimi Viri opinionem sequar, duo hæc faciunt. Unum, quod descripta Ulpiani verba, *si non esses facturus &c.* proxime subijciantur illis, *si tibi mandavero, quod tua intererat &c.* ut proinde de mandato aliena tantum gratia dato intelligi non possint. Alterum, quod de mandato in alienam utilitatem conceptio frustra dicantur illa, *si non esses facturus, nisi ego mandassem;* semper enim valet ejusmodi mandatum, sive fuisset is, qui mandatum suscepit, sive alias non fuisset facturus, ut modo dictum. Ego Julianum & Ulpianum sibi adversari, non ausim asserere; adhuc tamen, in quo consilium, non habeo. Nunc illud dubitabundus opinor, quod veteribus legum interpretibus video placuisse, Ulpiani sententiam in ea specie veram esse, quum liquido constet, te non fuisse alias facturum, nisi vehemens alterius consilium præcessisset, puta si animo obfirmatum erat prædia emere, ego vero consilium dedi tibi, ut pecuniam facnore occupares, quod certe non fecisses. Certe si res infelicititer cessit, erit tibi mecum mandati actio, quia per me stetit, quominus pecuniam coemendis prædiis collocasses. Id nisi contigerit, nulla erit consilii obligatio. Consilii, inquam, generalibus verbis expressi: de cetero si certa persona designetur, ut in hoc exemplo, *Mando, ut pecuniam Titio des foverari;* hoc non simplex consilium est, sed mandatum aliena gratia datum, quod valet, ut dictum suo loco. Hic est sensus eorum verborum, *Et adeo hæc ita sunt &c.* V. Vinnium hic, & tit. ff. de fidejuss. & nominat.

§. VII. Nullius etiam momenti est mandatum contra bonos mores, d. l. 6. §. 3. &c.

(d) Sic Florentia. Sed & manuscripti nonnulli Codices, quod testatur Rufardi & Charondas Marginales Notæ, & Haloandrinus Codex, habent, ac si.

& generaliter verum est, nullam esse rerum turpium obligationem, l. 57. pro soc. l. 26. 27. & l. 125. de V. O. Imo etiam si qui turpe mandatum implevit, poenas det, tamen nulla est ei contra mandatorem actio l. si mandavero 22. §. 6. eod.

§. VIII. Diligenter fines mandati custodiendi sunt: nam qui excessit, aliud quid facere videtur, inquit Paulus l. 5. pr. h. t. Fines hic sunt leges mandato appositæ, quas nisi mandatarius dicto audiens servaverit, non est cur agat mandati, h. §. & d. l. 5., ubi Paulus rem exemplis confirmat. De eo dubitatum fuit, num qui mandatum certo pretio emendi, aut in certam quantitatem fidejubeundi suscepit, & aut plaris emit, aut in majorem summam fidejussit, mandati habeat actionem pro ea saltem parte, quæ in mandatum venit, an prorsus nullam. Posterius visum Sabino & Cassio, Triboniano teste in h. §., quem locum de Sabini & Cassii sententia singularem dicit Cujac. hic. (e) Prius Nervæ & Proculo, quam sententiam Trib. hic, & Cajus l. 4. benigniores appellante. (f) Et quoniam melior causa mandantis fieri potest, ut Paulus ait d. l. 5. ult., hinc si quis rem minoris emerit, recte agat mandati, quoniam qui mandat, ut sibi centum aureorum fundus emeretur, (addit Trib.) is utique mandasse intelligitur, ut minoris, si possit, emeretur. Idem esset, si rem mandatoris plaris vendiderit, l. 3. pr. d. l. 5. §. ult. non si minoris, l. 5. §. 3. l. 12. C. eod.

§. IX. Mandatum certis modis finitur. Primus est revocatio. Si mandavero exigendam pecuniam, inquit Ulpianus l. 12. §. 16., deinde voluntatem mutavero, ait Marcellus, cessare mandati actionem, quia extinctum est mandatum, finita voluntate. Scio, regulam juris esse, renuntiare semel constitutæ obligationi adversario non consentiente neminem posse, l. 5. C. de O. & A., verum aliud expolice natura ipsa mandati, cujus origo ex officio & amicitia est. Quemadmodum igitur invito beneficium non datur, ita nec debet mandatum invito eo, qui mandavit, obiri; & quemadmodum, qui ab amico beneficium petiit, libere potest velle, ut sibi non detur, ita qui mandavit, impune potest nolle, ut impleatur mandatum, modo id hac sine mandatorii detrimento, unde caute ait hic Tribonianus, recte mandatum revocari, dum adhuc

(e) Hanc vero Sabini & Cassii sententiam, & contrariam Proculi deprehendimus etiam in Pandectis. En tibi Paulum l. 3. §. 2. h. t., Quod si pretium statul, tuque plaris emisit, quidam (Sabini & Cassii) negaverunt, te mandati habere actionem, etiam si paratus esses, id, quod excedit, remittere. Paulum continuo sic excipit Cajus l. 4., Sed Proculus recte eum usque ad pretium statutum acturum existimat: quæ sententia sane benignior est. Utrinque opinionis momenta hæc sunt. Sabinianorum ratio hæc traditur d. l. 3. §. 2. sed tamen Paulino stylo, hoc est, subobscuro, & implexo, Namque iniquum est, non esse mihi (mandanti) cum illo actionem, si nolit illi vero, si velit, necum esse. Hanc rationem Cujacius gravem & magnam dicit lib. 12. Obs. c. 34., jure, an injuria, ego quidem ignoro. Id sane scio, quod ut certum docet Cajus l. 4. eod., si is, qui mandatum suscepit, egressus fuerit mandatum; ipsi quidem mandati judicium non competere, ac ei, qui mandaverit, adversus eum competere. V. Vinnium hic. Proculianorum sententiam naturalis æquitas, & humanitas ipsa sustinebat.

(f) De eo, qui publico mandato agit v. Gell. lib. 1. c. 13. Gros. lib. 2. c. 16. §. 1. Puffend. de J. N. & G. l. 5. c. 4. n. 5.

huc integra res sit. Quid si res non sit integra, puta si quid mandatario abesse coeperit causa mandati? Hanc speciem tractat Paulus l. 15. his verbis, *Si mandatum tibi, ut fundum emeret: postea scripsssem, ne emeret: tu, antequam scias, me vetuisse, omisist: mandati tibi obligatus ero, ne damno adficiatur it, qui suscipit mandatum;* & l. 26. pr., *Si tamen per ignorantiam impletum est, competere actionem utilitatis causa dicitur.*

§. X. Secundus est mois five mandantis, five mandatarii, d. l. 26. pr. l. 27. §. 3. l. 57. §. 58 ff. & l. 15. C. od. l. ult. de solut. Mandatum igitur personam non agnoscitur, neq; ad heredes descendit, uti non descendit amicitia. Sane & mandator certi hominis fidem ac diligentiam sequutus videtur, alii non facile mandaturus, *nemo enim mandat, nisi amico & fideli*, ut bene Cic. pro Rosc.; & mandatarius certi quoque hominis meritum respexit, alii fortasse non gratificaturus. Adtit hic etiam Tribonianus, *adhuc integro mandato*, nam si mandatarius mortem mandatoris ignorans, qui error est facti, vel putans, stare adhuc post mortem ejus mandatum, qui error est juris, mandatum tamen fuerit exsequutus, non denegatur ei actio, h. §. & d. l. 26. pr. & §. 58. h. i. Neque officit error juris arg. l. mandatum 57., agitur enim de damno vitando. l. 7. & 8. de jur. & facti ign. Rem illustrat Tribonianus exemplo eorum, qui servo dispensatori manumisso, ignari manumissionis solverint. Certe hi summo jure non liberantur, nam qui servum facit dispensatorem, eum curandæ pecuniæ suæ præponit, l. pen. de rebered. l. 18. de solut., ac debitoribus suis mandare intelligitur, ut ei solvant ex l. qui hominem 34. §. 3. de solut., ac proinde eo manumisso videtur tacite revocatum mandatum, ita ut qui ei servo recte solvebant, non recte solvant liberto. At quoniam ignorantes solvant, placet, eos liberari. Sed hinc aliquem mandasse, ut aliquid fieret post mortem ejus: num morte finitur mandatum? Non idem placuisse videtur Jurisconsultis. Ulpianus l. 12. §. ult. h. i. scribit, *Si, ut post mortem sibi monumentum fieret, quis mandavit, heres ejus poterit mandati agere.* Illum vero, qui mandatum suscepit, si sua pecunia fecit, puto agere mandati, si non ita ei mandatum est, ut sua pecunia faceret monumentum. Cajus l. 13. eod. Idem est, loquit, *etsi mandavi tibi, ut post mortem meam heredibus meis emeret fundum.* Facit l. 14. §. 2. de relig. Vides, mandatum morte non extingui. Dissentit Paulus l. ult. de solut. Ei, cui jussu debitorem meum post mortem meam solvere, non recte solvitur, quia mandatum morte dissolvitur. Communis Interpretum responsio hæc est, hujusmodi mandatum mandatore mortuo non finiri, si ea sit res, quæ nonnisi post ejus obitum fieri possit, nempe, ut mandatori ducatur funus, ut monumentum fiat, ut heredibus ejus ematur fundus: quæ sunt exempla Ulpiani & Caji: contra finiri, si res eo adhuc vivo fieri queat; nempe, ut solvatur alteri: quod est exemplum Pauli. At Gerardus Noodt a. d. §. 1. contendit, semper morte mandatum extingui, etiam si nominatim concipiatur post mortem. Primum quia generaliter scriptum est, mandatum non ultra mortem protendi, d. l. 26. Deinde quia veteribus placuit, non valere & legatum & stipulationem, & quemcumque alium contractum post mortem legatarii aut promissorii aut cuiuscumque alterius contrahentis collatum, l. 11. C. de contrab. stip., ut absurdum sit dicere, admisisse eos mandatum, quod post mandatoris obitum confectur. Postremo quia in hac specie nec mandator potest mandati agere, quum post mortem nihil ejus interfit, nec possit unquam incipere interesse, ex l. 8. §. 6. ff. h. i., neq; heres ejus, quum jure veteri non possent actiones ab herede incipere, aut contra heredem, l. un. C. ut acti. & ab her. Addit exemplum depositi & societatis, nam nec depositum valet ex lege contractum, ut post mortem deponentis reddatur, nec societas, ut post obitum quoque consikat, l. 1. §. 45.

§. 46. ff. de pos. l. 52. §. 9. ff. pro soc. & l. 70. eod. Locum autem Ulpiani peculiariter speciem continere ait, nempe, quum aliquis monumentum sibi post mortem fieri mandat. Sane Papinianus l. 43. de relig. Propter publicam, inquit, utilitatem, ne insepulta cadavera jacerent, stricam rationem insuper habemus: nam summam esse rationem, quæ pro religione facit. Unde Virg. 6. *Æneid.* v. 325.

*Hæc omnis, quam cernis, inops inhumataque turba est:
Porsitor ille Charon: hi, quos vehit unda, sepulci.
Nec ripas datur horrendas, nec rauca fluenta
Transportare prius, quam sedibus ossa quierunt.
Centum errant annos, volitanique hæc litora circum.
Tum demum admissi stagna exoptata revolvunt.*

Hæc igitur veterum supersticio in causa fuit, cur hujusmodi mandatum sustineretur; videbatur enim quodammodo mandatoris etiam post mortem referre, mandatum impleri: quo factum, ut eo casu mandati actio non tam ab herede incipere, quam a defuncto ad eum pervenire intelligeretur: quo spectare ait Noodtius alterum Ulpiani locum, l. 1. de relig., *Qui propter suum aliquid impendit, cum defuncto contrahere creditur, non cum herede.* Hæc Vir Cl. de Ulpiano; quæ tamen alii ante eum probantur, aut saltem addubitan-tes sunt suspicari. V. Hotomanum 2. *Amicab. resp.* 38. Bachovium ad *Trenti. disp.* 27. vol. 1. th. 7. lib. 6. & Huber. in *Eunom. Rom. ad d. l. 12.* Hanc interpretationem convellere videtur Cæjus l. seq., ubi idem esse ait, *Si mandavi tibi, ut post mortem meam heredibus meis emeret fundum.* Noodtius e. 3. conjicit, loqui Cæium de fundo ad hereditarium monumentum emendo, sicque a re in *del. 12.* per Ulpianum proposita non discedere. Addit, ossulam Cajo maculam igitur ratione notarum, ita enim scriptum erat, *idem est & si mandavi tibi, ut post mortem meam H. M. fundum emeret*, hoc est, HEREDITARIO MONUMENTO fundum emeret, pro quibus imprudenter libarius reposuit, *heredibus meis.* Conjecturam confirmant illa, quæ apud Valerium Probum, & alios occurrunt, H. M. AD. H. N. T., *hoc monumentum ad heredes non transit*, H. M. H. N. S., *hoc monumentum heredes non sequitur.* (g) Ego hæc & similes aliorum conjecturas laudo quidem & admiror: sed pluris facio communem omnium Codicum lectionem. Quare vulgarem illam distinctionem, quam initio proposui, bene excipiendam existimo, quousque verosimilior aliquæ suppetat responsio, non enim adhuc transacta res est.

§. XI. Tertius est renunciatio, quæ tempestiva sit, hoc est, quæ in id tempus incidat, quo possit mandator vel per se, vel per alium eandem rem commode explicare, ut scribit Paulus l. 32. §. ult. h. t. Quod si intemptiva sit renunciatio, mandatarius non liberatur, nisi iusta causa fecerit, ut is re non dum integra renunciaverit, quæ de re sic Paulus 2. sent. 15., *Ob subitam valetudinem, ob necessariam peregrinationem, ob inimicitiam, & inane rei actiones, AUT integra adhuc causa, mandati negotio renunciari potest.* T⁴ aut in seculum omnino esse a Noodtium sequutus ad ff. h. t., nam si legas, ut vulgo legitur, & inane rei actiones, integra adhuc causa; certe inultus esset Juriscon-

(g) Mor fuit veterum aliquid circa eorum funus mandare. *Marzial. 1. ep. 89.*

Non aliter cineres mando jacere meos.

V. *Briffon, 1.*

de form.

consultus, quum enim integrâ adhuc est causâ, nihil tale desideratur. Rhetorshius veretur, ne ea sint ab Aniano, quæ vetus est cantio; sed præstat particulam aut inferre. Sunt & aliæ iustæ renunciandi causæ, l.22.23.24. & 25. h.i. Hinc patet, mandatum suscipere, voluntatis esse, suscepum vero perficere, necessitatis, d. l.22. §. ult.

§. XII. Mandatum & diem & conditionem recipit. h. §. & l.1.8. pen. eod.

§. XIII. Denique mandatum gratuitum esse debet, nam originem ab officio, atque amicitia trahit; contrarium autem est officio merces, inquit Paulus d. l.1. §. ult. Quod si remunerationi gratia honor intervenit, exit mandati actio, ait Ulp. l.6. pr. Distinguenta sunt honorarium, sive honor, & merces. Hæc necessitatis est, quia in conventionem deducitur, illud liberalitatis. Seneca l.1. Controv.9., Quidquid aut præmii aut honoris nomine datur, in utramque partem sumi licet, alioquin definit præmium esse, cui necessitas jungitur. Merces plerumque pro operis eorum est, qui mechanicas & quæsturias artes, honorarium pro eis, qui liberales artes exercent, l.1. pr. §. mens. fals. mod. Bene Terent. Eunuch. act.5. sc.7. v. 22., Pro munere honor est habitus. Cic. 16. Ep.9. Curio mihi, ut medico honores haberetur; & lib.2. de Inv., Aut quum beneficiis honores habuisti, pro maleficio poenam sumi oportere. V. Verburg. ad Cic. 16. Ep.9. & voces ipse satis ostendunt, honorarium honoris gratia, mercedem vero mercaturæ causâ dari. Quandoque honorarium & merces confunduntur, l.1. §.4. §.10. & l.2. de exir. cogn. Si igitur pro mandato merces intervenit, jam in aliam formam negotii cadit, ut Trib. hic, nempe aut in locationem conductionem, quum merces certa est, & pecuniaria, d. l.1. §. ult. h.i., aut novum aliud negotium, ex quo in factum agitur, l.22. de præser. verb. Antequam de mandato abeamus, videndum, quid mandatarius præstare teneatur: quæ implexa res est. Nonnulli eum de dolo tantum, & lata culpa teneri, ajunt. Si tibi mandavi, scribit Ulpianus l.8. §. ult. h.i., ut hominem emerer, tuque emisti, teneberis mihi, ut restituas. Sed & si DOLO emere neglexisti, aut si LATIA culpa teneberis: & l.10. pr., Nihil amplius, quam bonam fidem (cui doli tantum & lata culpa opponitur) præstare eum oportet, qui procurat. Idem Ulpianus l.29. pr. inquit, in mandati iudicium tantummodo dolum & dissolutionem negligentiam, hoc est, latam culpam venire. Deique Paulus l.5. §.4. de præser. verb. tradit, si tibi mandem, ut & custodiam mihi præstes, hoc mandatum ex pacto naturam suam excedere. His accedit, quod mandatarius videtur similis depositario, nam & mandatum & depositum beneficia sunt, & utilitatem ejus, qui mandat, aut deponit, unice respiciunt. Nonnulli mandatarium de levi etiam culpa teneri volunt. Ulpianus l.23. de R. J. Constat quidam dolum malum duntaxat recipiunt: quidam dolum & culpam: (levem) Dolum tantum Depositi & Precarii: dolum & culpam Mandatum, Commodatum &c. Nonnulli etiam de culpa levissima. Diocletianus & Maxim. l.13. C. h.i. rescribunt, a procuratore dolum & OMNEM CULPAM, non etiam improvisum casum præstandum esse. Constantinus Imp. l.21. C. eod. responder, Aliena negotia exacto officio gerantur, (loquitur autem de mandato) nec quidquam in eorum administratione neglectum, ac declinatum culpa vacuum est: ubi exacto officio gerere est, se diligentissimum præbere. Apposite Plaut. in Mercat. act.5. sc.2. v.42., Rei mandata omnes sapientes primum pravorti decet. Et quidem merito; nam res mandata non solum fide, sed industria quoque & diligentia curatur, quam is, qui mandat, a mandatario requirit, quamque exhibet ac pollicetur, qui mandatum suscipit, ut non debeat Mandatum, & Depositi jure eodem censi, sed mandatarius proxime accedat ad eum, qui deposito se obulit, hic enim omnia præter casum præstat. Ulp. l.1. §.3. §. ult.

ff. de pos. Nonnulli demum in mandato, ut in commodato, distinguunt, cuius gratia mandatum sit, juxta l. 5. §. 2. & 10., & l. in rebus 18. Ego nunc nihil definio. Rem late excutiet peculiaris Differentio, quæ cum aliis evulgabitur. Solum ajo, tertiam opinionem plerisque omnibus placere. V. Gothofr. ad l. con-
suetud. 23. de R. J.

DE OBLIGATIONIBUS

quasi ex contractu.

TITULUS XXVII.

Post genera contractuum enumerata dispiciamus etiam de iis obligationibus, quæ quidem non proprie nasci ex contractu intelliguntur: sed tamen quia non ex maleficio substantiam capiunt, quasi ex contractu nasci videntur.

1. Igitur quum quis negotia absentis gesserit, ultro, citroque inter eos nascuntur actiones, quæ appellantur negotiorum gestorum: sed domino quidem rei gestæ adversus eum, qui gessit, directa competit actio: negotiorum autem gestori contraria, quas ex nullo contractu proprie nasci, manifestum est: quippe ita nascuntur istæ actiones, si sine mandato quisque alienis negotiis gerendis se obtulerit, ex qua causa il, quorum negotia gesta fuerint, etiam ignorantes obligantur. Idque utilitatis causa receptum est: ne absentium, qui subita festinatione coacti, nulli demandata negotiorum suorum administratione; peregre profecti essent, desererentur negotia: quæ sane nemo curaturus esset, si de eo, quod quis impendisset, nullam habiturus esset actionem. Sicut autem is, qui utiliter gessit negotia, dominum habet obligationem negotiorum gestorum: ita & contra iste quoque tenetur, ut administrationis reddat rationem: nec sufficit talem diligentiam adhibere, qualem suis rebus adhibere solet: si modo alius diligentior commodius administraturus esset negotia.

2. Tutores quoque, qui tutelæ judicio tenentur, non proprie ex contractu obligati intelliguntur, (nullum enim negotium inter tutorem, & pupillum, contrahitur) sed quia sane non ex maleficio tenentur, quasi ex contractu teneri videntur. Hoc autem casu mutua sunt actiones. Non tantum enim pupillus cum tutore habet tutelæ actionem: sed ex contrario tutor cum pupillo habet contrariam tutelæ, si vel impenderit aliquid in rem pupilli, vel pro eo fuerit obligatus, aut rem suam creditoribus ejus obligaverit.

3. Item si inter aliquos communis res sit sine societate: veluti, quod pars per eis legata, donatæve esset: & alter eorum alteri ideo teneatur communi dividundo judicio, quod solus fructus ex ea re perceperit, aut quod fortius ejus solus in eam rem necessarias impensas fecerit: non intelligitur ex contractu proprie obligatus esse: quippe nihil inter se contraxerunt. Sed quia ex maleficio non tenetur, quasi ex contractu teneri videtur.

4. Idem iuris est de eo, qui coheredi familiaræ eriscundæ judicio ex his causis obligatus est.

5. Heres quoque legatorum nomine non proprie ex contractu obligatus intelligitur.

telligitur: (neque enim cum herede, neque cum defuncto ullum negotium legatarius gessisse proprie dici potest) & tamen quia ex maleficio non est obligatus heres, quasi ex contractu debere intelligitur.

6 Item is, cui quis per errorem non debitum solvit, quasi ex contractu debere videtur. Adeo enim non intelligitur proprie ex contractu obligatus, ut si certiorum rationem sequamur, magis, ut supra diximus, ex contractu, quam ex contractu possit dici obligatus esse. Nam qui solvendi animo pecuniam dat, in hoc dare videtur, ut distrabat potius negotium, quam contrahat. Sed tamen perinde is, qui accipit, obligatur, ac si mutuum ei daretur, & ideo conditione tenetur.

7 Ex quibusdam tamen causis repeti non potest, quod per errorem non debitum solutum sit: sic namque definiunt veteres, ex quibus causis inficiando lis crescit, ex iis causis non debitum solutum repeti non posse: veluti ex lege Aquilia, item ex legato. Quod veteres quidem in iis legatis locum habere voluerunt, quæ certa constituta per damnationem cuique legata fuerant. Nostra autem constitutio, quum unam naturam omnibus legatis, & fideicommissis indulsit, huiusmodi augmentum in omnibus legatis, & fideicommissis extendi voluit: sed non omnibus legatariis hoc præbuit, sed tantummodo in iis legatis & fideicommissis, quæ sacrosanctis Ecclesiis, & ceteris venerabilibus locis, quæ religionis, vel pietatis intuitu honorantur, relicta sunt: quæ si indebita solvantur, non repetuntur.

COMMENTARIUS.

PR.Tis. Non semel est dictum, consuevisse Romanos Jurisconsultos particulam, *quasi*, velut improprietas notam adhibere: idque profectum a Stoicis, quos eo nomine ridet Plutarchus *lib. de solert. anim.* Dicuntur ergo obligationes nonnullæ *quasi ex contractu esse*, quia non proprie ex contractu sunt, sed tamen quia non ex maleficio substantiam capiunt, quasi ex contractu nasci videntur. Trib. pr. h. t. Putant vulgo, has obligationes ex tacito consensu nasci, maxime ob locum Pomponii in l. 13. §. 2. ff. commod. Plerumque accidit, ut extra id, quod ageretur, *TACITA obligatio nascatur*, veluti quum per errorem indebitum solvendi causa datur. At Pomponium minus proprie loquutum ajo, nam tacitus consensus veram obligationem inducit, ut societatem, l. 4. pro socio mandatum l. 6. §. 2. l. 18. mand. locationem l. 17. §. ult. ff. loc., & generaliter proditum est, quod tacite in contractibus agitur, id pro expresso haberi, l. 3. de reb. cred. l. 34. de R. J., nisi velis *tacitam obligationem* apud Pomponium interpretari obligationem non veram, sed hætam, & iure utilitatis gratia præsumtam, ut in l. 3. in fin. & l. 4. quib. ex caus. in pess.: quod non veto: & hæc vera est huiusmodi obligationum causa, juris præsumptio; lex enim ex facto licito utilitatis ergo consensum præsumit, ut bene hic Vinnius. Ego in re levi pluribus non immoror.

§. I. Prima Obligationum quasi ex contractu species est, Negotiorum Gestio, de qua Trib. h. §. Hæc ob frequentes, & longinquas Romanorum peregrinationes præcipue introducta est, & utilitate ipsa recepta. (a) Si quis
igi-

(a) Forte relegatio huic quasi contractui originem dedit; relegati enim plerumque sibi subito coguntur abesse, ut nequeant familiam remque suam curare.

igitur absentis aut ignorantis negotia sine mandato utiliter gessit, cum sibi habet obligatum, *h. s. l. 3. de neg. gest. l. 3. de O. & A. Dixi, sine mandato*, inutilis est enim actio negotiorum gestorum, ubi mandatum intervenit; *d. l. 1. pr. de O. & A.* Verum quid est, quod dicitur *l. 22. C. de neg. gest.*, *Negotium gerentes alienum, NON INTERVENIENTE SPECIALI PACTO, casum fortuitum prastare non compelluntur*? Nam potest in negotiorum gestione pacto locus esse? Glossa textum accipit de Procuratore: quam interpretationem ridet Cl. Vir Bynkershoek *lib. 1. Obf. 7.*, quum quia subijcitur ea lex titulo de negotiis gestis, tum quoniam non ut procurator de gestore, sic etiam gestor de procuratore recte potest intelligi, quum procuratoris vox generalis sit, non gestoris. Ridet quoque alteram Glossæ interpretationem, quæ hanc facit ejus loci speciem, *quum viderem, te velle gerere negotia mea, dixi, si contingat te gerere &c.* Sane hoc mandatum est, non negotiorum gestio ex *l. 1. §. 3. l. 6. §. 1. & 2. ff. mand.* Is autem sic textum emendat, *non interveniente speciali pacto*, hoc sensu, negotiorum gestores, etsi casum non præstent, *l. 22. ff. de neg. gest.*, præstare tamen, ubi speciale aliquid faciunt, quod dominus ipse facere non solebat, juxta *l. 11. ff. de neg. gest.* Ego Cl. Viri emendationem, quam laudat & probat Cl. Noodt ad *tit. ff. de neg. gest.*, non admitto, maxime quum libri Basilicorum communem lectionem confirmet; atque hauc esse ejus legis sententiam ajo, negotiorum gestores ad casum non teneri. Ea verba, *non interveniente &c.* me nihil remorantur, nam puto, omnia illa, *Negotium gerentes alienum, non interveniente speciali pacto*, definitionem esse eorum, qui *negotiorum gestores* Jurisconsultis dicuntur; eandemque futuram fuisse ejus loci sententiam, si scripserit fuisset, *Negotiorum gestores casum fortuitum prastare non compelluntur*; nonne enim, si quis interroget, quis sit *negotiorum gestor*, rectissime respondeas, eum esse, qui *negotium gerit alienum non interveniente speciali pacto*, hoc est, *sine mandato*? At eum superfluum sunt illa, *non interveniente &c.* Video, potuisse omitti, sed adjecta non prorsus abundant, & certe distinguunt gestorem a procuratore. At vero gestor de procuratore non dicitur. Non ajuo, sed tamen ajo, *gestoris* quidem nomen hanc usum Jurisconsultorum proprietatem habere, ut nunquam designet procuratorem, non verbum, *gerendi*, quod de procuratore etiam dicitur. En tibi Ulpiani exemplum *l. 33. de procurat.*, *Servum quoque & filiumfamilias procuratorem posse habere ajunt, & quantum ad filiumfamilias verum est: in serve subsistimus.* Et negotia quidem pecuniaria servi posse GERERE aliquem, & hoc casu PROCURATOREM ejus esse, admittimus. Nascitur hinc actio negotiorum gestorum sive directa, & datur domino, sive contraria, & gestori competit, *h. s. Dominus a gestore rationem poscit rei gestæ, & quandoque etiam non gestæ; quod sic Julianus exponit l. 6. §. ult. de neg. gest.* Videamus in personæ ejus, qui negotia administrat, si quædam gessit, quædam non, contemplatione tamen ejus, alius ad hæc non accessit, & si vir diligens, quod ab eo exigimus, etiam ea gessurus fuit; an dici debeat, negotiorum gestorum eum teneri, & propter ea, quæ non gessit? Quod puto verius. Subdit Tribonianus, gestorem ad exactissimam diligentiam compelli reddere rationem, nec sufficere, talem diligentiam adhi-

sis hominibus curandam demandare. Hanc conjecturam firmat Theophrasti Paraphrasis ad hunc locum, Idque utilitatis causa receptum est, ne negotia eorum deferrentur, qui subita & necessaria protectione discent, nemini rerum suarum administratione demandata, peregre profecti sunt, Idem colligitur ex *Trik. pr. h. s. Heines. in Antiq. ad h. t.*

adhibere, qualem suis rebus adhibere solet, si modo alius diligentior eo commodius administraturus esset negotia. Consentit Philippus Imp. l. 24. Cod. de usuris. Non obstat, quod negotiorum gestio solam domini utilitatem spectat, ut depositum; nam hoc sola custodia impletur, illa administrationem quoque, & diligentiam continet. Levissima igitur culpa gestorem non excusat, qui non rogatus aliena negotia suscepit administranda; exemplo ejus, qui se oblitte deposito, l. 5. §. 3. ff. de pos. Interdum tamen in negotiorum gestorum actione dolum solummodo versari, Labeo scribit apud Ulp. l. 3. §. 9. de neg. gest., nam si affectione constans, ne bona mea distrahantur, negotiis te meis oblitus, aequissimum esse, dolum dumataxat te prestare. Contra tenetur dominus in id, quod ei abest, qui utiliter gessit, l. 2. l. 28. de neg. gest. l. 18. Cod. Dixi, utiliter; nam non datur actio ei, cujus inutilis fuit opera, d. l. 2.

§. II. Secunda est Tutelæ administratio; ex qua mutantur actiones sunt predictæ, & pupilli cum tutore, quæ directa est actio, & tutoris cum pupillo, quæ dicitur contraria, b. §. l. 5. §. tutela, de O. G. A. Contrariam tutelæ actionem proposuisse Prætorum, inquit Ulpianus l. 2. de contr. tut. act., ut facillius tutores ad administrationem accederent, scientes, pupillum quoque sibi obligatum fore ex sua administratione; & quamquam sine tutoris auctoritate pupilli non obligentur, nec in rem suam tutor obligare pupillum possit, attamen receptum esse, ut tutori suo pupillus sine tutoris auctoritate civiliter ex administratione obligetur. Tutor autem, etsi ad solam pupilli utilitatem tutela pertineat, tamen & dolum, & latam, & levem quoque culpam præstabit, l. 23. de R. J. l. 7. C. arbit. tut. Quam enim tutela sit munus publicum, diligenter est obeundum, puta ad eum modum, quo sua quisque administrat; & boni civis ratio postulat, ut, nisi velimus in publicis esse diligentiores, saltem æque diligentes simus in publicis, atque in nostris sumus; nam publica quoque nostra sunt.

§. III. & IV. Tertia est rerum communium administratio citra conventionem. Administratio, inquam, non enim, quod plerique putant, ipsa communio quasi contractus est, quam communio nihil sit aliud, nisi commune dominium, hoc est, jus plurium indivisum; sed administratio obligationem parit quasi ex contractu, ut bene observat Schultingius ad Paul. i. sent. 18. §. 5. Dixi, citra conventionem; hoc enim distant societas & communio: hæc incidens societas dicitur, illa irrevocata coita l. 31. 32. & 52. pro ser. Si igitur pluribus eadem res legata donatave sit, & alter eorum alteri ideo repeatur communi dividundo iudicio, quod solus fructus ex ea re perceperit, aut quod socius ejus solus in eam rem necessarias impensas fecerit, non intelligitur proprie ex contractu obligatus, quippe nihil inter se contraxerunt; sed quia non ex maleficio tenetur, quasi ex contracta teneri videtur, ait §. 3. Trib. Quod sic breviter & eleganter expressit Ulp. l. 3. comm. div. In communi dividundo iudicio nihil pervenit ultra divisionem rerum ipsarum, quæ communes sunt, & si quid in his damni datum factumve est, sive quid eo nomine aut abest alicui sociorum, aut ad eum pervenit ex re communi. Idem juris esse, ait Trib. §. 4. de eo, qui coheredi familiæ erciscundæ iudicio ex his causis obligatus est. Facit l. heredes 23. §. 13. fam. ercisc., ubi Paulus scribit, coheredem cum coherede non contrahere, sed incidere in societatem. (6)

§. V.

(b) Arbitratur Salmafus ad Solin. p. 1262. Tribonianum ex male intellectis duabus hisce 12. Tab. vocibus, erctum citum, vocem erciscundæ confuisse. Verum

§. V. Quarta est hereditatis aditio; heres enim, qui legatum debet, neque ex contractu, neque ex maleficio obligatus esse intelligitur, nam neque cum defuncto, neque cum herede contraxisse quidquam legatarius censetur: maleficio autem nullum in ea re esse, plus quam manifestum est, scribit Cajus l. 9. §. 2. de O. & A. ex eoque Trib. §. 4. Agent igitur legatarii, & fideicommissarii actione ex testamento, quæ ex quasi contractu profisciscitur, & ex ipso heredis facto. Secus est, si agant creditores defuncti, nam actiones creditorum hereditariæ sunt, hoc est in heredem transmissæ, ex eademque causa instituuntur, neq; ab herede incipiunt, ut actiones legatariorum, quæ proinde non dicuntur hereditariæ, sed hereditariarum loco haberi. Paulus l. 40. de O. & A., Hereditariarum, inquit, actionum loco habentur & legata, quamvis ab herede cooperint.

§. VI. & VII. Quinta est indebiti solutio, is enim, cui quis per errorem, non debitum solvit, quasi ex contractu debere intelligitur. §. 1. h. s. & d. l. §. 3. de O. & A. Sed hac de re satis dictum ad §. 1. sup. quib. mod. re contr. Illud addo, quod habet §. 7. Trib., ex quibusdam causis repeti non posse, quod non debitum per errorem solutum est; sic namque definiunt veteres, ex quibus causis incipiendo lis crescit, ex iis causis non debitum solutum repeti non posse, veluti ex lege Aquilia, item ex legato. Crescit lis in duplum per insiciationem, quum qui negat simplum, præstare duplum tenetur, ut qui negat damnum in iudicio legis Aquiliæ, aut miserabile depositum, aut legatum religionis ac pietatis intuitu relictum, quas causas late persequar ad §. sed sur. si 26. infr. de ad. Si quid igitur indebitum ex his causis per errorem fuerit solutum, non repetitur. h. s. & l. 4. C. de cond. indeb. Hujus juris ratio vix est, ut facile possit deprehendi. Romanus regulam hanc de eo indebito accipit, quod subtilitate tantum juris indebitum est, quum tamen revera factum id esset, quamobrem deberi videatur. Finge, damnum fuisse datum, quæri autem, jure ne, an injuria datum sit, ut in specie, l. ult. ad leg. Aquil. Finge, etiam

rum obstat Salmastio Apulejus Met. 9. ubi hanc actionem familiæ eriscundæ formulam appellat; & Festus v. erctum, ubi, Erctum citumque sit inter concores, ut in libris Legum Romanarum legitur. Erctum a coercendo dictum, unde & eriscundæ & eriscfi. Citum autem est vocatum a ciendo. 12. Tab. caput hoc est, NOMINA INTER HEREDES PRO PORTIONIBUS HEREDITARIIS ERCTA CITA SUNTO, CETERARUM FAMILIARUM ERCTUM ERCTO NON CITO, SI VOLENT HEREDES, ERCTUM CITUM FACIUNTO, PRÆTOR AD ERCTUM CIENDUM ARBITRIS DATO. Quid est erctum citum? Salmastius erctum interpretatur hereditatem, Gravina idem quod herctum, hoc est, bonum. Expedito, ut præbent, quod asserunt. Jacobus Gothofredus erctum exponit integrum, indivisum, quo etiam sensu videtur Festus scripsisse, erctum a coercendo dictum, quasi coercitum. CIO autem erat dividendo. Donatus apud Servium ad illud Virgilii Æneid. 8.

- - - citæ Metium in diversa quadrigæ

Distulerant, inquit, Citæ, idest, divisæ, ut est in jure, Ercto non cito. Hinc factum Erctisco, hoc est, non divisum dividendo, & actio familiæ eriscundæ, hoc est, hereditatis non divisæ dividenda. Ego suspicor. Unum illud moneo, non posse erctum pro hereditate accipi, alioquin absurda esset ea loquutio, familiam eriscere, nam familia hereditas est. L. III.

etiam, aliquid sacrosanctis Ecclesiis legatum, sed plus dodrante. Si quid eo nomine solum sit, repeti non potest; quoniam enim reus poterat inhucando in duplum damnari, solvendo, etiam si per errorem, dupli periculum evasit, & de se queratur, quod re non satis excussa tam temere non debuit solvit. Videtur ergo super ea re quodammodo transactum fuisse, arg. *l. 1. de pecul.*; quidquid autem transactionis nomine solum est, licet per errorem, condici nequit, *l. 65. §. 1. ff. l. ult. C. de cond. indeb.* Idem respondent Cujacius & Janus 2. Cotta ad *b. §.* & interpretes sese ad unum omnes, neque adhuc verosimilius quidquam ad hunc locum allatum est. Jam quod de legato hic dicitur, verum erat jure veteri in legatis per damnationem, non quia heres id genus legati facilius poterat inhucari, quæ suspicio est Morillii, sed quia heres testamento damnatus non longe abelle videbatur ab eo, quem damnaverat Index, qui si judicatum inficiaretur, duplum præstabat. Constitutione Justiniani, (de qua dictum ad *§. 2. sup. de leg.*) varia legatorum genera sublata sunt, quo factum, ut quod hoc §. de legatis dicitur, de omnibus legatis ac fideicommissis intelligendum sit, modo religionis ac pietatis intuitu relinquantur.

PER QUAS PERSONAS NOBIS

obligatio acquiritur.

TITULUS XXVIII.

4. C. 27.

Expositis generibus obligationum, quæ ex contractu, vel quasi ex contractu nascuntur, admonendi sumus adquiri nobis non solum per nosmetipsos, sed etiam per eas personas, quæ in nostra potestate sunt, veluti per servos & filios nostros: ut tamen quod per servos quidem nobis acquiritur, totum nostrum fiat: quod autem per liberos, quos in potestate habemus, ex obligatione fuerit acquisitum, hoc dividatur secundum imaginem rerum proprietatis & ususfructus, quam nostræ discrevit constitutio (a); ut quod ab actione commodum perveniat, hujus usumfructum quidem habeat pater, proprietatem autem filio servetur scilicet patre actionem moventem secundum novellæ (b) nostræ constitutionis divisionem.

Item

Hunc Titulum illustrat Commentarius ad titulum per quas pers. cuiq. adqu. lib. 2.

(a) Est in *l. quum oportet 6. C. de bon. qua. lib.*, ubi ea peculii adventitii facta partio est, ut ususfructus quatur patri, proprietatem maneat apud filium.

(b) Est in *l. ult. §. ubi autem 3. C. cod. ubi curum est, debere patrem adventitii peculii nomine actiones exercere & excipere, consentiente tamen filio, si in secunda ætate sit constitutus. At Tribonianus novellæ, quia inserta erat priori Codici, qui solus, quum libri Institutionum componerentur, Justinianæ Codex.*

Item per liberos homines, & alienos servos, quos bona fide possidemus adquiritur nobis: sed tantum ex duabus causis, id est, si quid ex operibus suis, vel ex re nostra adquirant.

2 Per eum quoque servum, in quo usumfructum vel usum (c) habemus, similiter ex duabus istis causis nobis adquiritur.

3 Commune servum pro dominica parte dominis adquirere certum est, excepto eo, quod uni nominatim stipulando, aut per traditionem accipiendo, illi soli adquirit: veluti quum ita stipulatur, Titio domino meo dare spondes? Sed si unius domini iussu servus fuerit stipulatus, licet aurea dubitabatur: tamen post nostram decisionem (d) res expedita est, ut illi tantum adquirat, qui hoc ei facere iussit, ut supra dictum est.

Codex erat. Ex ea Constitutione Tribonianum postrema verba l. 39 de V.O. supplivisse, opinatur Janus a Costa ad hunc locum.

(c) Verba vel usum extant apud Theophilum, & in quinque Contii, & septem Charonda MS., ea tamen abesse a vetustis quibusdam libris, monet Accursus, eaque rejiciunt Cujacius, Matthæus, & alii nonnulli, quod non idem sit jus fructuarii & usufructuarii. Fructuarius ex duabus illis causis semper adquirit, usufructuarius non aliter, quam si operis servi utatur in re sua, l. 14. l. 16. §. 2. l. 20. de usu, & habit.

(d) Est in Lult. C. per quas pers. nob. adq.

QUIBUS MODIS TOLLITUR

obligatio.

TITULUS XXIX.

4. ff. 2. 3. 4. 2. C. 42. 43. 44.

Tollitur autem omnis obligatio solutione ejus, quod debetur: vel si quis, consentiente creditore, aliud pro alio solverit. Nec interest, quis solvat, utrum ipse, qui debet, an alius pro eo: liberatur enim & alio solvente, sive sciente, sive ignorante debitore, vel invito solutio fiat. Item si reus solverit: etiam il, qui pro eo intervenerunt, liberantur. Idem ex contrario contingit, si fidejussor solverit: non enim ipse solus liberatur, sed etiam reus.

1 Item per acceptilationem tollitur obligatio. Est autem acceptilatio imaginaria solutio. Quod enim ex verborum obligatione Titio debetur, id si velit Titius remittere, poterit sic fieri, ut patiatur hæc verba debitorem dicere: *Quod ego tibi promisi, habesne acceptum?* & Titius respondeat, *habeo*. Sed & Græce potest acceptilatio fieri: dummodo sic fiat, ut Latinis verbis solet exprigi, *ὅτις λαβὼν ἀπ' αὐτοῦ αὐτὸν; ὅτι λαβὼν*, id est, *tot denarios acceptos habes? acceptos habeo*. Quo genere (ut diximus) tantum ex solvuntur obligationes, quæ ex verbis consistunt, non etiam veteræ. Consentaneum enim visum est, verbis factam obligationem aliis posse verbis dissolvere. Sed & id, quod aliâ ex causa debetur, poterit in stipulationem deduci, & per acceptilationem

Z 2

dissol.

diffolvi. Sicut autem quod debatur, pro parte recte solvitur, ita in parte debet acceptilatio fieri potest.

2 Est autem prodita stipulatio, quæ vulgo Aquiliana appellatur, per quam contingit, ut omnium rerum obligatio in stipulatum deducatur, & ea per acceptilationem tollatur. Stipulatio enim Aquiliana renovat omnes obligationes, & a Gallo Aquilio ita composita est. *Quidquid te mihi ex quacunque causa dare facere oportet, oportebitve, præsent in dicere, aut sub conditione, quarumcunque rerum mihi tecum actio est, quæque adversus te petitio, vel adversus te persequutio est, eritve: quodve in meum habes, tenes, possides, domove malo fecisti, quo minus possideas, quanti quæque earum rerum res eris, tantam pecuniam dari stipulatus est Aulus Agerius: sponditis Numerius Nigidius: (a) quod Numerius Nigidius Aulo Agerio sponditis, id haberetne a se acceptum Numerius Nigidius Aulum Agerium rogavit. Aulus Agerius Numerio Nigidio acceptum fecit.*

3 Præterea novatione tollitur obligatio: veluti si id, (b) quod tibi Sejus debebat, a Titio dari stipulatus sis. Nam intervenitu novæ personæ nova nascitur obligatio, & prima tollitur, translata in posteriorem: adeo, ut interdum, licet posterior stipulatio inutilis sit, tamen prima novationis jure tollatur: veluti si id, quod tu Titio debes, a pupillo sine auctoritate stipulatus fueris: quo casu res amittitur. Nam & prior debitor liberatur, & posterior obligatio nulla est. Non idem juris est, si a servo quis fuerit stipulatus. Nam tunc prior perinde obligatus manet, ac si postea inutilis stipulatus (c) fuisset. Sed si eadem persona sit, a qua postea stipuleris, ita demum novatio fit, si quid in posteriore stipulatione novi sit: forte si conditio, aut dies, aut si decessor adiciatur, aut detrahatur. Quod autem diximus, si conditio adiciatur, novationem fieri: sic intelligi oportet, ut ita dicimus factam novationem, si conditio existerit: alioqui si defecerit, durat prior obligatio. Sed, quum hoc quidem inter veteres constabat, tunc fieri novationem, quum novandi animo in secundam obligationem itum fuerat, per hoc autem dubium erat, quando novandi animo videretur hoc fieri, & quasdam de hoc præsumptiones alii in aliis casibus introducebant: ideo nostra processit constitutio, quæ apertissime definivit, tunc solum novationem prioris obligationis fieri, quoties hoc ipsum inter contrahentes expressum fuerit, quod propter novationem prioris obligationis convenirent: alioqui & manere pristinam obligationem, & secundam ei accedere, ut maneat ex utraque causa obligatio secundum nostræ constitutionis definitionem, quam licet ex ipsius lectione apertius cognoscere.

4 Hoc amplius, ex obligationes, quæ consensu contrahuntur, contraria voluntate dissolvuntur. Nam si Titius, & Sejus inter se consenserint, ut fundum Tusculanum centum Sejus haberet aureis, deinde re nondum sequuta, idem, neque pretio soluto, neque fundo tradito, placuerit inter eos, ut discederetur ab ea emptione, & venditione: invicem liberantur. Idem est in conductione, & locatione, & in omnibus contractibus, qui ex consensu deſcendunt, sicut jam dictum est.

COM-

(a) V. Not. (d) ad Comm.

(b) Cujatius mavult, Si id, quod tu Sejo debeas, a Titio dari stipulatus sis.

(c) Est hoc passivè accipendum pro interrogatus. V. Fabros. ad Theoph.

C O M M E N T A R I U S.

PR.Tis. Enumerantur hoc titulo distrabendarum obligationum modi. Tolluntur autem obligationes vel ipso jure, vel ope exceptionis. Ipso jure tolluntur Solutione, Acceptilatione, Novatione, & Contrario Consensu. Solutionis duplex est acceptio, altera generalis; de qua sic Ulpianus l. 176. de V.S., Solutionis verbo satisfactionem quoque omnem accipiendam placet. Solvere dicimus eum, qui fecit, quod facere promissit: altera particularis & propria, de qua hoc loco Tribonianus, eaque est naturalis rei, quæ debetur, præstatio. Et quoniam ea, quæ debentur, aut genere ipso æstimantur, ut pecunia, aut specie, ut vestis, in his eadem species reddenda est, nam invito creditori aliud pro alio solvi nequit, l. 2. §. 1. de reb. cr. d. nisi in certis quibusdam causis, l. 8. de cond. furt. l. 71. §. 3. de leg. 1. l. 26. §. 2. eod.; in illis satis est reddere idem genus, & etiam si eadem non sit forma, non videtur aliud pro alio solvi, arg. l. 1. de contr. emt. l. 65. §. 1. de V.O. Apposite Senec. 6. de Benef. 5., Pecuniam, inquit, dicimus reddidisse, quamvis numeravimus pro argenteis auro. V. tamen Interpretes ad tit. ff. de reb. cred. Potest tamen alius pro alio solvere, pr. h. t., quo casu debitor liberatur, sive sciente eo, sive ignorante, sive etiam invito eo solutum sit, naturalis enim, eleganter Cujas l. 39. de neg. gest., & civilis ratio sufficit, alienam conditionem meliorem quidem etiam ignorantis, & invito nos facere, posse. Quod vero dicitur, invito beneficium non dari, l. 19 de R. J., id intellige de beneficiis, quæ lege dantur, quibus uti nemo compellitur, l. pen. C. de p. s. Addit denique Tribonianus, reo solvente, etiam eos, qui pro eo intervenierunt, liberari, nam principali obligatione sublata, omnis etiam tollitur accessio, l. 43. de solut., & solvete fidejussore, liberari reunt. Quæ satis expedita sunt.

§. 1. Acceptilatio est verborum conceptio, qua creditor a debitore interrogatus acceptum se se ferre ait, quod sibi ex verborum obligatione debebatur. (a). Eam imaginariam solutionem dicit Tribonianus, & Gloss. iuris rōv εἰρησίου λέγειν, τὸν τὸν μὲν οὐκ οὐδὲν εἰσφέρειν ἢ λαμβάνειν, οὐ μὲν οὐκ ἔχειν, imaginariam acceptiōnem typum duntaxat atque umbram receptionis servantem, non rem ipsam. Dicitur verborum conceptio; constat enim, interrogatione & responsione, unde eam verbis perfectam solutionem appellat Senec. 6. de Benef. 5., ejusque certa erant verba, qualia sunt hæc, quæ in Pandectis memorantur, acceptum ferre, acceptum facere, acceptum habere. l. 6. §. 13. & passim de acceptil. Plinius lib. 2. ep. 4., Quidquid mihi pater tuus debuit, acceptum sibi ferri jubeo. Nec est onerosa ista donatio &c. Inducita est ad verborum obligationem distrabendam. Acceptum fieri non potest, inquit Ulp. l. 3. §. 3. eod., nisi quod verbis colligatum est; acceptilatio enim verborum obligationem tollit, quia & ipsa verbis fit; neque enim potest verbis tolli, quod non verbis contractum est. Præterea non modo solidum debitori, sed & pars accepto ferri potest, l. 9. §. 10. l. 3. §. 2. h. t., nisi res debita natura sit individua, d. l. 1. §. 1. Et non solum Latine, sed & Græce potest Acceptilatio expediri sic, Εἴης λαβὴν δυνάμει τίνα; Εἴυλαμην. h. §. Et quamquam ex jure Civilis hæc unde

(a) Modestini definitionem in l. 1. de accept., passim carpunt Interpretes, & quum primis Vinnius ad h. §. Certe obscura est. V. Cujas. 5. Obs. 36. & Hasom. 3. Def. 18.

unde civilis solutio vocatur, nihil est tamen, cur miretur quisquam, eam Græce fieri, si adeat *Comm. nostrum ad pr. tit. de V.O.*

§. II. Cœpit hæc Acceptilatio post C. Aquilium Gallum satis patere, & ultra verborum obligationes protendi hoc modo. Si quid mihi debeatur ex quacunque causa, id in stipulatum deducam, ita ut ex obligatione verborum deberi incipiat, quod alio nomine debebatur: tum quod cœpit verbis deberi, acceptum feram. *h. §.* Ex eo tempore Acceptilatio juris gentium quodammodo facta est; quia omnes obligationes Aquilii Galli beneficio petemur. Hic est Gallus ille, cujus prudentiam *Populus R. in sacendo, non in desipiendo, semper perspexit, teste Tullio pro Cæcio*: hic ille, qui formulam doli mali excogitavit, quam Cicero *de Off. 3. everriculum* dicit omnium malitiarum; & nepotis postumi, vivo adhuc filio, instituendi, de qua formula in *l. Gallus 29. de lib. & post.* (b) Aquilianam stipulationis formulam hanc adfert Tribonianus, *Quidquid se mihi ex quacunque causa dare facere oportet, oportebit, præsens in diemve: quarumque rerum mihi tecum abio, quoque adversus te petitio, vel adversus te perquisitio est erigere: quodve tu meum habes, tenes, possides, dolo malo fecisti, quominus possideas: quanti quoque earum rerum res erit, tantam pecuniam dari stipulatus est Aulus Agerius, spondens Numerius Nigidius.* (c) Hoc est prius formulæ membrum, quo omnia debita in verborum obligationem transeunt. Quod (d) Numerius Nigidius Aulus Agerius spondens, id haberesne a se acceptum Numerius Nigidius Aulum Agerium rogavit. Aulus Agerius Numerio Nigidio acceptum fecit. Hoc est posterius membrum, quo Acceptilatio continetur.

§. III. Novatio, desinente Ulp. *l. 1. de novat.*, est prioris debiti in aliam vel naturalem, vel civilem obligationem transfusio, atque translatio. Bisariam contingit, aut interveniunt nova persona, ut loquitur Trib.; id est, delegatione debitoris, aut eodem manente debitore. Prioris generis exemplum est,

Si

(b) Lepidum est, quod Merillius habet ad *h. §.*, hujus stipulationis auctorem fuisse Gallum, ut inde sciant Galli, Romanos quandoque a Gallis iuristi prudentiam accepisse. Sunt, qui hinc Aquilio tribuunt Plebiscitum illud, quod Lex Aquilia dicitur. Male, neque enim constat, eum fuisse Tribunum Plebis, nec Legi Aquilia coævum; imo ejus Legis interpretes perhibentur Brutus, & Mucius Scaevola Aquilio ipso antiquiores, *l. 27. §. 22. & l. 39. ff. ad l. Aquil.*

(c) In concipiendis formulis Romani certa quadam nomina usurparant, ut *Mavli, Titii, Caj, Sej, Sempronii, Agerii, Nigidii &c.* *l. minor 41. §. 2. de usur. tit. 2. Collat. Leg. Mosaic. & Rom. 6. Philosophi quoque certa habere nomina, ut Socratis, Dionis, ac Theonis, quod confirmat Cujac. *l. 1. Obs. 12.* auctoritate Plutarchi & totis *humaniorum* quest. 30. Dionis mentio habetur etiam in *l. 33. §. ult. de usu, & abuse leg. & l. 13. §. 1. de reb. dub. V. Alcian. 1. Parerg. 26. & Gl. Bykersf. 1. Obs. 22.**

(d) Apud Theophilum, ut veteres nonnullos Comii libros est, Item ex diverso Numerius Nigidius interrogavit Aulum Agerium: Quidquid tibi hodie de per Aquilianam stipulationem spondendi, id omne habesne acceptum? respondit Aulus Agerius: Habeo, acceptumque tuli. At præfero vulgatam, quam confirmant D. Verbum, QUOD, solenne fuit olim in formulis ætium, exceptionum, stipulationum &c. *Fab. lib. 6. c. 8.*, Colaphum, inquit, tibi ducam, & formulam scribam, Quod caput durum habes, Paulus apud *Aut. Collat. loc. cit.*, Quod Auli Agerii pugno mala percussa est: ad quem locum, *av. Pisthæum.*